


BOSTON
MEDICAL LIBRARY
8 THE FENWAY

INSTITUTIONES
PATHOLOGIAE
MEDICINALIS

AUCTORE
H. D. GAUBIO.




AD EDITIONEM TERTIAM EDIDIT

CVM ADDITAMENTIS

IO. CHRISTIAN. GOTTLIEB
ACKERMANN

MED. DOCT. ET PROF. ALTORFIN.




NORIMBERGAE

APVD E. C. GRATTENAUERVUM.

MDCCLXXXVII.

8. A. 166.





L. S. D.
E D I T O R.



um pathologiam elapso anno auditoribus meis traderem, tertia institutionem pathologiae medicinalis, a GAUBIO, viro summo, conscriptarum editio plurimo studio, ad frustraneo, in celeberrimis Germanorum bibliopoliis quesita ab auditoribus est. Eamque ob causam rogavit me bibliopola, qui sumtus ad hanc editionem suppeditavit, ut efficerem, ne inopia utilissimi libri medicinae studiosi in Germania diutius laborarent, tertiamque hanc atque recentissimam et pluribus accessionibus a b. Auctore atque HAHNIO locupletatam editionem recudi curarem. Gratissimum etiam id fore auditoribus meis intellexi. Indequae spero, non ingratos Tibi etiam fore, Benevole Lector, hos labores

meos qualescunque, quos in tertia GAUBII editione in lucem emittenda impendi *).

Eo autem in hac editione adornanda inprimis respexi, ut textum accurate exhiberem, qualem GAUBIVS, et post eum Clarissimus vir, IOANNES DAVID HAHN dederant. Hinc in ipso textu, praeter capituli de analysi corporis humani chemica inscriptionem aliam, quae commodior mihi visa est, nihil penitus mutavi. Addidi autem quaedam, quae necessaria visa sunt, ut hae institutiones pathologiae, perfectissimae hactenus omnium, quotquot prodire, tyronibus utiliores euaderent.

Multa quidem in hoc opere mutari potuissent, imo forte et debuissent. Complures pathologicae doctrinae connexae admodum, nimis separatae, atque quae conjunctim tractari debuissent, seorsim pertractatae; solidorum praesertim atque fluidorum morbi tali fere modo enarrati, quasi vix multa, aut saltem non tanta, quanta vere existit, inter utrosque connexio intercederet; mechanica, chemica principia nimis copiose, nec ubiuis congrue satis stabilita et ad corporis humani aegritudines applicata, textus variis in locis correctionem atque mutationem quandam non tulissent

*) Prodiit haec editio Leidae Batavorum, apud Samuel. et Io. Luchtmanns. 1781. in 8vo.

fissent solum, verum requisivissent forte. Multa praesertim in doctrina de fluidorum morbis, plurima vero in capitulo de morbofis humorum acritatibus mutanda fuissent, quaedam etiam in capite de solide vini morbis. At omnia perpendens, magis probaturos lectores labores meos credidi, si in ipso textu nihil mutarem. Quedam enim vix alio modo mutari potuissent, nisi ordinie aliorum pertractandarum recepto, alia non, nisi integris capitulis ad temporum nostrorum doctrinam mutatis. Aliis incertis sine dubio, nova, verum, si non aequae incerta, saltem nondum extra omne dubium posita, substitui debuissent.

Addidi vero plura. Alia illustrando Auctori inseruientia, ubi obscurus nimis videbatur, eaque parca admodum, alia, quae recentiorum industria atque in experimentis atque observationibus felicitas detexit, inuenit, illustravit, amplificavit, ex parte etiam confutavit, eaque prioribus longe copiosiora. Receptas ab Auctore doctrinas ubique servavi, quibus, si dubiae videbantur, recentiores, credibilioresque intexui, addidi. Plura, fateor addere potuissem. At opus erat, ut praelectionibus plurima reseruantur. Multa etiam, quae medicam doctrinam nostri temporis ingressa sunt, nondum penitus evicta, neque talia sunt, ut tyronibus ceu certa atque indubitata proponi possint, et haec commodius in praelectionibus propo-


VI PRAEFATIO EDITORIS.

nuntur, exponuntur, confutantur omnia. Habent praeterea hi GAUBII labores consummatissimi atque politissimi id, quo omnia alia pathologicae scientiae compendia et alius cujuscunque scientiae medicae plurima superant, ut tot pondera in iis, quot verba sint, nec addi plurima possint, quoniam omnia, quae in compendio doctrinae cujusdam dici debent, ab Auctore jam dicta sunt. Sic in capite etiam de morbis solidi viui, recentiorum industria tantopere illustrato, si vocum non confusionem, sed alias, quas iis adjunxit Auctor, ideas detrabis, vix certa multa erunt atque doctrinae pathologicae compendio accommodata, quae desideres.

Ut autem lector, quae GAUBIVS dixit, et quae ipse addidi, distinguere possit, curavi, ut mea literarum formis a textu diuersis imprimerentur. Nec numerum paragraphorum ullo modo mutavi, curavi autem, ut correctus et a typographicis erroribus, quantum fieri potuit, immunis liber prodiret.

Caeterum ubi intellexero hunc laborem commodi atque exoptati usus lectoribus esse, mihi gratulabor admodum. Dabam Altorfi, d. 5. mens. Jul. 1787.





JOHANNES DAVID HAHN

LECTORIS.

HIERONYMUS DAVID GAUBIUS, Vir et nominis et meritorum amplitudine illustris, III. Calend. Decembris proximi, ex hominum conspectu decessit, memoria nunquam excidet. Hujus Viri mors etsi non potest praematura dici, (sexto enim post septuagesimum aetatis anno, publici in Academia Batava muneris quinquagesimo obiit,) fuit tamen inopinata, cum animi corporisque firmitas, quam anni et labores perparum in eo minuerant, atque perpetua vitae modestia spem fecissent concessae nobis divina clementia in aevum nestoreum tanti boni possessionis; — fuit praecipitata, adeo ut etiam intestatus abierit, siquidem febris tritaeophyes vegetum Senem ex improvviso adorta, initiali lenitate sefellit, mox in leipyriam versa, expugnata etiam mentis arce, brevi acutorum morborum spatio, oppressit; — fuit denique ad dolorem acerbissima, non tantum Proximis, Familiaribus, Amicis, mihi que nominatim, qui in eo uno colendo patriam sanctitatem ab ineunte aetate habui constitutam, sed etiam Academiae, Urbi, Principibus Reipublicae Viris, innumerabilibus omnium ordinum ac locorum hominibus, qui consilio ejus et explorata

sapien

sapientia maxime confidebant — Medicinalium vero artium Cupidis ac Studiosis non modo luctum attulit, sed etiam detrimentum et iacturam rei litterariae. Praeterquam enim quod semper durum est, tanto Doctore ac Lumine orbari, cui neminem ex parte academica anteponendum, paucos comparandos habemus, erat etiam magna apud omnes expectatio fructuum ex litteratissima senectute et plena scientiae ac iudicii maturitate percipiendorum; praesertim postquam publici in Academia muneris vacationem nactus, vi nulla interpellante poterant ea considerare et tractare, quorum usum omnibus voluptatibus anteponebat; horum autem pleraque ejus erant generis, ut ad artium ac doctrinarum utilium amplificationem tenderent. Nec sane dubium est, quin, si votis nostris annuisset Numen eumque inter homines diutius sivillet morari, dona quaedam litteraria in usum publicum elargiturus fuisset. Nolebat enim committere, ut otium, quo fruebatur, utilitati publicae, cui se devoverat, multum detraheret. Itaque nec recusabat inter ferias seniles, quo minus vel adiretur a Consultatoribus vel ipse adiret aegros, nec studia litterarum intermittebat, neque animum erga Medicinae Cultores benevolentissimum, quem semper habuit, elanguescere patiebatur. Atque hanc suae voluntatis constantiam eo maxime declaravit, quod cum nova Institutionum Pathologicarum editio flagitaretur, libri hujus non modo recognoscendi sed perpoliendi augendique laborem extremo vitae anno lubens suscepit. Utinam perficere ipsi licuisset!

licuisset! Multum certe lucrata esset Respublica medicinalis, et permultum ex moerore meo esset diminutum, quem quippe recens chartarum quiescere non sivit, et praefandi necessitas cum maxime renovat atque auget. Quae res duae, si ex opera impendenda aestimentur, admodum leves facilesque sunt, si ex mea voluntate, prorsus nihili; sed ea est imbecillitas mea, ut cogitare de amisso Avunculo nequeam, nedum scribere, quin animi corporisque commotionem consilio et actioni adversariam in me experiar: cui superandae nescio an unquam par sim futurus, nunc me impari esse confiteor, ideoque ea tantum, quae, ad hunc librum pertinent, cum differri nequeant, brevissime exponam; caetera, de quibus scio Viros quosdam clarissimos et multum me disertiores brevi dicturus esse, praeteribo, praesertim quoniam nec locus hic satis est aptus, nec ego Manuscriptorum a diligentissimo Sene relictorum rationem, quam multi a me jam postularunt, reddere possum; quorum quippe copia mihi nondum data est.

Cum ergo illustria GAUBII facta sunt plurima, tum vero nullum est vel fama celebrius vel re utilius, quam Systema Pathologicum, quod anno 1758. edidit. Erat antea in Pathologicis BOERHAAVIUM ducem secutus. At vero magni hujus Viri quanquam summus et admirator et imitator semper fuit, doctrinam tamen de morbis, diu multumque meditatus commentatusque, non satis ad usum activae Medicinae comparavi

esse intellexit. Habet enim quendam praecisionis et abstractionis logicae quasi excessum, ostenditque Auctorem *simplex*, quod dicere solebat, *veritatis sigillum*, latiore, quam par est, sensu sumfisse; siquidem arte quaesita simplicitas non semper simplicitati Naturae veritatisque respondet, et theoreticam inter atque practicam simplicitatem plurimum interest. Adhaec multae post mortem BOERHAAVII et magni momenti res, ad cognitionem Naturae humanae pertinentes, detectae demum sunt, et praecipue, quae vitam, motum, sensumque efficiunt, vires accuratius exploratae. Itaque GAUBIUS, auctoritati Praeceptoris nihil detrahens, sed perpetuo ejus edito de propaganda et perficienda arte parens, sui et officii et fidei esse duxit, curare, ut Pathologia reformaretur. Atque hoc consilium, veritatis et utilitatis publicae causa initum, ita est exsecutus, ut ejus institutiones consentientem omnium de rebus medicinalibus bene judicantium laudem meruerint, et incorrupta etiam severissimorum Censorum voce omnibus omnium aetatum scriptis in hoc genere superiores habitae sint et magna cum commendatione celebratae.

Dehinc GAUBIUS noster inter *Auctores classicos* esse coepit, et hic ejus liber in plerasque Medicorum Scholas introductus, Docentium pariter ac Discipulorum studiis inserviando, ita se approbavit, ut maximam apud omnes auctoritatem habeat, et ad eum, tanquam ad oraculum Hippocraticum, saepissime soleat provocari. Estque pro-

profecto ex raris libris unus, quem qui legunt, quo peritiores sunt rerum ac scriptorum usu, hoc magis admirentur. Quam multa, quam paucis! Nec tamen Lectorem laboriosa fatigat brevitate, nec nihil ei relinquit, quod per se velit intenta mente eruisse. Neque vero verbis minus quam rebus placet. Quem proinde Tirones si modo necessariis ad percipiendam Pathologiam artibus informati fuerint, haud difficulter intelligunt, et ipsi artis Magistri avida resumunt manu, nec repetita saepius lectione saturitatis molestiam experiuntur.

Hoc igitur opere edito cum Rempublicam litterariam, tanquam divino beneficio, affecisset, sibi tamen haudquaquam satisfecit, passusque est in praefatione ad secundam editionem, licet emendatam et locis aliquot auctam: *lacunas in suo systemate multas magnasque esse, passim etiam nonnulla rescindenda sibi videri, si ad hunc laborem redire daretur.* — Rediit, sed paullo serius quam oportuisset, ut summam propositi promissique compleret. Neque enim facilis erat labor, nec sane jucundus, praesertim cum cavere vellet, ne ordinis ac sectionum immutatione molestiam faceret illis, qui hoc libro diu sunt usi, aut in ejus interpretatione adhuc versantur. Accidit etiam huic Viro, quod magnis ingeniis familiare est, ut multo ante meditaretur quam scriberet, nec anxie praepararet, si quid edere destinaverit, sed ubertate sua confisus impetum expectaret, quem temporis rerumque necessitas cieat. — Ita factum est,

est, ut absolutionem operis mors anteverterit, quae quippe in recognoscendis corrigendisque chartis occupatum sustulit, cum operae ad p. 236. (*edit. nostrae*) pervenissent. Reliqua, quibus extremam manum non admoverat, ego ad fidem codicis, quo in praelectionibus uti solebat, typis exscribenda curavi; ideoque nihil habent, quo a priorē editione differant, praeter levissimas et perpaucae interpolationes, ab ipso Auctore in textu notatas. — Etenim nefas esse duxi, vel adjicere quidquam vel detrachere. Quanquam non est ignotus mihi Auctoris sensus, quo nonnulla, ut paullo ante dixi, a se rescissum forsā iri scripserat. Sunt enim quaedam ingenio magis ac sermonibus quam usui accommodata. Sed haec cum numero pauca, tum minime, ut opinor, supervacua sunt; siquidem de rebus, quarum non est certa scientia docte et probabiliter differere, haud infima Medici laus est, et ad ipsas morborum curationes quandoque etiam multum valet. — Quodsi forte loca quaedam, in posthuma huius editionis parte, non omnino consonare illius, quae Auctor in priore inmutavit, acute cernentibus videantur, facile ad huius normam exigī et emendari poterunt. — Gravius hoc est, nec sine doloris sensu memorandum, quod spem Auctarii mors frustrata sit. Etsi enim in praefatione secundae editionis de Auctario negavit se cogitare, posterioribus tamen curis ejus et necessitatem agnovit et expectationem nobis fecit. Non loquor de Semiotica, nobili Pathologiae parte, quam pariter ac caeteras magno studio et labore excoluit, cujus

ejus eximia in lectionibus publicis specimina ante multos annos dedit, habuitque plenius elaborandae propositum; a quo tamen postea averfus fuisse videtur. Sed alia sunt, cum hoc instituto proxime conjuncta, quae cum in prioribus editionibus omissa essent, huic deesse nolebat. Desiderantur enim praeter alia Februm et inflammationum theoriae, quarum accessione, dubium non est, quin nos locupletasset, si in recognitionis opere progredi usque ad loca his titulis apta ipsi contigisset. Hanc ergo lucri litterarii spem, morte nobis ereptam, dum graviter dolemus, utpote rei medicinalis haud levem jacturam, consolari nos debet recordatio multorum magnorumque bonorum, quae ab ipso profecta sunt, quibus etiam innumerabilium ejus Discipulorum opera per omnes orbis terrae partes disseminatis, cum nostra aetas fruitur, tum posterum gaudebunt. Atque hic liber, tametsi vota et voluntati Auctoris non ex toto respondet, pulcerrimum est firmissimumque GENII GAUBIANI monumentum, ad perpetuandam excellentis Viri et disciplinam et gloriam, marmore et aere valentius. *Lugduni Badavor.* Calend. Julii MDCCCLXXXI.





AUCTORIS PRAEFATIO
AD EDITIONEM SECUNDAM.

AUDITORIBUS SUIS
H. D. GAUBIUS.
S. P. D.

*Q*uo vobis animo primam hujus opusculi editionem obtuli, eodem et alteram nunc offero dicoque, curis secundis utcunque emendatiorem et paucis aliquot locis auctam. Debuisset, fateor, magis expolita prodire; ut qui agnoscam ipse non uno vitio laborare. Obscuritatem certe intulit materiae concisa dictione exponendae multitudo, plurimaeque facile fuisset interferere, quae lumen adhiberent. Sed voluminis rationem in enchiridio, ad institutionis domesticae usum destinato, habendam esse, quis non intelligit? Eoque magis, cum viva auctoris vox illustrationem promittat. Illud gravius videri possit, quod lacunas mei systematis bene multas magnasque, quasi non viderim, explere praetermissi. Equidem vidi et cum maxime video, nec inficior plura me silentio praeteriisse, in quibus Pathologi plerumque exercere ingenium solent; alia dubitanter proposuisse, quae tanquam certa assu-

mun-

muntur; alia in medio reliquisse, de quibus cum inter Doctores controversia sit, sententiam dicere oportuisset; multoties denique, cum enodatio requiri poterat, confessionem ignorantiae pro ratione attulisse. Quae si vos, optimi Auditores, si ceteros, qui forte fuerunt, lectores meos offenderunt, non tam remedium quaero, quam justam excusationem in promptu habeo.

Nimirum, quod vobis saepe dixi, quia dicendum est saepius, repeto, existimare me, quidquid in Pathologia, i. e. in status morbofi hominis Theoria docetur, ejus aliquam debere in Praxi, quam vocant, Medicinali esse utilitatem, qua cognoscendi curandique morbos ratio perficiatur; nec idcirco ad medendi artem, ex se nimio latius patentem, temere esse referenda, quae nihil ad eam pertineant. Neque hoc solummodo: sed multo etiam magis in eo elaborandum esse, ut ejusmodi tantum proponantur theoremata, de quorum veritate per fideles observationes legitimumque ratiocinium, sola Medicinae Dogmaticae fundamenta, liquido constet; atque adeo exulent, quaecunque incerta, dubia, fallacia, ex mera hypothese ducta, certam parere scientiam nequeant; saltem pro talibus modo, qualia revera sunt, nec ultra pretium suum venditentur. Novi equidem ista saepenumero credulae juventuti perplacere, avidè arripi, mordicus teneri, maxime cum ingeniose conficta, dextre perpolita, scientifica, ut ajunt, methodo, aut persuasoria elocutione confidenter a Doctore exponuntur. Scilicet pulcrum est rerum quarumvis reddere rationem posse, nodos difficiles ingenii acumine solvere, locis obscuris,
ubi

ubi prudentia, errorem aut praecipitium metuens, timido pede incedit gradumve sistit, solem quasi manibus gestare: pulcrius etiam, quae sensum aciem caetaeque rationis solertiam fugiunt, naturae arcana coniecturis et quadam veluti divinatione explicare, ut qui per somnium detegat, quod vigilantibus incombrensibile sit: pulcherrimum denique, systema concinnare atque apponere totum teres, rotundum, omnibusque numeris absolutum, in quo tirones nihil non exaequatum inveniant. Laudarem et ego, si morbi opinionum commentis cederent; si quo loquacior Medicus, eo perfectior esset, si ad hypothesin sese natura flecti fingique sineret, saltem ferenda putarem, si sola Medicum contemplatio faceret, neque cum Praxi Theoria aliquid haberet commune, suisve erroribus, sibi servatis, morborum curationes non contaminaret. Verum nimis profecto manifestum est, quamplurima, nec parvi momenti, mala ex hoc fonte in artium praestantissimam invehi. Quodsi tristissimas mecum reputo, quae ex incauto pertinacique hypothesium atque falsorum dogmatum usu in facienda Medicina profluunt, consecutiones, tot sanitates perverso regimine pessumdatas, tot morbos incongrua medicatione in longum protractos, tot illatas mortes; non sine animi dolore quandoque dubius haereo, plus ne emolumenti, an noxae, humano generi medendi scientia afferat. Sed mitto haec, ne ejus osoribus nimio plus instructis arma ministrem. Illud autem hujus loci est meique muneris, ut vos moneam, dum in Academia, tanquam in doctrinarum emporio, versamini, quam quisque sibi studio ac labore comparet, suppellectilem non tam multitudine rerum, quam soliditate
et

et ad usum praestantia, esse aestimandam; ne domum reduces impedimenta potius, quam instrumenta ad operis tractationem vobis ad manum esse doleatis. Praeterquam enim quod valde injucundum sit ex iis, quae magni pluri in amorum industria ibi paraveris, nullos percipere fructus oleumque et operam perdere, est et plerisque perdifficile, quae adolescentes didicerint, aetate maturiore dediscere. Quo fit, ut, posito tandem tirocinio, Praxin ineuntes ad falsa futiliaque, quibus imbuti sunt, theoremata, tanquam ad saxum, adhaerescant, acriter ea defendant, caecique ad experientiae lucem, nec argumentorum pondere mobiles, rerum peritis garrulitate sua risum, arrogantia etiam indignationem moveant. Hi tamen veniam merentur atque miserationem. Sed quam probabilis exaesationis specie infidi illorum duces, quam sibi imputare debent, istius sortis culpam abstergeant, ipsi viderint. Utinam et ars id genus artificum peccata luere non cogeretur. Etenim, ne dicam in contemptionem, qua satis superque laborat, adduci, damnosius hoc est, quod masculum illud observandi studium, veteribus tantopere excultum, a quo cum inter initia deducta et deinceps aucta est Medicina, tum hodieque incrementa capere ac perfici debet, tanto fere magis frigescat, quanto ratiocinatorum ejusmodi fervidior est ad argutandum pruritus atque in fingendis hypothesebus licentia effrenatior. Animus quippe, suis ipse commentis pollens, extraneo sensuum ministerio facile caret negligitque adeo nimis operosam naturae explorationem; aut praeceptis oculo fugitivo observata ratione statim inventa explicanda sic sibi commode satisfacit; alias et praejudicata captus

* *

opinione

opinione phaenomena, nec quomodo sese habeant, curiose inquirit, nec omnia et singula notat, sed ex multis illa tantum, quae hypothese faveant, praecoxve ratiocinium confirment. Quae res cum universae scientiae incredibiliter officit, tum vero inprimis impedimento est ad perfectionem historiae morborum, quam uti Theoria artis rationalis integerrimam desiderat, ita qui lacunas ejusdem opinionibus explere non verentur, cum et incerta pro certis interserant, et naevis fucoduntaxat testis, falsa absoluti operis persuasione stimulum ad ulteriores conatus obtundant, duplici calamitate proprium fundum afficiunt.


Neque hic malorum finis est. Perspicaciores alii, postquam a contemplatione ad res tractandas sese contulerunt, serius oculus disciplinae suorum magistrorum vitia quidem animadvertunt atque cordate adjiciunt; non omnes tamen ea, qua decet, prudentia et moderatione. Videas certe, qui cum in sua et quibusvis aliorum Theoriis inutilia, dubia, falsa inesse deprehendunt, inconsiderate mox clamitant, nullam dari Medicinae Theoriam, quae fidem mereatur, inutiles igitur omnes esse, frustra aut deperari, aut adhiberi: artem enim rationalem, quae salutifera sit, jactari quidem, neutiquam existere. missisque adeo Theoriis Εμπειρία acquiescendum esse, quae viam monstret tutiorem. Dissimulant hi, aut ignorant, inter multiplices Theorias vix unam esse tam omni ex parte falsam, ut non aliquid veri habeat; in eo maxime peccari, quod certis incerta misceantur, et quae nonnullis modo morborum generibus competunt, ultra quam par est, extendi ceterisque omnibus
perpe-

perperam accommodari. Triticum itaque, quod a lolio duntaxat repurgandum erat, barbaro impetu una cum hoc evellunt, et cum recolere deberent, quantos Theoria progressus inde ab institutione Medicinae rationalis ad nostra usque tempora continuatis clarorum virorum laboribus fecerit, acceptique beneficii memores suis ipsi conatibus incrementum ulterius promovere, partis recusant bonis frui ac repudiatis veluti, quae offeruntur, frugibus, quia glumis et furfuribus obnoxiae sunt, ad glandes malunt reverti. Longe sapientius est, quod suo iam tum aevo Corn. Celsus iudicium interposuit, cum de rationalis et empiricae artis sectatorum dissensione ageret: neque profecto credibile est, praestantissimos illos veteris Ἐμπειρικοὺς professores, si cum maxime ad vitam redirent, aliter fore sensuros. Tanto igitur imprudentius videri consilium debet recentiorum, qui hodiernam Theoriam, tot fultam adminiculis, tot incrementis auctam, cum Ἐμπειρικοῖς commutandam esse contendunt. Quodsi enim temerariae vulgarium Empiricorum, id est agyrtarum, turbae sese addicere in animo habent, quid probrosius? Si vero Empiricem rationalem excolere, quae experientiae ita rationem adiungat, ut cuiusvis generis doctrinarum, quae lumen afferre queant, apparatu ad iuta, ex certis curateque factis experimentis et observationibus casti ope ratiocinii, eliciat, quaecunque ad rem Medici pertinent, quid magis ridiculum est, quam nomine solum mutato eandem proponere disciplinam, quae nobis sano sensu Theoria audit?

Sed taediosum foret et ab instituto meo alienum isti materię diutius immorari. Neque enim alio

haec in medium protuli, nisi ut illud primum intelligeretis, Theoriam opinionum commentis consarcinatam fucoque hypothesum expolitam, etsi specioso habitu incautis arrideat, non solum usu carere, sed multis etiam modis cum arti, tum artifice, obesse, dein et hoc, quamobrem, quod initio lacunosum vobis systema proposui, nunc denuo sui simile, neque completius, exhibeam. Equidem candide dicam, plura me indies, dum in artis usu versor, dediscere, quam discere, et crescente aetate minui mihi potius, quam augeri scientiam, tantumque abesse, ut de auctario cogitem, ut etiam, si ad hunc laborem redire unquam dabitur, nonnulla forsitan a me recisum iri credam. Valete! D. Leidae Batav.
C1D1DCCCLXIII.





OPERIS ARGUMENTA.

INTRODUCTIO ad PATHOLOGIAM.	
De disciplina medica.	<i>pag.</i> I
PATHOLOGIA.	10
PATHOLOGIA GENERALIS.	
De natura morbi.	11
De causa morbi.	19
De symptomate.	32
PATHOLOGIA SPECIALIS.	
De naturis singulorum morborum.	48
Morbi simpliciores.	50
Partes, quibus humanum corpus constituitur.	52
Morbi partium solidarum simpli- cissimi.	62
Morbi solidi vivi.	71
Morbi solidorum continentium.	83
Morbi solidorum instrumentarii.	98
Morbi fluidorum.	135
Morbi cohaerentiae in humoribus.	137
Acritates morbosae humorum.	146
Morbi humorum ex vitiata flui- di cum spisso cohaesione.	159
** 3	Mor-

xxii OPERIS ARGUMENTA.

	<i>pag.</i>
Morbi humorum singulorum.	162
Chyli vitia.	ibid.
Lactis Dyscrasiae.	167
Sanguinis affectiones.	169
Succorum secretorum vitia.	188
Morbi humorum relativi.	201
Quantitas humorum vitiosa.	ibid.
Fluida loco aberrantia.	209
Motus vitia in humoribus.	217
Morbi compositi.	225
De potentiis nocentibus.	227
De nocivis atmosphaere potestatibus.	228
Noxae ex cibo et potu.	248
De intempestivo remediorum usu.	267
De potentiis, quae virus habent.	271
Errores in motu animali.	280
Damna ex posituris et motibus singularibus.	289
Exercitationes mentis immodicae.	293
Vis noxia animi perturbationum.	297
Excessus somni ac vigiliarum.	303
Excretio ac retentio inordinata.	307
De calculi origine et nocumentis.	315
Potentiae morbificae animatae.	321
De ceteris, quae forinsecus admota obsunt.	328
De Seminiis morborum.	334
Semia morborum naturalia, communia.	335
Semia morborum naturalia, propria.	336
Semia morborum, quae praeter naturam sunt.	339
De	

De differenti causarum morbificarum constitutione.	342
Vires naturae medicatrices.	347
De symptomatibus singulatim.	356
Qualitates sensibiles alienatae.	358
Excretorum vitia.	363
Actiones laesae.	364
Sensationes molestae ex morbo.	365
Dolor.	366
Anxietas.	373
Exercitationes sensuum laesae.	378
Tactus symptomata.	379
Gustus symptomata.	381
Olfactus symptomata.	383
Auditus symptomata.	385
Visus symptomata.	390
Laesiones sensuum interiorum.	401
Delirium.	402
Motricis facultatis symptomata.	408
Spasmus.	409
Paralyfis.	413
Somni affectiones.	415
Symptomata motuum vitalium.	419
Respirationis symptomata.	ibid.
Symptomata motus cordis.	428
Symptomata pulsus arteriarum.	430
Symptomata actionum naturalium.	435
Appetitum naturalium laesiones.	436
Actiones laesae primarum viarum.	440
Vitia mictionis.	452
Vitia excretionis cutaneae.	458
	Sym-

xxiv OPERIS ARGUMENTA.

	<i>pag.</i>
Symptomata functionum sexus.	459
Sexus virilis actiones laesae.	ibid.
Sexus foeminei symptomata.	462
De ordinandis morborum differentiis.	469
Differentiae morborum accidentales.	471
Differentiae morborum ab origine.	472
Differentiae morborum a sede.	479
Differentiae morborum a cursu.	482
Differentiae morborum a gradu.	485
Differentiae morborum ab indole.	487
Differentiae morborum ab eventu.	489





INTRODUCTIO

AD

PATHOLOGIAM.

De Disciplina Medica.

I.

VITA, Sanitas, Morbus, Mors, stadium medicum Naturae humanae in hoc terrarum orbe absolvunt.

2. Priores duae conditiones (1) Medicis secundum naturam dicuntur; cum iisdem frui dulce sit: praeter, aut contra naturam reliquae, illis oppositae, illaetabiles, quas ideo averfamur.

3. Utrumque tamen genus (2), pro latiore vocabuli *Natura* significato, naturale est, et suas quodque agnoscit causas viresque physicas, determinatas, quibus nascitur, durat, viget, minuitur,

A desi-

definit, secundum cujusque diversitatem alias atque alias, etiam contrarias, tum homini insitas, tum a foris advenientes.

4. Mens quidem humana, vi commercii, quod cum suo corpore habet, multa et voluntate conscia, et caeco instinctu, operatur, quae vitam ac sanitatem juvant, morbisve aut morte illatis opprimunt.

5. In corpore etiam, pro partium, ex quibus coaluit, mixtione, cohaesione, fabricatione, compositione, animatione, *viribus*, inest et inertia, et mobilitas, et mutabilitas, et incitatio, *et oppressio*, et conspiratio; unde aliae atque aliae tam salubres, quam insalubres, causae jugiter enascuntur.

6. Versatur praeterea, homo inter res naturales, innumeras, diversissimas, sua singulas agendi potestate praeditas, multumque perpetuo variantes, quarum aliis carere, alias evitare, aut pro arbitrio sibi accommodare semper non potest. Hae vero sive intro deveniant, sive foris admoveantur, pro sua quaeque materie, virtute, concursione, successione, corpus, perque corpus mentem aliter atque aliter afficiunt, internas
natu-

naturae humanae vires (4. 5.) diversimode determinant, incitant, opprimunt, in rectum perversumve agunt, suasque vicissim ab his mutationes patiuntur. Ex quo fonte plurimi perpetim secundae adversaeque valetudinis fomites, alimenta, venena, remedia, profluunt.

7. Triplex istud virium genus (4. 5. 6.) sicubi lege oeconomiae humanae consentanea conspiraverit, vegeta longaevitae fruitur homo: sin minus; morbis aut praematura morte affligitur.

8. Atque haec materies est, quam tractat Medicus, eo quidem proposito, ut hominem suae curae commissum iusto moderamine virium (7.) quam diutissime vivum sanumque praestet.

9. MEDICINA igitur, quo hodie colitur ambitu, est scientia prudens directio virium naturae humanae (4. 5.) ope praesidiorum naturalium (6.) ad vitae et sanitatis a morbis et morte tutelam.

10. Ea (9.) cum olim aegris duntaxat sanitatem promiserat, ampliata deinceps, erga sanos quoque benefica, duplex cum maxime imponit Medico officium, alterum servandae vitae et sanitatis, alterum morborum curandorum.

II. Debet adeo exponere I. Conditionum hominis, in quibus aut conservandis, aut avertendis versatur (1. 9.), naturam, causas, sedes, differentes modos, gradus, effectus. II. Vires naturae humanae utrique principio inditas (4. 5.) conservatrices, destructrices, medicatrices. III. Potestates rerum externarum salubres, noxias, medicatas (6.). IV. Regulas denique et praecepta his (III.) utendi, illas (II.) dirigendi ita, ut finis Medico propositus (8. 10.) obtineatur.

12. Quando autem generalis istorum omnium (II.) doctrina non sufficit, sed ad singulos etiam homines, prout aetate, sexu, temperamento, vitae genere etc. inter se discrepant, aptari debet; manifestum est, quam late pateat disciplina Medica.

13. Quae materiae pertractandae multitudo cum justum exigit ordinem, is quidem commodissimus videtur, qui ex diversitate conditionum (2.) duplicique Medici officio (10.) petitus, quaecunque in homine sano cognoscenda aut agenda sunt, suo quaevis loco disposita, primum enarrat; subjungit deinde,

de, quae ad aegrum pertinent, omnia et singula rite degesta.

14. Universum proinde systema Institutionum Medicinae in duas partes distribuitur, quarum prior doctrinam omnem de rebus, quae secundum naturam (2.) in homine insunt, exhibet; posterior de iis, quae praeter aut contra naturam dicuntur (2). Hanc IATPIKHN, illam ΥΤΙΕΙΝΗΝ, ex vario fine appellare licebit.

15. ΥΤΙΕΙΝΗ, lato sensu, totum Medici officium circa hominem sanum complexa, tradit.

I. Oeconomiam humanam, vitaeque et sanitatis naturam, causas, effectusque declarat: quae pars PHYSIOLOGIA, sermo de natura humana, audit.

II. Signa, quorum ope vita et sanitas in genere, earumque varii status et gradus in homine singulari cognoscuntur: haec SEMIOTICA PHYSIOLOGICA.

III. Auxilia et regulas, quibus vita et sanitas quam diutissime incolumes servari possint: quae DIAETETICA.

16. IATPIKH, itidem tripartita simili ordina suam materiem (14.) pertractat, exponendo.

I. Quae de natura, differentiis, causis effectibusque morborum scire expedit. Haec PATHOLOGIA.

II. Doctrinam signorum, quibus, quidquid in morbis ex se obscurum cognosci debet, praesens, praeteritum, aut futurum, detegitur: unde SEMIOTICA PATHOLOGICA dicitur.

III. Praesidia, adversae valetudinis, modumque illis recte utendi: haec THERAPEUTICA.

17. Utriusque partis aequa necessitas et nexus individuus est: prior tamen ordine ΥΓΙΕΙΝΗ. Ut curvi norma rectum, ita morbi sanitas: et qui servare sanos novit, bona parte eorum, quae ad tractandos aegros pertinent, instructus est.

18. Praecipuum autem universale Medicinae fundamentum in ipsa hominis natura situm est. Suis haec viribus, sola, sine Medico, pleorumque tuetur sanitatem, morbis medetur. Hac deficiente, aut repugnante, irrita artis molimina. Curiosa naturae observatio, imitatio, ut primam arti originem, ita incrementa dein dedit, dabitque porro. Medici naturae ministri.

19. Ita-

19. Itaque doctrina omnis Medica bonae frugis ad hunc componi normam debet, ut, quicquid natura faciat, aut ferat, ex fideli observatione quam diligentissime enarretur. Nec tamen fatis est, vires ejusdem motusque, prout in sanis se produnt, in Physiologia (15. I.) exposuisse: luctans cum morbis natura, quam Pathologia (16. I.) exhibet, facultates affectionesque suas etiam explicatius producit.

20. Unde liquet, quid de certo in Medicis sentiendum? Natura humana, statim a Creatore legibus finita, per similia individua sese multiplicans, omni tempore eadem, sub iisdem conditionibus eodem semper modo agit ac patitur. Quidquid ergo de ejus oeconomia, integra, vel afflicta, prudenti sensuum ministerio clare cognoscitur, id firmum ratumque censendum, nec quidquam eo certius in Physicis. Par ratio est illorum, quae de potestatibus rerum externarum in hominem agentium (6) fideli observatione comperta habentur. Quaecunque porro ex observatis, ad congrua demonstrationis principia applicatis, casti ope ratiocinii, legitime deducta sunt; quanquam per se in sensus

fus non cadunt, non minorem profecto fidem merentur.

21. Nullo proinde jure, quae male seduli doctores aut perperam observando, aut vitiose argumentando, invexerunt, erronea, falsa, incerta, imputantur arti; quasi mere conjecturalis foret. Non aliis, nec firmioribus, gaudet quaevis naturae scientia fundamentis.

22. Haud tamen dissimulandum est, suis premi dubiis, obscuris, conjecturalibus, nunquam profus extergendis, Medicinam: neque enim datum mortalibus aut suam, aut rerum, inter quas versantur, naturam penitus comprehendere. At communis ista ingenii humani imbecillitas quem non stringit? Gravius quidem Medicum ob inexhaustam materiae, qua occupatur, amplitudinem et diversitatem (11. 12.).

23. Privatum insuper evidentiae obstaculum hoc est, quod singuli homines a singulis tantopere differant. Nec vero sufficit Medicum communia modo intueri: oportet et cuivis homini propria; ut qui singulorum saluti praesit (12.). Quae quidem diversitas tam immensa occurrit, ut nulla observatio-
num vi exauriri possit.

24. So-

24. Sola denique contemplatione non licet acquiescere, inque obscuris rebus suspendere iudicium, donec lux affulgeat. Actionem exigit officium (9. 10.). Captanda hinc agendi occasio, quae saepe praeceptis per conjecturam cogit determinare, quod per scientiam fat cito nequit.

25. Pro ea igitur parte (22. ad 25.) Medicinam dici conjecturalem non obflamus, ut quae, cum certissima invenire semper non possit, propabilia sectetur recta tamen ubique ratione utens, atque a vagis et temerariis commentis periculisque alienissima.

26. Audiant haec obtrectatores, et cum didicerint scientias puras ab iis, quas applicatas vocant, contemplativas a practicis, distinguere, videant, quo jure Medicinam prae aliis, ut omnis certi expertem, infament!

27. His praelibatis, pro instituti ratione, primas PATHOLOGIAE (16. I.) lineas ducere aggredior: quod ut compendio fieri possit, cognita prius ponere liceat, quaecunque de statu hominis sano in ΤΙΕΙΝΗ tironi, ut scitu necessaria, enarrantur (17.).

PATHOLOGIA.

28. **O**FFICIUM Medici circa hominem aegrum est sanare (10.).

29. Sanatio autem aegri est morbi, quo tenetur, in sanitatem mutatio.

30. Pathologia igitur, quae hominis aegri cognitionem eo quidem fine exponit, ut viam sternat ad medendi methodum (16. I.), docere debet, aegrum inter et sanum quid intersit, quid morbus distet a sanitate.

31. Spectandus adeo morbus est, ut status hominis sanitati oppositus, naturae ab hac diversae particeps, suis ex causis profluens, suosque vicissim effectus producat.

32. Sed et quid morbus a morbo differat, explicandum: quando ab una sanitate, in medio posita, deflexiones multifariae esse possunt.

33. Unde liquet, agendum hic esse de morbi natura, differentiis, causis, effectibus etc. primum in genere, deinde
in

in specie, semperque comparate ad conditiones sanitatis, quarum ideo plena notitia in antecessum postulatur.

PATHOLOGIA GENERALIS.

De Natura Morbi.

34. AFFECTIO illa corporis humani viventis, qua fit, ut actiones, homini propriae, non possint apposite ad leges sanitatis exerceri, morbus dicitur.

35. Generali quidem affectionis vocabulo complectimur defectus, excessus ac permutationes quascunque eorum, quae in ipso corpore hujusque partibus ad statum sanum atque legitimam functionum exercitationem requiruntur. Horum igitur notitia, ut decet (27.), imbutum nihil admodum obscuri, aut aequivoci, in ista voce offendere potest. Nec facile quis impedimenta externa huc retulerit, nisi qui ludere in re seria velit.

36. Non alios tractat Medicina morbos hominis, nisi qui in corporis aberrationibus siti sunt, hisque correctis tolluntur: habent tamen, mutui nexus lege,

ge, primam saepe originem in mente, hujusve operationes sua efficacia perturbant. Hi limites regiminis mentis, quod Medicorum est.

37. Vitae mentio facta in hac definitione non ea solum de causa, quod morbus vitae sit affectio, nec magis, quam sanitas, sine illa concipi possit; sed ut constet etiam, dari principium agens in aegris, a morbo ipso distinctum, cujus motus observare, discernere, dirigere, praecipua Medici in opere versantis cura esse debet (18.). Facit praeterea vis vitae in aegro superstes, ut rerum huic admotarum facultates tam salubres, quam insalubres, longe diversa ratione agant (6).

38. Quum vero morbus conditionem corporis ponat a statu sano deflecentem (35.); eo praesente effectus, ex sanitate ut ex sua causa profluentes, id est actiones quoque alienari necesse est. In omni proinde aegro aliqua fere datur actionum laesio, major, minor, vario gradu, modo, numero, extensione, duratione. Hanc si ocysus, serius, non intulerint vitia corporis, quae praeter consuetum naturae ordinem sunt, turpitudines potius, aut deformitates, quam morbi

morbi dicantur; tametsi a cura Medicorum haud prorsus semoventur.

39. Omne autem genus actionum, quae ad hominem pertinent, hic volumus, ne illis quidem exceptis, quae solius animi esse videntur; quando in has etiam morborum corporis magna potestas est (36.).

40. Imperfectiones tamen functionum, quas aetas, sexus, temperamentum etc. ferunt, hujus non sunt loci; quando quidem sanitatis latitudine continentur. Uti nec illae, quas infuetudo habet, impotentiae, aut, quae ex naturae humanae necessitatibus fluunt, hujus modum non excedentes affectiones, ut fames, sitis, somnus etc.

41. Ut igitur actiones integrae se habent ad sanitatem, ita laesae ad morbum: nec decet Medicum rationalem, quod abnorme in actionibus est, ipsum morbum dicere; ne notiones causae et effectus temere confundendo curatio exquisita negligatur.

42. Ex quibus (34. ad 42.) liquet, naturam morbi generalem sitam esse in male affectis corporis vivi illis conditionibus, quibus id aptum natum est suam conferere symbolam ad actiones humanas

nas

nas; eoque morbos omnes et singulos inter se convenire, quod in corporis facultatibus sedem habeant. Alieni proinde a foro Medico censendi, quicunque, si modo dantur, ad solam mentem per inent; nisi statos Medicinae fines removere volupe est.

43. Medica ergo morbi cognitio ponit intellectum eorum, quae in corpore humano ita a statu sano aberrant, ut actiones inde laedantur. Uti nec sanatio aliud quid postulat, quam eorundem restitutionem in integrum: hac quippe obtenta pristinum quoque actionibus rediturum vigorem jure confidit Medicus, nihil reliquum in arte sua habens, ista si spe exciderit. Docent laesae sensuum facultates.

44. Morborum adeo singularium, prout in hominibus occurrunt, naturas expositurus id exquisitè indicare debet, quod in praesentis aegri corpore mutatum in causa est, cur id suis muniis rite fungi nequeat. Id vero plerumque a sensu remotum latet, nec per se clare cognosci potest. Unde, ut ex vero detegatur, accurato opus est scrutinio ac cauta ratiocinatione; quum error hic commissus plures eosque non semper inno-

innocuos pariat. Prudentissimi hic saepe caecutiunt, maluntque cohibere gradum, quam per tenebras illidere.

45. Huic autem investigationi (44) fundamentum praebent, quae in aegro sensibus se manifestant, *φαινόμενα*: quorum primaria sunt actiones laesae. Harum enim a statu sano deflexiones, iusto examine perspectae, cum ex morbo profluant (38.), hujus, ut causae suae, naturam legitima argumentatione demonstrant.

46. Plenissimam vero lucem affundit notitia exacta status gradusque naturalis singularum actionum, tum modi, quo quaelibet exercetur, et conditionum ac virium, quibus instructum in suis partibus corpus ad eas perficiendas concurrit. Ita nimirum, comparando actionem quamque integram, una cum suis requisitis, ad eandem in aegro vitiatam, innotescere potest, quisnam et quantus sit a sanitate recessus.

47. Constat hinc, Physiologiam (15. l.) maximae hic utilitatis esse, eaque neminem carere posse, qui naturas morborum recte eruere, aut intelligere velit. Sed et quaecunque in expositione oeconomiae humanae supersunt loca

ca obscura, vexata, dubia; aut quae erronea, conjecturalia, ficta, temere admittuntur, ea omnia in detrimentum Pathologiae redundare: ut merito bonus quisque repurgatissimam tandem omnibusque numeris absolutam doctrinae Medicae eam sibi partem desideret.

48. Nec minoris in ista indagatione momenti est scientia virium, quibus, quae geruntur ab homine, aut ingeruntur, sive quovis modo admoventur, corpus afficiunt ac mutant. Causas haec atque occasiones morborum in se habent (4. 5. 6.); quibus examussim intellectis facile est natura effectus inde nati iudicium. Qua in re, praeter observationes, quas ex proprio penu Medicina promit, Mechanicorum quoque, Physicorum, Chemicorum, demonstrata apprime conducunt: quanquam multiplex idiosyncrasiae diversitas et infinitus possibilium combinationum numerus optare magis, quam sperare plenam istius doctrinae perfectionem jubet.

49. Praecipue tamen necessarium est ante oculos habere historias omnium ac singulorum morborum integras, ex plenis atque intaminatis Practicorum observationibus accurate concinnatas. His
uti

uti nititur universa morborum cognitio (45.); ita, cum conferuntur illis, quae in praesente aegro sagax examen detegit, mali, quo is laborat, indolem pulchre declarant. Nec sane certius aliud datur subsidium, quo obscura clarescant, dubia enodentur, corrigantur falsa, controversa dirimantur; sicubi vel priores etiam scientiae (47. 48.) non satis tuto praeluxerint. Hac ideo regia via incesserunt olim, hodieque incedunt veri quique Medici, dolentes interim, tot hiatus etiamnum abruptam, et inanium narrationum sordibus conspurcatam esse.

50. Ex quibus (45. ad 50.) rite perpenſis proum est colligere, quantis hoc scrutiny (44.) prematur difficultatibus. Qui uero et simul considerat multiplices morborum in eodem homine complicationes et metaschematismos, non mirabitur, quamobrem uel peritissimis etiam toties hic aqua haereat. Quo quis diutius in arte cum cura elaborauit, eo circumspectius de morborum natura pronuntiare solet.

51. An igitur morbus recte dicitur certamen naturae propriam salutem propugnantis? Ex intimis Medicinae pene-

B trali-

tralibus petita haec notio sapienti cuius in arte magistro jure probatur. Inest profecto sua naturae humanae virtus pervigil, qua vitae ac sanitatis sui corporis conservationi perpetuo studens his necessaria procurat, nocitura repellit. Inde motus spontaneos atque molimina in aegris animadvertere licet, nec causae morbi, nec adhibitis quibusvis demum remediis adtribuenda, quae tam aperte in salutem tendunt, ut data opera aptius excogitari, aut felicius dirigi non potuisse videantur. Rectissime proinde naturam morborum medicatricem, Medicum naturae ministrum esse, artisque universae summam ad naturae observationem, imitationem, directionem, redire inculcatur (9. 18. 19.). Aurea ergo loquendi formula medentibus semper ante oculos versetur. Eandem vero pro generali morbi definitione obtrudere nefas. Neque enim *verum morborum characterem comprehendit, adeoque nec* in omnes et singulos quadrat. Nec morbum cum remedio decet confundere. Naturae certamen ideam adversarii includit: hic morbus est: hic suos natura opponit conatus medicatos, quibus si nomen morbi dederis, an morbum

bum abesse dices, cum languens forte natura huic non obluetur? An, quos naturam imitans Medici solertia similes per remedia producit modus, pariter ad morbum ipsum referes? Largimur tamen morbos dari, quorum bonam partem, si universum spectes, ista molimina constituunt: alios item, quibus cum superveniunt, in aliud genus mutantur: multis denique accedere specie symptomatum, quae ut accurate a propriis morbi effectibus discerni debent, ita ad ipsam morbi naturam nullo jure referuntur.

52. Eadem (51.) quoque ab illis perpendi velim, qui in naturae locum Animam, Archeum, aut quodvis aliud principium, rationis particeps, in morbis actuosum, substituere malunt. Vocibus hi tantum, non re ipsa, dissentiunt: quando autem nihilo plus lucis inde nascitur, non est, cur vocabulum veteribus non inepte introductum abrogemus.

De Causa Morbi.

53. MORBUS cum ponat mutationem corporis a statu sano (34. 35.),
B 2 quae

quae adesse aut abesse potest, effectus erit corporeus determinatae potentiae, cujus vi existit.

54. Id autem qualecunque, quo fit, ut morbus existat, causa morbi vocatur.

55. Ad hujus (54.) investigationem molesta laesarum ex morbo functionum perceptio mortales aegros ab omni aevo compulit; ut inde primum nata videatur Medicina. Officii ratio eo compellit Medicum, qui tum demum vere cognovisse morbum dicendus est, cum causam ejus detexerit. Sanatio etiam non, nisi succisa morbi causa, exquisite obtinetur.

56. Statuendus tamen huic (55.) scrutinio certus limes; ne ultra, quam ex usu est, aut subtilius, quam verius, exerceatur; neque extra sphaeram naturae virium evagetur: his enim solis Medicus in cognoscendo aequae ac in curando sese continet (3. ad 9.). Inde ad ultimas metaphysicas, primasve physicas causas non adscendendum. Ars ex se nimium longa, suo tamen fine (10.) conclusa, in causis etiam secundis progressum vetat ulteriorem, quam qui felicius perficiendae sanationi conducat.

57. Quo-

57. Quocirca nec minutis causarum differentiis, quas schola invexit, hic in haerendum. Disputationum haec materies, a sanioribus etiam philosophis hodie repudiata, artem, quae opere potius, quam verbis, demonstranda, dedecet.

58. Distinguunt Medici, nec inutiliter, inter causam externam et internam. Internam voco vitium quodcumque in corpore radicum aliquamdiu, priusquam in morbum erumpat. *Et tunc cum praedisponente (59.) aliquo modo convenit. Internam etiam dicunt in intimis corporis partibus sedentem, et sine externarum concursu agentem, licet ab his nata sit.* Si quae vero gesta, ingesta, aut foris admota homini, sua vi agentia morbum pariunt, is ab externa causa natus dicitur. Prior ergo aliquem ponit ante praesentem morbum sanitatis defectum, sed latentem, aut tam levem, ut absque notabili functionum laesione ad tempus feratur: potestque is in firmis partibus aequae ac in humoribus haerere. Posterior etiam sanissimos morbo afficit, et cum plerumque sensibus manifesta sit, satisque cito noxium effectum edat, ab ipsis aegris saepe animadverti

B 3

solet.

solet. Unde et Evidens audit, nec pri-
scis quoque neglecta Empiricis, qui con-
tra internarum *et abditarum*, quod ob-
scurae sint ac incerta tantum conjectu-
ra cognosci queant, quaestionem super-
vacuam esse contenderunt.

59. Memorabilis porro est causa *προ-
ηγεμένη* seu praedisponens, et *προκαταρ-
κτική, πρόσφασις*, occasio etiam aut oc-
casionalis dicta. Praedisponens dicitur
conditio quaevis corpori inhaerens, qua
illud aptum est nata occasione morbum
fuisseipere. Occasio est quidquid prae-
disponenti superveniens hanc excitat, ut
una morbum pariant. Neutra ergo sola
producendo morbo sufficit, sed amba-
rum concursus requiritur. Praedisposi-
tio si abest, occasio non nocet: et vi-
cissim si praedisposito ab occasione ca-
ves, caves a morbo. Distinctionem
docuit observatio, qua constat, non
omnes homines ab iisdem rebus aequa-
liter affici, et valetudinarios idoneo re-
gimine servari incolumes.

60. Praecipua denique et maxime
generalis est causarum divisio in remo-
tam et proximam. De utriusque tamen
conceptu non convenit inter auctores.
Remota aliis dicitur, quae sola non suf-
ficit,

ficit, sed intercedentem aliam requirit causam propiorem, ut morbus fiat. Proxima ergo his est, quae, remotis superveniens, momentum addit, ut illico morbus exoriat, adeoque hunc nascentem proxime antecedit. Ita vix discrepat haec causarum sectio a priorē (59.): confunditur proxima cum occasionali (59.), more vulgi, cui causa morbi illud est, quod hunc proxime antecessit: quin remota solo gradu augefcens, aut actu saepius repetitio urgens, ut tandem in morbum abeat, eadem et proxima evadit. Rectius alii remotas vocant, quae singulae quidem aliquid conferunt ad morbum producendum, nec tamen, nisi conjunctae, totum denique efficiunt; quemcunque ceterum locum teneant in serie causarum ad morbi generationem confluentium. His igitur proxima est, quae ex concursu omnium remotarum nota, sola, integrum morbum ita constituit, ut indissolubili nexu cum eo cohaereat. Quare et Continens dicitur, ut quae universam rationem originis morbi in se contineat, qua posita is continuo se manifestat, adeoque et ablata tollitur. Hujus uti pars modo est remota quaeque, ita

et partem morbi tantum constituit. Qui omnes et singulas remotas, ut una conspirant, intelligit, notitiam proximae habet: qui tollit cunctas, proximam quoque destruit, et cum hac morbum: qui aliquas modo, relictis aliis, partem quoque proximae duntaxat dederit, nec perfecta sanat.

60. *Alii, et ut videtur, recte quidem, progressum quendam causarum statuentes, natum a causarum praedisponentium et occasionalium concursu effectum sub materialis causae nomine comprehendunt, quae videlicet morbi materiam contineat. Cujus effectus proxima causa esse debet, qua functionum laesio ipsa inducitur. His itaque proxima causa etiam ex remotarum concursu nata est: quae tamen in curando magis scientiae quam artis obiectum est, quoniam nata ab ipsi propriore ex remotioribus, materiali, non tollitur, nisi hac sublata.*

61. Missis aliis minoris momenti causarum differentiis, quas proposui (58. ad 61.), rite examinanti constare potest, eam solam, quam sano sensu dixi proximam, aut continentum verae causae physicae ingenium prae se ferre, quae morbum ita efficiat, ut illa posita hic ponatur, durante duret, mutata mute-
tur,

tur, ablata tollatur. Reliquis idem tribui non posse, nec ideo nomen causae proprie competere. Medicis igitur, suo loquendi more, causae titulo venire id omne, quod quocunque demum modo ad morbi generationem concurrit, sive ut vera causa, sive ut hujus pars, aut conditio sine qua non, etc. Inte litigandi, cavillandi, ridendi, materiem nasci, quasi causa sine effectū, hic sine causa esse, eadem causa effectus oppositos producere, aut idem effectus diversis ex causis oriri possit.

62. Consultum itaque videtur morbi causam solummodo vocare id exquisite, cujus vi totus morbus existit. De hac porro, quidquid de causis physicis, inter quas utique morborum causae numerari debent (3. 53.), affirmare licebit.

63. Inde uti quilibet morbus suam habet causam determinatam (54), qua necessario efficitur; ita haec alia atque alia erit in morbis natura diversis, et contra eadem in illis, qui natura conveniunt; tametsi diversas corporis partes occupant, ideoque nec easdem praecise functiones turbant. Quod magnae utilitatis in arte compendium.

64. Nec mera tamen privatio dici ea causa semper debet, quasi morbus, ut defectus sanitatis, tantummodo ex absentia conditionum ad hunc requisitarum oriretur. Aliena saepissime in aegris insunt, quae impedimento aut stimulo morbos creant.

65. Quum vero morbus non nisi in corpore sedem habeat (36.) causa ejus quoque ad corpus duntaxat pertinebit, inque hoc solo quaerenda erit; quamquam ex mente forsan, vi mutui commercii, eo devenit: quod observare quidem Medici est, explicare Philosophi. Ex animi motu natus morbus, illo sedato perdurans, non sine *corporea* causa superest.

66. Ita porro cum morbo cohaeret, ut ab eo inseparabilis abesse nequeat, quin et ille tolatur, nec hoc absente adesse. Distinctio igitur causarum in continentes et non continentes nulla est. Morbus ultra causam suam, i. e. sine causa, non perdurant. Vulnus, cultro licet, quo inflictum est, ablato, una cum sua causa persistit.

67. Imo haec causa totam morbi, effectus sui, naturam constituit, ideoque ab hoc re ipsa vix discrepat. Quidquid
in

in morbo est, in causa ejus iuveniri debet. Utilissima ergo et maxime necessaria illius indagatio habetur (43.). Ea demum solida est morborum cognitio, quae, quomodo in suis singuli determinatis causis consistant, demonstrat.

68. Raro tamen simplex est, sed plerumque ex pluribus conditionibus una concurrentibus composita: morborum nempe, ut sanitatis ipsiusque corporis humani, notiones multitudinem in unum collectam quoque involvunt. Itaque ex quotnam partibus diversis totum illud, quod morbum vocamus, constat, totidem distinctae dabuntur conditiones aut potentiae in ejus causa, quarum singulae partem modo aliquam morbi efficiant, conjunctae demum totum.

69. Quotiescunque ergo earum conditionum, quae mutuo concursu causam morbi componunt (68.), aliqua deficit, mutatur, gradu augetur; aut prius positae novae quaedam accedunt; aut aliae in aliarum locum substituuntur; toties analoga quaedam imminutio, mutatio, aut augmentum in ipso quoque morbo evenient: uti plena de-
mum

mum hujus abolitio, cum omnes et singulae exquisitae tolluntur.

70. Quo posito fundamento (69.) ratio reddi potest originis morborum lentae vel subitae, durationis, incrementi, decrementi, paroxysmorum, remissionum, periodorum, mutationis ex alio in alium, perfectae aut imperfectae sanationis, reversionis, status denique neutrius inter sanum et aegrum fluctuantis.

71. Quare, ut causa morbi recte cognoscatur, oportet eam resolvere in simplices, ex quibus composita est (68.), potestates, harumque singulas primo, dein omnes conjunctas, quid seorsum, quid simul valeant, examinare. Quae res difficillima quidem est, at utilitatis tamen plenissima et Medico dogmatico apprime necessaria.

72. Perficitur autem curiosa indagatione eorum, quae ita morbum antecesserunt, ut credibile sit ad illius generationem aliquid contulisse: sive ea prius in homine extiterint, sive pridem aut nuper a foris accesserint (4. 5. 6.). His quippe potestates (71.) continentur, quarum confluxione causa morbi nascitur,

tur, ut adeo huius originem rite considerata declarent.

73. Atqui haec ipsa (72.) sunt, quae Medicis nomine causarum remotarum (60.), praedisponentium, procatarctica-
rum (59.) veniunt. Harum ideo quam utilis et necessaria sit inquisitio, patet. Quodsi vetus Empiricorum schola in his solis male acquievit, magis etiam culpandi sunt recentiores, qui, remotis insuper habitis, *earumque actione neglecta*, proximae (60.) tantum scrutinio sese addicunt. Haec tamen saepe inaccessible est, nisi evidentiores remotae prae-
luxerint: quin et neglecta proxima, si cunctas modo remotas auferas, morbum sanabis (60.).

74. Quamvis igitur verarum causarum ingenium non habeant, adeoque cum his male confundantur (61.); omnino tamen merentur a Pathologo expendi, possuntque rectius morborum principia vocari; ut quorum mutua conjunctione morborum causae hique ipsi demum constituuntur; et ad duo summa capita referri, quorum alterum *Semina morborum* comprehendat, alterum *Potentias nocentes*.

75. Seminia voco dispositiones quascunque corpori insitas, quae morborum generationi favent, sicubi potentia nocens analoga accesserit. Praedispositio alia, aut *προνυόμενα*, dicuntur (59.).

76. Potentiae nocentes sunt res quaelibet ea praeditae facultate, ut morbos producere possint in corpora per seminium (75.) apto, i. e. praedispositio. His *προκαταρκτικά* dicta conveniunt (59.).

77. Utrisque opus est concurrentibus, ut causa morbi isque ipse nascatur. Neque enim potentia efficax est, nisi in corpus inciderit impressioni ejus recipiendae aptum, nec diathesis seminalis in morbum erumpit, nisi vi quadam appropriata excitetur.

78. Mutua insuper utriusque speciei principiorum (74.) requiritur affinitas, ut juncta in eundem effectum conspirent, nec alterum alteri officiat. Non quaelibet potentia cuivis seminio evolvendo par est. Nec praedispositio datur universalis ad omne morborum genus, *ut adeo praedispositio ad unum morbi genus praedispositionem ad alterum saepe auferat*: uti nec perfectissima sanitas aequa vi sese ab

ab omnibus et singulis insalubribus tue-
tur. Hinc eadem diathesis alias favet,
alias obstat, pro diversa potentiae no-
centis indole, et versa vice: quod uni
morbum infert, non item infert aliis:
et ne illi quidem alio tempore, si dia-
thesis mutata est.

79. Patet igitur non sufficere super-
ficiariam istorum principiorum notiti-
am; sed requiri cognitam cujusque cum
feminii, tum potentiae, naturam; ut mu-
tuus eorundem consensus, repugnantia,
quidque invicem agere ac pati possint,
perspiciatur.

80. Atque sic demum methodo syn-
thetica pervenitur ad cognitionem cau-
sae morbi, quam illa (79.) junctim con-
stituunt. Quin et eadem opera, a prio-
ri, quod ajunt, eruitur natura morbi
(67.); ut, instituta collatione, eadem
per methodum analyticam (45.) inven-
ta comprobari, aut error in alterutro
argumentandi genere commissus detegi
ac corrigi possit. Ceterum si quis con-
siderat physicas effectuum quorumvis
corporeorum causas, in universum nun-
quam aliter, quam concursione duplicis
generis principiorum, quae proposui
(74. 79.), existere; prout ex mechanicis,
che-

chemicis, etc. intelligentibus abunde liquet; idemque praecipue in feminibus plantarum ovisque animantium nemini non esse manifestissimum; is non mirabitur genericis principiorum nominibus vulgo usitatis nova me substituisse expressiora; nec improbabit, quod momentosae istius doctrinae fines in Pathologia speciali solito amplius dilatare sustinuerim *).

De Symptomate.

81. SYMPTOMA, quum vi vocis id denotet, quod aegro accidit; universus autem morbus, una cum causa et effectibus suis, inter res accidentes referri possit; multam Systematicis litigandi materiem dedit, Practicis tamen super hac quaestione non aequè inter se dissentientibus. Fecilius plerumque est rem praesentem discernere, quam verbis exacte definire.

82. Quacunque latitudine veteres hoc vocabulum usurparint, certum est hodie

*) Legantur, quae C. CELSVS de Medic. praefat. ad libr. I. adversus ERASISTRATVM disputat.

hodie symptoma tantum de homine aegro praedicari; de sano nunquam. Ponit ergo praesentem morbum adeoque et hujus causam: sed et aliquid, quod praeter naturam accidit, et quomodocumque cum his ipsis cohaeret; dum interim ut distinctum ab iis concipitur. Nequaquam igitur pro omni eo, quod homini praeter naturam evenit, aut pro levioribus affectionibus, quae nomen morbi non merentur, sumi potest.

83. In aegro variae a statu sano alienationes (38.) sensibus sese manifestant; sive actionis spectes, seu eorum, quae foras prodeunt, molem, indolem, aut corporis etiam sensibiles qualitates.

84. Haec Phaenomena (83.) cum percipit aeger, animadvertit Medicus, uterque concludit morbum adesse, certus ex sanitate non oriri. Desinunt et homine in integrum restituto.

85. Male tamen illa quis morbum ipsum dixerit (41.), quia cum hoc cohaerent, nascuntur, durant, abeunt. Non is, nisi rarissime, in sensus incidit (44.): plerumque ratiocinio tantum detegitur, nec aegro prius, quam Medico, innotescit. Quum nihilominus praeter natura

C

turam

turam sint, atque in morbo radicata, recte vocantur symptomata, ut quae una cum morbo incidant.

86. Symptoma proinde notat quamcunque sensibilem a statu naturali alienationem, quae homini ob praesentem morbum ita nascitur, ut tamen ab hoc ipso hujusque causa distingui possit, nec ultra morbum duret.

87. Tria nimirum in se aeger habet quae praeter naturam sunt: morbum, hujus causam et symptoma. Multius inter haec nexus datur. Uti morbus non sine causa, ita nec sine symptomate esse potest: nec hoc vicissim sine illis. In omni morbo apparens aliqua vel actionum, vel excretorum, vel qualitatum sensibilium mutatio a statu sano evenit (38.). Nec symptoma porro dicendum, quod suo morbo superstes est, sed morbus.

88. Ita symptomata illam praecipue status morborum partem efficiunt, quae in sensus sive aegri, sive Medici, incurrit, apertissimam, dubiis hinc minime obnoxiam, quaeque observanti sponte patet, nec signis adeo aut artificiosa conjectura eget, ut detegatur.

89. Quo-

89. Quoniam vero non omnia, quae in aegro praeter naturam eveniunt phaenomena, eandem ad morbum habent relationem, nec eadem semper origine nascuntur, utique necessum est alia ab aliis probe distinguere, prout ex diversis fontibus promanant.

90. *Omnia quidem ab eo, quod praeter naturam in aegro est, prosuunt, alia tamen statum morbosum praesentem directe pro sua causa habent, ex quo ut totidem effectus fluunt, hinc nexu physico indissolubili cum illo cohaerent. Et haec quidem genuina sunt symptomata, atque pro triplici genere rerum, quae praeter naturam in aegro insunt (87.), trifariam distinguuntur in symptomata morbi, causae, et symptomatis.*

91. Morbi symptoma dicitur effectus sensibilis vi praesentis morbi proxime productus. Ejus ergo similis est relatio ad morbum, ut hujus ad suam causam (66.). Et cum ex plurium conditionum confluxu morbus nascitur (68), multorum quoque id genus symptomatum syndrome stipatus esse solet.

92. Horum (91.) itaque utilissima est et maxime necessaria inquisitio. Testantur enim morbi praesentiam non modo,

fed naturam quoque (45.). Effectus certe ingenium suae causae declarat. At causa morbi causa etiam est hujus symptomatum.

93. Quodsi vero origo symptomatis propius ex causa morbi derivari possit, causae symptoma audit, voce causae minus proprio sensu accepta (61.). Id contingit, quoties illius rei, quae morbum efficit, vires ita multiplices sunt, ut aliqua modo pars earum ad morbum producendum concurrat, hinc propria hujus causa fiat, pars altera vero occasione nati morbi quoque, ocyus, serius, in actum deducta, effectus prodat diversos, morbo supervenientes quidem, non tamen ita nexos, quin hic sine illis esse potuisset. Symptomata causa igitur ut intelligantur, ad potestates causae morbi accessorias adtendendum est. Exemplo sit vulnus telo venenato inflictum, cujus si causam telum dicas, vulnusque morbum, vi teli mechanica natum, quaecunque ex viro in vulnus una illato excitantur mala, symptomata causae solent vocari.

94. Quare liquet, isthaec symptomata (93.) et perdurante morbo tolli nonnunquam posse, et eodem ablato super-

supereffe, aliquando longe plus periculi inferre, quam morbus quem comitantur; imo et indicare alias morbum morbo superadditum, quorum alter, quia aut tempore prior est, aut manifestior, aut magis urget, tantum pro morbo habetur, altero non vere in se ipso, sed in effectibus modo suis spectato, aut et prorsus praeterviso. Unde cum princeps morbus desinit, symptomate causae remanente, hujus idea evanescit, morbusque latens, a quo pendet, se demum prodit. Quae quidem rite perpensa ostendunt, distinctionem istam, sano sensu acceptam, nec paradoxam esse, nec supervacuam, utilissimam potius in facienda cum diagnosi, tum prognosi morborum, maxime complicatorum.

95. Utrumque porro symptoma (91. 93.) si sua vi aliam rursus produxerit affectionem sensibilem, haec symptoma symptomatis vocatur. Quo nomine etiam veniunt reliqui omnes, qui longa saepe serie alii ex aliis deinceps profluunt, effectus morborum; modo symptoma aliquod antea pro sua causa habeant, nec hoc sublato persistant (86.).

96. Habent ergo et ista (95.) primam suam originem in morbo hujusve causa, inde cognoscuntur, his remotis tolluntur, et licet plurimum forte aliorum interventu cum iis saltem cohaereant, legitima tamen analysi ad cognoscendam morbi aut causae ejus naturam et efficaciam quoque facere possunt. Nec plena his neglectis exsurgit morbi hystoria.

97. Notandum vero, dari non infrequenter in aegris effectus sensibiles, quos si in ortu suo spectes, omnino ad aliquam trium specierum (91. 93. 95.) referas; at qui tam tenaciter corporis partibus impressa sunt, ut ultra morbum perduerent. Unde non symptomata adeo, sed morbi potius secundari audiunt, eoque magis considerari merentur, quod singularem sibi curam reposcant. Ex vomitu symptomatico nascens aliquando hernia non symptoma symptomatis dicitur, sed morbus (86. 87.).

98. Aliud insuper phaenomenon genus in morbis occurrit, quae cum et aegris eveniant, et a sanitatis norma deflectant (82.), generali quidem symptomatum titulo comprehendi possunt; at longe diversam a prioribus originem habent,

bent, adeoque cum iis confundi minime debent.

99. Non bruta homo machina est, quae injurias a rebus noxiis sibi illatas iners excipiat ac patiatur. Mens intus est, quae molestiis ex morbo sibi natis exagitata, anxia, quas habet in corpus agendi vires, intendit ad repellendum hostem (4.). Corpus ipsum et sua praeditum est incitatione (5.), quae, moderata quidem in fanis, acrius saepe insurgit praesente malo irritata, inque enormes impetus abripitur, ut morbi insultibus sese opponat. Consensus etiam hic datur ac mutua partium conspiratio, qua uti unum aliquod constituunt, idemque integrum, collata quaeque sua symbola, conservare nituntur, ita cum earum alicui noxa imminet, aliae, nec raro omnes, junctis viribus, laboranti succurrunt, communem in privata cujusque, et propriam in sociarum salute propugnantes (5.). His itaque viribus instructa hominis natura causis morborum non modo resistit, sed cum his etiam saepe congreditur, initoque conflictu (51.). vim vi opponit. Quod cum aequabili, quo in sanitatae fluunt, actionum tenore efficere nequeat, insolitos

ciet motus, turbasque facit turbis a morbo concitatis non raro majores, unde alia super alia symptomata accumulantur.

100. Hujus quidem generis (99.) plerumque sunt alienati rerum ingerendarum appetitus et averfationes, motus spasmodici, convulsivi, circuitus humorum perturbationes, febres, exanthemata, abscessus, haemorrhagiae, vomitus, alvi profluvia, sudores, et alia plurima, quae, etsi morbos comitantur hisve superveniunt, nequaquam tamen continuo ut effectus ex iis eorumve causis directe profluentes aestimare, aut ad symptomata proprie dicta (86.) referre fas est.

101. Naturae ergo molimina potius, aut symptomata activa, auxiliaria, vocentur, quum ab actuosa natura excitentur, hujusque viribus exhaustis aut oppressis deficient, nec eadem semper in eodem morbo se manifestent, et pedissequas saepe habeant sanationes benignissimas, quin arte inimitabiles, aut saltem rite attendenti salutare plerumque fines prodant. Veteres ἐπιγενόμενα, ἐπιγενήματα, dixere, non sola tamen, nec omnia, his vocibus complexi.

102. Ea vero si in omni latitudine sua spectes, rari sunt morbi, quibus se
non

non adjungant: imo multi, quos non minus constanter et certo comitantur, quam quaevis alia symptomata; ut vere dicas, eos ex junctis potentiae morbosae et contranitentium naturae virium conatibus profluere. Hi sunt, quos certamina naturae propriam salutem propugnantis appellare liceat (51.). Nec horum is rite explicuerit ingenium, aut, quibus stipantur, phaenomena, qui, folis inhaerens primi generis (90.) symptomatibus, istos naturae motus neglexerit.

103. Unde patet, quam utilis Practico et necessaria sit eorundem accurata cum observatio, tum distinctio; ne vano trepidet metu ad innoxia, aut medicatis naturae moliminibus temere resistat, quae non turbanda sunt, sed prudenter regenda (9. 18. 19.).

104. Falluntur tamen, qui ex hoc fonte non nisi salutifera proficisci existimant. Patitur suos et natura errores, impetusque concipit, qui quod modum excedant, justove debiliores sint, aut minus congruentes in partes directi, plurimum saepe damni et vel exitium quoque inferunt. Ut adeo prudentis Medici sit, non mirabundum modo αὐτο-

καταλας naturae spectatorem agere, sed et praecipitem refrenare, excitare torpidam, errantem in viam reducere.

105. Nec suis etiam istud genus caret effectibus morbosis, qui ex turbis inde concitatis, ut symptomata symptomatum (95.), oriuntur, pariterque, ut haec (97.), tam alte nonnunquam inhaerent, ut in morbos secundarios abeant. Et vel victrices quoque naturae motus (101.) ab his non immunes sunt. Rara sine vulnere victoria.

106. Superest et tertius fons eorum, quae aegris supervenire observantur, a binis prioribus probe distinguendus; quanquam cum iisdem cohaeret. Fortuita haec aut accidentalia dici possunt; cum viribus rerum, quas casus offert, debeantur.

107. Versatur nimirum aeger, ut sanus (6.), in perpetua ambientium, ingestorum, applicatorum, quin et propriarum actionum vicissitudine. Difficile autem est haec omnia et singula tam exacte statui morbofo semper accommodare, ut naturam et Medicum vel juvent in sanando, vel saltem non impediant. Ista tamen cum vel sanos pro sua quaevis potestate diversimode afficiant

ant (6.) multumque saepe conturbent, in aegrotos etiam, quorum non integrae vires minus resistunt, plus valebunt. Unde necessum est effectus prodire, qui, licet symptomatibus primi secundique ordinis (90. 98.) intermixti, morbo tamen, aut naturae, non recte tribuuntur.

108. Nec sane id genus phaenomena, ut fortuita sint, momento carent. Alias enim morbum acuunt, ex miti saevum, exitialem, reddunt, novo morbo aggravant, in aliam speciem commutant, benignos naturae motus turbant; pervertunt remediorum operationes, agendi occasiones ac tempora occupant. Alias et adjumento sunt, et tam prospere nonnunquam cedunt, ut iis solis recuperata salus debeat. Vehementes animi motus, ex improvviso in aegrotis excitatos, alias salutem, alias perniciem turbasve periculosas intulisse, non paucis exemplis constat. Utinam nec perversa medicatio suas quandoque partes hic ageret!

109. Est et, ubi eadem persistunt inhaerentque diutius, quam morbus, cui supervenere, *morbique secundarii formam indu-*

induunt (97. 105.); tumque manifestius demum originem suam declarant.

110. Quocirca sedulo notari ac distinguere merentur; ut eventus ad suas quique causas referantur, nec alieni effectus morbo, naturae, aut administratis remediis imputentur, magno historiae Medicae dispendio. Caveant praecipue confusionem, quibus hoc etiam genus ad communem *ἐπιγενομένων* titulum (101.) redigere placet.

111. Ex quibus (98. ad 110.) rite intellectis pronum est colligere, quae ex memoratis fontibus manant, symptomata aegris quidem evenire occasione morbi, non tamen omnia et singula eodem nexu aut inter se, aut cum morbo, contineri: ut adeo cuncta nec idem argumentandi genus admittant, nec momentum habeant aequale, cum ad naturas morborum, quos comitantur, dignoscendas, ad praedicendos eventus, aut ad eruendas agendorum indicationes, ut par est, adhiberi debent.

112. Alia certe dixeris Necessaria, quae cum morbo ita cohaerent, ut eodem posito suasque vires evolvente non possint non, ocyus, serius, sese manifestare. Cujus quidem generis sunt quae-

quaecunque ex morbo, ut ex sua causa, fluunt, inque huius natura univerſam ſui ortus rationem habent ſitam. Vocantur etiam Eſſentialia aut Primaria.

113. Huc referantur ex fonte primo (90.) potiſſimum ſymptomata morbi (91.) horumque effectus (95.). Ex altero fonte (98. 99.) plurima quidem naſcuntur variabilis ingenii, nec certi cum morbo nexus, quaeque hinc, pro naturarum diverſitate, in eodem morbo aliter atque aliter eveniunt. At quotieſcunque ad ipſam morbi conſtituendam ſpeciem una concurrunt et poteſtates conditionum morboſarum, et obſtantes irritatae naturae vires (102.), toties et neceſſaria haberi debent, quaecunque ſic oriuntur ſymptomata activa (101.), ut, ſi abeſſent, morbus in aliam ſpeciem tranſiret. Tertius fons (106.) *quamvis ex illo oriunda ſymptomata ob cauſam et morbum talia ſunt*, nulla, quae huius loci ſint, exhibet.

114. Reliqua igitur, quorum laxior eſt cum morbo cohaeſio, ut abeſſe aut adeſſe poſſint, Non-neceſſaria vocare liceat.

115. Neceſſariorum (112.) porro varii gradus ſunt, nec una omnium ratio.
Mor-

Morbus plerumque, ut fanitas, non simul et oritur et perficitur, nec puncto temporis, quidquid mutationum potest, producit, sed successione quadam alios post alios effectus explicat. Habent nimirum sua incrementa vires physicae conditionum morbosarum: pro illorum portione suos variat intenditque nifus natura: per gradus etiam ex aliis in alias partes facultatesque provolvuntur turbae ac consensiones cientur: ut adeo nec eadem semper facie, nec eodem symptomatum satellitio stipatum se in universo suo ambitu efferat morbus.

116. Inde alia quidem simul cum morbo oriuntur, durant, desinuntque, perpetui ejus comites, quae idcirco Individua, Perpetua, Simultanea, dicenda. Alia, ut necessario eveniant, non tamen indivulsa sunt, nec quovis morbi tempore, sed suo tantum, apparent hinc Temporaria vocari possunt. In febribus, praesertim intermittentibus id manifestum est.

117. Utriusque generis (116.) sedula collectio, a non-necessariis (114.) distinctio et curiosum examen, quo quodvis modo ad suum morbum sese habeat, praecipuum rite instituendae cum
cia-

diagnosi, tum prognosi, fundamentum praebet. Ex iis signa pathognomonica petuntur et notae characteristicae, quibus morbi a morbis discrepant. Nec certiores aliunde conduntur aut definitiones, aut historiae morborum, quam ex hoc fonte. Iisdem quoque nititur, quam methodus analytica parit, solida naturae morbi cognitio (45.). Temporaria insuper diversis morborum temporibus ac gradibus recte discernendis apprime inserviunt.

118. Non-necessaria (114.), nequaquam ideo negligenda, quo minus cohaerenter superveniant, quantae utilitatis esse possint accurate observata, ex dictis (94. 101. 103. 108. 110.) liquet. Momentosa materies cruditatis in morbis, coctionis, crisis, variorumque exituum, his magnam partem continetur.

119. Ceterum quidquid in symptomatibus cujusvis generis a statu sano alienatum se manifestat, id omne ad actiones, excreta, et qualitates sensibiles facile reduci potest, ac sub his titulis, cum opus est, inveniri.

PATHOLOGIA SPECIALIS

DE

Naturis singulorum morborum.

120. GENERALIS morbi notio ante (34.) data cum id tantum comprehendat, quod morbi omnes et singuli inter se commune habent, non nisi eorundem a statu sano discrepantiam edocet. Differunt autem et inter sese, et suo quisque modo vitiata ponit sanitatem: quod examussim cognoscere praeprimis ad Medicum pertinet (44.); ut cui in praxi singulare cura petissimum demandatur (12. 23.). Unde a generalibus ad specialia procedendum.

121. Id, quo morbi a morbis discrepant, situm est vel in natura cujusvis peculiari illisque attributis, sine quibus esse nequeunt; vel in conditionibus extraneis, quae adesse aut abesse possunt, natura morbi adeoque et nomine generico non mutatis. Hae accidentariae, secundariae: illae essentiales, primariae, differentiae audiunt. Utriusque generis utilissima est cognitio. Prius exhibet diversas possibilium morborum naturas: posterius morbos considerat, suis terminis

minis circumscriptos, quales in ipsis hominibus Medico cognoscendi et curandi offeruntur. Liquet hinc simul, quo ordine pertractari debeant.

122. Jubet autem ingens morborum numerus et multifaria complicatio geometrarum sequi methodum in exponendis eorumdem naturis, tironemque praemissis simplicioribus ad intellectum compositorum evehere.

123. Necessum itaque erit quamplurima vitiosa seorum considerare, quae vix aut nunquam singula in aegris occurrunt, et multos simplicioris ingenii affectus inter morbos referre, qui pervulgato loquendi more pro morbis non habentur (38.), aut quos Pathologi etiam causarum titulo adscribunt. Nimirum universalis quaedam datur inter partes humani automatis conspiratio, qua uti in sanitate mutuam sibi opem praestant, atque aliae alias naturae legibus adaptant, ita in statu morbofo una patiuntur, suasque affectiones invicem communicant. Unde in praxi raro veri occurrunt morbi, quorum simplicissima idea nihil mixturae habeat. Inest etiam in sanitate robur aliquod, quo se adversus vitia singulari tuetur, nec a solita

D

ria

na cuiusvis partis alienatione functionum suarum tenorem statim perturbari finit: ut adeo plerumque morbus tum demum erumpat, cum latius se diffudit malum.

124. Non tamen est, cur ea propter doctrina de isto morborum genere hoc loco praetermittatur. Facit certe plurimum ad intelligendos compositos, qui ex confluxu simplicium oriuntur. Quin et seminiis morborum (75.) post tradendis lucem affundit. Immo vel in ipso artis usu tanti ea momenti est, ut in curandis aegris perpetuo adhiberi debeat: nisi enim remedia et medenti methodus diversae individuorum constitutioni prudenter accommodentur, saepe plus noxae, quam emolumenti affertur (120.)*). Nec vero refert, an morbos velis, an potius affectus, vitia, diatheses, appellare.

Morbi Simpliciores.

125. QUVM morbus corpori inhaereat (36. 42.), in partibus, quae id constitu-

*) Vid. I. HUXHAM Lib. de Febris Cap. I. III. IV.

stituunt, sedem habebit, proque harum diversitate et ipse diversus erit.

126. Inde continentes occupabit, aut contentas, firmas partes, aut, quos continent, succos. Haec prima morborum differentia.

127. Utrumque porro partium genus suis instructum est conditionibus, quibus ad sua quodlibet munia aptum redditur. Istarum vero aliae communes sunt, aliae ad singulas cujusvis generis species plus minus restrictae; prout hae diversis modis ad functiones sanitatis conferre debent. Neutris carere sani possumus: nec priorum alienatio minus, quam posteriorum, nocet. Unde altera nascitur morborum differentia.

128. Est et mutua quaedam partium ad partes, conditionum ad conditiones, relatio ac proportio, qua ultra citrave aberrante non symmetria tantum, sed functionum quoque justa harmonia vitiatur. Ex quo respectu ulterior morborum subdivisio profluit.

129. Secundum has classes (126. ad 129.) morborum simpliciorum historiam ordine exponemus. Dicenda autem plenius intelligentur, si, quae de materie corpus humanum constituen-

te. casta chemia demonstrat, praemit-
tantur.

*Partes, quibus humanum corpus
constituitur.*

130. CORPVS humanum; si contrecta-
bilem materiem spectes, ex humido et sic-
co exquisitè mixtis constat.

131. In diversa utriusque (130.) pro-
portionè ac compositione multiplicium
consistentiae graduum, quibus partes C.
H. inter se discrepant, ratio potissimum
fita est.

132. Humidum aqua constituit, du-
rissimis partibus aequè ac fluidissimis in-
dita succis, qua ablata, nil nisi siccum
supereft.

133. Mobilissima haec materies, leni
calore fugax, maximam universi corpo-
ris molem conficit, fluidumque in ejus-
dem succis, molle ac flexile in firma
compage producit.

134. Siccum cohaerentius, inertius,
calore aegrius dissipandum, in triplicem
materiem differentis naturae resolvitur;
inflammabilem, quae ignis pabulum; fa-
linam aquae amicam; terream denique,
quae igni et aquae resistit.

135. In-

135. Inflammabile, coloris calorisque sedes, acrimoniae salinae temperamentum, tenacitatem per firma et fluida diffundit.

136. Salinum, phlogisto adhaerente obtusum, aqua dilutum, suo interventu hanc illi conciliat.

137. Terreum, totius machinae basis ac firmamentum, adversus aëris, ignis, aquae injurias praesidium, hinc per omnes corporis partes, non aequali tamen proportionem, distributum, fluidis suam singulis densitatem, firmis stabilitatem infert consentaneam.

138. Quatuor ista (132. 135. 136. 137.), etsi multum inter se diversa, in statu suo nihilominus exactissime permixta sunt; ut nulla in particula firma, vel fluida, alterum sine altero, ubique invenias omnia, nec nisi nocivo impetu sincerum aliquod a reliquorum consortio abstrahi possit. Quo circa nec credibile est, naturam in fabricando corpore, augendo, nutriendo, elementis uti disparatis, quae primum inter se miscantur, atque alia cum aliis componat eo ordine ac proportionem, uti cujusvis partis indoles exigit. Immo vero moleculas adhibet jam mixtas, congruaque

harum aggregatione ac varia densatione suum opus perficit. Hujusmodi profecto sunt etiam, quae de corporae decedunt, detrimenta reparanda, et quae in succis nutritiis fluitant, aut ex alimentis eliciuntur, particulae alibiles. Nec major virium naturae humanae modus esse videtur.

139. Mixtionem (138.) insuper firmat cohaerentia, qua heterogenea inter se continentur, ne sponte divortium faciant, nec vi externa, nisi aegre, a se mutuo avellantur.

140. Vis tamen cohaerendi uti non eadem est inter atomos cujusvis materiae seorsum spectatae: ita nec inter diversas commixtas aequae magna promiscue viget. Aliae aliis affiniores sunt: dantur et, quae se invicem repellunt, nec, nisi proxenetae interventu, conubium stabile subeunt.

141. Humidi (132.), quam ficci, (134.), levior cohaesio est. Quo fit, ut ex diversa alterius cum altero mixti proportionem diversi consistentiae gradus emergant.

142. In sicca materie terreum (137.) prae aliis cohaerentissimum est, atomorum suarum in proximos contractus com-

compactione duritiem daturum vix edomandam; nisi aliorum interventu molliretur. Id solum superest, cum ignis et aëris violentia cetera disjunxit, dissipavit. Duriora ossium corpora, igne ad alborem calcinata, suam tuentur cohaesionem ac formam; tametsi, praeter terram, nil reliquum habeant, et ne illam quidem sic addensatam, ut non permultis passim porulis hiet. Inde quo pars quaelibet plus terrae congestum consipatumque continet, eo firmitus cohaeret. Quod corpus humanum ex multis junctis unum quid sit ac permaneat, singulaeque ejus partes tamen inter se non confundantur, terrae possimum debetur. Hic hominis sceletus chemicus: hoc principium cohaesionis, quietis, inertiae.

143. An autem glutine opus est interposito, aqueo, pingui, quo terreae particulae, sponte dilapsurae, inter se conferruminentur? Immo vero opus est, quoties cohaesio fluida, mollis, flexilis, friabilis, i. e. non prorsus rigida requiritur, quam intractabilem terra mera faceret. Sufficit huic proximus suarum particularum contractus ad cohaerendum: alienorum interventus cohaesio-

nem modo attemperat, quae tanto laxior est, quo istorum ad terram major ratio. Nec contra facit, quod calcinatis ossibus, cum aqua vel oleo imbuuntur, major reddatur firmitas: poros illorum (142.) aut vacuos, aut saltem aëre repletos, cum subit, hoc expulso, humor longe densior, numquid augeri cohaesionem necesse est? Ipsa etiam glutina suam terrae, quam continent, cohaerentiam debent.

144. Cur igitur partes corporis humani, igne exustae, in cinerem fatiscunt non cohaerentem? Excussis volatilibus vacui nascuntur in massa terrea loculi, quibus fit, ut hujus moleculae a proximis contactibus longius absint. Quin et bonam terrae portionem una in auras dissipari, docet fuligo, tum spiritus, salis, olei, quae excutiuntur, depuratio. Inde partes magnae materiae volatilis copia suffertae hoc phaenomenon duntaxat exhibent; non item quae terra compactiore sunt stipatae (142.).

145. Aquae et terrae, ad opposita cohaerentiae extrema constitutis (141. 142.), nec nude sociabilibus, salinum (126.) et inflammabile (125.) interponitur, hoc terrae, illud aquae amicum, alte-

alterum quoque alteri facile coalescens; ut adeo horum interventu dissidentes materiae concilientur. Aqua sic sali nubit, sali phlogiston, huic denique terra, et mixtio omnium stabilis emergit, gradu conaefionis, qua inter se ligantur, eundem ordinem sequente, ut privato singulorum ingenio ac mutuis affinitatibus consentaneum.

145. Minime tamen dissimulandum est, novissimis Suecorum experimentis, quibus acidum phosphoricum ex animalium ossibus ad alborem usque calcinatis, interventu acidi vitriolici, acquiri posse constat, utcunque credibile fieri, terram illam, ut exustissimam, neutiquam sinceram esse, sed aliquantum acidi illius singularissimi continere, eoque a quibusvis aliis terrarum simplicium speciebus discrepare. Unde porro inferri queat, acidum istud, sua natura fixissimum, loco ferruminis esse, quo terreae molecule consolidentur. Cum conclusioni dubia quaedam obstant, quae ulteriore scrutinio forte expedientur, consultius fuerit nihil dum decernere.

146. Quare constat, partium humani corporis materiaturam ubique eandem esse, elementa eadem; differentiam

vero diversae horum proportioni deberi. Abundans siccum cum paucò humido firmitatem efficit; fluorem contra opposita utriusque mixtio. Nec aliter dura pars a molliori, aut humor crassius a tenuiori, discrepat.

147. Aucta igitur proportionē sicci ad humidum, huiusve ad illud, humor in partem firmam converti, aut haec vicissim in humorem redire poterit; pars firma durior, mollior, humor crassior aut tenuior reddi. Cohæsionis gradum ipsa mixtarum materierum proportio determinat. Naturae humanae familiare hoc opus, nulla licet arte imitabile, diversum genus elementorum non exigit.

147.* Notandum denique, quas dixi (132. ad 137.) contrectabiles C. H. materias, prout mutua conjunctione succos ac solida ejus constituunt, copioso insuper aëre communi intime perfusas esse, qui non tantum mixtione, sed inita quoque cum illarum moleculis cohaesione, suppressa elasticitate sua, inibi defixus veluti concorporatur. Quod cum in sicca parte non minus, quam in humida penetrabiliore obtineat, illibata cujusque consistentia; credas internum hunc aëra utrique naturae annu-
me-

merandum esse; nisi mavelis siccum potius dicere et in humido, ut salem in aqua, liquefcere. Utique materiae siccae affnior videtur, cui quippe longe tenacius, quam humidae, inhaeret, et ex qua tanto aegrius expellitur, quo minus humidi in illa superest. Quemadmodum igitur aër externus vitae animali sustentandae maximopere necessarius est; sic idem internus partem non exiguam ad constituendam corporis animalis materiaturam conferre recte dicitur, tantoque majus profecto momentum videtur habere in mixtione quatuor materierum contrectabilium (138.), quia istarum aliae cum aliis dissident (140. 145.), aëris contra elementa cum ceteris omnibus et singulis indiscriminatum coëunt.

An vero is ipse etiam, ut intestinis fermentationis, putrefactionis, effervescentiae motionibus, de corporibus ex diversa materie coalitis excussus, subtilissimis omnis generis ramentis, aqueis, salinis, oleosis, quin et terreis (144.) permixtus, hodie pervulgato nomine aëris fixi celebratur, vinculum aut gluten vocari meretur, cujus interven-
tu cetera corporum quorumvis, maxi-
me-

meque organicorum, elementa inter se cohaerent atque continentur *)? Nova doctrina experimentis quidem elegantissimis utilissimisque instructa, sed vocum abusa, idearum confusione et paralogismis mirifice confarcinata, cum rigidius examen sustinere nequeat, vix nisi novitate sua fautores sibi conciliafse *visa est**)*, et *explosa magna ex parte recentiorum experimentis, quibus constitit aërem illum non mere fixum, sed phlogistico remixtum evolui quidem ex corporibus animalibus, quae in suas partes resolvuntur, hanc vero evolutionem, satis quidem constantem, primam resolutionis corporum causam non continere. Nec in putredine, unica naturali via, qua corpora animalia in elementa sua resolvuntur, uni phaenomeno, licet constanter obvio, causa resolutionis adscribenda, quae in pluribus ad unum finem concurrentibus latere magis videtur.*

Majorem fidem habere videntur, quae solers recentiorum industria detexit, in phlogistico

*) Vid. Experimental Essays by D. MACBRIDE Eff. II. pag. 27 et seq.

**) Confr. J. D. HAHN dissertatio de aëre fixo a D. DE SMETH publice pro gradu defensa passim, praecipue Art. XVII. pag. 93.

stico principio corporum in suas partes resolutionis causam esse sitam adstruentium. Sed iisdem difficultatibus pressa opinio: relationes enim, actionis quantitatem, qualitatem, modos, huius principii penitus perspicere nemini mortalium datum est. Hinc probabilior quidem, at nondum penitus demonstrata recentiorum temporum doctrina, qua causam putredinis phlogiston nimis copiose generatum euolutumque posuere, multum infirmatur, ad rigidius examen reuocata.

147. *Materiam tandem corpori nostro inesse igneam, electricae analogam, magis minusue, in actus ciendam, pro ipsius copia vinculis, combinationibus, potentiarum externarum vi, caet. eamque vitae et sanitati conservandis et morbis generandis, determinandis, admodum conferre, plurimae et sagacissimae observationes docent. Verum incomprehensibilis in his hactenus natura humana multam quidem conjecturarum et disputationum materiem largita est, veri firmique parum.*

148. *Ex hac analysi (120. ad 148.) non difficile est videre, quamobrem homo in vegetantibus ac animantibus materiem inveniatur corpori suo nutriendo, augendo, reparando, idoneam? Aërium, aqueum, salinum, phlogiston, terreum, in utroque regno eadem sunt,*
nec

nec dispar mixtio generalis. Unde et vicissim illis in pabulum cedit corpus humanum.

149. Liquet etiam, cur idem tam proclive in putredinem sit? Aëris interni, humidi ac inflammabilis elementi abundans copia, compagis firmæ laxior pro magna parte cohaesio, succorum per hanc undique diffusorum multitudo, id genus corruptionis facile admittit. Ut merito admirabilis habeatur vitae potentia, quae machinam a morte statim putrescentem, aëri proprioque calori, instrumentis ad putredinem efficacissimis, expositam, per tot annos tamen incorruptam tueatur.

*Morbi partium solidarum
simplicissimi.*

150. IDEA solidi simplicissima est, cum spectatur, in quantum a fluido discrepat. Id omni solido commune. Reducitur autem ad solam materiae cohaesionem (146.) Elementa materiem constituentia utrobique eadem sunt, variata tantum proportionem (ibid.). Haec in firmis partibus a Medico praecipue attenden-

denda respectu cohaesionis, cujus diversos gradus terminat (147.).

151. Vitiorum igitur, quae in solidis cognosci ac tractari possunt, simplicissima quoque ad cohaesionem pertinent. Nec alia hic in elementis aut temperatura inveniuntur, quorum utilis et necessaria cognitio. Haec prima linea Pathologiae.

152. Cohærentia autem duobus modis peccat, imminutione vel excessu: hæc rigiditas, illa debilitas, vocatur. Hi bini morbi similes. Tertio solute unitatis nullus hic locus est; cum eo posito ablata cohæsiō concipiatur, adeoque simplicis solidi idea evanescat.

153. Utriusque morbi (152.) ingenium declarat notitia justæ cohærentiæ gradus, quo firmæ compages muniis fanitatis aptatur. Corpori, ex innumeris partibus composito, quarum singulae suis agitari motibus, nec mutuis tamen nexibus elabi debebant; humoribus insuper perfuso non continendis tantum, sed et diversimode movendis, dirigendis, mutandis; nec lapidea durities, nec molitudo quævis, congruere poterat. Ut adeo medius quidam inter opposita extrema gradus tenacitatis sanum robur constituat.

154. Cohæſio etiam ſanitati congrua non *omni vitæ tempore nec* in omni parte eadem eſt, ſed cuius ſuo data modo, diverſa pro vario, cui deſtinatur, uſu. Firmitatis linea, inde a termino fluiditati contiguo, inque hanc veluti abſorpto, ad oſſis uſque duritatem protenſa, quamplurimos intercipit minoris majoriſque cohæſionis gradus, ſuis ſingulos partibus convenienter aſſignatos; quorum permutatio oeconomiae humanae intolerabilis.

155. Eſt etiam, ut generatim ſanitatis, ita roboris legitimi ſolidorum, latitudo quaedam, ſi diverſorum hominum corpora, ſimilesque horum partes firmas inter ſe comparaveris; ut aetate, ſexu, temperamento, etc. a ſe mutuo diſcrepant. Gradus cohæſionis in homine ſingulari congruentiam proportio harmonica magis, quam abſoluta menſura, determinat.

156. Unde patet, eundem cohærentiae gradum alias naturalem, alias morboſum eſſe; nec vitia exceſſus aut defectus, niſi ex ſymmetria reliquarum corporis conditionum, dijudicari poſſe.

157. Debilitas itaque dicatur materiae ſolidum componentis niſus in cohæſio-

haesionem tam parvus, ut ferre motus nequeat, quos vitae ac sanitatis munia exigunt, quin nimis cedat.

158. Nec tamen sana habetur corporis partisve cohaesio, quae exquisitissimae tantum vivendi rationi respondeat, modicos errores impune non subeat. Beneficio Creatoris homini in tanta rerum vicissitudine constituto atque ad altiora nato sanitas contigit, quae nec minoribus injuriis statim labefactetur; ne perpetuo, aut aegrotet, aut observationi et curationi corporis intentus esse debeat.

159. Debile (157.) autem, vi majore actum, aut salva cohaesione nimis distrahitur recursui impar, aut ruptum plane dissolvitur. Unde duo nascuntur hujus vitii genera, quorum quodvis suas iterum species sub se habet pro partium diversitate discrepantes.

160. Ad primum genus referatur

1. Laxum, Flaccidum, in partibus mollibus, quae vi minore ultra modum se extendi, distorqueri, aut dilatari patiuntur.

2. Iners, in partibus natura elasticis; cum cerea mollitie lentae impressos mo-

E

tus

tus suffocant, nec insito nisu in statum pristinum resiliunt.

3. Flexile, in ossibus, quae, amissa stabilitate, potentiis distorquentibus aut prementibus nimis facile cedunt, neque vel suam, vel ceterarum corporis partium, quibus pro sustentaculo sunt, formam satis tuerentur.

161. Genus posterius (159.) comprehendit

1. Tenerum, Gracile, in mollibus partibus, quarum fibrae, quia justo exiliores sunt, distractae, citius, quam par est, rumpuntur: diathesis ut plurimum quidem speciosa, sed ob nimiam, cui non raro juncta est, mobilitatem tanto periculosior.

2. Tabidum, itidem in mollibus, quae corruptis, quos continent, succis maceratae, aut aqueis, oleosis, mucilaginosi, diu fotae, acribusve erosae, contabescunt et friabiles redditae omnem tenacitatem amittunt. Putredo, concitato motu intestino, aerium, aqueum, salinum, phlogiston, agit, de terrae interstitiis evolvit, terram ipsam sic una in motus ciet; ut hinc cohaesio minuat. Docet carniū ex incipiente corruptione nascens delicata teneritudo, aut
diu-

diutius aqua excoctarum consistentia friabilis.

3. Fissile, in partibus natura tenacioribus; cum ob contextum sicciorem minus obsequiosae distrahi nequeunt, quin rimas trahant et cohaesione laterali fibrarum soluta findantur.

4. Fragile, in ossibus, quorum materies pingui et glutine emuncta, acri exesa, destructa cohaerentiae firmitate, ad leves motus frangitur.

162. Omnium istarum debilitatis specierum (160. 161.) generalis causa sita est in elementi terrei, quod basin solidorum constituit (142.), particularum contactibus justo paucioribus, nec sat arctis, aut intestino motu relaxatis: horum enim numero et proximitati vis cohaesionis respondet. Inde connata, aut victus ratione nimis tenui acquisita fibrarum exilitas; succorum prae solidis multitudo; aeris, aquae, mucii, pinguis, copia inundans; aut et eorundem absque terrae compactione emunctorum defectus (143. 144.) violenta partium ultra tonum bistractio; acre varium, firmis per humores insinuatum, amicam aquam trahendo, retinendo, phlogiston solvendo, gluten attenuando, terram

exedendo, omnia inter sese commovendo, eo deducunt. Confirmatur haec *αιτιολογια* ossium generatione, incremento, analysi, morbis horumque remediis: inest quippe in ossibus materies terrea copiosior, compactior nudiorque, quam in ceteris minus densis partibus, suumque adeo in consolidando principatum in illis tanto apertius declarat.

163. Qui vero duplicem considerat noxam, cui debile solidum exponitur (159.) et cum requisitis sanitatis in diversis partibus comparat, is facile videt, seminium in hoc vitio dari plurimorum magni momenti morborum; maxime sicubi ex incongrua vivendi ratione aut aliunde potentiae nocentes accesserint.

164. Rigiditas (152.) affectio priori opposita, hinc intelligitur: ponit enim excessivam in solidis cohaerentiam, qua distractioni suae plus resistunt, quam modus sanitatis (153.) requirat aut impune ferre possit.

165. Efficit autem, prout in diversis partibus vario gradu inest, aut insuperabilem firmitatem, aut fragilitatem flecti nesciam. Quocirca et hic duplex distinguere genus licet et sequentes horum species internoscere:

I. Te-

1. Tenax, in partibus molibus; cum aegrius sese distrahi ac distendi patiuntur. Exemplum in carnibus annosorum animalium.

2. Durum, in mollibus quoque; sicubi praeter naturam *durescentes*, aut in cartilaginem, os, aut petram mutatae sequaces esse desinunt.

3. Fragille, Vitreum, in ossibus, a fragili (161. 4.) spongioso diversum, nascens ex majore materiae condensatione, qua fit, ut impetu fortiore rumpantur potius, quam tantillum cedendo cohaesionem tueantur. Docent ossa hyeme et in senibus etiam sanissimis fragiliora. Nec molles etiam partes ab hoc vitio prorsus immunes sunt.

166. Ponit hic status (165.) elementum terrestre in solidis ultra modum abundans, nimisve compactum; ut hinc propiores justo ac numero auctos habeat contactus mutuos, interpositi aëris ac humidi defectu laborans. Antecedunt igitur conditiones supra (162.) memoratis contrariae, ex nativitate, sexu, temperamento, vitae ratione, ambientibus, potentiis mechanicis etc. repetendae. Est praeterea in ipsa vitae sanae, etiam moderato tantum tenore fluentis,

tis, durationis tacitus quidam, at jugis ad corporis rigidationem progressus, quem tuto effugere nemini licet: cum enim natura, in organis ad sua quaeque munia aptandis roporandisque inde ab ortu perpetim operosa, primaevam illorum mollicitudinem, densando paullatim plenam mediae aetatis firmitatem, cuique parti consentaneam, induxit; eodem opere, dum vita durat, continuato, utique necessum est, nimia tandem compacti-
one roboris excessum i. e. rigiditatem inferri; quae idcirco naturalis senectutis comes, fatique senilis lege inevitabili consecuturi prodromus.

167. Efficit autem multiplicia circuitus humorum, secretionis, excretionis, nutritionis, incrementi, motuum ac sensuum, impedimenta; prout vel in universo corpore, vel in singulari huius parte obtinet.

168. Utrumque vitii genus (159.164.) tam late patet, ut firmarum partium nulla iis non obnoxia sit; quum id afficiant, quod omnes inter se commune habent. Itaque non tantum pertinent ad solidum minimum, simplicissime spectatum; sive id fibrulam esse finxeris, sive laminulam, aut informe coagulum; sed etiam
ad

ad membranas, canales, viscera, carnes, ligamenta, tendines, cartilagine, ossa, etc. quibus solidum minimum pro communi materiatura est. Nec excipiuntur, quae ex canalibus compressis, siccatis, exhausto densatove, quem continent, suo liquore concretis, compinguntur magis aut crassescunt partes; nec quae per epigenesin quovis demum modo accrescunt.

Morbi solidi vivi.

169. SOLIDVM vivum dico, quod vi vitali pollet.

170. Vis vitalis solidi est, qua illud ad contactum irritamenti se contrahit, crispatur.

171. Irritamentum est, quidquid contactu suo vim vitalem (170.) ad agendum ciet. Eo autem non tantum acria mechanica, chemica, etc. referuntur, sed et alia multum diversae virtutis, et vel blandissima, quae solidis vivis intus vel foris admota aliquam status spontanei mutationem inducunt. Sunt autem occasiones duntaxat, nec adeo verae causae contractionis; quum haec actio-

ni irritamenti minime, tanquam effectus, respondeat, nec ab eodem in solidum vita destitutum agente producat.

172. Duas itaque in solido vivo concipere facultates licet; alteram quasi sentiendi *), qua stimuli actionem suo quodam modo percipit; alteram movendi, qua sese contrahendo vim vi opponit ac repellit veluti, quod quietis suae statum turbat.

173. Inde, cum vita in solido agit, series datur trium conditionum; irritationis

*) Dico facultatem quasi sentiendi, ne videar hic de vera sensatione loqui, quae ad mentem corporis incolam pertinet hancque cum conscientia affectam ponit. Corporalis est, quamvolo, facultas, quorumvis animantium vitae propria, etiam in illorum partibus, de vivo corpore abstractis, aliquamdiu superstes: eadem quae nec in plantis deest, quas inter quae majore ejus gradu pollent, vel ideo quoque sensitivae solent appellari; quoniam phaenomena edunt sensilitati humanae analogae. Atqui nec absimilia sunt, quae in solido vivo hominis, vi stimuli incitato, se manifestant, mente licet nihil sentiente: uti vice versa acres mentis sensationes vim vitalem non raro prorsus intactam relinquunt.

tionis puta, perceptionis ac contractionis; quae successione subitissima inter se confluunt, ac altera alteram excitant; quanquam non aequa virtute, nec semper eadem lege.

174. Perceptioni quidem constanter proportionata videtur contractio, pro minore vel majore illius gradu et ipsa minor majorve futura. At irritationem inter ac perceptionem haud similis semper obtinet ratio, sive stimuli naturam spectes, seu, quas afficit, partes. Immo vero discrepantia hic datur multiplex, nec ad certas leges redigenda.

175. Quamvis enim credibile sit, vim istam per universum corpus vivens diffusam esse; ratio tamen et experimenta suadent, non aequaliter in singulis partibus vigere, sed aliis acutissimam, tenacissimam, insidere, aliis diversimode efficatia, mobilitate, duratione minorem, nonnullis etiam minimam, quae vix aperte se prodat. In huius scalae summo gradu Cor stare, proxime sub hoc Ventriculum, et Intestina, dein Diaphragma, tandemque ceteros musculos, sagax HALLERI industria detexisse videtur: quod ipsum et obser-

vationibus Practicorum mirifice confirmatur.

176. Diversi quoque istius virtutis gradus in toto homine notantur pro varia aetate, sexu, temperamento, vitae genere, statu graviditatis, puerperii, etc. Facit et idiosyncrasia differentiam, et insuetudo.

177. Unde fit, ut ejusdem irritamenti applicati actionem non quisque homo, aut quaelibet huius partes, aequali gradu sentiant, eademque res et stimuli loco esse et non esse possit in diversis, et in iisdem etiam alio atque alio tempore.

178. Est et consensus aliquis ac conspiratio inter vivas partes, qua fit, ut altera alteram in communes contractiones cieat, cum una modo laceffitur: ut adeo pars singularis irritata nonnunquam et universum corpus exagitet. Sic motus nascuntur alias salutare, alias detrimentosi (99. 104.).

179. Animalis etiam vis, quae sensus regit, cum vi vitali communicat, et vehementer affecta huic pro irritamento esse potest, ut haec vicissim illi. Quocirca et mentem hominis isti commercio implicitam esse constat.

180. Haec (169. ad 180.) consideranti obscurum esse nequit, quanti momenti effectus cum in sanitate, tum in morbis, ex principio vitali profluant. Nititur eo magna pars virium naturae humanae conservatricum, destructricium, medicatricium (4. 5. 37. 51. 99. et seqq.). In hoc dum agunt stimuli morbos, aliae atque aliae nascuntur affectiones, prout diverso ejus gradu homo ab homine (176.) pars a parte (175.) discrepat. Huic potissimum debentur naturae illa molimina, quae fontem alterum symptomatum (101.) constituent. Denique et plerorumque remedium operationes ab hac ipsa vi motrice pendent.

181. Hoc Ε'νορμῶν Hippocrati dictum, quicumque ad mentem hominis referunt, haud satis apposite explicant, cur id sine conscientia agat, nec obediat voluntati, et vel in partibus de corpore vivo resectis aliquamdiu supersit? Rectius itaque corpori videtur tribuendum; tametsi aliqua parte mentis imperio subditum esse actiones voluntariae testantur.

182. Quum vero ejusdem actio non adeo in humoribus, sed in solidis se manifeste-

nifestet; his potius, quam illis, id insidere dixeris: ita tamen, ut credi possit, aliquid ejus in ipsis humoribus, unde solida nascuntur, jam occulte inesse; nisi mavelis, sub ipsa statim concretione indi, nascive: utique tum primum, si qua, ejus dari observationem dicas.

183. Adesse vero aut abesse cum possit, solido integro, ad hujus in se simpliciter spectati naturam id referre vix licet. Quocirca male in firmarum partium elementis, horumve mixtione, aut glutine, quaeritur; ut quae a morte supersunt, nec admodum mutari videntur. Stamen solidi, ut simplicissimum mente fingitur ex terreis elementis, glutine junctis, revera existere non constat, nedum vivere.

184. Nec juvat precario assumere fictitiam in solido fabricationem, ut vis istius fundamentum; quum legibus mechanicis locus hic non detur (174.) neque adeo de fabrica solidi quaeritur, sed de vi, qua id agit.

185. Elasticitas quoque, gravitas, attractio, repulsio, effervescentia, explosio, et reliquae corporum inanimorum vires, phisicis chemicisque celebratae, cum aliqua veri specie huc trahi nequeunt.

unt. An vis electrica? Novitas impulit, ut post innumeras hypothesen, tempore dissipatas, etiam de vi electrica motibus vitalibus praeficienda sit cogitatum: sed spes concepta decolavit, phaenomenis utriusque vis motricis inter sese sine ambitione collatis.

186. Quare vim vitalem merito ab omni alia corporum vi motrice hucusque detecta distinguimus, ut principium sui generis, viventibus inditum, quod privas sibi in agendo leges sequatur sola observatione detegendas. Illud vero cum per totam universitatem corporum organicorum viventium, animantium, vegetantium, zoophytorum, vario quidem in diversis gradu, quoad vivunt, sese actuosum praestet; neque extra istorum pomoeria, uspiam in corporibus inanimis inesse constet; quin et viva a mortuis distinguat; inde factum, ut homines, ab omni aevo, motus tremulos et palpitationes animalium in frustra sectorum, viscerumve de viventibus evulforum, sponte, vel stimulo concitatas, ut vitae reliquias, ad vim vitalem retulerint. Cur igitur hodie indefinitae voces irritabilitatis, mobilitatis, agilitatis, etc. magis placent?

187. Quando autem nulle assignari particula potest, quae, dum vita gaudet, mero constet solido, nec materie fluida plus minus perfusa sit (182.); et mollitudo fibrae magis etiam, quam durities, favet vi vitali; haecque ipsa, etiam in vivacissimo corde, a causis longe ab illo remotis, iisque levissimis, non raro deliquium patitur; in partibus autem a corpore suo separatis, huius commerico destituta, fugax cito evanescit; dubitare profecto licet, utrum solida eam sibimet ipsis ingenitam habeant? an vero potius influam aliunde accipiant, nec, nisi jugi, qualicunque demum, ex eadem scaturigine influxu, diu conservare possint? Nervis hic plurimum deberi observationes pathologicae et experimenta certum faciunt.

188. Ex quibus (169. ad 188.) consequitur, tanti hoc motus principium momenti esse, ut non a Physiologis modo, sed et vel maxime a Pathologis attendi mereatur; et sua id vitia pati posse, quae et frequentissima sint, et sive solitaria, sive cum aliis morbis complicata, multifarias functionum perturbationes inducere queant, nec tamen inter similes, elementarios, temperiei, toti-

totiusve substantiae, aut et organicos solidorum morbos, veteribus dictos, neque etiam inter humorum vitia a recentioribus addita, sat definitum inveniant locum, atque adeo singularem sibi titulum reposcant. Quidni praeceuntem sequamur HIPPOCRATEM? qui, praeter continentia et contenta, etiam τὰ ὀρμῶντα in homine contemplari cum ratione iussit.

189. Vis vitalis duplici modo peccare potest; excessu puta et defectu. Hunc torporem vocabo; illum irritabilitatem. Medius inter haec extrema status sanitatem ponit. Cohærentiae debilitatem aut rigiditatem (151.) nonnulli male cum duobus istis affectibus confundant.

190. Irritabilitas mihi dicitur solidi vivi tanta sensilitas (172.), ut levibus stimulis in motus erumpat enormes, quibus aequabilis functionum tenor perturbatur.

191. Enormitatis motuum mensuram dat nota vis et applicatio irritamenti, collata cum intensitate, duratione, reciproca-tione, extensione contractionum, quae inde consequuntur. Ut ideo huic vitio obnoxiiis intolerabilia sint, quae sani facile ferunt.

192. Notetur tamen, quae intra limites sanitatis consistit, sensibilitatis differentia in diversis cum hominibus, tum partibus ejusdem hominis (175. ad 178.). Nec singularis etiam cujusdam stimuli intolerantia, ad idiosyncrasiam pertinens, mox pro morbosa affectione habeatur; quamvis inferre morbos possit.

193. Occupat autem iste excessus aut universum corpus, quod una mentem quoque irritabiliorem sibi plerumque junctam habet; aut partem modo singularem, cui, quod suo toti non rite attemperata sit, levi quavis occasione turbae nascuntur.

194. Difficile est in tanta naturae virtutis vitalis ignorance fontes detegere, ex quibus id vitium promanat. Docet tamen observatio, ut plurimum simul adesse 1. delicatam solidae compagis teneritatem (161. 1.) alias et 2. strictam fibrarum tensionem, mobiliore elatere comitatam; 3. magnam sensuum agilitatem, quae cum mobilius ponat nervum systema, similiem motuum vitalium affectionem comitari indicat (187.) 4. saepius et acrem humorum tenuitatem, *aut acredinem, coactis simul humoribus*; 5. sistema circulationis agitatius. Unde

Unde haereditas, aetas junior, temperamentum mobile, sexus sequior, clima calidius, vitae genus lautum, sine exercitatione, aut et strictius regimen, cum meticulosa omnis insoliti evitatione, morbi acuti febriles, calidi, eo disponunt. A mente corpus irritabilius reddi (193.) non magis, immo minus etiam probabile est, quam illam ab hoc incitari. Dubium utique, an mentium humanarum intima detur differentia?

195. Generales, qui ex irritabilitate oriuntur, effectus reducere licet ad solidorum vibrationes tremulas, crispationes, tensiones, spasmos, convulsiones; ex quibus iterum dolores, anxietates, cavitationum contractiones, obstructiones, congestiones, inflammationes, et multiplex circulationis, secretionis, excretionis, aliarumque functionum impedimentum ac alienatio consequi possunt: uti facile est erueri, si quis irregulares illos motus ad varias corporis partes, membranas, vasa, viscera, glandulas, musculos, fibras motrices, organa sensuum, etc. applicat, habita simul consensus (178. 179.) ratione. Unde dubites, utrum huic par affectio detur alia, quae tot tantisque hominem malis obnoxium reddat.

196. Torpor (189. solidi vivi ponit imminutam vario gradu sensibilitatem, hinc ad irritamenta niscus in contractionem tam parvos, ut non sufficiant iis producendis motibus, quos oeconomiae salus postulat.

197. Obtinet adeo vel in toto corpore, vel in parte singulari, et minore quidem majoreve recessu a vigore naturali. Abolitio plenaria, universalis, vel particularis mors est.

198. Comitari eum solet 1. rudior fibrosi contextus crassities, delicatae gracilitati (161. 1.) opposita, ob molem majorem aegrius mobilis; 2. rigiditas partium tenax, vel dura inflexibilis (165. 1. 2.) superpondio ac compactione terrae gravis; sed et 3. laxitas ac inertia (160. 1. 2.), ex colluvie aquosa, mucosa, pingui; 4. inde et crasis humorum frigida, aquosa, viscida, aut terrestres densior; 5. eorundem lentior per vasa motus; 6. sensuum denique ac animi motuum tarditas. Quaecunque igitur istas affectiones in homine producere possunt, torpori quoque inferendo apta habentur. Sunt autem contraria memoratis (194.), adeoque ex his intelliguntur.

199. Nec difficulter perspiciuntur mala, quae ex hoc vitio in omne genus functionum redundant: quando harum nulla est, quae principii vitalis influxu impune carere possit. Morbi praesertim chronici inde nascuntur valde refractarii, quin insanabiles; quum ob naturae virium languorem et medicamenta parum valeant (18. et 180.)

Morbi solidorum continentium:

200. Non alia datur generalior eademque evidentior firmarum hominis partium constructio, quam illa, qua cavitates efformant, magnitudine, figura, decursu, diversissimas, admittendis, continendis; transmittendis, vehendis, fecerendis; expellendis, variis materiebus idoneas: ut ideo universa corporis compages solida continentium titulo comprehendi queat. Quamvis enim non credibile videtur eam totam ex meris vasis constare; certum tamen est, propriam; praeter vasa, partium naturam; non in mollibus tantum, sed in durissimis; plus minus humidi intime infusum habere (132.), quod solidi concrementi

porulis ac interstitiis contineri recte dicas.

201. Cavorum vero singula suum habere modum, qui sanitatis muniis maxime conveniat, docet Physiologia. Ab hoc igitur si ultra vel citra recedunt, morbi nascuntur et notabiles, et valde frequentes ob magnam cum parietum, tum contentorum, mutabilitatem.

202. Hos inter praecipue exponi merentur, qui ad cavitatis suis lateribus interceptae, aut luminum, quibus admittit vel emittit, magnitudinem pertinent excessu defectuque peccantem: sunt enim prae caeteris manifestiores, et multiplici magni momenti noxa graves, variorumque malorum, quae inde oriuntur, naturam declarant.

203. Magnitudo cavi ostiive praeter modum aucta, suas in species distributa, ponit.

1. Dilationem, *Ἐκγύσσωμα*, cum parietes cavitatis nimium inter se distantes spatium justo capacius circumscribunt. Obtinere potest in quibuscunque cavis corporis, majoribus, minoribus, quorum parietes distensionem admittunt, sive canales fuerint, sinus, receptacula, pori, cellulae, aut interstitia. Ori-
tur

tur autem, si contenta materies maiore vi in latera agit distendendo, quam haec superare contra nitendo queant. Quo facit congesta in cavum uberior moles, volumen ejus expansione auctius, impeditus trajectus, impetus advectorum enormis; parietum robur imminutum aut eorum, quibus a foris fulciuntur, ablatio.

2. *Ἀναστόμωσιν*, quae Pathologis vocatur ostii cavitatis, quod admittit, aut emittit, immodica laxatio. Unde fit, ut plus aut aliud quid, quam lex sanitatis exigit, introeat exeatve. Efficere hanc eadem possunt, quae dilatationem (1.); sphincterum praeterea, si quos orificia habent, resolutio.

3. *Διαπήδησιν*, quae adesse dicitur, cum fibrae membranas cavitatum contextentes, distractae, a mutuo contactu ita recedunt, ut, absque continui solutione, interstitia hiantia nascantur, quae, textilis ad instar, transfudare sinant humorem, qui contineri debuerat. Producitur id malum ab iisdem conditionibus (1.), sed majore gradu, diutiusve applicatis, et quidem ad cava, quorum parietes contextu subtiliore graudent, aut vitio laxiores sunt (160. 1.).

4. Διαίρεσις, cum ob cohaesionem fibrarum vere solutam parietes cavorum, qua integri requiruntur, perforati sunt, aut ostiorum margines illato vulnere nimis ampliati. Quod effici potest vi mechanica externa, secante, pungente, contundente, lacreante; aut ruptione a contentis distendentibus illata, quae ῥήξις audit; aut erosione ab acribus, quam διάβρωσις vocant.

204. Quodsi potentiis nocentibus modo enumeratis accesserit naturalis aut morbofa debilitas (157.), vel torbor (196.), universi corporis partisve singularis (154. 155. 175. 176. 197.) concursione istorum feminiorem (75.) facilius etiam haec mala (203.) producuntur.

205. Priores quidem tres affectiones (203. 1. 2. 3.) non adeo plane praeter naturam sunt, ut non in statu sano, modico gradu, quoque obtineant, et facile ferantur, imo ad diversa vitae munia etiam requirantur: uti varias partium per aetatem mutationes, impositas sexui utrique, praesertim sequiori, functiones etc. consideranti patet. Unde tum demum pro morbis haberi possunt, cum modum naturae excedunt, aut ordine,

tem-

tempore, materie, partibus, incongruis eveniunt.

206. Innotescit etiam, quatuor haec vitia (203. I. ad 4.) gradu potissimum inter se differre, et quodvis posterius ex priore semel nato produci posse; dilata-tione, cum ad ora meatuum usque se extendit, in anastomofin; aut cum au-getur, in diapedesin; hac denique in diae-resin abeunte. Quod notatu apprime uti-le, ut venienti malo in tempore occurra-tur; quando species anteriores facilem saepe sanationem admittunt; non item vera continui solutio.

207. Effectus autem multiplices inde consequuntur, qui, rite animadversi ac singulis corporis partibus applicati, plurimorum graviumque morborum origi-nem declarant.

Dilatatio quidem tumores producit, eosque saepe immanes, si parietes tenaciores vim lente distendentem diu experiuntur: tum vero natura quoque, ne tenuati rumpantur, quandoque cavet densatione, incrassatione, novisve lami-nis per epigenesin foris vel intus appo-sitis, cavitatum latera roborando: *cauet etiam dilatante materia, quae continentium lateribus adjacet, tantum densata, ut la-*

teribus canalium munimento sit. Multiplex hinc conformationis a statu sano recessus, incautos fallens, qui ex particulæ per morbum ampliatae habitudine naturalem ejusdem fabricam colligere ac explicare sustinent, tanquam si, præter magnitudinem, nihil quidquam alienatum fuisset. Violentior distractio rupturas infert: unde contentorum elapsio, et quæ ex hac sequuntur, innumera mala, nonnunquam etiam bona. Materiae in cava distenta protrusæ impetus major, impedito transitu, motu vitali aucto, aucto calore, inflammationem, suppurationem inducit; aut crescente aestu, concitata putredine, vi pressionis intercepto in vasculâ parietum partiumque vicinarum influxu vitali, mortificat, *aut retardato per gradus interceptoque tandem progressiuo motu acrimonias acquirit alias, varias natura, rodentes sæpe et irritando solidum viuum in motus enormes concitantes.* Si tenuior pars materiae, in cavum amplius congestæ, per os angustius, aut per laterum diapedesin (206.), exsudat, retenta crassior, paullatim densata, tumores solidos, molles, duros, efficit.

Anastomosis, ex protracta dilatatione tandem nascens (206.), subito nonnunquam dimittit aggestam diu cohibitamque materiem, finemque malo laetum, tristem, imponit. Ex aliena materie per oscula meatuum ampliora intrante, aut exeunte, errores loci, obstructions, ecchymoses, exanthemata, secretionum ac excretionum turbae, varii tumores, oriuntur.

Nec dissimilia sunt, quae diapedesis aut diaeresis, ocyus, serius, superveniens producit.

Quando autem parietes cavorum, diu fortiterque distracti (161.), vim sese restituendi demum admittunt, aut in eo statu obrigescent; non est, cur quis miretur, noxas ex hoc fonte nascentes haud raro tam diuturnas, quin insanabiles esse; maxime si principio negliguntur; quamvis etiam potentiae distendentes deinceps auferantur.

208. Est tamen in his morbis etiam aliquid medicati, quo natura utitur in salutem sui corporis; cum aut multitudo humorum minui, aut nociva materies e communi eorum massa separari, expelli debet. Haemorrhagiae, criticae-

quae aliae evacuationes ac metastases hoc potissimum adminiculo nituntur.

209. Alterum cavorum male affectorum genus morbos angustiae promit, quorum et species cognoscere expedit, a veteribus praecise enumeratas, prout diversis, quibus fiunt, modis inter sese differunt.

1. Obstructio, *Ἐμφραξίς*, notat cavum congesta materie spissiore, quae transmitti nequeat, ita repletum, ut pervium esse desinat. Quocirca parietes cavi non in vitio sunt, sed quae his continentur. Haec autem diversimode peccant. Liquor sanus, legitimi fluoris, at errore propulsus in dilatata ora meatuum, qui natura angustiores vehendae tenuiori materiae tantum dicati sunt: quod per anastomosin (207.) evenire potest. Materies indigena, degener, justo tenacior, mucosa, phlogistica, pinguis, amurcosa, empyreumatica, terrea, grumosa, pultacea, purulenta, feculenta, etc. Materies aliena, calculus, gypsum, gluten, vemes; ossae grandiores, ossa, devorata; unguinosa adfricta, et similia, vel in corpore morbose generata, vel a foris ingesta, applicata, cavis ductuum aut orificiis impacta; ut
nec

nec ipsa, nec, quae decet, alia transmitti queant. Huc et referre licet partis intra partem receptionem, volvulum, etc. de quibus post.

2. *Infârctus*, KAEMPFIJ opera praeclare illustratus, ab obstructione (1.) vix, nisi in eo, differens, quod etiam continentium, si non morbos, saltim dispositiones praeternaturales ponat, et in visceribus maxime locum habeat, nascitur, cum sanguifera vasa, praesertim ex venae potarum systemate, abdominalia omnia aliaque a sanguine lentius circulante tandemque stagnante, male mixto, jam per se et stagnationem corrupto, fluore suo orbato, polypofo, indurato, infarciuntur, distenduntur, aut cum alii humores, biliosi, mucosi, pituitosi, in folliculis, receptaculis, vasis congesti, amissa fluidiore parte, et acredinem adepti variam, stagnant et continentia grauando, distendendo, premendo, irritando laedunt. Nerviurum inde et vitalis fibrae affectiones intensissimae morbique copiosissimi, pro materiae nocentis indole, copia, laesionis modo, gradu, etc. nascuntur.

3. Opstipatio, Στενοχωρία, viae angustatio, quae fit, cum parietes aut sua crassitie praeter naturam aucta, aut tubere intus prominente, cavitatem minuunt, tollunt. Congesti in vasculis aut
inter-

interstitiis tunicarum humores, chondrogenia, osteogenia, lithogenia, emphysema, tumores inflammatorii, purulenti, sarcomata, polypi, carunculae, scirrhii etc. in texto parietum nata, si cavo imminet, huc faciunt.

4. Compressio, *Ἀλΐψις*, quando externa vis, cedentia cavitatum latera in trorsum urgens, diametro per gradus immixta, tandem distantiam eorundem per mutuum intus contactum prorsus tollit. Tumores, ossa fracta, luxata, ligaturae, pondera, potentiae comprimentes, contundentes, distrahentes, contorquentes, etc. id vitium creant.

5. Collapsus, *Συνίησις*, cum latera cavorum, ob defectum materiae contentae non dispanfa, subsidendo ad se mutuo accedunt. Ponit ergo parietes aut natura, aut diuturna ultra tonum distensione, aliave causa, flaccidos, infirmos, et depletionem, praecipue subitam; ut, sustentaculo suo interno orbi proprio robore tueri cavitatem nequeant, quam tamen novo influxu facile recuperant; nisi subsidentiae compressio etiam (4.) aut diuturnae conglutinatio, concretio, accesserit. Tota moles corporea, vigente vita, tumet et
cum

cum renixu turget; illa autem in moribundis defetifcente collabitur. Turgens plethorici habitus, fi ducto ad animi deliquium usque fanguine solvitur, totus subito subfidit*): idem vero et in parte fingulari obtinere docet renitens tumor inflammatorius, cum in gangraenam abit, flaccide detumescens. Unde liquet istas mutationes diverso vitae gradui deberi. Quaenam vero ista vitae vis turgesciens? an eadem vi vitali (170.)? at haec contrahit, crispat solidum. Phaenomena declarant de sanguinis circuitu, ut mensura vitae, hic cogitandum esse. Indubium quoque, turgorem et collapsum ad mollia corporis tantum pertinere; ut quae, ob laxam staminum suorum cohaesionem, affluentium humorum copia, inopia, rarefactione, densatione, expandi collabive possint. Circuitu igitur vigente sanguis calens, velociter ex corde in totum corpus propulsus, non modo apparatus partium vasculosum replet distenditque; sed videtur insuper in spatiola inania carnis cuique parti propriae (200.) tenuissimum fluidum, spiritum suum

*) HIPPOCR. Aphor. 3. Sect. I.

suum (335.), halitus forma aëre mistum (147.*), elasticum, ex osculis, forte et ex parietibus arteriolarum διαπηδησι distractis (203.3.) proflare, per venulas iugiter resorbendum, aut foras corporis, vel in cava majora exspiratum. Utroque modo sanum partibus induci turgorem conservarique posse; quin et nimium, si velocitas sanguinis calorque natus ultra modum intenditur, quis non videt? Languente autem suppressive circuitu et calorei cum et influxu vitali partes priventur, et spiritus vaporosus in liquorem contrectabilem, non elasticum, voluminis minimi, concreseat, utique collapsum consequi necesse est *).

6. Contractio etiam huc referenda, qua parietes propria suarum fibrarum vi contractili sua cava aut ostia arctant, occludunt. Id vel lente et paullatim fit, vel subito et vehementer. Inest nimium

*) Praeivit hanc doctrinam HIPPOCRATES, Lib. de Arte dicens: πᾶν τὸ ἀσυμφύτον, ἢν τε δερματι, ἢν τε σαρκὶ καλύπτεται, κοῖλον ἐστὶ. πληρῶνται τε, ὑγιᾶνον μὲν, πνεύματος, ἀσθενῆσαν δὲ, ἰχῶρος. Et Lib. de Flatibus: τὸ δὲ πνεῦμα συνκείμενον ἐς ὕδωρ ἔρχεται.

rum in solido, quod cavitatum latera format, vis cohaerentiae (139. et seq. 150.), quae uti resistit elementorum separationi, ita propiorem reddere contactum perpetuo nititur. Inest et in multis, vario gradu, vis elastica. Accedit insuper vis vitalis (170. 175.), *et a nervosa irritatione solidum vivum, cavitates, vasa, ostia formans in contractiones concitatum.* Nec desunt, quibus et muscularis potentia pro adjumento concessa est; si modo hanc a priore diversam credere libet. His viribus internis cavorum parietes se tuentur adversus contentorum impetus extrorsum, sibi que a nimia distensione aut ruptione cavent. Ut adeo continentium et contentorum oppositi nifus antagonismum exerceant mutuum, quo cavorum diametri determinantur, majores minoresve futurae, si alteruter horum nifuum a justa aequilibritate recesserit. Inde contractionis lentae ac subitae origo ac discrepantia intelligitur. Quodsi vis cohaerentiae et elateris in parietibus ultra modum augeatur, non crescente pariter materiae contentae mole, volumine, pondere, motu; aut versa etiam vice haec minuantur, non pari gradu imminuto po-

potentiae contrahentis momento; pro huius ingenio paullatim et leniter in sese coëunt parietes, fibrisque adductis cava sua arctant; donec cum contentis ad aequilibrium deveniant, aut his expulsi, vel deficientibus, quam possunt, maximam contractionem assequantur. Vis autem vitalis et muscularis, irritata, violentius agit, nec adeo in statu aequilibræ cum contentis quiescens, ad stimulum multiplicem (171.) subito in spasmos (195.) ruit, quibus stricti parietes aut distractionem non, ut decet, admittunt obrigescentes, aut cava ultra modum angustant, quin penitus occludunt. Innotescit hinc, quam variae causae utrumque id vitium inducant; et cum prior contractio sequatur distensionem imminutam, ex hac etiam nimium aucta, ut stimulo, posteriorem oriri posse; nec tamen ambas tantopere inter se differre, ut non quandoque in eadem parte simul nasci queant, aut altera alteri supervenire. Ventriculus diuturna inedia cavum suum paullatim angustans; idemque, cum ultra modum ingestis distenditur, irritata vi sua musculari subito vehementerque sese coarctans et vicinorum muscutorum adju-
men-

mento, quidquid continet, impetuosè sursum ejiciens, duplici exemplo dicta illustrat et confirmat.

7. Coalitus, Σύμφωσις, denique ponit abolitam cavitatem ob. parietes, quibus formatur, intus consolidatos. Quod affectionis genus aut post continui solutionem nata cicatrix callusve infert, aut compressio (4.) collapsus (5.), contractio (6), diuturna, fortior, ut ex contactu interno laterum perdurante concretio demum consequatur. Quin et obstipans tumor (3.) id efficere valet. Quandoque et obstruens *et infarciens* materies (1. 2.), solidescens, internae parietum superficiei coalescit. Unde constat, omnes angustationum species, ad extremum deductas, tempore tandem in symphyfin abire posse: quo cum deventum est, frustra ut plurimum tentatur sanatio, nisi manus opera adhiberi possit.

210. Uti vero haud rarum est plures memoratarum specierum (209.) una concurrere; ita saepissime huic vitio comitem aut pedissequum sese adjungere solet prius nimiae dilatationis (203.), idemque cavum parte angustius, parte amplius justo esse, ob impeditum materiae affluentis transitum.

211. Facile hinc perspiciuntur innu-
mera mala, quae ex hoc fonte in oeco-
nomiam humanam redundant; cum ad
omne genus cavitatum maximarum ae-
que ac minimarum pertineat, et a legi-
tima harum ad sua contenta ratione ple-
raeque omnes quarumvis partium fun-
ctiones plus minus pendeant. Compli-
catio autem frequens cum vitioso ex-
cesse (210.) etiam noxas inde oriundas
multiplicat, aggravat. Rigiditas cete-
rum, individua provectionis aetatis co-
mes (166.), uti plerasque morborum
angustiae species, alias ex aliis, in par-
tes continentes non potest non invehe-
re, ita ex istis potissimum jugiter incre-
scentibus, vitalis humorum circuitus re-
tardatio, caloris nativi defectus, ipsius-
que vitae languor et plena tandem ex-
tinctio in decrepitis necessario conse-
quuntur: quae mors naturalis est.

Morbi Solidorum instrumentarii.

212. CORPVS humanum in partibus
suis firmis, quae sensuum ope cogno-
scuntur, systema esse instrumentorum
diversissimorum, quae cum secundum
natu-

naturam se habent, suo singula numero, magnitudine, conformatione, proportionem, situ, nexu, continuitate, contiguitate, etc. determinatis gaudeant, docet Anatome. Physiologia autem demonstrat, vi hujus fabricae suo unamquamque partem aptari operi, quod sanitas postulat, peragendo, ideoque aliam atque aliam cuivis contigisse, prout diversae functionis instrumentum esse debebat.

213. Ceteris ergo integris, sola etiam istarum conditionum (212.) permutatio ac de naturali statu decessio actionibus sanis impedimento esse potest. Inde morbi instrumentarii, organici, nascuntur perquam notabiles et numerosi, adeoque ordine nunc pertractandi.

214. Monendum vero prius, non omnia, quae hic occurrunt, vitia, licet a naturae modo recedere videantur, functionibus ita obesse, ut morbis vere accenseri mereantur (38.) Admirabilis ista structurae C. H. varietas, cum aptitudine tamen singularum partium, ad munia sanitatis naturae legibus convenienter obeunda, conjuncta, Divinum opificium declarans, quemadmodum in universa compagine obtinet, ita vel solis

etiam ex faciebus sic satis intelligitur. Multa etiam, strictiore sensu, potius ad classem symptomatum pertinent; quum ad horum similitudinem ab aliis morbis pendeant (86.). Plurima denique ex solidorum et fluidorum affectionibus composita sunt; uti et ipsae partes instrumentariae hanc mixturam constanter habent. Hunc tamen circulum evitare nec Physiologia, nec Pathologia, potest.

215. Ut partium similarium (150.), ita et dissimilarium primaria dos est cohaesio. Hac nititur materiae firmitas, continuitas, hinc et aptitudo ad reliquas dotes mechanicas recipiendas, conservandas. Vitiata igitur morbos infert, eosque diversos, prout vel ad partis in se seorsum spectatae molem pertinent, vel ad ejusdem cum vicinis nexum.

216. Prioris generis sunt continui solutiones, quo sequentes species referuntur.

217. Fractura, quae solutio continui est in parte dura, ossea, cartilaginea, a causis mechanicis facta. Haec lato sensu comprehendit fissuram, ^{Eden}Eden, praecisionem, attritionem, etc. Producitur ab injuria, quam vis percutiens, pun-
gens,

gens, secans, tundens, cohaesione partium major, infert. Unde tanto levioribus causis nascitur, quo ossa ex senio, acri gelu, lue venerea, scorbuto, arthritide, rachitide, carie, aliove vitio, fragiliora sunt (161. 4. 162. 165. 3.); ut ideo, absque vi externa, sola musculorum actio fracturas ossium, quibus illi infiguntur, quandoque efficiat. Mala, qua hinc sequuntur, innumera facile eruuntur tum ex multiplici usu, quem ossa oeconomiae humanae praestare debent, nec possunt tamen, nisi integra; tum ex perturbatione, irritatione, distractione, pressione, laceratione, quam fracta partibus vicinis necessario inferunt.

218. Vulnus, quod notat continui solutionem in parte solida, non dura, recentem, a vi mechanica ita factam, ut sanguis aliusve succus e vasis sauciatis prodeat. Potentiis ergo similibus, ut fractura, oritur, proque harum, et, quas hae laedunt, partium, modique, quo laedunt, diversitate plurimas habet differentias et varia nomina, caesionis, excisionis, puncturae, rupturae, fissurae, contusionis, etc. Quidquid adeo sanarum functionum ab integritate partium et succis legitime intra sua cava conten-

tis aut motis pendet, nato vulnere vetiari necesse est. Unde, quae hinc oriuntur, turbae numero et varietate infinitae perspiciuntur. Accedunt autem et salutares naturae motus, qui vulnus ad fanescendum disponunt.

219. Huius etiam loci sunt solutiones continui siccae, quarum hiantia labia epidermis, callus, cicatrix, ita obduxit, ut nec de extremis vasculorum humor elabatur, nec coalescere separata etiam sub mutuo contactu possint. Palpebra, labium, lingua, auricula, etc. fissa huc pertinent. Nec durae etiam partes ab hoc vitio immunes sunt, quod alias congenitum est, alias ex vulnere, ulcere, fractura, carie, etc. utcunque fanatis contrahitur.

220. Pesterius genus (215.) vitia habet incongrui nexus, quae cum legitimam partium mobilitatem aut firmitatem pervertant, plerumque non impune feruntur. Peccant autem excessu, vel defectu.

221. Connexio excedens dicitur, cum, quae disiuncta esse oportet, coalescunt, aut quorum laxior requiritur cohaesio, iusto strictior est. Symphyes ductuum, ostiorum, hiatusum naturalium

ralium (209. 6.) huc retuleris. Unde Ἀ'τρητοι ad podicem, genitalia, urethram, meatum auris, nares, etc. Digiti, labia, muscoli, tendines, viscera, etc. sic inter se, vel cum vicinis, coalita in suis munis impediuntur: quae affectiones aut ab ortu insunt, aut ex aliis malis (209. 6.) consequuntur.

222. In articulis praecipue notabile hoc vitium Ἀγκύλην, Ἀγκύλωσιν, veteres appellant, cum articuli ita obrigescent, ut eorum motus prohibeatur. Ponit adeo male affectas illas partes, quae ad articulum formandum tuendumque faciunt; et varia occasione nascens laesis ex fractura, luxatione, vulnere, contusione, abscessu, ulcere, tumore, dolore, articulis crebro supervenit: siquidem ligamenta quacunque de causa interdum violantur, contrahuntur, rigescunt, cum internis partibus coalescent: alias axungia deficiente siccitatem, aut eadem abundantior sive inspissata, quandoque etiam alienus humor in cavum articuli effusus, tumorem infert, quo motus impeditur: alias extrema ossium commissorum labe rachitica tumescunt, aut callus fracti prope articulum ossis, exostosis, fungusve intus

luxuriat; aut ulcus vel caries serpens partium firmitatem, cohaesionem, laevorem, figuram, pervertit, etc. Raro autem quaedam istarum affectionum diu inhaeret, quin et aliam atque aliam sibi comitem adsciscat: unde malum insaniabilius evadit.

223. Huius etiam generis sunt Ἀγκυλόγλωσσον et Ἀγκυλοβλέφαρον. Quorum illud linguae adstrictionem notat, qua eius motus ad suctum, deglutitionem, loquelam, necessarii impediuntur, ob frenulum a nativitate durius magisque contractum, latiusve in apicem linguae productum, aut ob cicatricem ex vulnere vel ulcere sanato sub lingua relictam: Hoc similem in palpebris affectionem, qua inter se, et quandoque etiam cum albo oculi, vel cum cornea, ita cohaerent ac coalescunt, ut, quum diduci nequeant, visui obsint. Oritur ex interposita materie glutinante, aut ex cicatrice minus caute induc̃ta.

224. Nexus deficit (220.), sicubi, quas cohaerescere decet, partes disjunctae sunt, aut laxius inter se nectuntur; quae arctius debebant. Quo pertinent cartilaginum, epiphysium ab ossibus secessiones; vitia, quae medium quid inter

ter fracta et luxata habent; dentium vacillatio, articulorum ob ligamenta flaccidiora infirmitas, linguae cohaesio iusto laxior, hinc nimia mobilitas, quandoque valde periculosa (142.) etc.

225. Est etiam plerarumque partium certa quaedam inter se collocatio, naturae maxime consentanea: quae sola cum pervertitur, functiones utplurimum integrae esse non possunt; etiamsi cetera se recte habeant. Unde nova iterum morborum classis exsurgit, qui quidem, ut saepius cum vitiis cohaesio- nis (215.) et nexus (220.) complicen- tur, ab his tamen distincti seorsum con- siderari merentur pro specierum, in quas abeunt, diversitate. Referantur huc Luxatio, Hernia, Prolapsus, Aber- ratio.

226. Luxatio lato sensu mihi dicitur, cum ossa, qua inter se commissa sunt, de sede sua naturali decedunt. Com- mittuntur autem vel per articulum, cum manifesta obscurave mobilitate, vel per coitum, quo diversum motum non ha- bent, sed, quasi unum atque idem sint, inter se junguntur. Hic modus σύμφυ- σις, ille τὸ ἀρθρῶν, veteribus audit: utri- usque autem porro permultas dari diffe-

rentias Anatome docet. Pro ea igitur diversitate luxatio etiam in duas species distinguitur.

227. Ἐξάρθρημα, quasi dearticulatio, luxatio proprie dicta, est articuli (226.) de sede sua in locum alienum decessio, qua motus pervertitur. Levior huius vitii gradus subluxatio est, παραρθρημα, cum os pro parte modo, nec plane extra crepidinem sui acetabuli, elapsum est: quo etiam distorsio referatur; siquidem et ossum inter sese mobilium situm turbat. Infert haec mala vis externa varia expellens, intorquens, distrahens, major robore naturali articuli. Alias et intra cavitatem nata muci, feri, puris, aliusve succi congestio, aut partium exsuperantia, os pedetentim e sede sua protrudit. Favet his potentiis, quidquid conditiones, quae articulis pro munimento sunt, infirmat. Unde ligamentorum, muscutorum, tendinum, imbecillitas aut soluta continuitas; processuum, qui prope adstant, ossium ipsorum, qua contra sese sita sunt, cartilaginum interpositarum, molliumque partium, quae intus sunt, varia vitia, tumores, deformitates, relaxationes, ulcera, caries, fracturae, contusiones, etc.

etc. eo disponunt; ut etiam sola suorum musculorum actione quandoque articulus solvatur, pari quidem facilitate, nec solide tamen et constanter restituendus. Docent gesticularii. Hinc multiplex luxationis cum aliis morbis complicatio.

228. Quum vero in σύνταξι ossium tanta detur varietas, et nullus articulus tam similis alteri sit, ut non aliquid diversi habeat; nec aequale omnibus robur natura concesserit, aliorumque in alias atque alias partes facilius aut difficilius sit luxatio; oportet eum, qui de his vitiis recte judicare velit, non solum ex sceletis sicco singulorum ossium positus ac figuras nosse, sed etiam communia habere, quaecunque aut communia sunt omnibus articulis, aut propria singulis, ligamenta, cartilagines, glandulas, musculos, tendines, apophyses, epiphyses tum cartilaginosas, tum osseas, harumque in varia aetate mutationes, nec non vasa, nervos, viscera, quae adjacent. Nec aliter intelligi possunt mala innumera, quae ex luxatis consequuntur.

229. Altera situs ossium perversi species est, si, quae sine articulo per coitum juncta sunt, inter se dehiscunt (226.).

Haec

Haec singulare nomen Latinum non obtinuit, et parte ad nexus vitia (224.) etiam referri potest, in iis certe ossibus, quae media quaedam materia inter se connectit: prout in symphyfi (226.), quam remotam vocant, obtinet. Ceterum ex supradictis (227. 228.) intelligitur.

230. Hernia (225.), Ramex, adesse dicitur, cum functio sana laeditur, quia pars mollis, interna, ex sede sua naturali egressa, intra cavum alius partis morbose recepta est. Hoc nomen genericum, ut satis multas sub se species habeat, abusive tamen transfertur insuper ad varios tumores, quos hernias spurias vocant, eo quod iisdem locis, quibus hernia vera familiaris est, eveniant; quamquam origine et natura sunt dissimillimi, nulloque proinde jure huc referri possunt.

231. Partium, quae abdomine continentur, herniae prae aliis et frequentiores sunt et praecipue memorabiles. Iis opportunitatem dat parietum, qui abdomen circumdant, pro magna parte molitudo; peritonaei, quod intus succingit, natura tenax quidem, at maximam distensionem admittens; viscerum, quae
isto

isto sacco continentur, moles ingens, laxitas, mobilitas, multumque perpetuo varians ob diversam contentorum quantitatem dimensio, nec certa semper in omni suo ambitu sedes; eorundem hinc, vi respirationis aliorumque corporis motuum et variantium simul positurarum, agitatio, pressio, impulsio major, minor, perpetua, nec tamen semper ab omni parte aequabilis, adeoque et continuus fere nifus ad erumpendum de coërcente suo sacco, si qua detur rima, aut ad eundem aliqua dilatandum. Huic ut resistere peritonaei membrana posset, ossibus, musculis, tendinibus, aponeurosis, ligamentis, integumentis, etc. foris impositis fulcitur, introrsum urgetur. Ita nato inter oppositas potentias aequilibrio nec de angustiis suis prorumpere interanea possunt, nec nimis cedere rumpive peritoneum. At si qua parte istud externa sua vi et fultura destituitur; aut contentorum impetus, inaequaliter directus, aliquam ejus sedem, quae minus reniti queat, vehementer extrorsum trudit; cedens ibidem peritoneum aut in appendicem caecam dilatatur, aut, quod rarissimum, rumpitur: utroque autem modo, quae
intus

intus vicinae sunt, partes mobiles de suo cavo emigrare finit et extra abdominis peripheriam subter communia integumenta sese effundere, crescente indies tumore, si eadem causae perduraverint. Haec generalis est idea herniarum, quae ad abdomen oriuntur.

Ut vero multiplices earum differentiae, sedes causaeque plenius intelligantur, illud praeprimis tenendum est, faccum peritonaei, qua caveam abdominis vestit, non undiquaque a partibus foris adjacentibus aequè valenter suffulciri; neque adeo ubivis eundem roboris gradum ad coërcenda interanea a natura nactum esse. Unde consequitur, ut illis praecipue sedibus, quarum munimenta externa ceteris imbecilliora sunt, naturalis detur ad hernias proclivitas, major minorve pro ratione infirmitatis. Manifestum utique est, ubi musculi, ossibus fulti, extrinsecus adnascuntur, maximum ibidem ad resistendum robur conferri; minus, cum, absque ossibus, musculi et aponeuroses indumentum addunt; longeque minus, si aut sola caro, aut sine hac, aponeuroses modo, tendines, vel ligamenta, minimum denique, qua parte etiam ista deficiunt, ac prope
nuda

nuda sub integumentis communibus membrana peritonaei apparet: quo potissimum pertinent illae regiones, unde, quos vocant, processus peritonaei prodeunt. Nimirum canales sanguiferi, trunci nervei etc. qua per abdomen feruntur, ut porro aliis partibus, extra illius cavitatem sitis, prospiciant, cum juxta extimam sacci peritonaei superficiem procurrunt, celluloso eius texto comprehensi et velut in funiculos colligati, suis tandem locis ab illo extrorsum devergunt: quo fit, ut sedes peritonaei, unde discessio facta, non modo plurimum suae fulturae externae amittat; sed etiam spatium consequatur, data occasione, ad ductum funiculorum digressum foras evagandi. In istis igitur locis liquet peritonaeum natura quam debilissimum esse, seminiumque ideo dari herniosum, naturale (75. 608.), non alibi valentius; praesertim ubi devergentes funiculi crassiores sunt: quales ad umbilicum, inguen et femur habentur; vulgatissimis hinc herniarum speciebus, mox exponendis, famosi.

232. Umbilicus, post partum praecisus, cicatrice occlusus, si minus firmo constat circulo tendineo, quo olim funicu-

niculum vasorum umbilicalium trans-
miserat, ea sedes peritonaei, quae sub-
est, in centro motus abdominis consti-
tuta, nec satis a foris suffulta, ab adja-
cente tum epiploo, tum intestino, pro-
pulsa se remittit, diducitur, cutim et
ipsum umbilicum attollit faccumque
format, in quem vicinae intus partes
morbose recipiuntur. Ita tumor nasci-
tur, quem communi nomine ἐξόμφα-
λον, vel ἐξόμφαλον πάθος, vel ὀμφαλο-
κήλην, herniam umbilicalem, vocant,
vitium infantibus foeminisque ex gra-
viditate ac partu difficili frequentius,
aliquando connatum, haereditarium, et
vel in parvulis embryonibus iam visum.

233. In utroque inguine, qua fede
funiculus vasorum, contextu celluloso
comprehensus, sub peritoneo emer-
gens, per annulum, rectius arcum ten-
dineum musculorum abdominis obli-
quorum, externi et interni, super os
pectinis descendit, inque viris ad testes,
in foeminis ad pudendorum oras, no-
mine incongruo ligamenti uteri rotun-
di, defertur, ibidem membrana perito-
naei nudior, minusque extrinsecus fir-
mata, frequentissime herniam patitur.
Quodsi enim foramen illud arcuatum
qua-

quacunque de causa diducitur, pressum a contentis atque distractum peritonaeum per id descendit, secumque una abducit illapas partes propinquas, omentum, intestinum, etc. nascente ad inguentumore, qui hernia inguinalis, *Βεβωνικήλη*, dicitur, quamdiu in hac sede consistit. Si vero ocyus, serius, ad inferiora etiam se protendit, in viris quidem diducto seroto hernia scrotalis, *ὄσχεοκήλη*, vocatur, in foeminis autem ad labia naturalium devolutus peculiare nomen modum obtinuit. Haec tamen etiam in utroque sexu quibusdam hernia inguinalis completa, illa incompleta, audit. Infantibus, praesertim masculis, quandoque connasci, nullaue, vel leviori causa evidente etiam ab ortu persaepe accidere hoc vitium, observatio docet: quod qua ratione eveniat, ex partium conformatione ac evolutione, quae ea aetate obtinet, intelligitur. Est itaque in ista abdominis sede duplex ad hernias feminium naturale, alterum commune (231), alterum aetati tenerae sexuique masculino magis proprium, quod funiculo vasorum spermaticorum, una cum suo teste, ocyus, serius, ex abdomine juxta utrumque inguen

H in

in scroti cavum descendenti tribuendum *).

234. Praeterea ad externum inguinis latus, qua proxime subest femoris cum coxa articulus, simile vitium quandoque oritur, cui nomen herniae cruralis, femoralis, inguinalis externae, *μηροκήλης*, a recentioribus impositum. Ea nimirum sede vasa cruralia, materie cellulosa involuta, ex abdomine, per sinum ossis ilium, sub aponeurosi muscoli obliqui externi et interni crassescente, inque speciem ligamenti, quod a FALLOPIO vel POUPARTIO denominatur, indurata, educuntur et ad femora ac pedes descendunt. Id ligamentum itaque si qua de causa distrahitur vel laxatur, peritoneum hoc loco debilius cedit, extenditur, inque appendicem producitur cavam, quae omentum ac intestinum recipit, cumque his secundum supra dicta vasa, in anteriore femoris regione, paullatim descendens, Integumenta communia in tumorem elevat. SEXUS

*) De qua re legi merentur, quae Vir Cl. P. CAMPER, act. Societ. Holl. Harlem. T. VI. et VII. inferuit.

xus sequior hoc malum frequentius, quam viri, experitur: cujus rei ratio ex corporis habitudine, proportionem et muniis, foeminae propriis, crebra praesertim uteri gestatione, repetenda.

235. Istis quidem locis (232. ad 234.) cum venter ita a natura comparatus sit, ut minus ad resistendum robur habeat (231.), non mirum est, saepissime hernias incidere; sicubi vehementior corporis nixus, spiritu cohibito, casus ab alto, praeceps saltus, ictus abdomini illatus, valida succussio etc. ventre simul cibo, potu, foetu aëre, aqua, admodum distento, aut superne per fascias, thoraces, vestesve arctiores valde compresso, aut feminibus multum diductis, occasionem dederit. Magis tamen his vitiis in universum obnoxii sunt homines aetate, temperie, vivendi modo, morbove debiles, flaccidi, humidi, obesi: unde immodicus quotidie lactis, olei, butyri, pinguium, aquae calidae, usus eo disponit.

236. Rariores sunt, nec tamen praetermittendae, quas nomine communi Ventralium hodie comprehendere libitum est, herniae, modis locisque multum diversis nascentes. Aliae quippe,

priorum (232. ad 124.) similitudine, ejusmodi sedibus fiunt, ubi sacculus peritonaei, propter munimenti externi tenuitatem defectumve, nudior, debilior (231.), naturaliter ad concipiendas hernias, si qua accesserit nocens potentia (235.), dispositus est. Aliae, ex seminio, quod praeter naturam est (75. 617.) oriundae, ad quascunque ventris regiones, etiam a natura munitissimas, indiscriminatim pertinent. Quodsi enim illarum partium, quae peritoneum a foris suffulciunt, aliqua (seu musculus, tendo, aponeurosis fuerit, seu os, ligamentum, tegumenta, viscusve internum illo obductum etc.) quocunque vitio ultra modum relaxatur, diducitur, fauciatur, loco suo movetur, destruitur, aut deficit; consequens est, ut paries ibidem sustentacula suo orbatus, infirmior, non sat resistere internaeris possit cedendoque aut crepando herniosus fiat. Quin et ipsa peritonaei membrana, quomodocunque continui solutionem aliqua parte passa, munimentis suis in totum aut ex parte integris, saltem non extrorsum hiantibus, prohibere nequit, quo minus ea, quae intus sunt, e sede sua emigrent. Patet igitur istud herniarum genus per uni-

universum ventris ambitum posse accidere, si qua hujus regio, ex vulnere, contusione, abcessu, sinu, luxatione, fractura, carie, prolapsu, recente cicatrice minus confirmata, distractione etc. multum debilitata, justo majore internerum pressione (235.) extrorsum urgetur.

237. Ad hunc igitur titulum (236.) referre licet ab observatoribus memoratas hernias, epigastricas, hypochondriacas, tum in ambitu umbilici ex se tegri, supra, infra, aut a latere ejus obortas, hypogastlicas, iliacas, lumbales, dorsuales, ovalares ad foramen magnum ossis coxarum, et quae ad perinaeum, et intra vaginam muliebrem, uterumve cum inversione prolapsum observatae; nec non pectorales, cum ob diaphragma vitio congenito, vel villata mutilum, pervium, aut carnea parte sua in facci speciem sursum extensum, aut meatibus suis, per quos oesophagum, vasa, nervum intercostalem transmittit, vehementer dilatatum, protrusis in caveam thoracis visceribus abdominis, vitalia opprimuntur: quin et quae in tota ventris mollis regione anterioro, in saccum enormem, ad genua usque

H 3

pen-

péndulum, dilatata, aliquando visae, plerumque neglectae umbilicales herniae (232.); tum laterales, ex utero gravido, tempore gestationis continue in alterutrum ventris latus nimis obliquato, post partum natae, et si quas alias forsan in posterum praxis detexerit. Sunt autem illarum aliae externae, quae visu tactuque se produnt; internæ aliae, nullo tumore extrinsecus manifestae; ut plurimum a morte demum detegendae.

238. Uti autem sede differunt abdominales herniae, ita non minus partibus elapsis: vix enim inter viscera, abdominis cavo comprehensa, ullum est, quod non aliquando emigrasse visum. Unde pleraeque alias etiam atque alias denominationes obtinuerunt. Frequentissime quidem omentum, aut intestinum, aut utrumque includere solent, dicunturque *ἐπιπλοοκήλη*, *ἐντεροκήλη*, *ἐντεροεπιπλοοκήλη*. Nonnunquam et ventriculus subest in epigastricis praecipue, pectoralibus, umbilicalibus: quam *γαστροκήλην* vocare licet. De hepate, splene, pancreate et renibus idem memoratur. Alias vesicae urinariae pars in viris ad inguen, et vel ad scrotum usque protruditur; in foeminis etiam quandoque ob-
gra-

graviditatem pressa descendit, vulvamque inter et anum lotio turgens prominet: haec κυσικήλη; cujus species etiam utero aut vaginae prolapsis sese adjungere solet. Et vel uterus ab hoc vitio non immunis et in hypogastrico et in inguinali ramice sese gravidum aliquando exhibuit: quae ὑσερικήλη. Quin et ovariis tubisque Fallopiianis id ipsum accidisse observatum. Denique nec rarum est plura simul viscera eadem hernia contineri, et sicubi et sine curatione veterascit, aliis super alia coacervatis saccum tam enormiter expandi, ut abdomine inanito ulterum veluti abdomen referat.

239. Scire etiam expedit, intestinum quandoque non toto sui cavi ambitu, sed parietis sui aliqua tantum fede in proceßum diducta, intra saccum herniae recipi, complicato dilatationis (203.1.) et situs perversi vitio. Quod ipsum et vesicae urinariae, et forte matrici quoque accidere potest, labe congenita, aut post inducta.

240. Impedimenta functionum, quae ex his vitiis (232. ad 240.) profluunt, innumera sunt et pro diversitate dimotarum partium valde diversa; tum vero

praesertim periculi plenissima, cum strictius facci hernialis ostium et reversionem partis intus susceptae prohibet, et huic strangulatae morbum angustiae (209. 3.) inducit, quo tum meatus occludatur, tum motus humorum per vascula supprimatur: unde, praeter alia gravissima mala, inflammatio nascitur, quae plerumque brevi in gangraenam transit certo fere lethalem.

241. Prostant et exempla *Ἐγκεφαλοκήλης* in recens natis infantibus, parte quadam encephali per hiatus calvae extrorsum protrusa, atque integumenta in tumorem attollente, qui caute distinguendus, ne pro alio morbi genere habitus perversè curetur. Cranii ossium mollitudo nimia, inaequabilis, aut defectus; hydrocephalus; pressio capitis intra uterum et in partu protractiore violenta, inaequalis, forsan in causa esse possunt.

Utrum vero spina bifida recte dicitur hernia involucris medullae spinalis, ibi dilatati, ubi medulla in caudam equinam abit*)? Speciosior, quam probabilior

*) Vid. DE SAUVAGES Nosolog. Method. T. II. p. I. pag. 71.

bilior opinio tum origini, tum phaenomenis mali repugnat: reputanti autem encephali productaeque inde medullae naturam; oeconomiam modumque, quo illa, suis investita involucris, in calva thecaque vertebrarum habitant, obscurum esse nequit, longe difficilius hic loci herniam nasci posse, quam facilius in sacco peritoneaei. Quare nec de ipsa *Ἐγκεφαλοκήλη* nulla dubitatio superest *).

242. *Γλωσσοκήλη*, linguae hernia, dici potest, quando lingua justo mobilior, in fauces revoluta, nixu deglutitionis intra ostium pharyngis impacta haeret in cavitate non sua, hancque et proximam spiritus viam quandoque obturat non sine praesenti vitae discrimine. Linguae, ob frenulum natura brevius, aut ultra modum et praeter necessitatem sectum, nimia mobilitas (224.) in recens natis, sugendi cupidis, hoc malum infert **). Memorantur et oculi

H 5

vitia,

*) Vid. SWAGERMAN *Verband, van het Waterhoofd etc.* §. 256, 257.

**) Vid. D. PETIT, qui primus vitium hoc, in Gallia sat frequens, accurate descripsit *Act. Acad. Paris.* a 1742.

vitia, nomine Ὀφθαλμοκήλης huc referenda. Uvea cum intra finum corneae relaxatae sese immittit, staphylomatis ea species ad hernias pertinet: uti et lentis crystallinae, per pupillam in anteriorem oculi caveam propulsae, pone corneam decubitus, in utroque oculo observatus.

243. Musculi denique et horum imprimis tendines, si de suis sedibus exsiliunt, ob laxata aut rupta, quibus continentur, vincula, armillas ac fascias, insequente utplurimum violento spasmo, situs vitium patiuntur, quod huius etiam loci est. An et testiculus, e scroti sacco sursum retrusus, aliena sede inguinis impactus, quod Parorchidium hodie vocant?

244. Aliud herniae genus est, quando pars in semet ipsam revolvitur, ac suum intra cavum recepta haeret, ideoque in opere suo turbatur. Quod malum volvulus aut intususceptio dicitur, nec nisi in intestinis locum habet, quum aliqua pars istius tubi contractior in vicinam ampliorem compulsa irrumpit huiusque cavo conclusa retinetur.

245. Laxa mobilitas intestinorum, magna sensilitas, facilis et dilatatio a
con-

contentis, et vicissim a spasmodicis contractio, faciunt, hoc vitium crebro nasci, si quae violenta commotio, vomitus, irritatio ab acerbis, inflammatis, lumbricis, etc. accesserit. Nec tenuia tantum, sed crassa etiam ei obnoxia.

246. Susceptio autem vel sursum vel deorsum fit, eademque ad variam profunditatem varioque numero. Alias plenaria vel perfecta est, cum universus fistulae ambitus, una cum suo mesenterio, subintrat: alias imperfecta ac levior, quando pars peripheriae modo, praesertim, a sede mesenterii remotior, implicatur. Liqueat autem pro his differentiis plus minusve periculi subesse.

247. Pertinax malum, producta obstructione (209. I.) tubi intestinalis, omnem primarum viarum functionem turbare, natoque ileo celerem inducere mortem potest. Saepiuscule tamen etiam innocue fertur, si spasmus, inflammatio, impedimentum materiae trajiciendae, abest.

248. Procidencia, *πρόπτωσης*, (225.), ab hernia differt eo, quod ponat partem mollem, quae secundum naturam intus recondita est, e sede sua ita dimotam, ut per hiatus aliquem, vel naturalem,

ralem, vel vitio natum, nuda foras effundatur. Unde simul patet, non omnes vulgo dictos prolapsus huius loci esse.

249. Proprie huc referatur Ani procidentia, cum postrema tubi intestinalis pars, cui recto nomen, relaxata per podicem descendit atque inversa excidit, bursulae aut farciminis in modum foras propendens, *aut cum interior intestini recti tunica, remisso cum caeteris nexu, tumefacta et humoribus variae indolis infarcta elabitur.* Ex quibus, praeter alias noxas, etiam dolor, inflammatio, gangraena, consequuntur, maxime si, quod elapsum est, sphinctere ani valentius contracto stringitur. Producent hoc vitium, quaecunque aut intestinum ipsum, aut nexum ejus cum vicinis et stabilem positum infirmant, diarrhoea diuturna, dysenteria, tenesmus, creber acriorum purgantium usus, fex dura, sicca, aegrius nec nisi validis conatibus extrudenda, haemorrhoides, ascarides, ulcera, fistulae, vulnera levatorum ani, sphincteris, etc. His quidem omnibus debilitatum intestinum leviores etiam nixus ferre non potest, quin remisso sphinctere elabatur.

250. Uteri procidentia, ubi simile priori (249.) vitium in foeminis patitur
ute-

uterus, qui per vaginam devolutus foras protuberat, isque vel inversus, vel non inversus.

251. Inversi uteri prolapsus dicitur, cum ejusdem fundus inversus intra apertum os internum sese demittit, ac per vaginam descendens, forma plerumque globosa, ex partibus naturalibus propendet. Cujus mali varii sunt gradus ad summum usque, ubi totus uterus elapsus tumorem facit, qui etiam vesicam illi adhaerentem intus comprehendit. Puerperio saepissime supervenire subito haec affectio solet, cum aperto etiamnum post partum ore interno, uteroque nondum condensato, rudiore manu valentius protrahuntur secundae: rarissime, si unquam ex doloribus partum insequentibus. Alias tamen et virginibus mulieribusque nunquam puerperis, paullatim at tardiore progressu, accidit marcescente ob aetatem provectam utero, multaque pinguitudine, aliave materie intra ventrem accumulata deorsum truso. Multiplex autem, quae ex hoc vitio nascitur, functionum laesio facile patet. Si pars prolapsa contrahente se ore interno uteri premitur, inflammatio, gangraena, mors inopina saepe instat.

252. Quodsi vero sic dicta ligamenta, quae uterum in sua sede continent, huiusque et vaginae contextus, ac ceterae partes vicinae, relaxantur; uterus totus, praeëunte ore interno, descendit, et ex pudendis prolabitur, tumorem extrinsecus creans, qui os internum prodit. Hic uteri non inversi prolapsus (250.) major, minor, et virginibus et maritatis infectus, quandoque cogenitus, tumque falso nonnunquam ad ambigui sexus conformationem relatus *). Nascitur omni causa, qua aut universum corpus, aut speciatim partes genitales, praeter modum flaccescunt. Unde calidae abusus, fluores albos diuturnos, partum laboriosum, neglectum a partu decubitum, etc. consequi solet. Uterus quoque in modum scirrhi induratus, tumefactus, valde ponderosus, vi vaginae illata, sibi viam ad descensum parat.

253. Vaginam praesertim prolabi frequentissimum est, et modo quidem duplici. Vel enim ora circum circa relaxata, in modum botuli, varia longitudine, ex

*) Mr. SAVIARO N. Recueil d'Observat. Chirurg. obs. XV. pag. 70.

ex pudendis dependet: vel pars tantum aliqua tunicae ejus resoluta descendit, quae non mature reducta, aëre, attritu, pressione, irritata, nonnunquam in vastum tuber, sarcomati simile, augetur, incautisque specie prolapsi uteri imponit. Iisdem ceterum causis (252.), nec non rudiore cunni tractatione, coitu petulantiore etc. oritur hoc vitium, multisque incommodis molestum est.

Facile autem perspicitur, memoratas (250. ad 253.) procidentias multimodis inter sese complicari posse, aliamque ex alia consequi, nisi principiis obstetur.

254. Oculus *πρόπτωσιν* aliis *ἐκπιεσμών*, *ἐξοφθαλμίαν*, pati dicitur, cum inflammatione, hydrophthalmia, aliave causa distentus, aut nato intra orbitam tumore pressus, e sede sua prorsum vel ad latus probellitur, ut palpebris contineri nequeat. Cadit et palpebra superior, nec attolli potest, musculo, quo elevatur, resoluta, diffecto; vulnere frontis transverso male curato; tumore quovis eam gravante, relaxante, expandente: quae *βλεφαρόπτωσις*. Lingua similem in modum ore extruditur, mole ultra modum aucta, aut spasmo rigefacta. Visum et internam vesicae urinae tunicam,
ex-

exsolutam, per meatum urinarium protrusam, forma botuli aut sacculi, foras prorupisse: haec Exocystis *).

255. Multae praeterea internae partes, uti encephalon, pulmo, omentum, intestina, splen, etc. per vulnera et ulcera in cavitates penetrantia foras prodire possunt. Quo pertinet uveae oculi prolapsus, cum haec tunica per corneae ruptae, incisae, erosae, aperturam protrusa tuberculum excitat, σαφύλωμα, μυοκέφαλον, μήλον, ἥλος, pro varia similitudine dictum.

256. Aberrationum (225.) denique multiplex genus superest, quae partibus mollibus eum in modum accidunt, ut nec herniis, nec procidentis, annumerari possint, haud minus tamen memorabiles; quia sanitatis functiones saepe magnopere pervertunt. Viscerum situs alienati, intestinorum contorsiones et nodi, testium intra abdomen aut ad inguina retentio, *uterus retroflexus*, oris uterini obliquitas, etc. hujus loci sunt. An et incongrua foetus sub partu collocatio? An conceptus extrauterini?

157.

*) De SAUVAGES I. c. pag. 104.

257. Fatendum nihilominus, haud raro occurrere id genus errores, qui, ut enormes videantur, oeconomiam tamen nequaquam turbent, nec adeo inter morbos referri mereantur (38. 214.) Strenuum novi virum scroto vacuo, testibus in utroque inguine defixis, plurimum liberorum patrem: et miles emeritus aetatem LXXII. annorum attigit, cujus cadaver omnes partes thorace et abdomine contentas, suis locis ita emotas exhibuit, ut, quae secundum communem naturae ordinem latus dextrum occupant, in sinistro essent collocatae, et vicissim *).

258. Porro numerus partium vitiose excedere aut deficere potest. Exuperantia raro morbus est, cum functiones non admodum laedat: ut sextus digitus, tertius testiculus, etc. Rerum vero, quae praeter naturam sunt, uti verrucae, polypi, calculi etc. ratio hoc loco haberi non potest. Defectus tamen plerumque impedimento est, hinc morbis accensendus, si in unica cadit instrumenta,

*) Du HAMEL, Reg. Scient. Academ. Historia
pag 2. 72.

ta, aut et in illa, quorum gemina quidem vel plura corpus habet, sed quae, si quod consortium deest, hujus vicem reddere nequeunt. Levioris autem et maligni ingenii est ex eo, quod partibus quibusdam haut aegre caremus, inferre, praeter omnem utilitatem nobis a natura datas esse.

259. Conformatio uti primario ad usum, deinde et ad pulchritudinem comparata est, ita cum deflectit a naturae ordine, alias turbatis functionibus morbos parit, alias deformitates tantum innoxias, quae raro Medicum occupant. Haec igitur vitia qui dijudicare volet, cogitet, dimensionis limites non in omnibus et singulis partibus adeo strictos esse, quin multiplex varietas sanitate illibata feratur (214.); neque idem cuivis homini vel nationi pulchrum aut deforme videri.

260. Magnitudo etiam suos excessus ac defectus patitur, aut morbis, *aut seminis*, aut turpitudinibus annumerandos, qui tamen magis in singulis partibus, quam in universo corpore spectari debent. Sanitas ingentem staturae humanae diversitatem admittit, pumilioni
apte

apte conformato haud minus propitia, quam vasto giganti. Quocirca simplex magnitudinis auctae vel imminutae morbus, qui ad totum corpus, ceterum sanum, aequaliter pertineat, non datur. Nec, quae ex varia aetate solummodo profluit, quantitatis differentia in toto corpore hujusve partibus; etsi functionum imperfectionem creat, morbosa dici potest; quum naturae legibus consentanea sanitatis latitudine contineatur. *Attamen aucta corporis magnitudo et praeter aetatem proceritas seminium morborum feracissimum praebet. Pueros aucta insolito modo corporis mole in morbos proniores esse, fida exempla docent.*

261. Simplex igitur auctae quantitatis vitium est Enormitas, cum pars immodico nutrimenti suae naturae appropriati appositu ultra, quam par est, augefcit, conformatione, contextu atque materie sanis. Nasus, lingua, auriculae, artus, ubera, testes etc. sic quandoque excrescunt. Puellae Leidensis, quam saepius coram diri, lingua cavo oris amplior, extra labia ad mentum usque propendens, hinc intra thecam argenteam gesta, praeter magnitudinem, quovis alio vitio caruit, muniis tamen suis sic

fatis idonea*). Cadit etiam in viscera hic excessus, nec semper innocuus est**).

Debetur itaque excessui nutritionis, quem affluxus humorum ad partem iusto major, trajectus difficilior, vasculorum inertia, hinc nutrimenti accumulatio, aut et detritio ob motus defectum solito minor, producit. Eo etiam, praeter alia multa, nutritionis in aliis partibus impedimenta conferre queunt. Constat mutuam parentum et prolium similitudinem ad magnitudinem aequae ac ad formam sese extendere. Quare credibile est, dari feminalem veluti dispositionem cuivis homini ab ipso ortu insitam, quae tam universi corporis, quam singularum partium incrementum limitat,

*) Vid. C. TRIJEN Observ. Medico-Chirurg. fascic. pag. 142.

**) Hepar enormi incremento, ceterum vitii sensibilis expertus, non modo ventris viscera gravasse, sed dextram quoque thoracis cameram occupando, oppressis vitalibus, praematuram viro juveni intulisse mortem dolens memini. Similia vid. L. B. VAN SWIETEN comment. in Aphor. H. BOERHAAVE T. V. pag. 595. An huc referendi veterum Μεγαλόσπλαγχοι? Vid. FOESII oecon. Hipp. hac voce.

tat; nisi ab adventitiis potentiis, quarum permultae incidere possunt, conturbetur. Inde apparens partium enormitas aliquando nascitur, quae tamen reapse non inest: sicubi nimirum in corpore ad proceritatem disposito aequabile ac legitimum partis alicujus incrementum quocunque vitio impeditur, ceteris partibus sanis pro sua natura tamen ita grandescunt, ut cum illa comparatae modum excedere videantur. Sic in gibberosis caput, vultum, artus superiores et inferiores dicas enormitate laborare, si cum trunco corporis conferas: at vero hujus defectus in culpa est, nequaquam illorum excessus.

262. Tumorum natura magis composita est longeque major a statu sano deflexio. Sive enim topicos spectes in partibus singularibus, seu magis extensos, quas hodie intumescencias vocant; utriusque generis excedens volumen ponit fere alienum quid, sive fluidum, sive firmum, partibus morbose impactum, vitia humorum, meatuum, morbos instrumentarios alios, etc. diversimodo inter se complicata, quorum efficacia non tantum magnitudo augeatur, sed materia quoque, conformatio, aliaeve

qualitates sensibiles praeter naturam mutantur. Tametsi igitur videri possunt alterum ordinem morborum auctae magnitudinis constituere; non eam tamen prae se ferunt simplicitatem, ut pro multifariis suis differentiis hoc loco commodè explicari aut intelligi queant. Adde, quod excessus quantitatis, quem inter se communem habent, non ipse morbus sit, sed symptoma, suo deinceps titulo (663. 664.) tractandum.

263. Par ratio est minutae quantitatis, quam aut labes inducit originaria statim a partu, aut postea, serius, ocyus, sese prodens; aut mutilatio mechanica tollendo partem instrumenti, aut multiplici vitio nascens succorum replentium, nutrientium, defectus; aut causa ipsam materiem solidam liquans, deterens, corrodens, dissipans. Comitatur adeo, ut symptoma, morbos varios infra demum (665.) enumerandos.

264. Denique et partes, quae in se spectatae vitio magnitudinis non laborare videntur, collatae cum aliis, proportionè (212.) excedere aut deficere ita possunt, ut ea de causa homini major ad certos morbos proclivitas nascatur, dicique debeat, si quidem id morbi nomen

men non meretur, feminium tamen morbi esse, quod alias ab ortu adnascitur, alias post demum ex ossium praecipue affectionibus contrahitur. Constans proportionis diversitas, quam sexus et aetas monstrat, non pulchritudini tantum, sed et utilitati servit, nec semper quaslibet alienationes, salvis functionibus, ferre potest.

Morbi Fluidorum.

265. HUMANI corporis molem longe maximam ex fluidis constare, uti Chemia docet; ita his ad exequenda vitae et sanitatis munia haud minus opus esse, quam firmis partibus, ex Physiologia certum habetur.

266. Nec perinde est ad functionum integritatem, qualis humor corpore contineatur, aut qua copia, quove loco sit, moveaturne an stagnet, retineatur an excernatur: sed habent ista omnia suum quoque a natura constitutum modum, a quo si deflectunt, morbus imminet.

267. Itaque, expositis solidorum vitiis, affectionum, quae in humores cadere possunt, doctrinam simili methodo

(122.) nunc quoque tradi oportet. Fatendum quidem, *in humoribus affectiones generatim quidem cogitari posse seorsim spectatis, attamen vix dari, nisi tales, quae aut a solidorum vitiata actione natae sint, aut saltem aliunde natae solida praeter naturam adficiant, ut ideo inter solidorum et fluidorum affectiones nexus indissolubilis sit, utraeque per utrasque nascantur, vigeant, declinent. Hinc praestantior ordo in Pathologia is foret, ut cum ipsis solidorum affectionibus fluidorum affectiones pertractarentur, saltem quatenus a vitiatis solidis dependeant. Indeque etiam veteres haud adeo male iisdem inter morborum causas locum dederunt; quum solitariae plerumque illibata sanitate aliquamdiu ferantur, nec nisi laesis tandem solidis in morbum erumpant. Rationes tamen (123. 124.) datae praevalere videntur.*

268. Humores corporis humani a Pathologo vel in se ipsis seorsum, vel comparate ad partes firmas, quibus continentur, spectari possunt. Utroque modo ingens vitiorum numerus occurrit, quorum illa absoluta, haec relativa. dicere, singulasque classes in sua porro genera distribuere liceat. Ordinem pertractatio proderet,

Mor-

*Morbi Cohærentiæ in Hu-
moribus.*

269. OMNIBVS fluides commune est differre a solidis. Differunt autem sola materiae cohaesione (150.), cujus exiguum quidem, attamen aliquem habent gradum. Cohæsiō nulla non fluidi minus, quam solidi, conceptum tollit: uti contra auctior *et ad certum gradum perdu-
da* fluidum in solidum mutat. Hujus igitur dotis, ut simplicissimæ, manifestissimæ et maxime universalis hic primum ratio habenda*).

270. Vis cohaesionis non eadem secundum naturam obtinet in omnibus et singulis humani corporis humoribus: sua quique data est, qua, quibus destinatur, muniis aptissimus reddatur. Fluiditatis ideo scala haud secus, quam firmitatis (154. 155.), multos comprehendit gra-

I 5

dus

*) Quando dubitare licet, utrum corpuscula naturam fluidam constituentia reapse inter se mutuo contigua sint, videri forsan possit minus apte illorum cohaesionem prædicari. Nec intercedo, si cui libet, nîsum in cohaesionem, aut attractionem potius appellare.

dus valde differentes, five succos diversos ejusdem hominis inter se compares, five eosdem spectes in diversa aetate, sexu, temperamento, vitae genere, etc. Nimirum suos sibi humores propriis viribus fabricat corpus sanum, hinc suum ad modum fingit. Haec sani morbosique in isto genere mensura (155. 156.).

271. Cohærentiæ inter particulas humorum duo sunt vitia, excessus ac defectus. Haec tenuitas, dissolutio; illa tenacitas, spissitudo, lentor, dicitur. Utraque aut universos humores, aut singularem quendam occupat, toti corpori, aut parti modo, nociva.

272. Qui considerat, naturam non frustra hominis sani liquoribus diversissimos cohaesionis gradus tribuisse (266.); his auctis aut imminutis pro rata decre-scere aut augeri fluiditatem; pro hujus autem ratione pariter minus magis expeditos reddi humores ad motum, transitum per canales, divisionem, mixtionem, adhaesionem, abstersionem, secretionem, excretionem etc.; qui deinceps cum his confert multifaria munia, quae pro economiae humanae ejusque functionum integritate obire debent, eum latere, nequit damnosa utrisque mali
(271.)

(271.) potestas. Ut merito quis miretur, potuisse et huius rei inter Medicos controversiam esse.

273. Conditionum generalium, a quibus fluiditas nostrorum humorum pendet, idea ad intelligendam ejus vitiorum naturam praeclucebit.

274. Ex quo per experimenta Petropolitana, *Göttingensia*, *aliaque* tandem constitit etiam argentum vivum, intenso frigori, in solidum metallum densari; haud dubium superest, fluidorum, quae contrectabilia sunt, nullum sine aliquo caloris gradu existere, igneamque *materiem* vel maxime requiri, ut fluiditas ista efficiatur, conservetur. Quod ipsum etsi de humoribus C. H. pariter affirmare licet et scire juvat; non sufficit tamen Medico, cujus interest id, quod fluida illorum natura sibi proprium habet, scrutari. Haec itaque notentur.

274.* Humores nostri omnes et singuli, quos sensuum ope examinare datur, non simplices sunt, sed ex diversa materie mixti, parte tantum aliqua ex se fluidi, altera parte solidescent; ut crassamenti fluor vehiculo interfluenti debeat, hujusque ad illud varia proportio diversos fluiditatis gradus constituat,

tuat, altero alterius cohaesionem moderante. (146. 147.).

275. Pars fluida mera fere aqua est (132. 133.), qua demta reliquum spissescit. Unde quo tenuior crassiorve humor est, eo plus minusve aquae exhibet.

276. Crassamentum ex triplici materie, salina, inflammabili, terrea, (134.) ad 137.) coalitum, *in diuersis humoribus natura, compositione, quantitate, diversum*, per aquam varia proportionem diffusum, inde concreescere non potens, hanc vicissim sua quoque spissitudine plus minus inuiscat.

277. Differentiam itidem facit mutua proportio trium materierum (276.), quae crassamentum efficiunt. Abundans terra et phlogiston magis inspissant.

278. Est et mucosum quid in humoribus, lentum, in fila ductile, gummi vegetantium utcunque simile: quae crassamenti portio minus oleosa, mixtione singulari blanda, tenax, simulque, dum ceteris materiebus concorporata est, aquae amica et bibula, ideo vel magis etiam hic commemorari debet, quia adhaesione sua fluorum lubricum efficit, eo quidem viscidiorum, quo magis abundat, sic velut glutinis vice fungens, quo

quo ceterae humorum molecule in aequabile communione inter sese continentur.

279. Legitimae istarum materierum (274. ad 278.) proportionem accedens mixtio aequabilis, quam motus et calor moderatus praecipue conservant, suam cuivis humori consistentiam determinat.

280. An etiam sphaerica molecularum figura, quam microscopium ex parte detegit, minimos contactus admit- tens, ad levio-rem cohaesionem disponit? Multa sunt, quae dubitare jubent. Videas et globulos sanguinis, cum pressi aliam induunt formam, non cohaerescere: nec certe, nisi interfluente vehiculo disparati, fluiditatem tuentur. Oleum non ideo fluidius est, quia sese in sphaerulas colligit cum aquoso latice subactum. Ceterum qualem particularum figuram fluida homogenea prae se ferant aut exigant, Physici determinent; modo ex vero possint. Subtilitas ista mechanica in liquores humanos, quorum natura heterogenea est et ex diversae naturae corpusculis composita (274.*), minime quadrat, nec sana quidquam utilitatis Medico promittit.

281. Liquet hinc multa esse, quorum concursione iusta humorum fluiditas nascitur, hujusque adeo vitia in varias abire species, a Medico probe distinguendas.

282. Spissitudo. (271.) quidem alias defectum ponit aquae, quo fit, ut crassamenti particulae inter se nimis propinquae tenacius cohaerescant (275. 276.). Potus parcior, cibi sicciore, excretionibus lymphaticae auctiores, dissipatio humidi per motum, calorem, etc. absorptio aut restagnatio ejusdem a crassamento separati, id malum producant.

283. Nascitur et iners gluten in humoribus, cum crassamenti pars mucosa (278.) ultra modum increfcit. Haec, aquae amans, hujus quoque abundantem copiam imbibere ac inviscare potest. Unde species haec tenacitatis a priori (282.) diversissima ortum habet ex alimentis glutinosis, *magna copia parum nutrimenti praebentibus*, coctione debiliore, circuitu humorum languente, intermixto motu animali, frigore, retentis excrementis mucosis.

284. Crassamentum porro superpono suae terrae (276.), in qua vis cohaesionis

fionis maxima (142.), laborare potest, atque hinc tenacitas nasci pessima, sicubi et aquae defectus (282.), ut fieri assolet, accesserit. Discrepat autem hoc vitium pro vario terrae cum materie salina aut oleosa connubio. Acor inhaerens stipticum producit concrementum, quo vel aquosus etiam latex solidescit. Pingui obvoluta terra piceam in amurcam abit, quae, resinae in modum, aquam respuens tenacissime vasis adhaeret aegre abstergenda. Terrestria, dura, sicca, austera, adstringentia, farinosa non fermentata, glutinosa, pingua, coagulantia, refrigerantia, stupefacientia, titulo cibi, potus, medicamenti, veneni, ingesta materiem dant, cui si junguntur potentiae (282.), quae mobilia expellunt, crassiora figunt, *aut continentium actio vel paululum delinquens*, tanto citius certiusque humoribus ista labes inducitur.

285. Effectus generales spissitudinis facile perspiciuntur: primarii sunt tardior humorum per canales transitus, hinc stagnatio, obstructio, infarctus, secretionum ac excretionum impedimenta, multifarium denique tumorum genus.

286. Alterum cohaerentiae vitium, tenuitas humorum (267.), quae fluiditatis

tatis excessum ponit, haud minus multiformis est, hinc pro differentiis suis ordinate exponenda.

287. Prima eaque simplicissima species aquosa dici potest, cum ortum debeat aquae humores inundanti, qua reliqua principia nimis soluta et diffusa in moleculas justo minores, laxius cohaerentes, tenuantur. Sequitur abusum aquosorum, maxime calidorum, internum, externum; vitam desidem in aëre humido; solidorum debilitatem (157.); corpoream (169.); evacuationes nimias; hinc circuitus vitalis languorem; caloris nativi defectum; retentionem excrementi aquosi. Producit autem suas vicissim causas, solida inundata infirmando (162.), torpesciendo (198.), hinc tumores aquosos, frigidos, omniumque functionum lentorem. Huc et referatur illa nimiae fluiditatis species, quam crassamenti penuria infert, parte aquea idcirco minus inviscata (276.), *et illa, quae a solutione crassamenti procedit, mucosa viscidior parte (278.) simul crebro generata.* Longa inedia, victusve ratio pro vitae gradu modove parciore iusto ac tenuior, sic depauperare humores potest.

288. Altera tenuitatis species, composita, acrimoniam aquae junctam habet, cujus vi solvente et attenuante terreum, mucosum ac oleosum crassamenti magis divisum, vehiculo aqueo nimis dissolutum dilutumque, arctiorem cum hoc copulam init atque adeo a mutua cohaesione prohibetur. Acre insuper, sicubi salinae est indolis, amicū aquae, hanc trahit aegriusque dimittit. Nascitur dissolutio haec ex acri multum variante, vel inquilino, abundante, magis evoluta, corrupto; vel alieno cibi, potus aëris, medicamenti, veneni, miasmatis, contagii, ingesto vel foris admoto, noto vel ignoto: qua de differentia suo deinceps loco dicetur. Tum quoque de effectibus inde oriundis constabit, ut qui pro acrimoniae diversitate multum discrepant. In genere tenuis humor, valde meabilis, acri suo simul irritans, rodens, facili e vasculis elapsu haemorrhagias, diarrhoeas, ptyalismum, urinas et sudores colliquantes, ecchymoses maculas, exanthemata, pustulas, pluresque alias circulationis, nutritionis secretionum ac excretionum turbas in ducit.

Acritates morbosae Humorum.

289. QVODSI porro humores spectentur, uti in homine sano insunt, facile liquet, non sola fluiditate suis aptari muniis; sed requiri alias insuper dotes, easque vel communes omnibus, vel singulis proprias, quibus et ac aliis liquoribus non humanis, et inter sese discrepent.

290. Communium princeps est Blandities, quam, paucis modo exceptis, qui ob aliquam acritatem etiam excretioni destinati sunt, prae se ferunt. Illi igitur oppositum vitium acrimoniae, cum et frequentissimum sit, et multiplex, multisque modis damnosum, singularem meretur attentionem.

291. Acre in genere ratione corporis humani dicitur, quidquid pungendo, secando, rodendo, solidorum cohaesionem solvere, partibus vi sentiendi praeditis dolorem inferre, et vi vitali (170.) animatas ad contractionem stimulare valet. Aliud Mechanicum est, aliud Chemicum, huiusque obscurior vis agendi ex manifestiore illius utcunque intelligitur.

292. Acris Mechanici vis solvens, dolorifica, stimulans, ponit corporeae massae (1) figuram angulosam acutam,
qua

qua penetrabilis sit et omnem sui motus vim in pauca modo puncta corporis, quod ferit, imprimat; (2) duritiei gradum, comparate ad corpus feriendum, majorem; (3) motum denique, quo in sese mutuo incurrant.

293. Chemicæ acritudinis quanquam subtilissima fabrica aciem sensuum effugit; ob effectuum tamen similitudinem non plane dispar ratio esse videtur. Rigiditatis, acuminis, motus, ideæ et hic concurrunt, sed sano sensu, nec subtilis, quam verius, adhibendæ. Actioni huius acris favet fluor: ut adeo rigiditas *vix semper, et si ponitur*, nequaquam in universa massa, sed in minimis eiusdem particulis duntaxat ponenda sit. Nec et harumce figura exacte determinari potest, quæ forte in alio atque alio acris genere diversissima est, nec profecto tam absolute angulosa requiritur, quin et alia concipi queat. Motum denique hæc acria non tam aliunde præstolantur, quam insita sua agilitate excitant, ab irritata tamen vi vitali (170.) simul adjuncta.

294. Quocirca patet posterioris tantum acrimoniæ (293.) rationem hoc loco haberi; ut quæ sola humores ita

inficere possit, ut mutua permixtione partem eorum constituat.

295. Huius vero multiplex origo clarius innotescet, si, quibus ad eam avertendam natura utitur, adminicula prius intelligantur.

296. Primum quidem, quos homini cibos potusque in alimentum destinavit natura, blandi sunt, mites, nec eminenti quodam acrimoniae gradu pollent. Doceant fructus, cerealia, legumina, carnes, pisces, aqua etc. Luxus demum acria, aromatica, spirituosae, salinae, amarae, rodentia, etc. in culinas ac cellas convexit, gulae irritamenta malis innumeris famosa.

297. Corpus praeterea, quae ostiis porisque patens introitum alienis concedit, janitore sensu custoditur, qui ab appulso acri irritatus motus ciet, quorum efficacia constrictis viis hostilis materies excludatur, aut aliquo usque admissa rejiciatur, saltem majore humorum affluxu, vi stimuli concitato, diluta ac obtusa utcunque mitescat.

298. Quum tamen et personata acritas subdole irrepit, quae posita intus larva sese explicet; et planda quoque tum vi actionum vitalium, tum errore mul-

multiplici, intra corpus degenerare queant; immo materie salina, cui acre potissimum debetur, etiam secundum naturam (136.) undique perfusi simus; huic quoque inevitabili periculo remedium praesto et sollicita blandi et acris permixtio, huiusque paucioris per abundantem illius copiam facta velut suffocatio. Enimvero, si quatuor spectes principia (275.276.), nuspiam in humoribus micula datur salis, quam non et terra obtundat, et phlogiston molliat, et plurima diluat aqua. Lenis insuper mocus (278.) per omnia sese diffundit, acri mitificando, illituque adversus idem muniendis solidis, aptissimus. Nec dispar est pinguedinis humoribus remixtae utilitas. Idcirco etiam ad ingerendos cibos potusque fame ac siti compellimur; ut non defectui solum, sed etiam acri, quod ex inedia subnascitur, blando chylo occuramus. Crudum vero, quod in illis est, itidem nonnisi per subtilissima oscula, hinc minima sensim quantitate, in interiora corporis admittitur; ut plurimo mox humore inquilino obrutum, tectam, qua forte pollet, acritatem exferere nequeat. Motus denique perpetuus, moderato calore ad-

jutus, mixtionem aequabilem curat conservatque, nec acre sine blando seorsum esse finit.

298. *Blanditiei in humoribus, quae vero exsuperans praeter naturam, in vappiditatem transit, idea haec ponenda est, ut acre, quod ipsis per naturam inest, non excedat. Continentia vero natura et ab usu pendens consuetudo tali modo instruxit, ut ab acrimonia humorum, quos vebre, secernere, retinere, excernere solent, dummodo sanitatis limites non excedit, non afficiantur. Si vero in alias partes humores, etiam sanissimi, et certis quibus duci, recipi, servari, debent, continentibus destinati transfluunt, irritatio ingens et noxae multifariae nascuntur. Ipse sanguis, incorruptus etiam, si in aliena sibi loca deferatur, non solum pondere, sed acrimonia quoque his partibus insueta nocere videtur. Nocent manifestius urina, bilis, in aliena loca deductae.*

299. His vero omnibus nondum factis tutum corpus sua etiam obtinuit emunctoria, per quae, quod intro admissum domari nequit, aut quoquo modo intus evolvitur, acre mature, priusquam noceat, eliminari possit. Immo nec ordinariis, quorum perpetua est in sanitate functio, contenta natura, sicubi ex acri intestino aegrotat, etiam insolitis utitur
viis

viis modisque, quibus ab illo se liberet (vid. 19. 637. et seq.)

300. An et naturae humanae facultas inest, moleculas acres, detritis aut intro-pressis angulis, in sphaerulas tornando blanditiem creandi? Non satis constat speciosam ideam aequaliter in fluidum solidamque acrimoniam quadrare. Credibilius profecto, mixtione Chemica (298.) magis, quam Mechanica rotundatione, id opus perfici.

301. Ex his itaque perspicitur, primum morborum acris fontem situm esse in multiplici commercio, quod homini vivo cum robore externis intercedit (6.). Aer, cibus, potus, medicamenta, venena, miasmata, contagia, multifarium acre sic in humores a foris, per diversas vias modosque, invehunt; maxime, si blando sub vehiculo clam irrepit; aut varia corruptione, mixtione, secessione, intus evolvitur (298.); aut, qua intrat, torpidior est vis vitalis (297.), vel impetu majore superatur.

302. Nascitur et acre cum sanum corpus necessaria alimonia (298.) non reficitur, eoque citius, quo vigor vitalis major: is enim non dissipat modo blandiora, sed et materiem salinam extricat

acuitque; ut ideo pabulo demulcente egeat. Inde languentes aegri longe diutius, quam sani, in ediam ferunt: animalia hyeme sopita, sine alimonia, minimum suae vitae gradum conservant.

303. Huc porro referatur humorum circuitus naturae modum excedens, cui immoderatio calor se comitem jungit. Neuter diu tolerabilis, quin aqua avolet, et mite oleum cum sale acrescat.

304. Stagnatio itidem nascentem ex aequabili mixtione blanditiem (298.) in plerisque nostris humoribus pervertit. Inde promptuaria acritatum in partibus singularibus oriuntur, quae noxas quaquaversum diffundunt.

305. Nihil tamen acrimoniae ingenerandae magis favet, quam anomalia illorum motuum, quibus coctiones, secretiones ac excretiones perficiuntur. Cruditas hinc, multiformis per spontaneam corruptionem in acre degeneratio, incongrua separandorum permixtio, aut miscendorum separatio, retentio materiae acris excrementitiae majorque exasperatio, utilium, quae sua blanditie acria dilluunt ac temperant, excretio, aut ob confusas sordes depravatio, et quae ex his profluunt, innumera humorum vitia.

vitia. Documento sint noxae ex animi motibus oriundae.

306. His fontibus ortum acre, motu ac calore vitali incitatum, pruritus infert, dolores, spasmos, convulsiones, irritatis solidis motus humorum irregulares, constrictis canalibus immeabilitatem, erosis ecchymoses, evacuationes nimias, pustulas, ulcera, cariem, atrophiam, multasque alias functionum perturbationes. Haec quidem omni humorum acrimoniae communia sunt. Habet autem et unaquaeque, ut natura discrepat ab aliis, suam sibi privam insuper efficaciam. Quin et origo singulis non eadem est. Unde, praemissis generalibus, speciatim quoque pertractari merentur.

307. Acor primis maxime viis infestus, tempore et sanguinem humoresque inde deductos subiens, nascitur ex usu immoderato acidorum aut acescentium, quae viribus corporis non subiguntur; aut quia ex se indomabilia sunt naturae humanae, aut ob virtutis coëtricis impotentiam. Debilitas igitur (157.) solidorum universalis, aut privata viscerum primae digestionis; irritabilitas (190.) regulares illorum motus concita-

tis spasmis turbans; inertia defectusve succorum praeparantium, maxime bilis; circulationis et caloris naturalis languor, inopiae boni sanguinis, neglective motus animalis consecutio etc. eo disponunt: ut pateat, cui maxime aetati, sexui, vitae generi, hoc acre frequentius eveniat? An etiam haereditaria connatae labe contrahitur? Videas foeminas, dum uterum ferunt, graviter acido laborantes, statim a partu melius habere, infantem contra misere eodem affici, quin et interire; tametsi lactae materno non utatur? An et nocentes dantur potentiae, quae in C.H. vivum agentes, acidum singulare phosphoricum, quod Chemici sua arte ex fluidis non minus, quam ex solidis animalium (145.*) proliciunt, sic extricare queant, ut exsolutum pro suae naturae viribus morbos inducat? Dum acidi istius origo inter problemata chemica merito adhuc numeratur, malim ne conjecturae quidem locum concedere.

308. Qui hoc vitio laborant, his, praeter modo memorata (306.), acido aquam trahente, retinente, alcalescens naturale, quo phlogiston sanguinis evolvitur, supprimente, terram solvente, pallet,

let, friget corpus, laxantur solida, flexile (160. 3.) et fragile (161. 4.) forsan in ossibus nascitur, vigor circulationis, virtutisque vitalis, minuitur: unde crasis humorum vitiata, ineptitudo ad aequabilem circuitum, assimilationem, nutritionem, aliaque mala innumera.

309. Acrebi hinc perspicitur natura, materies, et nocendi vis. Nascitur enim ex acido in multam terram defixo, jungitque acrimoniae spissitudinem, qua humorum coagula, obstructions refractariae, vasorum constrictiones, etc. creantur (284. 285.).

310. Acre alcalescens, volatile, purum, in humores inducitur abusu vegetabilium acrium, quae hoc sale scatent; tum et eorum, quae nativo sani corporis sale admista alcali volatile ex eo evolvunt: cuiusmodi sunt sales lixivi, sapo, calx viva etc. Aromata quoque calidiora, multum quotidie ingesta, dum perpetuo stimulo exagitant, ignea vi sales nostros in id acrimoniae genus acuunt. An forte et venena quaedam huc referenda? Actioni eorum favet calor intensior.

311. Proprium huic acri est humores, dissoluto crassamento, nimis attenuare,

nuare; ut incitato simul motu, irritatis solidis, erosis canalibus, vix coërcendi hac illac effluant: unde quae porro consequantur mala, prouum est eruere (288).

312. Putredo, affinis quidem priori vitio (310.), nequaquam tamen confundenda, compositum notat acrimoniae genus, quo affecti humores simul et salem habent volatilem alcalinum, et oleum huic permistum acre, foetidum. Utriusque materiae, maxime tamen posterioris, corruptio demum putredinem constituit: haec ideo uti nunquam non foetorem comitem habet; ita nec nisi corporibus competit, in quibus natura oleosa inest. Simplex alcali volatile etiam putrorem antevertere posse PRINGLIi experimentis certum est.

313. Ex diversis ideo causis etiam nascens pro fundamento habet spontaneam corporis nostri in hoc vitium proclivitatem (149.), in qua tum fovenda, tum ab excessu prohibenda, mirabilem perpetuo solertiam natura ostendit. Materiem itaque huic corruptioni praebent ipsi humores sani; victus deinde animalis sponte aut vi praeparationis in putredinem pronior; aquarum, aëris, putror corpore susceptus; nidulantes in primis
viis

viis vermes; fomites ulcerosi, cariosi, cancrofi, gangraenosi, etc. tabo in humores effuso inficientes. Excitant autem et accelerant motum septicum calor ingens, maxime humidus, calor subito succedens frigori glaciali, agitatio nimia, stagnatio, aër non renovatus, cibi potusque vigente vita defectus, suppressa excrementorum ejectio, medicamenta, venena, miasmata, contagia, quae, etsi per se neutiquam putrent, vi tamen fermentali aut stimulante, admista humoribus, solidis vivis applicata, ocius, ferius putredinem inducunt.

314. Nata haec acrimonia, vitae infestissima, humores dissolvit, acuit, ad nutriendum ineptos reddit, pinguae eliquat, rancore inficit, solida irritat, erodit, tabefacit; hinc febres acutas, putridas, contagiosas, malignas, inflammationes, exanthemata, gangraenas, sphacelos, circulationis, secretionis, excretionis, omniumque functionum turbas creat, saepe nec natura, nec arte superandas. Tetra quippe lues, corpore semel suscepta, et pabulum suum circum circa in promptu habet, quod vi septica sibi assimilet, et ipsis vitae actionibus magis incitatur (303.): hinc subdole gliscen-

te

te malo, oppressis subito naturae viribus, medicati ejus motus (101.) aut deficiunt, aut debiles minusve congrui plus etiam nocent, quam profunt. (104.).

315. Salis sibirii abusus, maxime cum potio aquae parcior est, nec sufficiens illius per urinas evacuatio, acrimoniam muriaticam per humores diffundit. Horum inde dissolutio, gravitas major, aquosae muscosaeque partis exasperatio, circulationis calorisque nativi augmentum, pruritus, rubores, erosiones, putrida carnum tabitudo, aut majore excessu, impacto in terram sale, durities inflexibilis.

316. Par fere ratio est acrimoniae ammonicalis, quae salis nativi, aut huic adfinis, superpondium in nostris humoribus ponit, nascique potest, cum excretio salium legitima, per urinae potissimum vias facienda, quoquo modo supprimitur, aut exsuperans alcaliscentis vel acidi salis copia (307. 310. 312.) salutari oppositi salis usu cicuratur.

317. Hae quidem manifestiores sunt quibus humorum massa inficitur, acritates. Multae supersunt aliae, *propriae naturae et incomprehensibilis magna ex parte, ex effectibus suis tantum cognoscendae, nec ad chemicam*

micam ullam compositionem aut affinitatem referendae, quae aut ad singulos tantum humores pertinent, suo deinceps loco exponendae, aut commodius inter potentias nocentes (76. 419.), recensentur.

317. *Humores autem, uti amissa naturali blanditiae acres euadunt (291. ad 317.), ita et defectu partium salinarum, terrearum, phlogisti, caet. vappiditatem quandam et inertiam contrahunt, quae efficit, ut continentibus non amplius naturalis stimuli loco esse possint. Mucosum etiam, glutinosum abundans (283.), aquosa tenuitas (287.), obuoluendo, diluendo, eadem efficiunt. Quae a solidarum partium laxitate et inertia nata ut plurimum affectio vitalem vim, motus, circulationem debilitando, retardando, morbis multifariis, pituitosis, cachecticis, contabescientiae corporis pituitosae, caet. originem praebet.*

Morbi humorum ex vitiata fluidi cum spisso cohaesione.

318. Si porro cogites, requiri, ut inter diversas materias, ex quibus pernixtis humores constant (274.* et seq.), aliquis detur adhaesionis gradus, qui mutuam mixtionem moderetur, caveatque

atque tam divortium iusto facilius, quam nimis difficilem aliarum ab aliis secessionem; novum sese offert vitiorum communium (289.) genus cujus posterior species quidem ex supra dictis de spissitudine humorum (282. ad 285.) sic satis intelligi potest: at prior utique singulari titulo meretur considerari; quia vixdum a Pathologis annotata, non raro tamen in praxi obvia est; utroque autem consistentiae vitio in humores inducto duplicem malorum diversissimorum fontem aperit.

319. Fac portionem fluidam cum crassamento (274.) laxius iusto cohaerere; mutua secessione nascetur hujus inspissatio, inertia, et reliqua mala, ante (285.) recensita. Tenuis contra pars, vasculis haud rite coërcenda, perspiratione, sudore, urinis, alvi excretionem, salivationem, praeter modum auctis, e corpore, non sine multiplici noxa, effluet (288.), aut in cavitates majores minoresve congesta, stagnans, varias hydropum species producet.

320. Prout autem crassamentum quoque diversimode a naturali sua crasi deflectit, vitiosa aut proportione, aut indole suarum partium (276.); ita ex secessionem
sione

sione nascens concretio (319.) alia atque alia erit. Exsuperans mucus (278.) viscida, gummosa, pultacea, dabit spissamenta: abundans evolutumque phlogiston pingua, sebacea, resinosa, amurcosa: copiosior denique terra, ob parcius oleum macilentior, forsan et infixo propius sale acido stiptica (284.), haud sat solubilis, cum de aquoso latice elabitur, calculos, tartaros, osseas lapideasque partium indurationes generabit.

321. Difficile fuerit omnes explanare modos, quibus ista affectio in humores invehitur: credibile tamen magnam partem deberi erroribus in diaeta diu multumque admissis, coctionum vitiis, vehementibus aut diuturnis circulationis, *in parte praesertim alia concitatae, alia retardatae*, ac motuum vitalium turbis, febribus intermittentibus longinquis, anomalis, malignis*), affectibus spasmodicis, excretionibus inordinatis, etc. Quod et retuleris forte haereditatem.

Mor-

*) Confr. H. BOERHAAVE Aphrorism. §. 753. et G. VAN SWIETEN Commentar. in hunc locum T. II. pag. 518.

Morbi Humorvm Singulorum.

322. PLVRIMA sunt, quibus succi C. H. inter sese discrepant, eaque praecipua; quum suis quemque muniis aptum reddant. Quocirca et multifarii in hoc genere occurrunt a statu naturali deflexus, tam ob frequentiam, quam ob perpetuum fere cum vitiis universalibus nexum, apprime notandi; ut ideo ordine pertracti mereantur.

Chyli vitia.

323. CHYLVS primarum viarum pro materie habet succum ex cibo potuque ingestis prolectum, liquoribus inquilinis, qui in hanc officinam confluunt, permistum, aëre, calore, virtute organorum primae digestionis mutatum. Naturam ergo eorum, quibus constat, et virium; quibus mutatur, gradum sequitur, duplicique hoc ex fonte vitiosas non minus, quam laudabiles, trahit qualitates.

324. Quum vero nutritioni destinatus per universum corpus distribui debeat, vitiatus non primis tantum viis nocet, sed labem quoque suam in omnes humores, quin et in solida diffundit;

ut

ut merito plerarumque cacochymiarum et cachexiarum orgio inde repetatur.

325. Acrimonia acida, suis ex causis nata (307.), in chylo frequens, ventriculo ac intestinis irritatis producit ructus acidos, cardialgiam, voracitatem, flatus, tormina, spasmos, pyrofin: bilem praecipue enervat, virore inficit et acore, qui hinc ad feces etiam alvinas deducitur, toti intestinorum tractui non solum, sed per amplissimum huius officinae consensum universo etiam corpori infestus: acri denique in systema circulationis delato oriuntur mala (308.) enumerata.

326. Chylus austerus generatur ex ingestis similibus, immaturis, acerbis, vinis austeris, abusu absorbentium, adstringentium, coagulantium; maxime ficubi copioso liquore non diluuntur, inque debili corpore nec vi dissolvente bilis, nec valido motu animali, tenuantur. Producit dolores in primis viis stringentes, algentes, anxietatem; introitum in lactea sibi met impedit; hinc restagnans, cum fece mistus immeabili, tum suo privat nutrimento corpus, tum scybalis intra coli sacculos coactis, alvo pertinaciter adstricta, colicas spasmodicas, hae-

morrhoides et harum consecutiones creat; aut intro admissus glandulas mesenterii obstruit, vitioque in reliquos etiam humores diducto noxas (285. 309.) infert.

327. Putridi, nidorosi, in hoc succo multiplex origo (312. 313.). Id semel susceptum ubi menstrua primae digestionis, praesertim bilem, infecit, tubique alimentaris parietes sua mephiti imbuunt, vi septica dein in ingesta grassatur, lateque per corpus se spargit. Inde ructus nidorosi, sordes putridae oris, linguae, faucium, sitis, prostratus appetitus, nausea, vomitus, anxietas, calor molestus, diarrhoea putrida, aphthae, raptoque in interiora putrore mala supra (314.) memorata.

328. Nec raro rancor chylum infestat, degeneratio sui generis, succis pinguibus vegetabilium et animalium natura blandis, insipidis, nec odoris, propria, qua occultum in iis acidum evolvitur et mirifice attenuatis, velut igneis, materiae oleosae particulis sociatum ita acuitur, ut odorem saporemque acerrimum, et vim stimulandi, rodendi ac urendi, simulque majorem volatilitatis gra-

gradum consequantur. Unde liquet compositum quidem salinae oleosaeque acritudinis genus pariter hic locum habere, atque in putredine (312.); at si naturam utriusque spectes, longe diversum*). Nascitur illud in primis viis ex ingestis pinguibus, fracidis, rancidis, elixis, assis, tostis, frixis, per menstrua primae digestionis non sat subactis, calore nimio interno adustis etc. stomachoque semel fracedine aut putrore imbuto sese multiplicat et propagat. Facit autem cardialgiam urentem, ructus ac vomitiones materiae pinguis, rancidae, amarae, aut et acris acidae, causticae, inflammabilis, horrorem ciborem, sitim fumnam, siccitatem gutturis, calorem anxium, alvum constipatam; alias et bile eodem vitio corrupta, acerrima, tumultus officinae cibalis cholericos, colicos, feces pingues, fervidas, olidissimas, urinam flammeam, acrem, calidam, spumofam, cutem aridam, aut perspirabile mephiti rancida infestum,

L 3 fe-

*) Vid. I. D. HAHNII In hanc rem experimenta et observationes in dissertat. inaugur. D. GRÜLL de Rancore et morbis ex rancido. Lugd. Bat. 1777.

febres ardentes, erysipelata topica, vaga, eruptiones cutaneas variae formae, inflammationes acres, vix resolvendas, hisque longe pejora symptomata, sicubi et pinguedinem corporis simili tandem vitio imbuerit (375. 460.).

329. Chylum nimis glutinosum creant farinacea cruda, pultacea, frigida, tenacia, gelatinosa, pingua, austera, diu multumque ingesta, defectu aut inertia liquorum digirentium, imminutis viribus coëtricibus, languore circulationis, omisso motu animali, non riti subacta (283. 284.). Ex quo vitio prostratus appetitus, repletionis sensus; nausea, vomitus glutinis; salivae, bilis, ceterorumque hujus officinae menstruorum inviscatio, hebetatio; ventriculi ac intestinorum laxitas, inertia; secretio et absorptio chyli impedita; alvus tarda et sine dolore tumens; acida, putrida, rancida ex restagnatione corruptio; mesenterii obstructio, muci in omnibus humoribus abundantia (283.), et, qui hinc profluunt, effectus (285.) nascuntur.

Lactis Dyscrasiae.

330. CHYLVS porro in transitu ad systema sanguiferum copiosa prius lymphā dilutus, cum sanguine dein mistus subactusque, aliquamdiu post nutricis uberum apparatu lac daturus hujusque adeo naturam adeptus, nondum plene coctus, ut ingestorum, unde paratus est, indolem etiamnum prae se fert, ita nec vitia ejus, in primis viis contracta, coctione secunda facile corriguntur (324.). Cum vero lac spontaneo suarum particularum nisu in triplicem diversae naturae materiem secedat; cromorem puta, serum et caseum; horumque prior depuratione butyrum exhibeat rancori obnoxium; serum plurima polleat aqua, solutum continente salem saccharinum, qui in acorem vergit; casei denique natura tum coagulabilis, tum putrescibilis, gluten animale referat; inde vel magis etiam apparet, alienationes illas non minus in lacte, quam in chylo, locum habere atque ex ante dictis (325. ad 329.) posse intelligi.

331. *Videntur in ipsa lactis in sanguifero systemate praeparatione vitia quaedam subinde subesse, partim ad materiae, ex qua lac com-*

ponitur, justam proportionem vitiatam, partim ad alienas illius qualitates referenda. Etenim quod post partum statim paratur, lac, in quo lymphatica et tenuior pars abundat, crassiore, cremoracea et caseosa progressu temporis copiosius praeparata, et coagulari nimis potest, et resolui, et acrimoniam induere. Unde, turbatis a varia occasione, praeparatione et secretionem, errabundus humor in aliena loca, facile deponitur, mox aquosus, mox lymphaticus, spissior, irritatione, inflammatione, corruptione caet. nocentissimus (564.). Habent diversae lactis materiae (330.) justam etsi non semper exquisiti eandem, inter sese proportionem mixtionemque aequabilem et congruam cohaesionem; ut liquor in speciem homogeneus, suas tamen in partes separabilis, naturae finibus sufficiat. Credibile igitur posse et proportionis vitia in illis nasci, quae requisitas chyli dotes pervertant; et cohaesionis mutuae gradum augeri nimis minuive, ut tardius aut citius, quam par est, a se mutuo secedant. Applicentur huc supra exposita (274. ad 280. 282. et seq. 318. ad 321.).

An pingue in lacte abundans, laxiusve cum ceteris illius particulis cohaerens, causa nimiae obesitatis? Pinguedinem

nem certe corpori ex oleo chyli venire in mollem cellulofam deposito, multa docent. Cremorem quoque fimplice potius mixtione, quam vera folutione, cum lacte cohaerere, fpontanea ejus per moram feceffio indicat. Alimenta igitur pingua large ingefta fi chylum copiofo obruunt adipe, quam nec virtus attenuans humorum, bilis maxime, nec vegetus circuitus, auctiorve calor et motus animalis, rite fubigant, eodem facile fecedenti farciri corpus neceffe eft.

Sanguinis affectiones.

332. SANGUINI par alius liquor extra corpus animale, aut natura, aut arte, productus non invenitur. Eft ergo folius vitae animalis effectus eo fingularior, quod exfanguia etiam alimenta pro materie habeat.

333. Conftat quidem, ut ceteri noftri humores, parte tenui et crassa (274.), fimiliaqua etiam principia examine Chémico prodit (275. 276.); quin et communis eorum veluti mater eft: ad multum tamen difcrepat a fingulis. Unde opera pretium fuerit, quae fibi priva habet, prout absque violento experimen-

torum apparatu sese manifestant, prius proponere; ut dyscrasiae ejus deinceps clarius intelligantur.

334. Sanguis, ex sani hominis vase sincerus fluens, calens, pelvi exceptus, crassiusculum refert liquorem, homogenei ruboris, opacum, ad tactum pinguem, gelatinosum.

335. Halitus tum sponte assurgit foetudulo odore percipiendus, qui campana frigida exceptus, densatus, in laticem abit excolorem, nec acidum, nec alcalinum, vix nisi odore ab aqua pura distinguendum. Haec pars sanguinis volatiliior, mole pauca, est, quam sui generis spiritum, πνεῦμα, cum HIPPOCRATE dixeris, pro sua efficacitate in oeconomia animali nondum satis a Medicis consideratum*).

336. Frigescens interea, qui restagnat, sanguis, qua aëri contiguus est, pelliculam contrahit totusque tandem in spissamentum cogitur tremulum, aequaliter rubrum, sevo simile igni liquato, quod frigore iterum consistit: ut pateat motu ac calore vivi corporis fluorem ejus aequabilem conservari.

337.

*) Confr. quae supra (209 n. 4.) disputavi.

337. Dein ex superficie ac ambitu coaguli undequaque tenuis, pellucidus exsudat humor, fortiore particularum crassamenti nisu ad mutuum contactum veluti expressus, qui paullatim adunatis guttis auctior, seorsus circum placentam rubram diffluit, hancque pro rata jam contractiorem, a contactu pelvis undique semotam, in modum insulae, natare facit. Hic alter secessus in serum et crassamentum, materias diversissimas.

338. Serum sponte fluens, quantavis aquae copia facile, aequabiliter, diluendum, diaphanum, subflavescent, saporis leniter falsi, mucosa materie (278.) valde diluta viscidulum, igne CL. graduum thermometri Fahrenh. instar albuminis ovi, cito, absque multa dissipatione, concrescit in massam albidam, scissilem, quae porro calore modico fota distillando in duas partes secedit; alteram volatilem; fluidam, excolorem, aquae simillimam, copiosissimam; alteram fixam, solidam, corneam, cum tanacitate fragilem, ex cinereo sublavam, nunquam ex sincero rubram aut rubroatram, mole exiguam, aqua insolubilem. Immo et plurima prius dilutum aqua, eodem dein calore tamen concrescens, ex illa, flocc-

floccorum alborum specie, fident. Haec tertia separatio, quae aquam et gluten, sale imbutum nec manifeste acido, nec alcalino, naturamque albuminis in hoc fero prodit.

339. Crassamentum rubrum, etsi homogeneum videtur, facili tamen opera in diversa abit. Quodsi enim super linteum expansum adfusa iterum iterumque aqua non calente abluitur; serum (338.), quod intra reticulata placentae (337.) septula superest, materiae rubrae commistum, una cum ista per aquam sese diffundit, cumque hac per poros lintei transit, relicta immeabili massa, ruboris experte, fibrosa, membranacea. Haec quarta secessio in partem rubram et fibrosam.

340. Fibra sanguinis, iterata ablutione albescens, ex filamentis velut in membranis contexta, aqua non solubilis, fero igne coacto (338.) haud absimilem refert materiem. Haec crassamenti basis, a portione rubra longe diversa; diversa etiam a fero; quum sponte solidescat sanguine frigente, stagnante, ab fero fluido semet segreget, rubrisque particulis tum quidem amicior has trahat sibi adsociatas suis velut cancellis concludat. An
igi-

igitur inest etiam in sanguine vitali? An nascitur demum in effuso? Inest certe materies fibrae, sed coire impedita, dum motu vitali calet sanguis. Nec abesse constat, quia microscopio non detegitur. Attamen non dixero forma fibrae in sanguine vivo fluitare, nec quanam alia: qualiscunque enim fingatur, obstructio non metuenda est, dummodo ejus particulae cavis vasculorum, per quae meare debent, minores fuerint et interfluente sero sic disparatae, ut sese mutuo apprehendere nequeant. An vero elementa fibrae necessario fibrillas esse oportet *)?

341. Rubra pars, per aquam diffusa (339.), plure etiam aqua in infinitum fere diluta, dilutius quidem rubet, nunquam tamen flavescit: uti nec recentis sanguinis guttula, millecuplo aquae tepidae permixta, in flavedinem diducitur, sed rubella manet. An ergo rubor ejus flave-

*) Fibrā cum MALPIGHIO aliisque appello, quia distinctae concretionis initium hac fere forma ut plurimum sese prodit. Vid. I. G. BERGERI Physiol. Medic. pag. 152, 153. Lympham coagulabilem recentiores cum SENACO vocant.

flavedini feri (338.) addensatae tribuendus? Vix credibile.

342. Eadem per aquam aequabiliter diffusa, cum hac per poros lintei trajecta (339.), specie homogenei, diaphani liquoris, quamprimum igne acta bullit, secessum molitur, inque floccos pallide rubentes coacta, colo separata, aquam rubore carentem reddit. Quippe serum ex parte, una cum rubra sanguinis portione, vi aquae ablutum (139.), calore in albidos floccos coagulatum, dum deferit aquam, secum trahit inviscatam simul rubedinem; unde albo rubroque permixtis pulticulam pallidiorem nasci oportet. Non igitur recte dixeris, rubrum aqua intime solutum fuisse. Immo fugit aquam, nec, nisi interventu feri liquidi, per eam diffusum manet, cumque illo, vi coaguli secedente, et ipsum secedit.

343. Puls rubella (342.), leni calore siccata, massam dat atrorubram, friabilem, igne majore ex parte liquecentem, admota flamma, cum fumo ustos pilos vel ungulas olente, ardentem, quae Chemico apparatu explorata magnam vim olei, et ex residuo in cinerem reducto terram ferruginosam, promit. Na-
tutam

turam igitur longe diversam a sero aequae ac a fibra habet.

344. Unde liquet, dari in sanguine, praeter spiritum (335.), triplicem materiem contrectabilem, serum, rubrum et fibram, quae licet mutuas inter sese affinitates habeant et motu ac calore vitali aequabiliter permixta conserventur, intime tamen cohaerescere ac Chemica solutione invicem confociata esse dice non possit. Ceterum ut analysi Chemica generali (130. et seq.) sic satis quidem inter se conveniunt, communemque habent tum conjunctim, tum seorsum ad putrescendum proclivitatem; ita in singulis insuper proprium quid inest, quo inter sese differunt: in sero aqua praevalet salesque fixi, cibarius et alcali fissile; in fibra terreum gluten, plasticum, seroso simile, sed meracius, hinc sponte in concretionem ruens (143.), praecipua forsan sedes acidi phosphorici (145.*), quod etiam ex sanguine obtineri experimentis constat; in rubro ferrum et phlogiston rancori obnoxium. Quare sanguinis fluiditatem sero tribueris; fibrae crassitiem nisumque ad concrescendum; parti rubrae purpuram.

Sin-

Singulis sua in oeconomia animali utilitas, necessitas.

345. Nonne igitur et magna est sanguinis cum lacte similitudo? Major certe, quam cum alio quovis nostro humore. Compara cum fero lactis serum sanguinis, cum cremore rubrum, cum caseo fibram! Multa invenies utrinque communia, sive materiem spectes, sive cohaesionem et secessum (330. 331.) Ut forte non inepte lac sanguinem album, sanguinem lac rubrum appellaveris. Disparitatem, quae lac inter et sanguinem obtinet, aliqua ex parte utcunque explicant vires circulationis, subactionis cum universa sanguinis iam cocti massa, pressionis frictionisque in canalibus, caloris et aëris, conjunctae, quarum protracta actione sal acescens in alcalescentem, fermentabile in putrescibile, mutatur, phlogiston magis evolvitur, terra densatur.

Atqui sanguinis ex lacte, ut hujus ex chylo, origo similitudinem quoque involvit. Cave tamen ne plenam intimamque credas, quae modo superficialis est! Naturae propriae singularium partium, quae mutuam in lacte et sanguine relationem habent, penitus hodie examinatae, mirum quantum inter sese diffe-

differunt*): ut omnino fateri cogamur, modum, quo sanguinem sibi natura sana tam facile citoque parat, nondum a nobis intelligi.

346. Rubram hinc sanguinis materiem, quae ceteris mode quidem minor, at ingenio singulari potior est, adipis lactis particulam esse dicas, quae ferum inter fibramque contrita, divisa, per ferisales, alcalinum praesertim (344.), magis attenuata, moleculis insuper terrae ferrariae (343.) impraegnata, densata, eam naturam induit, ut phlogisto suo evoluto purpurascit, cumque fero et fibra aequabiliter commista liquorem homogeneum quidem referat, nec tamen veri instar saponis ita cohaereat, ut non cum fero magis aquosa divortium faciat, quamprimum remittens calor et motus miscere desierunt.

347.

*) Exemplo sit salina materies, quae in utroque lactis et sanguinis fero eminent, saccharina quidem in illo (330.); at quam in hoc alcali fixum fossile nudum, una cum sale communi (344.); continere nupera Gallorum ROUELLE BUCQUET experimenta docuerunt, Vid. M, MACQUER Diction. de Chimie, edit II. tit. Sang.

M

347. Unde tandem constat, quid de natura et ortu globulorum, quos microscopium in massa sanguinea detegit, sentiendum sit. Rubrae hi portioni proprii non sane sunt, nisi oleum, quod cum aquoso latice permistum subactumque, pro mutuo inter has materias dissidio, sese in sphaerulas colligit, interfluente sero aquoso separatas et, ne confluere queant, impeditas. Inde in lacte etiam visuntur, et qualicunque oleo cum aqua agitato produci facile possunt *): nec torno mechanico opus est, ut rotunden-

*) Nolim tamen ultra, quam par est, hanc similitudinem trahi, tanquam si inferre liceat fore, ut globuli rubri, cum a sero, remittente calore et motu, secedunt, similiter ac moleculis olei cum aqua commisti mora et quiete contingere solet, mutua attractione serum interfluens omne excutiant nudi-que per proximos contactus inter sese confluant, sphaerica figura evanescente. Vid. A. V. HALLER Elem. Physiolog. C. H. T. II. p. 52. Absit! ut serum suo glutine gravidum cum aqua simplice confundatur: nec credendum nullam esse rubrae materiae cum seri glutine cohaesionem; cum evidens sit etiam post alteram secessionem (337.) in ipsa placenta tum fibram, tum seri partem, cum illa permistas et coacervatas esse (339. ad 342.).

dentur. Hinc et attentus videas molles esse, compressiles, elasticos, figuram, cum in vasculis premuntur, in oblongam mutare, cum a pressione liberantur, prompte in globularem resilire.

348. Nec obstat, quae praedicatur, aequalis singulorum globulorum moles eademque diameter. Limitatae circulationis vires in infinitum usque discerpere nequeunt particulas olei, ferro etiam magis densati (346.), certa vi inter se cohaerentes. Dibitur ergo meta, ultra quam progredi nefas. Cur autem rei, quae ipsa parum firmo talo nititur, rationem anxie quaeramus.

349. Divisibiles porro esse in minores globulos, hosque separatos dilutius rubere, vix dubium est. At senarium esse numerum globulorum minorum, ex quibus componuntur, in quos secedunt, incertum. Nihil autem minus credibile, quam ista secessione rubrum in serum mutari, hujusve senos globulos inter se compactos globulum rubrum efficere. Repugnant experimenta (338. 341.) et diversissima utriusque materiae natura (343. ad 347.). Unde et argumentatio, quae ex specifico pondere

materiae rubrae majore, quam feri, pro hoc asserto ducitur, fallaciam involvit: ne memorem summam exactae pensurae difficultatem; quum pars crassamenti rubra vix sincera obtineri queat (342.)*).

350. Integrum ergo fuerit Physiologis, pro lubitu, id genus speculationibus indulgere: at Pathologis nihil inde bonae frugis.

351. Ex data sanguinis analysi intelligere est, quibusnam vitiis obnoxius esse possit, five partes ejus singulae seorsum spectentur, five ut una junctae universam massam constituunt.

352. Verosimile est dari certam aliquam trium sanguinis partium (344.) proportionem mutuam, quae sanitati perfectae maxime conveniat, *non tamen in omnibus eadem, sed singulorum naturae accommodatam*. Nec credendum tamen adeo hanc esse necessariam, ut quincunque

*) Praetereo libens, quae post LEEUWENHOECKIUM nostrum alii subinde, maximeque nuper HEWSONUS, Anglus, in microscopica sanguinis analysi novarunt; quia aequae incerta sunt, nec verae utilitatis doctrinam pariunt. Confr. D. CALDANI Instit. Physiol. p. 59. not. 2.

que ab ea recessus impune ferri nequeant. Quotidiana potius vel in sanissimis quoque videtur innoxie fieri posse mutatio. Quin et temperamentorum, sexuum, aetatum, vitae generum, etc. diversitas non eandem in omni homine ponit aut postulat. Vitium itaque demum fuerit, si major est recessus idema singulari sui hominis constitutione multum alienus. Conf. (155. 156. 192.).

353. Enormis feri abundantia aquam in sanguine auget: unde aquosa tenuitas (287.), morbique ex colluvie serosa oriundi.

354. Exsuperans fibra densitatem inducere debet, tenacitatem, immeabilitatem, lentum circuitum, obstructions etc. Vid. (284. 285.).

355. Rubrae portionis excessus, cum phlogiston in sanguine abundans et ferro gravatum notet, quavis occasione nociva caloris augmenta, immodicas expansiones, inflammationes etc. creat.

356. Hi excessus tam moderati, ut sanitatis munia non turbent, utcunque explicant diversam sanguinis crasin, quae in diversis temperamentis occurrit. Prior enim (353.). Phlegmatico, alter (354.)

Melancholico, tertius (355.) Cholerico proprius videtur, Sanguineo nullus.

357. Majoris momenti vitia sunt, quae ad singularum sanguinis partium qualitates pertinent: quamquam negari nequit, plura sine dubio nos latere; quum Physiologia humorum multis etiamnum defectibus laboret.

358. In fero quidem excedere aqua potest, ut justo minus tardiusque igne concreseat (338.): quod vitium simile prioribus (278. 353.) iisdem quoque causis nascitur, eosdemque hinc effectus producit.

359. Est et ubi muci inertia copia in eodem crescit: quo fit, ut reliqui humores inde secreti inviscentur tenacitate exposita (283.).

360. Vim concrescendi quoque augeri in hoc latice frequens est, et eo quidem gradu, ut stagnans ac frigescens, sponte, more fibrae (340.), coëat, inque hanc veluti mutatus dici possit, toto fere sanguine in placentam concrecente. Haec diathesis inflammatoria, quam paulo post inter morbos fibrae sanguinis exponemus.

361. Salinae materiae sive propriae, sive alienae, superpondio serum praecipue

pue inficitur: pollet enim et amica salibus aqua, et inviscante muco, cumque iis, quae a foris in massam humorum subvehuntur, proximum alit commercium. Pleraque ideo acria primam heic sedem figunt, naturalem feri colorem ut plurimum alienantia, hocque quasi vehiculo per corporis partes sese diffundunt (307. ad 317.).

362. Purpura sanguinis (341.) justo pallidior, loturae carniū similis, ex defectu nascitur materiae rubrae, compactione huius minore, phlogisto non sat evoluto, aut per mucum, acidum, aliave peregrina immixta suppresso. Unde comitari solet vitia (283. 287. 307.), easdemque causas agnoscit, nec dispares effectus producit. Quandoque et corruptioni debetur. An et penuriae principii martialis (346.)?

363. Rubor floridior inducitur motu, attritu, attenuatione, permixtione cum fero, nimis. Hinc circulationem auctam, trajectum per pulmones frequentiore, calorem intensiorem, salinae materiae (310. 315. 316.) abundantiam, sequitur. Est autem fere dissolutior hic sanguis, frigore tardius aut vix concreescens, phlogisto nimis evoluto

facile exardescens, ad elapsum e vasculis, errores loci, plogoses, proclivis.

364. Nigrescens color oritur, si terra exsuperat, aut infixo acido stiptica est, aut ubi crasin sanguinis corrumpunt aliena intermixta ex vitiatō chylo, retentis excrementis, miasmate, contagio, veneno, tabo putrido, rancido, ulceroso, gangraenoso, cancroso, etc. intromissis. Variū hinc acre comes est, et major alias spissitudo, alias dissolutio: quae diversitas proinde et multiplex malorum genus post se trahit.

365. Fibra sanguinis (340.) nisu ad concrendum minore peccat; quo fit, ut tardius aut vix tandem a sero secedat, nullamque aut laxiorem justo formet insulam, quae nec rubros globulos rite coactos sibi que adunatos habeat. Fibrosae materiae paucitas, compactio minor, aquosa aut mucosa inundatio (283. 287.), attenuatio nimia per motum, calorem, sales solvantes, aliosve stimulos aut fermenta (364.) corrumpentia, consumptio ob defectum necessariae per alimenta reparationis, etc. id vitium produciunt. Sanguis hinc dissolutior noxas infert (287. 288.).

366. Contrarium fibrae vitium, nimia cohaerentia, aut ponit simpliciter auctam illius ad serum fluidum proportionem (354.360.) tota hinc massa sanguinis quandoque in grumum coëunte; aut vim concrescendi intensiorem, qua longe tenacior fit et velut lardi aemula fibrae concretio; ita ut corium densum, cultro resistens, rubrae materiae expers, albidum, flavescens, quandoque virescens, livescens, varia crassitie, tandem innascatur summitati insulae subtus modo rubrae haecque etiam longe compactior, ora ob corii contractionem introrsum retorta, saepe in scutellam excavetur, circumfluente sero tanto copiosiore, quanto magis illa sese coarctat*). Haec crusta phlogistica, inflammatoria,

M 5

cori-

*) Recte quidem D. HEWSON Philosoph. Transact. Vol. LX. an. 1770. animadvertit, sanguinem phlogisticum vena ductum in pelvi tardius, quam sanum, coagulari; et contra partem illius rubram citius in fundum pelvis subsidere, supernatante sero: quae quidem praecipue obtinent, cum valde inflammatus est. Quo autem jure ex his inferat tantum abesse, ut fibra sanguinis phlogistici sit justo coagulabilior, ut etiam contra magis attenuata videatur, haud satis intelligio.

corium pleuriticum audit. Quum vero et fibrae ablute (340.), et fero igne concreto (338.), simillima sit materies; liquidoque appareat plasticum nifum ad concrefcendum, qui in fero et fibra fanis datur, naturae actuoſae C.H. effectum eſſe, graduque tantum diſerre ab illo cruſtae phlogiſticae; immo hanc ipſam non tam conſtanter in vitio eſſe, ut non in gravidis etiam faniffimis plerumque aliquo gradu occurrat; utique credibile fit, eam naſci, cum fibra in ſyſtemate circulationis ultra modum fanitatis denſatur, ſerique portio major, totuſve latex, continuata denſatione, in fibram convertitur ſponte, ſtatim, nullo caloris augmento, concreſcentem (360.). Ut adeo ad eam conſtituendam nec chylo ſanguinis, nec pinguedine, nec muco arteriarum, ſuccis multum diverſis, opus eſſe videatur; nec ſola etiam aquae diſſipatio ſemper ſufficere. Docet certe obſervatio, iisdem potentiis, quae ſanam ſanguini fibram ingenerant, quoque modo intenſioribus id vitium induci. Auctior hinc circulatio, motus febriles, aeſtus, vaſorum conſtrictio, compreſſio, exercitia corporis nimia, terreorum, adſtringentium, calefa-

lesacientium, spirituosorum, abusus et similia, quotidianae hujus densitatis causae fiunt; maxime si diathesis phlogistica in systemate circulationis, ut femininum (75.), insidet, quae in nonnullis hominibus tanta est, ut quavis fere occasione, etiam sanis, ductus sanguis corium illud ostendat. Mala autem, quae inde oriuntur, plurima ex dictis (285. 354.) patent; si addideris, refractarium hoc gluten, aquosis vix, nisi putrescendo, solubile, comite plerumque febre circumactum, calore etiam magis compingi, anastomosi vel diapedesi (103. 2. 3.) ex vasis suis transudans consolidari, nec nisi corruptum denique resolvi (365.), hinc naturae viribus aegre demabile reddi.

367. His vero (352. ad 367.) rite intellectis, haud difficile est rationem invenire reliquarum affectionum, quibus massae circulantis qualitates pervertuntur, quousque revera obtinent ac fructuose indagari possunt; densitatis puta, gravitatis, elasticitatis, divisibilitatis, etc. ultra modum auctae aut imminutae. Et multae forsan aliae heic dantur aberrationes, quas tamen cum conjectura modo assequamur, non est, cur nos moerentur.

Succorum Secretorum Vitia.

368. Ex uno sanguine per universum corpus distributo multos in diversis partibus succos artificio admirabili secedere, singulosque, ut natura et inter sese et a sanguine differunt, ita diversis quoque oeconomiae humanae usibus destinatos esse, Physiologia demonstrat, etiam si modum, quo sua cuique crasis peculiaris constituatur, haud plene assequitur.

369. Igitur et communia quidem ex communi fonte, unde dimanant, vitia trahent, quae tamen pro discrepante cuiusvis indole aliquid singulare habeant, aliaque et alia mala inferant; et privata quoque jam secretis evenire poterunt, quae non admodum in aliis occurrant. Merentur adeo speciatim expendi.

370. Humores aqueo-salini, quo lympham nec sponte, nec calore majore concrefcentem, atque hinc secreta menstrua primae digestionis, tum excrementa aquosa, lotium etc. referro, praeter tenuitatem (287.), spissitudinem mucosam (283.), et varias acritates (307. ad 317.) hoc singulare prae ceteris habent, ut nimis facile terreas suas moleculas, inter-

terventu falis per aquam solutas, secedere sinant, hisque data opportunitate adunatis calculosa concrementa, multimodis nociva, deponant (320.): de quo vitio etiam post dicenda (566. et seq.) conferantur.

371. Succus gastricus, communibus qualitatibus ad hoc ipsum genus merito referendus, mirifica tamen cibos ingestos digerendi facultate, sibi prae ceteris propria, longe praecellens, hoc quidem intuitu privas sibi dyscrasias pati posse videtur, naturali digestionis gastricae ordini diversimode obfuturas: de quibus vero nihil dum certi pronunciare licet; quia singulare istius virtutis ingenium operandique modum ignoramus *).

370.

*) Merentur in hanc rem legi experimenta ED. STEVENS, Angli, Diff. de Aliment. Concoct. Edimb. 1777. enarrata, quibus insignis illa vis menstrua liquoris gastrici non modo demonstratur; sed patescit insuper, non aequipollentem esse in omni animantium genere; ac veluti electivam et diversitati alimentorum cuique convenientium adaptatam; ut quae in carnivoris carnes solummodo, nec vegetabilia, in herbivoris ruminantibus haec, non illas, in homine autem utrisque vefcente digerere, utraque

372. Bilis, humor in officina primæ digestionis valde momentosus, ob singulares, quos in ea præstare debet, usus singulari etiam mixtione ac ingenio præditus*), nec parem sibi alium in oeconomia

que valeat. *Pluribus quoque et ingeniosissimis experimentis institutis gastric succi naturam, actionem, vim adeo medicatam illustrarunt Climi viri SPALANZANIVS, CARMINATVS, alii.*

*) Recentiorum industria detexit, bilem cysticam, ad instar lactis et sanguinis (345.), triplici ex materia esse compositam; sero aqueo, non concrescibili, sale cibario et alcali fossili gravido; oleo dein animali, quod affuso acido excussum, inflammabile, in resinae formam densatur omnemque bilis colorem continet; denique coagulo albido, quod naturam casei (303.) aut fibræ (345.) monstrat, putrescibile, in cornu densabile, nec aqua, nec vini spiritu solubile. Vid. D. RAMSAI Dissert. Med. de Bile, Edinp. 1757. et D. CADET in Nonum. Acad. Reg. Paris. an. 1767. Est autem istarum materierum in bile mixtio cohesioque tam æquabilis et intima, ut spontaneo nisu nequaquam secedant, et ne tum quidem, cum bilis, dissipata vi caloris aqua, in siccam fragilemque massam coacta est. Mirum vero, affuso ad saturitatem usque acido obtineri. Unde liquet saponis æmulam hæc dari composituram; tametsi virtutem vero saponaceam in pin-

nomia animali habens, parte sui quadam vere excrementitius privumque ideo sibi sistenna nactus, nec secundum natu-

pinguibus cum aqua subigendis bilis nequaquam prodat: quod forte sali muriatico, quem continere modo dixi, tribuendum. *Infirmantur autem haec omnia magnopere experimentis GOLDWITZ, V. Clmi, quibus bilem lympham coagulabili, sero, inflammabili parte et animali terra effici adseruit. cf. ej. liber: Neue Versuche zu einer wahren Physiologie der Galle, Bamberg 1785. Inde quae de saponacea bilis natura et alcaliescente cogitata sunt, dubia saltem admodum redduntur; repetitis GOLDWITZII experimentis aliisque huc facientibus institutis, expedienda magis, uti et eae quae de bilis actione idem vir Cl. protulit, quod fermentationem in chymo juuet, acescentem in spirituosam mutet, acidos sales obtundat, olea, mixture eorum naturali mutata, propria vi, nulloque intercedente auxilio alio, in cremorem, ex quo chylus constituitur, mutet.*

Uti vero acidum crasin bilis destruit; sic id ipsum vicissim ab illius alcali et oleo, tum absorptione, tum obvolutione, quam valentissime temperari, perdomarique indubium est. Cogitanti igitur acida nobis et acescentia frequentissimo in usu esse; neque datum ventriculo ea corrigere; cum chymo autem per pylorum expulsa in duodeno bili occurrere, misceri; haud difficile est cognoscere, bilem, dum

naturam in circuitum universalem unquam, integra sua mixtione, admissus, commercio autem aëris rerumque a foris ingestarum expositus, multis propterea

dum partes suas in chylo perficiendo agit, tantum non semper mixtionis suae dissolutionem una pati, crassamentum ejus cum alvina fece excerni, materiem fluidiorem, excolorem, natura bilis exutam, chylo permistam, in sanguinem revehi, ideoque humoris utilissimi cum quotidiana fiat destructio, assiduam quoque regenerationem requiri. Atqui nec quemvis virium oeconomiae humanae gradum elaborandae bili bonae sufficere, ejusdem in foetu inertia et non, nisi paullatim, cum ipso corporis robore increscens vigor pervectioque indicant. Quam igitur difficile fuerit, funditus exhaustam instaurare, aut prorsus effoetam intimeve corruptam redintegrare? suo id taedio atque dolore perspicaces practici experiuntur. Contra facilius est abundantiam ejus minuire: modo ne quid nimis! Conferre acida *πικροχόλοισι* HIPPOCRATES dudum docuit, analysi chemica hodie demonstrat. Conf. praeprimis G. G. TEN HAAF Spec. Chem. inaugur. de Bile Cystica. L. B. 1772. et D. WILLINK Spec. Medic. Bilis Physiologiam et Pathologiam exhibens. L. B. 1778. ubi per experimenta ostenditur, acida vegetabilia similiter, atque fossilia, sese in perturbanda bilis mixtione praestare.

pterea magnisque vitiis patet, quae non functiones modo primarum viarum ceterasque dein cunctas, naturales dictas, turbare; sed consensione etiam in reliqua omnia universi corporis systemata diversimode grassari solent. Inde diaetae erroribus bilis non raro nativum amarorem coloremque amittit, nimisque aquea, fatua, pallida, velut in vappam inertem degenerat (287.); alias in gluten piceamve amurcam spissatur (283. 329.) aut putrorem (327.), rancorem (328.), contrahit. Praesertim vero alienis salibus imbuta, aut stagnatione, aestu, motu vehemente aut inordinatum corporis, tum animi, corrupta, diversas contrahit acrimoniae species gradusque, et his consentaneas colorum mutationes, flavedine nativa in vitellinum, porraceum aeruginosum, isatoden, atrum denique colorem abeunte. Unde totidem vitiatae bilis species, una cum suis effectibus, a veteribus sedulo notatae, enascuntur. Est et memorabilis ejusdem ad lapidescendum proclivitas, qua priores succos (370.) etiam longe superat, *a mora ex parte in vesicula sua in anfractuosis hepatis viis, ex parte forsitan inde explicanda, quod ab acidis quibuscunque, au-*

N steris

steris maxime, praecipitetur coeatque, eo sane major, quo turbata magis viscerum abdominalium actio. Nulla sane corporis parte tam frequens calculorum generatio, quam in officina viisque bilis, observatur*). Facit autem multifaria ejus degeneratio, et alienorum, quibus occurrens concorporari potest, partiumque, in quibus concretio fit, diversitas, ut innumerae id genus lapillorum dissimilitudines sese offerant, quas difficili fuerit certos in ordines distribuere.

373. Succus mucosus **), ingente copia, nec minore commodo et necessitate per partes corporis diffusus, praeter com-

*) Calculos felleos humanos septuplo frequentiores esse, quam qui vesicam urinariam infestant, HALLERUS aestimat Opuscul. Patholog. et Elem. Physiol. T. VI. L. XXIII. p. 564. Ibidem quoque invenias ingentem illorum varietatem exemplis comprobata.

**) Quem hoc loco inter succos secretos considero, mucum nolim confundi cum mucosa illa natura, quam supra (278.) retuli inter materias, quarum mixtione humores nostri universim constant. Tamen enim haec ipsa suo lentore, tenacitate, lubrica adhaesione atque blanditie, in mucosum etiam clarius sese prodatur; videtur ea tamen cum ex communi humore-

communia consistentiae vitia (282. 286.),
*copiamque praeter naturae ordinem auctam
aut minutam*, tum naturali suo lentore, tum
stagnatione, acrimoniis maxime patet,
quae ejus glutine semel inviscatae difficil-
lime extergentus; quamvis suapte natu-
ra vix corruptionem subeat. Unde,
quas veteres memorant, pituita dulcis,
falsa, acida, vitrea Praxagorae; quae cum
in transitu per intestina et sub ipsa ex-
cretionem diros dolores ac tormina, cum
sensu frigoris, inferat, utique acribus an-
numeranda, forsitan acerbitate acido au-
stera (306. 326.) peccat; quin et gypsea plu-

N 2

plu-

morum massa in organis suis secretoriis sece-
dit, inque singularem humorem formatur, no-
tabiliter mutari; ut suis usibus aptetur. Re-
nuit jam mucus aqua solvi, qua tamen copio-
sissima dilui poterat, cum feri sanguinis par-
tem conficiebat. Nec ideo dixeris aquae ini-
micum, cujus etiam xix vicesimas partes di-
stillando fundit. Et omnio credibile est haud
parvam fibrae sanguinis (340.) portionem in
mucos inesse. Haec autem, ne plura comme-
morem, satis ostendunt mucos animalis a gum-
mi vegetabili dissimilitudinem. vid. S. SZE-
GEDI DE PESTH. Dissertat. Physiologiam et
Pathologiam mucos exhibens, edita Traj. ad
Rhen. 1772.

plure terra onusta (320.), hinc calculosis concretionibus obnoxia, intelliguntur. Nec infrequens est, virus contagiosum in muco nidulari, taboque sic multiplicato solidis infestum, late serpere.

374. De succis pinguibus idem dicendum; ut qui natura quoque lenti, inque laxa cellulosa tela restagnantes, nec aquoso humore solubiles, quae semel susceperere, heterogenea, acria, virulenta, tenaciter sibi illigant, menstruum et circulationis viribus subducunt, foveant, et suppeditato velut pabulo augent aegerrime extricanda.

375. Propria pinguedini corruptio, rancor (328.), heic maxime notabilis; quum semel susceptus vix emendari queat, ac virtute quasi fermentali sese propagans, pessima acrimonia, quaecunque tangit, rodens urensque, vel ipsis etiam ossibus cariem inferat. Ingesta (328.), humorum putredo (312.), intensior circulatio et calor, stagnatio, contagia et venena septica, hoc malum inducunt.

376. Nascuntur in pingui quoque consistentiae vitia. Etenim secundum naturam non mero oleo, sed aliqua etiam parte mucosae materiae (278.) constat. Hujus igitur si proportio suis ex
cau-

causis (283.) ultra modum augetur, liquidior justo adeps cellulofam tumore inerte, non elastico, distendit, eademque aquae magis amica hanc ex humoribus praeterfluentibus attrahit, retinet, sic leucophlegmatiam, hydropem *αναοσφρα*, oedema, etc. producit. Abit et contra in sebum aequo durius, cum exsuperante terra, hacve acore austero stiptica (284. 320. 326. 373.) infarcitur. Unde panniculi adiposi indurationes, steatomata, tubercula, mole, forma, duritie, degeneratione, multum diversa.

377. Ex his utcunque intelligi possunt morbosae affectiones succorum, qui ex pinguedinis ac muci, aliorumve humorum magis aquosorum confluxione nati, diversi generis linimenta, unguina, molliendis, lubricandis et defendendis partibus firmis dicata, constituunt *). Reducuntur quippe ad spissum, itenue, acre denique varium.

378. Inter succos nutritione destinatos, praeter chylum, lac, sanguinisque se-

N 3 rum

*) Vld. H. BOERHAAVE epistola ad FRED. RUYSCHUM in Opusculo Anatomico de fabrica glandularum in corpore humano.

rum et fibræ, quorum de vitiis supra (327. 330. 353. 358. et seq.) diximus, Gelatina firmas partes nutriens, ex succis secundæ coctionis, continuata naturæ virium opera, artificio inexplicabili, porro mutatis, tandem nascens, vi ebullientis aquæ ex solidæ compaginis parte quacunque dura, molli, elicienda, hinc per universum corpus diffusa, generalibus humorum vitiis (269. et seq.) pariter obnoxia est (338.): aut enim abundante aqua nimis diluitur (287.), aut obruitur inertis mucii copia (283. 329.), aut varia inficitur acrimonia (289.). Unde replendo magis infirmat, quam roborat, aut rodendo etiam destruit duplexque genus cachexiæ tumidæ, aut tabidæ infert. Salino-terreum heic abundans, secessione nimis facili (320.), incrustationes partium atque indurationes calculosas, osseas, producit.

379. Constat insuper gelatinas, prout ex diversis solidis, duris, tenacibus, mollibus, aut teneris, coctura acquiruntur, consimili fere coherentiæ gradu inter se differre, atque adeo ex diversæ etiam mixtionis moleculis (138.) compositas esse. Unde colligas nec naturam ejusdem mixtionis corpuscula quibuslibet par-

partibus organicis nutriendis promiscue adhibere; sed alia ossi, alia cartilagini, tendini, carni etc. sua cuique congrua. Gelatina igitur cum tale sit promptuarium, ex quo pars quaelibet materiem sibi similem proximeque concorporandam, suum, quod olim dixere, cambium hauriat, sine quo deficere vitiarive nutritionem necesse sit; liquet hoc intuitu alias etiam affectiones in ea nasci posse, a prioribus (378.) utique distinctas, quae praesertim ad singulares partium tribus pertineant. Inopia, exsuperantia cujusdam ordinis corpusculorum similium privare, aut superfaturare partem proprio cambio, aliamve alieno pervertere potest. Docent prae ceteris ossium morbi horumque curationes in gravidis, rhachiticis etc. Adde, quae solus nutrimenti ex se boni erro inferre mala potest, postea suo loco (404.) exponenda.

380. Liquo genitalis, sin moleculis organicis animatis, at virtute perquam singularis, an, praeter communes affectiones, privam sibi contrahit acrimoniam, qua salacitatem inducat? An inertiam, sterilitatis matrem? An suo modo degenerans monstra parit? In re ob-

scura nihil pronunciandum, donec plenior lux ex Physiologia affulserit.

381. Eadem circumspectio praeterire etiam jubet, quaecunque de vitiis fluidi vitalis (187.), aut nervei, proferri solent; quum conjecturis tantum nixa, nec solidam Pathologo scientiam pariant, nec certum in praxi usum praestent.

382. Et hae quidem ex plurimis paucae sunt singularium humorum vitiositates morbosae, quas utcunque cognoscere datur. Credibile est innumeras superesse nunquam plene detegendas; maxime si quae in singulo quovis homine, pro *ἰδιοσυγκρασίας* diversitate, quilibet humor propria sibi, in simili humore alterius hominis non adeo reperiunda, etiam in statu sano, habere possit, spectaveris, certus, non omnem corporum humanorum discrepantiam Medicam sola partium firmarum pro suis dotibus dissimilitudine absolvi, sed fluida quoque suam una symbolam conferre. Quum tamen haud aliter nobis innotescant, nisi singularium quorundam effectuum apparitione, quorum veras causas in tanta possibilium multitudine assignare non licet; tacere satius fuerit, quam, quae
scien-

scientia comprehendendi nequeunt, conjectutis prosequi.

Morbi humorum relativi.

383. PRAECIPUUM oeconomiae humanae fundamentum in mutua solidi fluidique actione, suis limitata legibus, positum esse Physiologia demonstrat. Datur ergo in sanitate harmonica quaedam inter duo agentia proportio, qua, ne alterum alteri enormiter praevaleat, caveatur. Docet etiam ipsa humorum multiplex diversitas et non promiscua singulorum distributio, non quemvis cuivis aut parti, aut usui, appropriatum esse. Itaque, tametsi crasis vitio careant, peccare tamen et copia, et loco, et motu ita possunt, ut perturbatis inde solidorum muniis functionum integritas laedatur (266.) Quia vero morborum, qui ex hoc fonte oriuntur, idea necessariam ad solida relationem includit (268.), haud immerito relativi dicuntur.

Quantitas humorum vitiosa.

384. PROPORTIO laudabilis fluidorum ad partes firmas non tam exacte ad pon-

dus determinata est, ut quivis excessus
 aut defectus morbum inferat. Latitu-
 do sanitatis, quae aetates, sexus, tem-
 peramenta, comprehendit, his consen-
 taneas quoque utrisque materie pro-
 portiones, etsi multum discrepantes, in-
 cludit. Nec aliter suam poterat adversus
 perpetuas ambientium vicissitudines (6.)
 tueri constantiam sanitas. Maximum igi-
 tur et minimum, quod heic impune fer-
 tur, difficulter discernas. Hoc minus,
 illo majus, illatis noxis se prodit.

385. Quodsi universa humorum mas-
 sa, qualitatis vitio ceterum carens, com-
 parate ad firmas partes, ultra modum
 exsuperat, ut turgens oneri sit turbet-
 que functiones, haec πολυχυμία dici
 potest: uti contra nimia imminutio ὀλι-
 γοχυμία. Utriusque ideam dat status in-
 fantiae ac senii naturalis. Unde etiam
 effectus intelliguntur. Originem autem
 declarat alienata ingestorum et egesto-
 rum ratio.

386. Intemperies humida, potius ad
 cacochymias referenda (287. 353. 358.),
 ponit aquosi laticis copiam fluida ac soli-
 da inundantem, hinc immodicam aquae
 in sero, hujusque ad crassamentum san-
 guinis, proportionem. Causae ideo ef-
 fectus-

fectusque ejus ex locis citatis facile intelliguntur. Quin et oppositi vitii, intemperiei siccae, idea hinc clarescit.

387. Notari praecipue hoc loco maretur Plethora, plenitudo, multitudo, quae dicitur boni sanguinis ea abundantia, quam systema circulationis absque periculo sanitatis diu ferre nequeat. Dari id genus superpondii ut omni tempore docuit observatio, ita ex ritie intellecto humorum circuitu manifeste sequitur. Nec certe audiendi, qui rem tanti momenti ficulneis argumentis explodere vani aggrediuntur. Quum vero vitium proportionis sit, haeque diversimode spectari queat, diversas quoque in species id partiri licet.

388. Habetur hinc primo Plethora ad molem, quae et vera dicitur et absoluta, ponitque molem sanguinis reapse ita exuberantem, ut partibus continentibus prae nimia distensione incommodet. Haec proprie *πολυαμία*, veterum Plethora ad vasa. Cum in temperamenta incidit mollioris habitus, hic sanguine undequaque perfusus intense rubet ac turget; in strictioribus contra corporibus vasa majore magis distenduntur, venaeque prae arteriis laxiores magis-

gisque foris conspicuae ultra modum tumescunt. Unde recentiorum Plethora ad habitum et ad vasa vel venas intelligitur. Eam inducit vigor sanitatis sub vitae genere lautiore, otioso, securo, quo robusta viscera plus generant chyli sanguinisque laudabilis, quam nutritio ac excretionem necessariae sibi postulant.

389. Huic affinis altera Plethora ad spatium dicenda, quia ex imminuta systematis circulatorii capacitate oritur, quantitate sanguinis haud pariter imminuta. Nimirum nec mole, nec volumine, auctus sanguis modum tamen excedit, si, quo contineri debet, spatium contrahitur. Respectivam ideo vocant, ut cujus origo tota debeatur firmis partibus, aut nimium contractis (195. 209. 5.) in terrore, accessu febrili, frigore magno, subito, etc. aut his ipsis rigiditate (164.), exsiccatione, obstipatione, coactu (209. 2. 6.), non cedentibus, imperviis, aut denique mutilatis.

390. Est et Plenitudo ad volumen, apparens quoque et spuria dicta, quae aucto rarefacti sanguinis volumine molem veluti auctam mentitur; quanquam hujus nulla est exsuperantia. Quum enim capacitas canalium haud eodem gra-

gradu una dilatetur; expansus humor, quo antea modice repleti fuerant, majus spatium affectanda haud aliter, quam vera Plethora (388.), eos turgefacit. Ingens calor ab aëre, foco, balneo, cibis, potibus, medicamentis, venenis, febribus ardentibus, inflammatoriis, exercitatione, animi pathemate, frictione, etc. in corpore concitatus, magna et subita pressiois atmosphaerae imminutio, motus intestini humorum ob aliena intermixta singulares, etc. huic vitio ansam dare solent. Certius autem nascitur, si cubi et irritabilitas (190.) accesserit, aut seminum dederit sanguinis dyscrasia ad rarescendum pronior (356. 364.), aut liquatae pinguedinis, quam calor valde expandit, copia in massam circulantem recepta.

391. Constare hinc potest, quid de Plethora ad vires, veteribus memorata, sentiendum? Male hanc neotericorum nonnulli, ut fictam, explodunt; cum reapse, et multiplici quidem specie notabilis, occurrat. Dicatur ergo ea sanguinis abundantia, cui ferendae regundaeque vires naturae non sufficiant, hinc onere gravatae opprimantur. Plenitudo quaevis (388. 389. 390.) ad summum pro-

progressa, nec maturae levata, etiam in robustis, sarcina demum fit viribus major, quae spontaneam lassitudinem, ad motus torporem, sensumque gravitatis inducat. In debilibus (159.) exiguum quoque sanguinis superpondium, valentiori facile tolerandum, superatis canaliculis viribus incommodat, et congestione, oppletionem, eruptionem, gravat (203. 204.). Naturis irritabilibus (190.) levis humorum excessus pro stimulo est, cujus dum sentiunt molestiam, in motus inordinatos ruunt, ut amoliantur, et semet ipsas, proactis incassum viribus, fatigant. Consuetudo denique mittendi sanguinis, naturalis, aut arte inducta, uti reparandae jacturae studium naturae indit, ita reparatae creat intolerantiam, cui moles, aliter haud gravatura, oneri est. An igitur Plethora ad vires non datur?

392. Manifestum quoque est, posse plures Plenitudinis species (388. - 391.) una complicari, hisque insuper adjungi vitiatas humorum qualitates. Unde nonnullorum Euchyma et Cacochema Plethora intelligitur. Commotam vero vocant, quae turgens noxas infert, gravioresque minatur, naturae viribus aut oppres-

oppressis, aut in motus enormes per-
versosque concitatis (391.).

393. Inopia boni sanguinis, quae me-
rum defectum, non item dyscrasiam,
ponit, vix nisi subita, enormi, evacua-
tione nascitur, citoque mortem infert,
aut, si prompta refectione non tollitur,
diu durare non potest, quin vitium qua-
litatis ex prostrato functionum vigore
accedat. Hoc et illi jungitur, quam in-
edia creat. Tardiores humorum jactu-
rae, etiam longa duratione praegrandes,
ne *νεκρωγείαν* inducant, accommodata
partium contractione (209. 5.) natura
caver. Morbo superato exhaustis appo-
sita nutritio cito succurrit; alioqui in ca-
cochymiam inclinant.

394. Obesitas huius etiam loci est,
nec tamen cum plethora, quam etsi sae-
pe comitatur aut sequitur, macilenti ta-
men et colligere solent, confundenda.
Notat autem sanae pinguedinis, partibus
interfusae, excessum, qui functionibus
obstat. Sanitas quidem proportionem
multum diversas huius succi absque no-
tabili impedimento fert: at sarcina ta-
men graviore, subito aucta, haud mi-
nus, quam multo sanguine, opprimitur.
Iisdem vero causis fere nascitur, quibus
ple-

plethora (388.), huicque aut supervenit, aut substituitur; cum ex pleniore victu multum quotidie laudabilis chyli in vasa defertur, qui vegeta circulatione nec dissipari, nec in sanguinem converti, nec nutritione impendi omnis possit, hinc suum cremorem per interstitia partium in laxam cellulosa deponat. Unde mollior corporis habitus, aetas infantilis et media, sexus sequior, eo inclinant *). Materiem subministrat chylus blandus, multo abundans pingui, eodemque facile secedente (331.). Elucescit hinc, cur partes singulares non nunquam prae aliis hac multitudine graventur?

395.

*) Nicomacho Smyrnaeo, quem arte Aesculapii ab immani adipis suae sarcina liberatum fuisse GALENVS refert, par aliud, et forte majus obesitatis exemplum Anglia nostris temporibus edidit in EDW. BRIGHT, qui modo XXIX annos natus, statura fere senipedali, ventris peripheria prope septempedali, accumulato pingui ita suffusus, ut DCIX pondo nudus esset, tricesimum vitae annum non complevit. Fertur autem nulli unquam diaetae vitio deditus fuisse, sed familia ortus ad obesitatem proclivi. An ergo et seminium hujus excessus gentilitium datur? Vid. Philos. Transact. Vol. XLVII. pag. 188.

395. Defectus adipis, macies, vix eo gradu nascitur, ut morbosa dici possit, quin aliae una subsint affectiones, unde ut symptoma pendet, aut quarum confortio demum nociva redditur. Humorum acrimonia certe ut saepissime ipsa emaciat, ita comitem se facile jungit; siue inopia chyli blandi, oleosi, siue immodica evacuatio, aut quovis modo facta dissipatio pinguedinem consumat.

396. Reliquorum succorum excedens dificiensve copia vel ad cacochymias, variis locis ante expositas, pertinet, vel inter causas morborum aut symptomata aptiorem locum invenit.

Fluida loco aberrantia.

397. QVANTUM humorum non adeo stabilis est in corpore humano, ut partium firmarum, situs, nec certa semper, qua morantur, sedes; habent tamen et suos sibi a natura constitutos canales, loculos, receptacula, cava, quibus, tanquam cancellis, contineantur, vehantur, nec egredi sine noxa possint. Id quidem in succis singularibus, iisque, qui in certis partibus collecti restagnant, manifestissimum. At vero nec illi quoque

O

que

que excipiuntur, qui magis universales, non interrupto motu circumacti, toto corpore oberrant: neque enim perinde est ad sanitatem, quo genere vasorum aut cavitatum sanguis, serum, lympa, etc. ferantur.

398. Ex hac igitur contentorum ad continentia relatione classis exsurgit morborum valde notabilium, qui, quod humores non suo, sed alieno loco sint oeconomiam turbant, nec ideo male errores loci appellantur, variasque in species dividi possunt, quarum praecipuas nunc exponemus.

399. Error fluentium mihi dicitur, cum succus corporis inquilinus, e suis in aliena vasa delatus, haec praeter naturae ordinem permeat, tanquam si propria sibi forent, nullo tamen ceterum obstructionis, effusionis, excretionisve vitio accedente. Evenit hoc multoties in systemate circulationis, ubi motu accelerato, aucto calore, rarefiunt humores, vasa laxantur, ampliantur, ut crassior sanguinis pars, ultra, quam decet, propulsa, in vasculis justo minoribus, non suis, circumeat, errore quidem ut plurimum innoxio, quandoque tamen et periculoso. Stagnans in cellulosa pingue,

gue, subito in vasa raptum; bilis suos limites egressa, inque sanguinem diffusa; urina, materies perspirabilis, etc. retenta, cum in massam circulantem regurgitant, exempla noxarum, quas id vitium infert, praebere possunt. Secretionum certe et circuitus humorum multifaria hinc perturbatio. An huc etiam retuleris materiae morbosae, alicubi stagnantis, receptionem in communes circuitus vias, aut ejusdem permanentem cum humoribus circulantibus mixtionem, quum evacuari vel in parte aliqua deponi debuisset? Documento sunt morbi exanthematici materiales.

400. Errorem impactorum voco, quando liquor in canalem alienum delatus, nec permeare potens, impactus, cavitatem illius natura angustiores obturat, sibi et aliis deinceps appulsis transitum negat, vitio triplici aberrationis, stagnationis et obstructionis (209. 1.) concurrente; quamvis si continentia et contenta in se seorsum spectes, vix admodum a statu sano mutata deprehendas. Nasceatur facile ex errore priore (399.), cum humor crassior, in alienos protrusus canales, quorum ora affluxu violentiore ultra modum dilatantur, aut

diametri in progressu naturaliter decre-
scunt, aut superveniente ob nimiam di-
stensionem spasmo (209. 5. minuuntur,
negato tandem per angustias transitu fi-
stitur. Ex quo fonte multiplex porro
genus infarctuum, tumorum, metasta-
sium, exanthematum, inflammationum,
etc. oriri posse haud difficulter perspi-
citur.

401. Est et error excretorum me-
morandus, quo fit, ut humor in aliena
vasa propulsus, horum ostiis elapsus,
praeter naturam, e corpore ejiciatur.
Ejus autem duae species sunt. Vel enim
materies utilis, hinc retinenda, suis e va-
sculis aberrans, in canales excretorios
devecta, tanquam recrementum, exturba-
tur, dispendio saepe irreparabili. Chyli,
sanguinis, feri, lymphae, etc. excretio-
nes per alvum, urinae vias, cutim etc.
in variis alvi profluviis, diabete, mictu
cruento, sudatione nimia colliquante, id
ostendunt. Vel, quam natura excre-
tioni destinavit, materies ad aliud, non
suum, delata emunctorium expurgatur,
errore quidem tolerabiliore; ut qui bo-
ni humoris jacturam non inferat; at suis
tamen et noxis aliunde infecto; quum
non cuivis excremento quodlibet emis-
sarium

sarium indiscriminatim conveniat. Bilis, urina, perspirabile, fex alvina, sanguis menstruus, etc. ita quandoque aberrant.

402. Huc etiam referatur error effusorum, varietate multiplici peccans, quem latiore sensu ἐκχύμωσιν dicere liceat. Nimirum suis e vasis effusa materies tum non e corpore elabitur; sed partium interstitiis recepta colligitur ac restagnat. Cujus quidem vitii permultae sunt species et longe plura etiam mala, quibus oeconomiam infestant.

403. Differentiam facit varia vasorum emittentium affectio, quae effluxui favet, ἀναστόμωσις, διαπήδησις, διαίρεσις, (203. 2. 3. 4. 206. 207.). Discrepant et cavitates recipientes, ut majores, minores, naturales, aut vi factae fuerint. Tela cellulosa, quae partium interstitia undique replet, facile distendenda, frequens et commodum effusis receptaculum praestat. Praecipue tamen notanda est materiae, quae effunditur, diversitas; ut ex qua totidem differentes morborum species, aliis atque aliis symptomatibus stipatae, enascuntur.

I. Sanguinis e suis vasis effusi errorem videas in fugillatione, aneurysmate spurio, exanthematibus, inflammatoriis

tumoribus, haemorrhagiis internis, etc. Nec diu fertur haec stagnatio in humore tam mutabili, quin coagulo (336.), secessione (337.), suppuratione, putredine, crasis vitietur.

2. Cum lympha sanguinis effusa, in interstitiis solidorum vi distendente factis, in membrana cellulosa habitus totius corporis, aut partium singularium, in cavis magnis parvisve, accumulatur; pustulae, bullae leucophlegmatia, hydrops *ἀνα σάρακα*, *ὑπο σάρακα*, abdominis, thoracis, capitis, scroti, *articulorum*, partium internarum, oedema etc. oriuntur.

3. Pingue, bilis, chylus, lotium ceterique succi secreti hunc ubi errorem patiuntur, alia atque alia mala inducunt.

4. Humor corruptus, pus, ichor, fanies, materies morbofa, cruda, cocta, cum in cavitates aut interstitia partium effunduntur, empyemata, abcessus, sinus, fistulas, ulcera, gangraenas, metastases salutares, noxias, etc. inferunt.

5. Quin et aër communis, cum suos in corpore canales habeat, quos secundum naturam permeat; systema praesertim spiritale pulmonum, totumque tractum primarum viarum; sicubi vitio quodam ex illis evangandi occasionem na-

ctus

ctus recipitur in aliena corporis cava, aut in cellulosa; tumores aërii, elastici, oriuntur, plus minus, quandoque per universum habitum expansi. Inde em-pnevmatosis, emphysema, tympanias, etc.

Fieri etiam potest, ut latens in humoribus firmisque partibus aër, aut elasticum fluidum, aëri simile, cum contractabili illarum materie concorporatum (147.*), quoquo modo exsolutum, recuperata elasticitate sua, seorsum sese in bullas congregans, locoque veluti errans, seu intra vasa cum succis, unde se expedit, feratur, sive in cavitates aut interstitia partium effusum haereat, turbas et impedimenta in systemate vasculari, tumoresque expansione sua flatuosos, prioribus similes, quandoque dolentissimos, producat.

Contentus in canalibus aer, actione continentium superata, ea distendendo, urgendo, graviter afficit, concitata quoque in alia ejusdem conalis parte, vi vitali majore instructa, majore contractione, in alia vero, ad resistendum impari, majore distensione. Intestina in saturnina et flatulenta colica, tympania, meteorismo intestinalis tubi, alio loco distenta, alio contracta admodum, huius affectionis exempla praebeant.

404. An et errorem nutrimenti statuere licet, sicubi moleculae nutritiae alienis partibus, quarum dissimilis est mixtio, apponuntur; ut iusta solidi consistentia ac textura pervertatur, cute aut sola epidermide in callum cornuë, carne musculosa in tendinem aut cellulosa, parte molli in cartilaginem, os, dentem, lapidem, aut osse retro in massam molliorem degenerante? Non desunt utique permulta istius vitii exempla in historia medicinali. Supra (379.) autem ostendi vix credi posse, singulas succi nutritii particulas ejusdem prorsus esse mixtionis, et, cuiuscunque fuerint, quibuslibet solidis nutriendis indiscriminatim quadrare (146. 147.). Nec constat naturae humanae datam esse potestatem, mutata elementorum proportione, mixtiones quavis ex quibusvis pro lubitu fabricandi (138.). Quodsi igitur materies nutriens, ceterum sana, errorem loci patitur, vitiata inde assimilatione, substantia partium mirifice alienari ea de causa posse videtur.

405. Denique et secretorum error haud infrequenter obtinet; at qui, cum priorum (399. ad 404. modo effectus sit,

fit, aut illorum aliquem pedissequum habeat, singularem titulum vix meretur.

Motus vitia in humoribus.

406. CONSTAT humores nostri corporis et intestino suarum molecularum, et progressivo totius massae motu secundum naturam cieri. Neutro carere sanitas potest, quae tamen et moderatum utriusque gradum requirit, nec quosvis excessus defectusve, aut alienationes, impune ferre potest.

407. Intestinus, qui ad fluiditatem pertinet, hujus quoque auctae vel imminutae rationem sequitur; hinc quae patitur, vitia ad nimiam tenuitatem aut tenacitatem referre, atque ex dictis (271. et seq.) intelligere licet. Alias ejusdem species, quarum in mutanda humorum crasi major ac singularior sit potentia, cum in sanitate, tum in morbis, excitari, multiplices liquorum ex uno sanguine nascentium discrepantiae et plures etiam degeneraciones haud obscure innuere videntur. Et credibile quidem est alienorum, quae corpus subeunt, mixtionem cum humoribus, aut singulares in solidis vibrationes quacunque occasio-

ne ortas, producere dis id genus motibus multum conferre: at difficile fuerit peculiare cujusvis horum ingenium ac determinatas, unde singuli profluunt, causas harumque agendi modos explanere. Chemicorum fermenta, sano sensu applicata, illustrant quidem, nec tamen solvunt quaestionem. Nec multo plus efficiunt, qui a veritas duntaxat solidorum motibus, per diversos stimulos concitatis, omnem efficaciae hujus originem repetendam esse censent. Quando igitur utraque litigantium pars, pro sua quaeque opinione, experimentorum et observationum fide concertat; quidni, si tamen aliquid statuendum est, tum fermenta, tum stimulos admittamus, alias utraque junctim, alias aut hos, aut illa seorsum agentia?

408. Manifestior alter humorum motus (406.), quo per vasa vecti locum mutant, trifariam vitari potest, aucta nimirum, aut imminuta nimis velocitate, tum directione abnormi.

409. Motus major debetur intensiori solidorum in fluida actioni. Hanc vero intendunt, quaecunque vel vires illorum motrices incitant, irritamenta multifaria (171. ad 181.), sive directe in corpus, si-

ve

ve per mentem in corpus agentia; vel quae resistentias ab humorum mole, spissitate, adhaesione, aut a canalium rigiditate, angustia (209.) etc. obiectas minuunt: cujusmodi plurima habentur. Nec minor numerus est effectuum, qui inde consequuntur, quique ob mirabilem oeconomiae humanae consersum suas vicissim causas saepe producunt, augent, multiplicant. Generaliorum praecipui sunt solidorum a fluidis nimio impetu actis major irritatio, agitatio; hinc attritus validior; caloris augmentum; rarefactio humorum; subtiliorum dissipatio; crassamenti inspissatio; resolutio putris; blandiorum acritas; acrium exacerbatio; canalium expansio, ruptura; humorum aberratio omnigena (399. ad 405.), et, quae porro ex his sequi possunt, innumera acuti praesertim generis mala. Utitur tamen et natura quam frequentissime hoc ipso excessu, ut remedio efficace, quo cruda subigat, noxia corrigat, expellat, acria mitiget, stagnantia moveat, coacta solvat, obstructa referet, aliaque plurima in corporis sui salutem molitur (99.).

410 Ex oppositis causis nascens humorum tarditas hinc intelligitur, quae cum,

cum, decreſcente per varios gradus ſolidorum ac fluidorum mutua aſtione, ad quietem tendat, ipſa vi vitiali torpente (196.198.5.), functionibus omnibus languorem inducit, multas ſuſpendit aut plane delet. Unde morborum chronicorum origo multiplex, intractabile ingenium et difficillima ob proſtratas naturae vires ſanatio.

411. In ſtatu ſano quaelibet corporis pars ſuum accipit humorum demenſum, ſive maſſae ſpectes copiam, ſive motus, quo fluit, quantitatem. Nec moles adeo partium hanc portionem determinat, ſed naturae functionisque, cui deſtinantur, diverſitas. Itaque tametſi levior quilibet exceſſus defectusve haud illico laedit*); gravior tamen diuque duarans noxas parit

*) Conſideranti inſignes numeroſasque mutationes, quas corpus humanum inde ab ortu per varias vitae periodos, in utero, partu, poſteaue creſcens, perſtans, decreſcens, ſecundum ordinarias naturae ſuae leges ſubit in organis ſuis, in oeconomia ſuarum functionum, in ſexus utriusque muniis etc. ſatis manifeſtum eſt, diſtributionem humorum circumeuntium, etiam in proſpera valetudine, non poſſe uno tempore permanere, variari continue neceſſario, ferri-
que

rit. Nimius certe affluxus impulsu enormi aut vasa partis irritat, in motus fortiores ciet (170. 195.): unde attritus, calor, transfluxus intensior, attractio novi humoris uberior, revulsio ab aliis partibus, harum depletio, collapsus, hujusque consecutiones: aut vim parietibus insuperabilem infert: unde dilatatio, ἀνατόμωσις, διαπύδησις, διαίρεσις, (203.) et quae ex his sequuntur, infinita (207.). His contraria mala deficiens influxio producit. Nec difficile est ex dictis (409.) generales utriusque immoderationis causas eruere; ut quae in perversa virium motricium et resistantiarum ratione potissimum quaeri debeant; ita tamen, ut illarum ἐνέργεια non mere mechanice, sed qualem sese in corpore organico viv

que id genus deflexiones impune, quia consecutiones sunt status naturalis, sensimque sine sensu subrepentes assuetudine conciliantur, et sicubi forte major aliqua subtioque invadit, irritatis naturae viribus molliri potest. Taceo, quae ex immensa rerum non naturalium diversitate usuque vario et abusu quotidie profluunt, fortuitas quidem, nec semper tamen evitabiles, motuum abnormium causas, quae si continuo laederent, perpetuo aegrotaremus.

vi hominis manifestat, consideretur (99. 169. et seq.). -

α. Interest quoque Medici, hanc affectionem recte curaturi, primam causae originem sedemque et propriam naturam curiose investigare: nec enim semper in parte infarcta inest; nec raro in depleta; quandoque nec in hac, nec in illa, sed in alia consuetiente; in cerebro etiam, et vel in ipso anima praesertim perturbato. Variat hinc etiam mutua partium oppositae affectarum actio et passio pro diversa causae sede ac indole: cum pars stimulo admoto irritata, humore ex alia parte attracto sese turgescit; illa agit, haec patitur: contra si pars spasmus constricta suos humores expellit inque aliam copia maiore determinatos accumulatur; prior sese deplendo actiuosa est, altera infarctum patiente.

β. Denique quod modo monui de virium vitalium actione, etiam ad conditiones pertinent, quibus efficitur, ut abnormes humorum motus in hanc illamve potius, quam in aliam partem dirigantur; quanquam enim nec raro mechanicae sunt; saepius tamen sympathiis debentur, quarum uti plurimae inter C. H. partes dantur, tum generales, tum specia-

speciales, etiam in diversis hominibus differentes, ita ratio adhuc obscura est, neque ex facili cum legibus mechanicis concilianda. Confr. (864.).

γ. Consecutione autem docent, naturam non infrequenter *αὐτοκατασία* sua id genus anomalias, consulto quasi ac dedita opera, excitare et tanquam remedia adhibere, quibus in salutem oeconomiae suae talia efficiantur, quae regulari consuetoque humorum motu effici non valeant. Merentur itaque Activae dici, interque auxiliaria naturae actuosae molimina referri, atque a Passivis, mechanicis quaeque per alienas potentias invitae naturae veluti obtruduntur, curiose interstingui. Activae*) utique cum suam

*) Expedit super hoc argumento legere, quae nostris temporibus SCHOLA STAHLIANA, prae ceteris, solide et ad praxin apposite, titulo Congestionum tradidit. Debuerant illae tamen longe amplius extendi; quando non solum ad sanguinem pertinent, sed etiam ad quosvis alios a sanguine secretos humores; quin et ad materias morbosas cum succis inquilinis comistas, aut in parte singulari haerentes. Unde et per saepe cum aberrationibus fluidorum (397. ad 405.) conjunctae sunt, et propemodum aequae late patent; forte et latius.

Cogi-

suam habent in ipsa sanitate necessitatem insignemque usum (411. not.*.); tum vero imminente aut praesente morbo medicatissimam saepe virtutem exserunt: tametsi nec dissimulandum est, etiam non raro vehementer nocere (99. ad 105.). Cum Passivis comparare licet, quas Medici, arte veteribus non ignota naturam imitantes, per repellentia, derivantia, attrahentia dicta remedia, non sine sperato eventu, faciunt molitiones, ut humores ex aliis in alias vias dirigant.

412. Quos porro natura habet, motus humorum magis determinati, ad circuitum, secretionem, excretionem, effusio-

Cogita enim credi posse systema nervosum, quae sensibus motibusque regundis praestit facultate, fluido quodam animari (187.), cujus qualicunque ad partes singulares determinatione sua istae munia praestent! Nonne hinc colligas etiam in utraque hac sensuum motuumque officina congestiones locum habere, nimioque impetu in aliquam partem verso saltem posse depauperari, fatiscere huius actione, illius contra ultra modum incitata? Illud saltem indubium et remedia repellentia, revellentia, attrahentia etc. non minus in hoc systemate, quam in ceteris, suo se usu dudum Medicis commendasse.

fusionem in cava corporis, resorptionem ex his, etc. pertinentes, ita pendent a prioribus (406.), ut inde, tanquam effectus ex suis causis, profluant, adeoque et aberrationes, quas patiuntur, tanquam symptomata (90.), quae illorum vitiis superveniant, spectari, neque hoc loco seorsum exponi debeant.

Morbi Compositi.

413. ATQUE haec summa est affectionum simpliciorum (125. ad 412.): quae cum perraro solitariae Medico tractandae offerantur (123.), pro multifaria sua combinatione, qua demum in veros morbos abeunt, cum maxime considerari merentur.

414. Morbus compositus dicitur is, ad quem constituendum diversae affectiones simplices ita concurrunt, ut unum faciant. Hic (68. et seq.) ergo tot partes habet, quot affectionum simplicium confluxu nascitur; in has resolvitur: his demum intellectis et ipse intelligitur: nec harum ulla tolli mutari-ve potest, quin morbi, quem componunt, natura quoque alienetur.

415. Unde generatim quidem triplex hic locum habet compositio; prout aut solidorum, aut fluidorum, diversa vitia inter sese, aut haec cum illis, una confluent. At utriusque generis tam multae porro dantur species; ut possibilium combinationum numerum inire, exque singulis nascentes morbos ordinate exponere vix liceat.

416. Naturae praeterea morborum nondum satis liquido demonstratae sunt (44.) Superest hic plurima disceptandi ac dissentienti materies; unde difficulter sese expedire valeat, qui doctrina synthetica uti velit.

417. Rectius idcirco ex parte status morborum manifestiore, quae in sensus incurrit (45. 86. 88.), ordo desumitur pertractandae huic materiae appositus. Sic characteres certi, quibus et conveniunt inter sese et discrepant diversi morbi, horumque classes, genera ac species, legitima methodo constitui possunt; ut dignotio in praxi facilius reddatur, et confusio ac litigandi occasio evitetur. Morbi itaque compositi spectantur potius, ut totidem diversae symptomatum concursiones, ac, pro more systematicorum, ad Pathologiae specialis eam sectio-

ctionem, quae de symptomatibus singulatim agit, commode relegantur.

418. Accidentariae quoque morborum differentiae (121.); quanquam proxime subiungi essentialibus solent, hoc loco tamen cum plene intelligi nequeant, infra demum abtius enarrabuntur. De principiis itaque ac fontibus, unde morbi promanant (74. ac 79.), speciatim nunc dicendum est.

De Potentiis nocentibus (76.).

419. QUUM morbi in C. H. possibiles tantopere inter sese naturis discrepent; vires quoque potentiarum, quibus oriuntur (63.); diversissimas esse oportet. Merentur adeo seorsum singulae exponi, ut quam efficere quaelibet mutationem possit, compendio invenire liceat, cum opus est. (71. 79):

420. Triplex quidem fons est, unde potentiae nocivae nobis proveniunt; uti totuplice virium genere legitime conspirante sani servamur (7.). Mens, corpus, res externae, suas hic singula partes habens (4. 5. 6.). Nec multum refert, utrum hac ipsa utaris in pertractando divisione, an cum aliis nume-

rum praeferas quaternarium aut senarium, vel cum PITCARNIO potius dichotomiam malis, atque omnia reducas ad aliorum actionem in hominem, hominisque actionem in semet ipsum. Quaecunque huc pertinent, vocari Medicis solent res nonnaturales, quasi tu dicas res medias, quae ex se nec secundum, nec contra naturam sint (2.), nec salubres, nec noxiae, at usu vel abusu tales fieri queant. Haec vocis technicae ambiguitas facile expedienda neminem morari debet (3.).

421. Agunt autem ista omnia (420.) utroque et generalium et singularium virium genere. Juvabit itaque Mechanicis, Physicis, Chemicis, Medicis uti demonstratis ad eruendos intelligendosque, quos producant, effectus.

*De nocivis Atmosphaerae
potestatibus.*

422. FLUIDUM aërium, quo viventes circumfundimur, quod respiramus, deglutimus, amplissimae corporis nostri superficiei externae, internae, perpetuo contiguum est; immo cum ipsa solidarum fluidarumque partium materiatura
con-

concorporatum (147*. 403. 5.). Debet ergo pro virium qualitatumque suarum diversitate multimodis nos adficere; maxime quum tot tantisque continue vicissitudinibus obnoxium esse unusquisque experiatur, Physici definitius ostendant.

423. Aër calidus, qua ambit aut penetrat, corpora ad suum gradum calefacit; rarefacit; particulas, quibus constant, in mutua cohaesione relaxat; in motus intestinos ciet, qua volatiles sunt, dissipat; vires motrices insitas ad agendum concitat; fermentationem, putredinem, ciet ac promovet.

424. Ex his (423.) intelligitur, quae nam evenire homini debeant, qui aestui aëris nimio diu exponitur.

1. Pro intensiore mediæ ambientis calore, quo, non suo, corpus calefcit, caloris nativi imminutio, extinctio, extranei substitutio.

2. Ex rarefactione augmentum voluminis, et majus quidem in fluidis, quam in solidis; unde plenitudo vasorum et turgor (390.), et multiplex humorum aberratio (399. et seq.).

3. Ob relaxatam cohaesione debilitas solidorum (157.), spongiosus car-

nium contextus, articulorum infirmitas, laxum, iners, flexile (ibid.).

4. Ob eandem rationem humorum spissorum tenuatio, inertium agitatio, motusque per vasa minus resistantia (2. 3.) liberior.

5. Vis vitalis (170. 194.) sensilior quidem et agilior, at robore, tenacitate, hinc duratione minor, facilius in suis ontibus turbanda, brevi fervore torpens, deficiens.

6. Humor pars tenuior, volatilis, spirituosa, aquosa, de poris superficiei corporis externae, internae, aëri expositae, dissipatur, *facile etiam, praesertim frigore nocturno vel leuissimo, aut humido aere interueniente, reprimenda*. Unde *partim defectus subtiliorum, crassamenti inspissatio (274*. 275. 282.), immeabilitas, diathesis atrabilaria, inflammatoria, solida exsiccatio, vasculorum obstructio, etc. partim ex retrogressa perspirabili materie accedentibus simul mutationibus (I—9.) noxae grauissimae, biliosae febres, conuulsiones, paralyses.*

6. Phlogiston vinculis suis liberatur, in actus majores, concitatur, auctum forsitan quoque a materia ignea extus accedente. Vnde bilis varia, praesertim ad putrescendum, degeneratio, humo-

humorum ad putredinem propensio, febres, caet.

7. Salinae, oleosae, materiae agitatio major, attenuatio, evolutio, ad putredinem et rancorem dispositio, alcalescens, acidum, amarum, adustum, foetidum, flavum, fuscum, nigricans, inducit, atque hinc oriundas febres biliosas, putridas, ardentes, malignas, contagiosas, morbosque acutos, calidos, multifaria functionum generis nervosi laesione stipatos.

8. Ea, quae primis viis continentur, sicubi ad fermentandum aut putrescendum prona fuerint, aestuoso aëre tanto citius in hos motus concitantur, ac ructus, inflationes, dolores, spasmos ventriculi et intestinorum, anxietates, vomitum, choleras, diarrhoeas, dysenterias, etc. producunt.

9. Pars corporis singularis, prae ceteris nimium excalefacta, aequabilem circuitum turbat, homores ad se trahit, rarefas in aliena vascula admittit, irritata vi vitali inordinatas suarum fibrarum agitationes concipit: inde infarctus, dolores, rubores, erysipelas, inflammatio, *insolatio*, phrenitis, ophthalmia, angina, peripneumonia, etc.

425. Manifestum itaque est, calorem atmosphaerae prodesse quidem corporibus senilibus, torpidis, frigidis, mucosis, colluvie serosa obrutis, inopia humorum laborantibus: at contra vehementer nocere plethoricis, obesis, biliosis, calidis, ficcis, in haemorrhagias prœnis, irritabilibus, cibo animali potuique spirituofo deditis, multisque caco-chymicis; praecipue autem generi nervoso, pulmonibus, primis viis ac systemati bilioso infestum esse, harumque partium functiones multimodis turbare. *Calor sane immoderatus, si frigori aequae intensiori confertur, generatim longe plus noxarum valetudine adfert hominesque morbis mortibusque crebris obnoxios reddit, in primis qui et non a prima aetate adsueta sunt. Mora-uicorum fratrum, ablegatorum uno fere tempore in frigidissimas Grönlandiae terras et in calidissimas Indiae occidentalis insulas, in istis terris nullus erat mortuus, quum in his eorum, qui de vita decesserant, fere XXX. numerarentur.*

426. Atmosphaerae frigus corpora densat, in minus volumen redigit, fluida quidem eodem gradu magis, quam solida, ad congelationem usque; solida rige-facit, magis elastica reddit; motus intesti-
nos

nos fluidorum minuit, suspendit; majore gradu aquam et liquores aquosos in glaciem vertit; quae dum nascitur, rarefcens, levior, majus affectat spatium, magnaue vi, quae expansioni resistunt, obstacula amolitur: liquores non simplices si congelascunt, pars a parte secedit, crassis totius mutatur, nec regelando semper restitui potest: quae vasa succosque his contentos habent, molliores praecipue vegetantium ac animantium partes gelu constrictae, si subito calore regelantur, irreparabilem contactus ac mixtionis dissolutionem passae corrumpuntur.

427. Haec (426.) generatim a Physicis demonstrata si ad hominem applicentur, consequitur frigore intensiore.

1. Solida corporis contrahi, rigefieri, elatere augeri, fragiliora reddi (165. 3.), canalium cava arctari, hinc contentis spatium minui, resistentias crescere. Tanto autem major constrictio erit, quia sensus frigoris etiam stimulo agit in vim vitalem (171.).

2. Humores cogi, inertes, immeabiles, ad stagnandum pronos reddi.

3. Mutari ergo rationem continentium ad contenta (424. 2. 426.), et ceteris

paribus corpora succis exhausta deterius, quam pleniora, habere.

4. Robustis porro ac motu animali valido utentibus mutuam inter solida ac fluida actionem, attritum, increfcere, calorem internum augeri, circuitum, coctionem, attenuationem, diffipationem, et reparandae per alimenta ingesta jacturae necessitatem intendi, hinc appetentiam acui, huicque nisi mature satisfiat, accedere debilitatem, animi deliquium et vel mortem ex fame subitaneam.

5. Debilibus contra et quiescentibus, ob constricta vasa ac spissos humores, circulationis vigorem imminui, nativum calorem, vim vitalem, decrefcere, omnium functionum torporem induci, suppressis evacuationibus non defaecari humores; inde acre, mucum, aquam, augeri, scorbutum, morbos articulares, leucophlegmatiam, hydropes, nasci: obrui praeterea nimia humorum copia partes interiores, cum ad superficiem corporis aëri expositam resistantiae ob frigus ultra modum crescunt (411.); hinc cordis, pulmonum ac encephali functiones praecipue impediri: penetrante autem introrsum gelu insuperabili omnem suspendi motum, et vel sanguine in pulmonibus coa-

coactō, intercepta respiratione, subitam inferri mortem, aut encephalo congelascente invicibilem nasci somnum, quo vita demum exstinguatur.

5. *Irritabilibus, mobili nervoso systemate et fibra irritabili praeditis, insueto praesertim frigore post calorem accedente, supra naturalem omnibus horrorem, solidum viuum nimis irritari, rigores, convulsiones induci, in superficie maxime, hinc humores introrsum agi.*

6. Extremis corporis partibus, quae minus a frigore defensae sunt, contrahi vascula, spiliari humores, occlusis poris et suppressa perspiratione acre retineri, accumulari, irritare, hinc lovores, rubores, tumores, pruritus, perniones, fissuras, ulcera nasci; aut frigore glaciali penetratis, sensu motuque suffocato, gangraenam, sphacelum, et ab imprudenti dein excalefactione putredinem (426.), loco sanationis, induci.

7. Cavum narium, fauces, tracheam, qua spiritus meat, similia pati; hinc gravedinem, coryxam, anginam, raucedinem, tussim etc. creari.

8. Pulmones maxime, ut amplissima superficie contactum spirati aëris libere admittunt, stringi, minus perspirare, pituitam accumulare, obstrui, exsiccari,
coa-

coacto sanguine, permeare impedito, rigidari, motu vitali contra insurgente inflammari, suffocari. Unde anhelitus, tussis, catarrhus, mucus, *inflammatio*, pus, gangraena, sphacelus, mors subita.

9. Male praesertim affici et corpora et partes, in quibus vis vitae minor inest, aut justo irritabilior, debilior humorum circuitus, caloris nativi languor, sensuum motuumque torpor, aut et nimia agilitas, fibrosi contextus teneritudo, aut excedens rigiditas, humorum inopia, aut inertis aquosa, glutinosa, terrestris, frigida, vappida.

428. Quibus perspectis haud difficile est rationem reddere, *cur frigus, intensius etiam, ut plurimum satis commode feratur*, cur frigidum inimicum ossibus, dentibus, nervis, encephalo, spinali medullae? Cur senibus? Climates calidiori adsuetis? Cur ulceribus mordax, cutim obduret, dolorem, qui pus non moveat, producat, convulsiones, tetanos, nigrores, rigores febriles concitet? Quin patet etiam, cur subitae caloris ac frigoris permutationes insuetis incautisque adeo noceant, et quae mala efficiant?

429. Aër humidus, multa gravidus aqua, elatere ac pondere suo minus efficax,

cax, impressos motus receptasque qualitates sensibiles suffocat magis, quam propagat; minus aptus novos vapores de corporibus, quae ambit, recipere, absorbere, dissipare, haec potius humectat, humore insinuato replet, laxat, mollit, solvit, diluit; situm, putredinem, promovet calore praesertim adjutus; frigidus simul difficilius calescit, ad sensum frigidior est.

430. Liquet adeo in atmosphaera humidior diu versanti.

1. Superficiem corporis minus premi, canalium parietes hinc parte suae fulturae externae priuari, nec plena vi in contentos humores agere.

2. Humores inundante aqua nimis dilui, colluviem ideo serosam nasci, et quae inde sequuntur, mala (287.).

3. Solida humectata laxari, flaccescere, inertia reddi.

4. Itaque circuitum vitalem in universum, trajectum sanguinis per pulmones, attritum, calorem, coactionem, nutritionem, torpore, ac repleti quidem, non roborari corpus.

5. Supprimi perspirationem, praecipue pulmonalem: unde augmentum coluvi-
ei serosae (2.), infarctus vasorum pul-
mona-

monalium, tussis, peripneumonia notha, excretio per sputa, urinas, alvum, copiosior, aquosi laticis in cellulosa et cavitatibus restagnatio, lentor, corruptio acris, praegravati corporis torpor, febris, rheumatismus, cachexia, etc.

6. Sensuum aciem obtundi, languere motum animale, genus nervosum infirmari, vim vitalem minui (198. 3. 4.): unde omnium functionum inertia.

7. Humori junctum frigus si fuerit, modo memorata etiam majore gradu nasci, difficilius superari, omnem ideo naturae vigorem cadere.

8. Calor contra magnus si accesserit, summam induci solidis laxitatem, aperiri poros, attrahi humores, attenuari, in aliena vascula admitti, qua data porta erumpere, aut et retentos celerrime ad putredinem disponi: unde habitus externi distensio, sudatio enormis, interiorum inanitio, virium lapsus, morbi putridi, contagiosi, pestilentes.

9. Aetati igitur teneriori, sexui sequiori, temperiei frigidae, humidae, corporibus laxis, aqua, mucos, plenis, humentis aëris usum valde nocere.

431. Siccitate peccans aër oppositos edere effectus debet: absorbendae quippe

pe humiditati aptissimus corpora quidem siccat, siccando roborat, exsucca tamen et reddit, rigefacit, ac tenuiores humorum partes abripiendo morbosam his spissitatem inducit, inflammatoriam, atrabilariam (282. 284. 367.). Prae ceteris tamen utrique hominis principio amicior habetur ista aeris qualitas, ac saluberrima, maxime si caloris excessus abfuerit.

432. Aer, qua gravis, efficax est in comprimendis, densandis, quibus circumfunditur, corporibus, eoque magis, quo gravior, figitque simul materiem, quae liquoribus continetur, elasticam, sub minore aeris pressione sese expedientem. Baroscopiis autem constat, crassiores aera, qui humidior est, fere minus gravitare, magis contra sereniores, et multas magnasque perpetuo esse hujus dotis vicissitudines in nostra atmosphaera; ut, quae inter maximum et minimum terminum intercedit, differentia etiam partem decimam exaequet.

433. Inde atmosphaera, qua corpus humanum ambit ac subintrat, pondere suo hoc ipsum in omni puncto aequabiliter, pro more fluidorum, premit, solida fulcit, roborat, continentia ad contenta appri-

apprimat, mutuam inter haec actionem attritumque auct, canalium diametros tuetur, humores, ne evagentur, coer- cet. Viget adeo sub iusta harum poten- tiarum aequilibritate circuitus vitalis, respiratio, calor natus, fanitas.

434. Aucta quidem per causas natura- les aeris pressio, sicubi aequaliter agit, fertur facile, quin sanum robur auct: at majore momento in partem singularem directa nocere potest comprimendo, arc- tando vasa, exprimendo humores atque in partes alias, minus pressas, determi- nando. Id cum pulmoni intensiore gradu evenit, canalibus eius compressis, aucta cordi resistentia, trajectus sanguinis im- peditur, suffocatur, retentisque humo- ribus gravantur aliae partes, non sine multiplici noxa.

435. Imminutae gravitatis pernicio- sior vis est: solida enim fulturae defectu laxat, humores exsoluta materie elastica rarefacit, vasa replet, dilatat, debilitat, hinc tumores, eruptiones, aberrationes humorum producit, circulationem in- firmat, vires ad motum animale pro- sternit, pulmonum praecipue actione obest: unde respiratio laboriosa, non fa- tians,

tians, ab accumulato sanguine peripneumonia, haemoptoë, etc.

436. Innotescit hinc leviozem, calidiorẽ, humidiorẽ aëri multis effectibus inter se convenire (424. 429. 435.), itemque gravẽ, frigidũ, siccũ, (427. 431. 434.); adeoque pro diversa harum qualitatũ concursione noxas inde oriundas multũ intendi, aut mitigari quoque et averti posse. Nec dissimilis est ratio aëris nimis rari aut densi, minusve aut magis justo elastici.

437. Quoniam vero atmosphaerae pondus in diversa locorum altitudine, aut in eadem, diversis temporibus, maxime discrepet, huicque ideo proportionata corporum pressio plurimum quoque variare debeat; prout est colligere, cur magnae subitaeque hujus etiam dotis permutationes insuetis tam intolerabiles sint? Cur periculosissimae debilibus, irritabilibus, et quorum humores multum ac facile rarescunt? Cur adeo incommodae iis, quos morbi pectoris tenent? Cur asthmaticis imminentis boni vel mali index Barometrum?

437. *Aer ad spirandum non omnis aequè optus est, constitutivas partes si respexeris. A dephlogistato, quem aptissimum ad spiritum*

tum et amicissimum corpori experti sunt phlogistici, ad phlogisticatum, huic oppositum, gradus plurimi bonitatis aeris sunt ex dephlogisticati aeris copia, quae datae atmosphaerici quantitati inest, et ab absentia aliarum aeris specierum ad spirandum minus idonearum, vaporum, caet. determinandi. Phlogisticum in primis principium, si in spirabili aere praepollet, corpori admodum inimicum est, phlogistici evacuationem e pulmonibus praepediendo, eo simul in corpus tanta copia ingesto, ut vitia consistere nequeat. Inde quo minus aer phlogistico principio imbutus est, eo salubrior merito putatur, licet principium phlogisticum temperatum aeris atmosphaerici partem essentialem constituat, neque credibile sit dephlogisticatum, licet in pluribus morbis auxilio sit, in sanis diu sine valetudinis detrimento tolerari posse. Fixus aer atmosphaerico moderata copia mixtus impune fertur, meracus autem fermentatione aut alio modo exsolutus, fundum, ob gravitatem petens, praesentaneum vita venenum est.

438. Exitiale etiam vitium est, quod diuturna stagnatione in locis undique oclusis, puteis, cryptis, contrahit aër, cum nulla ventilatione renovatur. Torpore enim veluti putrescens, phlogisticus, fixo abundanter remixtus, qui vitae cibus fue-

fuerat, velox fit venenum, vitae non minus, quam flammae, inimicissimum.

439. Nec dispar corruptio est, quam subit aër, ubi semper idem, nec renovatus, circa hominem stagnat, multoties respirationi vitali adhibetur, praecipue autem multitudini hominum circumfusus in usu est. Sive enim amittat inspiratus aliquid, quod non, nisi permixtione cum aëre recente, recuperare queat; sive receptis a corpore vivo *phlogistica materia* et vaporibus inficiatur; seu demum propria inertia situm contrahat; certissimis hodie observatis constat, in carceribus, castris, nosocomiis, navibus, et in quocunque multorum hominum diversorio haud rite ventilato, ob eam causam virus innasci aëri, quo *mortes subitaneae*, febres pessimi generis, putridae, malignae, exanthematibus stipatae, cito lethales, contagio quoque late serpentes, oriantur. Haec vero cum putrorem in humores inductum (312. ad 314.) multis indiciis ostendant, vim septicam aëris sic corrupti quoquo modo contractam clare testari videntur.

439. *Electrica materies in aere, sed non aequali mensura, contenta, facile quippe ab atmosphaerae temperatura, ventis, caet. mutanda.*

tanda, in corpus majori, quam par est, copia, resorpta, aut nimis parca ingesta, concitata in utroque casu in corpore humano et in motus abnormes acta, tracto forsitan in consortium phlogisto, spirituum vitalium motus inordinatos, solidi viui irritabilitatem morbosam, apparentem plethoram, anxietatem, animi, virium prostrationem, caet. inducit, nervuorum morbus et infert, et eorum exacerbationi fauet *).

440. Qui porro considerat, in atmosphaeram perpetuo recipi diffundique omnivaria quorumcunque corporum effluvia subtilioresque moleculas, quae quovis demum modo volatiles redditae, multifariam inter sese et cum aëre permixtae, divisae, conjunctae, pro suo quoevis ingenio alias atque alias agendi vires habeant exferantque in corpora humana, quae una cum aëre alluunt ac subintrant; is facile videt, innumera ex hoc fonte promanare morborum

*) Fusc per exemplum, sed ad severius examen revocanda, probavit GLAUDIUS REVILLON, V. Clnus, in libro: Recherches sur la cause des affections hypocondriacques, apelées communement vapeurs, Paris 1786. *hypochondriacorum tolerabilem et aduersam valetudinem electricitati, quae in aere subest, exacte respondere.*

rum principia ac materias, quae frustra quis ab ipsomet aëre, aut a communibus ejus qualitatibus repetat, perque observationes meteorologicas unice detegere atque explicare conetur.

441. Quodcirca sane difficilimum fuerit plenam exhibere aëris historiam pathologicam, quae examussim omnes et singulas, quas contrahere potest, noxias vires enarret, et ad peculiare ejusdem constitutiones in quibusvis locis ac temporibus applicari valeat; maxime, quum tanta sit multitudo ac frequentia occasionum, quibus et qualitates ejus et contenta necessario permu-
tari debeant.

442. Corpora caelestia, meteora, climata, anni tempestates, soli diversitas, montes, mare, lacus, plaudes, flumina, vegetantia, animalia, subterranea, hominum numerus, vitae genus, alimenta, potentia, ignis pabulum, opificia, artes, commercia, et alia plurima, suam quaeque eo symbolam conferunt.

443. Ventorum praecipue insignes sunt in varianda aëris efficacia partes, et multiplex hinc in corpora humana agendi modus. Impetu suo allisi urgent premuntque fortius, quasi pondus aëris increvisset (433. 434.). Plus dein aëris in-

tra datum tempus homini applicant: quo plerumque fit, ut et communes atmosphaerae qualitates, et, quae continet, aliena tanto intensius pro suis quaequaeque viribus agant. Renovant quoque nec torpore corrumpi sinunt (438. 439.) tum aërem, tum aquas. Agitando praeterea miscent inter sese varias aëris regiones: inde alias qualitates aliis substituunt, diversas mutua confusione contemperant, contenta quoque permutant, diluunt, diffundunt, aequabilius distribuunt, inter se effectū varia committunt. Vapores praesertim, effluvia, misasmata, de locis in loca transferunt, sic purgant aut inquinant. Nec alia ferre potentia datur naturalis, quae ut ipsamet saepe admodum variabilis est, ita fluido aërio tam magnas et universales mutationes tanta celeritate inferat.

444. Ex his quidem (443.) in genere perspicere datur boni malique plurimum adflare ventos homini posse. Ut autem cognoscatur, quid quisque ventus speciatim valeat, non satis est generalibus inhaerere; quando idem diversis temporibus ac locis salubris et insalubris esse potest. Diversus aëris status (442.) in locis, unde spirant, per quae feruntur, quo

quo tendunt venti, varia eorumdem duratio, successio, et similia, longe alias et vel oppositas quoque vires ciere solent. Ut adeo non nisi his una consideratis limitatio quaestio demum ex vero utcumque solvi queat.

445. Quum igitur tanta sit in diversis habitati orbis regionibus atmosphaerae discrepantia, et longe plurimi a statu exquisitae salubri recessus ubivis fere perpetuo obtineant; ut ex hoc solo fonte innumeros quotidie morbos profluere necessum videatur: mirari omnino quis possit, ubique tamen et homines vivere et sanitate frui, et vel sub jove malo etiam longaevitatis haberi exempla ac valetudinis in senium usque sine morbis protractae. Nimirum nativitate et consuetudine durantur corpora, ut malignum aëra non modo innoxie ferant, sed semel adfuefacta vel facilius quoque, quam mitiorem inlitum. Ipsa aëris inconstantia et frequens variatio saepe pro remedio est, quo vis nociva obtundatur. Magnis demum subitisque mutationibus difficillime resistitur. Natura denique et cuivis fere climati propria dedit temperamenta, quibus, quod

Q 4

into-

intolerabili gradu noxium habet aër, ut-
cunque mitigetur.

Noxae ex Cibo et Potu.

446. MANIFESTVM vitae sanitatisque
nutrimentum in esculentis et potulentis est,
quae idcirco non minus, quam aer, inter
res necessarias referuntur. Rei tamen op-
timae pessimi sunt et valde multiplices ab-
usus, unde plurimorum morborum mate-
riae causaeque succrescunt. Merentur er-
go speciatim considerari.

447. Docet quidem observatio stupen-
dam ab humano genere admitti ferri-
que in victu varietatem; ut ferme dice-
res nihil admodum constans certumque
esse, quod usum atque abusum discrimi-
net. Ferrea quorundam natura nullo fe-
re excessu laeditur. Alios vitae genus
a noxis tutos praestat. Durantur alii ad-
fuetudine. Nonnullos frequens in oppo-
sita extrema relapsus, atque adeo ipsa er-
rorum permutatio juvat. Isthaec tamen
cum ad paucos modo pertineant, tollere,
quae maximae parti evenire ex abusu so-
lent, nequaquam possunt.

448. Alimentorum copia major, quo-
tidie ingesta, etiam quae vires coëtrices
non

non superat, consuetudine tamen inducit voracitatem, et, nisi vitia interveniat laboriosa, incrementum chyli, fecum, pinguis (394.), sanguinis (388.), omnium humorum (385.) multitudine obruit tandemque nocet.

449. Eadem tanta, ut oneri sit ac rite digeri nequeat, fractis canalis alimentarii viribus, impedito menstruorum digestivorum affluxu et actione, hinc perturbata coctione, cruditates parit, spontaneas ingestorum corruptiones, multiplex hinc chyli vitium (325. ad 330.), et quae ex horum quovis tum in primis viis, tum in reliquo corpore, nascuntur, mala innumera, praecipue multivarias cacochymias *viscerum abdominalium, maxime mesenterii, praesertim in pueris obstructions* (283. 284. 288. 307. ad 321.), ac vitia nutritionis.

450. Quodsi vero enormi sarcina ita distenditur ventriculus, ut nato spasmu ora sua claudat, distractis fibris, vasis arctatis, suppresso motu, sufflaminato humorum affluxu, prohibeatur contritio, permixtio, solutio, dilutio, expulsio; pressis, irritatis partibus vicinis dyspnoea nascitur, anxietas, humorum circuitus perversus, *defluxus ad inferiora prae-*

peditus, ad superiora intensior propulsio et impetus male directus, excitata cum encephalo consensio, cephalalgia, vertigo, sensuum hebetudo, apoplexia; aut et cardialgia, nausea, vomitus inanis, rarissimisque exemplis ruptura oesophagi aut ventriculi; nisi mature laxato alterutro ore gravans materies vel vomendo excutiat, vel cruda devolvatur in intestina, commotaque alvo tandem exeat.

451. Repletio autem a cibo, quam a potu, fere nocentior est; tolerabilior, quae lente et gradatim fit, quam quae subito.

452. Copia ingestorum minor, quam vitae ac sanitatis ratio postulat, ob defectum necessariae refectionis, languorem functionibus infert, minuit humorum quanditatem, adipem consumit emaciat, extenuat corpus, refrigerat, ventriculum ac intestina contrahit; ut aegre dein plus alimenti ferant, quin molestia, dolor, nausea, vomitus, oriatur: sic consuetudine inducitur demum mensae parcissimae necessitas, atque intolerantia ejus etiam demensi, quo natura eget.

453. Absoluta autem a cibo et potu abstinentia si diu fertur, liquores menstrui,

strui, qui in primae digestionis officinam confluunt, ingestis novis non mixti, diluti, temperati, pro sua indole admodum acres fiunt: inde anima foetens, ingens appetentia, vel ad summam quoque crudelitatem impellens, ructus, borborygmi, nausea, vomitus materiae acris, salinae, biliosae, putridae, animi deliquia, fami demum prostratae succedens immanis sitis, siccitas, debilitas. Dum vero blandi chyli nihil in interiora devehitur, et interea tamen vitae actiones perseverant; oportet solidis detritis, nec relictis, dissipata parte humorum tenuiore, quae non reparatur, vasa inaniri, circulationem fatiscere, et cum mole corporis imminuta vires cadere: inde levitas ad stateram, pulsus debilis, caloris nativi decrementum, squalens macies ac siccitas bibula habitus corporis. Succedit denique defectu mitis nutrimenti atque attritu continuato, salium oleorumque in humoribus summa acrimonia, volatilis, putrida, rancida, pestifera, ex qua spasmi, convulsiones, febres acutae, furibundae, mors.

454. Haec quidem (452. 453.) faeviora sunt ac citius necant, si potus simul ac cibi inopia genius defraudetur: defe-

defectus cibi utcunque potione levatur. Et quo circuitus humorum intensior est, motus animalis fortior, auctior calor, copiosior excretio ac dissipatio, eo graviores ab inedia noxae.

455. Liquet igitur abstinentiam nimiam magis etiam laedere, quam nimiam repletionem, et delinqui gravius in victu nimis tenui, quam in paulo pleniorre. Quin constat etiam, cur senes facillime inediam ferant; dein aetatis constantis homines; nequaquam adolescentes; omnium minime pueri; et inter hos quidem illi, qui id aetatis fuerint alacriores? Quare animalia hyeme sopita vitam sine alimento protrahant? Cur et quales aegroti diutius inediam, quam sani, tolerant? Quare macilenti facilius, quam humoribus pleni? Quae causa subitae emaciationis in acutis? Cur a fame *acutissimi et dirissimi febriles morbi, ad pestem fere referendi.*

456. Proportionem cibi solidi ac potus mutuam non adeo exquisitam postulat sanitas, ut non diversissima utentes recte valeant. Suadet etiam ratio, cuiusvis aetati, sexui, temperamento, vitae generi, tempestati, climati, etc. non eandem
aeque

aeque convenire. Videtur tamen enormior alterutrius excessus posse laedere, si conditionibus hominis incongruus diu protrahatur. Abundantior certe potio aquosam inducere tenuitatem (287.) humoribus debet, urinas, perspirationem, sudores ultra modum augere, sic eluta *et diffusa nimis* simul materiae utilis parte suo fraudare corpus nutrimine; aut et retenta aqua debilitare, torpescere, varias hydropis species creare (ibid.). Contra ubi alimenta, ex se non liquida, iusto parciori potu humectantur, nec humidior est temperatura hominis, spissa sarcina gravatus ventriculus aegre digerit, tarde expellit, crassiorem intestinis tradit chymum, quiet per haec difficulter mobilis, horum mucos magis inviscatus, feces multa, spissa, sicca, restagnante, opplet, chylum parciolem, spissiolem, lacteis tradit: unde mesenterii obstructio; sanguis glutinosus, densus, atrabilarius; similes alii humores; salis non diluti acritas maior; excrementi secessio et expulsio difficilior; cacoehymia multiplex; viscerum infarctus, multique alii, quos aquae defectus pedisse quos habet, effectus morborum. (Cont. 166. 167. 198. 282. 285.)

457. Materiæ, quibus vitam, nec aegre, sustentant homines, tam diversae sunt qualitates; ut pene videatur perinde esse, qualibuscunque utaris, modo valeas; sanis omnia esse sana, et palato impune indulgeri posse, dumme quantitate peccetur. Suadet tamen luxus plurimis, alios penuria cogit ejusmodi ingerere, quae etiam modice assumpta nocent. Sunt et quorum rarior usus innocens est, quotidianus demum laedit. Sunt quae insuetis tantum obsunt *et quae in alio climate facilius, in aliis difficilius feruntur*. Quin et ingens illa hominum inter sese discrepantia, quam sanitatis latitudo comprehendit, uti non eundem in singulis virum coëtricium gradum ponit; ita aliam atque aliam, quae cuique consentanea sit victus rationem postulat. Doceat lac, quod natura infanti destinavit. Juvat itaque et varia mala, quae ex hoc fonte promanat, speciatim exponere.

458. Viscidum in cibis abundans, sicubi valido naturae robore non subigitur, chylum producit nimis glutinosum et, quae inde porro sequuntur, mala supra memorata (285. 329.). Pulmonum oppletio, glandularum tumores, telae cellulosae infarctus, systematis, quod ad bilem

bilem pertinet, inertia, *fibrosi contextus relaxatio*, generis nervosi languor, torpor vis vitalis (196. 198.), praecipua ferre sunt, cum gluten, ex primis viis in interiora devectum, universam humorum massam inundat (283.). Glutinoso autem et acre quandoque jungitur, quod aut manifestum continent alimenta, aut corruptione, ob defectum coctionis inducta, concipiunt; ex vegetabilibus quidem acidum (307.), acerbum (309.), ex animalibus putridum (312. 313.), ex pinguibus rancidum (375.). Sic pituitae acres (373.) nasci queunt, suis singulae effectibus diversis notabiles.

459. Pinguium abusus, dum blanda sunt, primas vias lubricat laxat, debilitat, chylum praebet nimio obrutum cremore, qui minus etiam subactus facile secedit (331.). Unde praegravans obesitas (394.). Quin et si virium coëtricium torpidior fuerit actio, qui in esculentis pinguedinibus natura inest mucus (376.), facile in viscidum (458.) degenerat, ac inertem pituitam in universum corpus diffundit. Utraque de causa debilitas solidorum (162.), ac torpor (198.). Oleosa insuper sincera, minoribus vâculis impacta, aquosis humo-

humoribus introitum transitumque negant; sic obstructions, ac secretionum et excretionum impedimenta creant.

460. Eadem vel spontanea corruptione, vel praeparatione coquinaria, vel vitio coctionis, ex nativa blanditiae in acrimoniam versa, nocent vehementius (328.); maxime si diuturno abusu rancor primarum viarum in secundas admixtus adipem corporis demum quoque infecerit (375.). Inde pessimae notae cacochymia acris, atrabilaria, scorbutica, cadaverosa, vix extergenda, quae ad inflammationes, exanthemata, herpes, ulcera maligna, cancos, gangraenas, sphacelos, cariem, disponit.

461. Eorum, quae ingerimus ex numero vegetabilium praesertim, multa acidum habent manifestum, plurima latens, quod evolvi potest. Hoc si valida vi coctrice non vincitur, et vel suas ob causas extricatum magis, acuitur (307.), chylum, menstrua primae digestionis, sanguinem denique ac reliquos humores acre inficit, qui multimodis ubique (308. 325.) nocet.

462. Acidi austeri, quod praecipue in fructibus minus maturis residet, effectus mor-

morbosi ex (309. 320. 326. 376.) innotescunt.

463. Acidum subtilius, quod in fermentatis plus minus acre et manifestum inest, spiritu perquam volatili stipatum, citius per massam humorum se diffundens, cum nimio usu vires coëtrices eludit, *in ipsis coctionis instrumentis irritationem spasmos, obstructions, caet. et* delata in lympham acritate irritante, solvente, diversimode cum terra concrecente (320. 371. 372. 379.), dolores, spasmos, vasculorum constrictiones, stases humorum, catarrhos, rheumatismos, arthritidem, calculos et similia insuper producit.

464. Alcalescentia acria, cibi, potus, condimenti titulo largius ingesta, quid mali inferant, ex (310. 311.) liquet.

465. Quae de nociva falsamentorum acrimonia hoc loco memorari possent, ante (315. 316.) occupata videantur.

466. Aromatum vis ignea, ab alimentii ingenio (296.) longe aliena, acri oleo, resinae, sali, spiritui rectori inhaerens, naturae humanae vix domabilis, urente laedit sanos stimulo, tenaciore, pinguedini amico, difficulter abstergendo: producit adeo in primis sitim, cardial-

R

giam,

giam, ardorem stomachi, pinguium una ingestorum rancorem, nauseam, ructus, vomitus; bilem exasperat; *sensibilitatem et mobilitatem intestinalibus nervis nimiam inducit*; intestina inflammat: in secundis viis motum humorum intendit, calefacit, subtiliora dissipat, adipem eliquat, sales acuit, acrimonia alcalescente *aut volatili alia* attenuat sanguinem (310. 311.), corpus torrefacit. Inde siccitas, macies, febres calidae, contracturae, spasmi, exanthemata, inflammationes, dolores arthritici, et plura alia nascuntur.

476. Quod habent vina, cerevisiae veteres, praecipue meraciores, liquores ardentes ex his similibusve igne prolecti, simplices aut diversimode compositi, acre spirituosum, fermentatione natum, sui generis est, in bonam malamque partem famosissimum, priva sibi efficacia singulare, et abusu magis etiam nocens, quo penetrat altius, ac diluente vehiculo per emunctoria corporis emisso, meracius semet in humores ac solida defigit. Agit autem fluida densando, spissando; partes firmas constringendo; *cogendo, in callosam naturam mutando*; fibras stimulando; vim vitalem, vim sentientem, impetum animale incitando, in turbas ad-

adigendo. Itaque necessum est immodica potione induci sitim, temulentiam, circuitum acceleratum, calorem auctum, rarefactionem humorum, subtilioris dissipationem, humorum coagulum, sanguinis diathesin inflammatoriam (367.), vasorum constrictionem, dilationem, rupturam, errores loci (397. et seq.), obstructions, inflammationes; sed et systematis nervosi vibrationes enormes, delassantes, pessumdantes, nimiam humorum ad superiora determinationem, encephali hinc commotionem, oppletionem, *apoplexiam*, diffuso denique stimulo ac sedato impetu insequi subsidentiam humorum, collapsum vasorum, circulationis torporem, frigus, vires exhaustas, omnium functionum languorem, contraria prioribus omnia, *et in his, qui excessui adjuerunt, vix nisi nova crapula superanda.*

468. Haec rite consideranti haud obscura potest esse ratio eorum, quae ebriosis accidere quotidie observantur. Cur natam ab hesternae crapula aegritudinem nova pocula solvant? Cur hic abusus ex diuturna consuetudine in necessitatem abeat, ac fero aut nunquam dediscatur, imo paullatim increscens a lenioribus ad

fortissima tandem perveniat? Quare junioribus tanto, quam aetate proVectis, perniciosior fit? Quamobrem primae digestionis officinam adeo labefactet; ut, prostrata omni ciborum appetentia, solo tandem potu vivatur? Quid humores, tanta spirituum copia jugiter nutritos, in vappam mutet? Unde cachexia, macies, leucophlegmatia, hydrops, in ebriosis? Unde oculorum rubor, exanthemata faciei? Cur proni sint in morbos acutos, inflammatorios, hisque periculosissime decumbant? Cur tremores, paralyfes, apoplexiam, et quae sunt alia sensuum motuumque vitia toties experiantur? An podagra et calculus huius quoque acri debeatur?

469. Ejusdem quidem originis, at naturae diversae est acre, Gas HELMONTIO dictum, quod vigente fermentatione vinosa nascens expiransque afficere eos potest, qui magnam valde fermentabilem, aut re ipsa fermentantium, copiam subito in se ingurgitant. Acritas haec, vi elastica praegrandi stipata, stimulo non tantum, sed expansione etiam nocet: unde ructus creat, spasmos ventriculi et intestinorum, inflationes, anxietates summas, vomitum, chole-ram,

ram, diarrhoeam, dysenteriam, ileum, etc. Haec tamen leviora modo sunt, si plurima spectes exempla hominum, quos aëris isthac aura infecti usus subitaneae morti dedit.

470. Dulciaria, saccharata, mellita, hisque similia, usu immodico, per occultam acrimoniam dentibus inimica sunt; pro vi sua fermentante, acidum ingenerant, et quae ex hoc profluunt, mala (461.); praeterea solvunt tenuantque humores (288.); horum minuta densitate et firmas partes relaxant; non uno hinc nomine generi nervoso infesta, infantibus, sexui sequiori, debilibus, hysteriis, hypochondriacis, obsunt.

471. Flatulentum, quod olera, legumina, radices, fructus varii esculenti similiaque, diu multumque, sine interpositis aliis, ingesta, foru, actione menstruorum digestiorum, fermentatione etc. evolvunt, sicubi vi valida coëctrice non subigitur, ructus, flatus, borborygmos, colicas creat, primarum viarum fibras distrahendo enervat, irritando in spasmos ciet, ordinatos motus pervertit: unde cruditas alimenti, diaphthora, varia chyli degeneratio, impedita defaecatio-

tio, paucum ac debile nutrimentum, virium lapsus, cachexia etc.

472. Principium terreum in ingestis exsuperans, sive acido infectum (462.), seu viscido (458.) pinguive (459.) permistum fuerit, ni motu animali vincatur, potuque multo diluatur, oneri est primis viis, dyspepsiam producit (456.), multitudine ac siccitate fecis ventrem infarcit, alvum constipat, *vasa resorbentia infarcit*, haemorrhoides tuentes, dolentes, fluentes, infert, auctaque per chylum nimis terrestrem proportionem hujus elementi in sanguine, ceteris humoribus, firmis etiam partibus, cohaesionem nimiam, quietem, inertiam (142.), rigiditatem (166.) torporem (198. n. 4.), spissitudinem (284.), concretiones varias (320), obstructions (209. n. 8.), et quae hinc promanant, mala innumera efficit.

473. Polytropha, succosiora, jurulenta, quum justo uberius nutrant, *digestivis viribus saepe superiora*, corporibus *praesertim* minus exercitatis illata plethora (388.) nocent; augent et adipem non sine molestia (394.), et quando ab animalium partibus praecipue petuntur, ex multitudinis vitio tandem in cacochymiam acrem, putridam (313. 327.), rancidam

cidam (328. 375.), viscidam (329. 458.), devehunt.

474. Damnosa praeprimis est aquae in victu exsuperantia, quam calidae potiores admittunt, abusu hodie nimis pervulgato. Inundata hoc potu viscera primae digestionis laxantur, infirmantur, menstruorum salia nimis diluta enervantur, anorexia, apepsia nascitur: multa insuper irrigatione mucus (373.), has partes intus oblinens, abstergetur; unde nudatarum sensilissima teneritudo, dolores, spasmi, intolerantia ingestorum, vita sine cibis, etc. Chylus vero aquosior, in systema circulationis delatus, tenuitatem aqueam (287.) per humores diffundit, pallorem sanguine (363.), coluviam ferofam universo corpori inducit (354. 359.): unde nutritio prava, solidorum debilitas (162.), *crudorum, minus digestorum accumulatio*, carnis effeminatio, nervorum impotentia, vis vitalis (196.), sensuum, motuum, circulationis torpor, frigus, hydropum variae species ex restagnante aquoso lentore; eodem vero ad emunctoria determinato, horum relaxatio, excretio aucta, maxime per renes, diabetes, fluor albus, sitis, defectus nutrimenti, virium lapsus, e-

maciatio, tenuatio, corporis, tabet et similia.

475. Si, quae ingeruntur ceterum salubria, ultra modum igne fervent, vias, quas pertranseunt, fauces, laryngem, oesophagum, et, in quem descendunt, ventriculum, fervore nimio affici necesse est, amburi, crispari, inflammari, excoriari; hinc dolores, spasmos, siccitatem, indurationem, abscessum, ulcus, fungum, scirrhum, cancerum, in istis partibus nasci. Ex quo fonte multiplex deglutitionis, expirationis, loquelae, concoctionis laesio; praecipue autem tristissima illae ex oesophagi angustia anginae, quae impedito alimenti in ventriculum descensu miseros, fame sitique exhaustos, fato vix eluctabili perimunt. An etiam vini adusti abusus (467.) huic malo favet?

476. Oppositi excessus haud minores, nec multum dispares sunt noxae. Immodice frigentia cum partes internas, calore nativo jugiter fotas, contingunt, fibras earum irritando, poros stringendo, vasa arctando, humores coagulando, *errores loci inducendo*, dolores, spasmos, obstructions, inflammationes, variaeque circuitus, secretionis, excretionis, impe-

impedimenta tum in his ipsis, tum consensione etiam in aliis partibus, efficiunt: unde toties ex hac causa anginae, pleuritides, ventriculi, diaphragmatis, jecinoris, etc. inflammationes, *suffocationes*, dolores colici, hydrops, aliaque mala nascuntur; eoque fere certius, quo corpus paullo, ante quovis demum modo magis incaluerit. Liquet adeo, quam male sibi consulant, qui dum aëre, foco, motu, ingluvie, vinis, condimentis, aestuant, cibis potibusque glaciatis refrigerationem captare in deliciis habent: noxas enim frigores subitaeque permutationis (428.) sat graves etiam, quod glacies habet, acre ac mordax vehementer auget.

477. Qui prae voracitate cibos solidos, tenaciores, priusquam deglutiant, commandere praetermittunt, ventriculo plus faceffunt negotii, quam natura imposuit. Minus expedita hinc menstruorum in offas non emollitas actio, pinguium subactio nulla, difficilior succi extractio, digestio tardior, tardior de ventriculo expulsio, plures reliquiae, quas mora longior diversimodo corrumpit, novum cibum vicissim corrupturas: unde multiplex chyli vitium (323. ad 331), saburra primarum viarum, nidus vermi-

um, fex multa, tenacius cohaerens, aegre mobilis, adeoque diutius restagnans. Haec tamen debilibus ac defidibus magis, quam robustis et exercitatis, eveniunt.

478. Denique et in temporibus cibandi potandique peccari potest. His quidem indicandis non minus, quam moderandae quantitati, famem sitimque natura constituit. At multa sunt in vita civili, quae ab homine, non soli ventri nato, determinatius aliquid et uniformius, quam stimuli naturales dare possint, postulant. Itaque ea est oeconomiae humanae facilitas, ut aliis atque aliis legibus sese adstringi patiatur, hisque semel receptis adsuescat, nec ideo tamen leviores quasvi ab his recessiones aegre ferat. Intervallis ita quidem multum diversis bene vescimur. Minus hilominus nocent sibi, quorum perpetuo in patinis aut poculis animus est; ut semper pleno ventri nunquam induciae concedantur. Etenim, si digestio felix est, quantitatis tamen vitium ingruit (448.): plerumque vero non interrupte opere lassantur viscera; ut tarde ac male coquant: unde varii generis caco-

cacochyliā, huiusque pedissequa caco-
chymia ac cachexia (449.).

479. Atque haec praecipua sunt istius
argumenti capita, unde intelligere licet,
quod in usitatore victus ratione noxium
inest. Plurima quidem praeterea ab ho-
minibus nonnunquam, cibi potusve cau-
sa, ingeruntur singularia, insolita, cru-
da, inquinata, corrupta, horrida, vene-
nata, non alibilia, ἀτοπα, quae suis sin-
gula, longe diversis, modis obsunt. Eo
alios compellit penuria, alios deprava-
rus ex graviditate aut morbo appetitus,
luxus aut avaritia alios. Quandoque
imprudens delectus, neglecta praepara-
tio, incongrua conservatio, casus, aut
malorum hominum artes, minusve fa-
vens anni constitutio, alimentis ceterum
salubribus vitium indunt, quo vim mor-
biferam, et vel virulentam quoque con-
sequantur. Haec tamen cum nimis et
multa et specialia sint, alienum institutis
meis videtur, hoc loco exponere.

De Intempestivo remediorum usu.

480. MEDICAMENTA quum aegris sa-
nitatem restituant, morbosas corporis
conditiones in sanas mutandi virtute in-
structa

structa esse debent (29. 42. 43.). Eo igitur ab alimentis differunt, quae in naturam corporis mutari fas est, ut hoc nutriendo conservare queant.

481. Pertinent adeo remidia ad res sanis non necessarias; ut quos, quales sunt, conservari, non mutari oporteat. Proinde supervacuum est eorum, quibus sani commodè caremus, usus, dumne detrimens; ingesta enim, quod mutandum sit, non inveniunt: inertia ergo per corpus transeunt; aut naturae robore subacta in alimentum convertuntur; aut si pro suis agunt viribus, etiam periculum est, ne, quod sanum est, mutando morbum facessant.

482. Nec obtentui est, quod varii dentur sanitatis gradus, quodque, quorum imperfectior sanitas est, cum veluti pro aegris haberi possint, ad valescendum medicina egeant. Neque enim in arte est, quas natura constituit, omnes sanitatum differentias cōaequare; tutiusque, quod hac in parte praestari potest; consentanea vitae ratione, quam medicamentis, obtinetur.

483. Idem de prophylaxi dicendum, quae si continuo per remedia, praepriis, ut fieri solet, valentiora quaeritur, haud

haud raro in prophasin morborum convertitur, *etiam eorum, ad quos avertendos medicina data est. Sic acida vegetabilia, solutis fluidis et inducta solidis partibus debilitate, dispositionem ad febres putridas induxisse observatum est.*

484. In universum itaque hic abusus nocet sanis, praesidia adversae valétudinis in secunda consumendo, adsuétudinem cum menti, tum corpori, inducendo, qua tandem necessaria reddantur; particulis alienis, indomabilibus, succos inficiendo, vi non propria partes lacefendo, fatigando, regulares naturae motus interturbando, ejusque pensum ingesta materie non alibili aggravando. His si adjungas singulares insuper agendi vires, quibus diversa remediorum genera pollent, haud difficile est colligere, cur hoc errore impliciti toties suo scobo excidant, morbosque ac mortem properatam pro laetiore sanitate reportent. Alterantia quidem, quae dicunt, nisi drasticae fuerint potestatis, utcunque tolerabilia sunt, minusque ac tardius nociva. Evacuantium vero, ut frequentior abusus, ita effectus pessimi. Obsunt certe eo, quod aut plus justo ejiciant, aut cum inutili etiam utile, quod retineri

neri debebat, aut nimis praecipitanter *et cum nociva irritatione*, aut tempore modo-ve incongruis, aut non suis locis (401.). Nocent et emunctoriis stimulo, attritu, dilatatione, anastomosi, diapedesi, diaeresi (203. 1. 2. 3. 4.), infirmatione, incontinentia, infarctu, confusione. Naturae praeterea ordinem turbant, intentiones frustrantur, sollicitant in imparatam, *stimulos peregrinos inducunt, vix saepe restringendos*, his adsuefaciunt, ad suos surdam reddunt, incitant ad id, quod male ejectum est, reparandum, nec alio ferme fine, quam ut praesto sit ad excernendum (391.): unde, ubi reparati excretio tardat, multitudine angitur, expellere molitur urgetque irrequie-ta. Sic tota demum huic studio addicta vires succosque corporis, et alimoniam, consumit in conficienda materie mox oneri futura. Haec si vel valentissima corpora tandem pessumdare debent, quanto citius certiusque valetudinarios, debiliores, qui nimis frequenter ex hoc abusu robur sibi vani promittunt?

Non sane eget natura, ad superflua ejci-enda peregrino in sano statu auxilio, ipsa sibi sufficiens. Pueri, qui crebro purgantur, dum adolescunt, aduersae valetudini eo magis ex-
positi

positi esse solent, quo magis iis aliis praeter necessitatem medicamentis laxata fuerit. Nervorum morbos, euacantibus omnis generis in usum vocatis temere produci quotidiana observatio docuit peregrina in nervosa systemate inducta irritatione, nullo saepe auxilio sepe-randa *).

485. His addi potest, nocere etiam haud raro remedia, tametsi ceterum congrua, sicubi ad affectus, naturae per consuetudinem familiares, qui medicati quid in se habent, tollendos temere adhibentur: sanati enim longe deteriora saepe mala post se trahunt.

De Potentiis, quae virus habent.

486. Si quid perexigua mole ingestum corpori humano, aut a foris admotum, vi singulari, nec moli respondente, effectus produci expectatione longe maiores, qui in perniciem vitae ac sanitatis tendunt, id venenum dicitur.

487. Tantus quidem id genus rerum numerus est, et tam differentes agendi modi; ut speciatim singulas hoc loco expo-

*) confr. TISSOTI librum traité des nerfs et de leurs maladies. Tom. II. Part. I. pag. 228 seq.

exponere vix finat instituti ratio. Merentur tamen in genere considerari.

488. Venenorum nonnulla acritate mechanica (292.) infestant, aequiparanda potentiis, quae fracturas ac vulnera (217. 218.) inferunt. Ingesta igitur partes internas, exquisito sensu *et motu vitali* praeditas, irritant, pungunt, scindunt, lacerant. Unde dolores, spasmos, vulnera, haemorrhagias, inflammationes, ulcera creant certo fere lethalia; quum domari, detergeri, aut ad inertiam redigi in visceribus perpetuo motis vix queant.

489. Inest aliis acre chemicum (293.), manifestum, occultum, multiplex, quo quidem et similibus, ac priora (488.), injuriis saevire in partes, et humoribus solutum, motu ac calore corporis actum, etiam altius penetrare et multimodis intendi potest (301.). Horum adeo effectus intelliguntur ex (306.).

490. Quaedam vi septica tam vehementer in humores grassantur, ut late diffusa putredine corpus inde colliquescat diffuatque, solidis non minus, quam fluidis, sua cohaesione destitutis. Conf. (161. 2. 288. 310. ad 314.): unde et, quas inferunt, noxas perspicere datur.

491. Aliorum deleteria potestas vasa constringit, humores inspissat, *coagulat*, meatus occludit, motum supprimit, circuitum vitalem, secretiones, excretiones retardat, sufflammat; ita ocyus aut serius mortem infert.

492. Longe plurima tamen, eademque perniciosissima, ipsum vitale principium (169. et seq.) invadunt, huiusque motus aut irritatione violenta perturbando, aut vehementissime incitando, aut et injecto torpore suspendendo (195. 199.), *aut utrisque mutationibus inductis*. functiones vitae pessumdant. Quin credibile est, reliquos etiam venenorum in solida et fluida effectus (488. ad 491.) magna ex parte iisdem vitalium virium motibus vitiatis deberi; hos certe pedissequos habere, eoque magis esse exitiales. Hac igitur potestate inprimis virulentae gradus malignitatis videntur metiendi.

493. Ex quo intelligere licet, quamobrem sensuum motuumque, qui voluntati parent, facultates plerumque tristissimas in turbas conjiciantur; ut ipsam mentis arcem ab isto hoste oppugnari dixeris (179. 209. n. 3.)? Et cur naturae vires raro hic multum valeant (180.)?

Et quam prope a venenis absint medicamentorum efficacissimorum permulta; ut omnino ambigere inter utrumque genus videantur, ad utrumque pertinere; Vires medicatae et venenatae, qua proximis gradibus sese contingunt, exigua molis differentia invicem convertuntur.

494. Haec vero uti sic satis apposite generalem toxicorum efficaciam declarant; ita nequaquam tamen sufficiunt ad privam singulorum vim exponendam, qua fit, ut alia prae aliis velocius aut lentius, inque alias et alias partes ac functiones, modisque longe diversissimis, inexplicabili plane varietate, suam saevitatem exercent. Parum profecto vel acutissima etiam ingenia hic promoverunt.

495. Nec minus difficilis indaginis istud quoque est, quod venena quaelibet non cuiusvis indiscriminatim homini aequae noceant, nec et eidem quovis demum modo admota. Alia quippe vapore aëri permixto, in spiracula corporis admissa, operantur; alia maxime, cum deglutiuntur; alia in vulnere tantum, quae quidem inertia reddere vis ventriculi valet; alia aliis modis; non nulla etiam quibuscunque. Haec uti
obser-

observatio discimus, ita, qua fiant ratione, explicatu arduum est.

496. Miasmatum noxiorum, quae aëra inficiunt (440.), haud absimile est ingenium: quanquam enim non adeo semper vi deleteria agunt; agunt tamen parva mole, ac materia saepe sensibus vix manifesta, modisque singularibus, et morbos creant refractarios, malignos, quos vis naturae difficulter superare valeat (486.). Nec infrequenter corporum virulentorum effluvia sunt. Quocirca omnino ad venena referri merentur.

497 Haec inquinamenta quam multiplici origine in atmosphaeram subvehantur, utcunque quidem ex (440. ad 444.) intelligere est. Nec difficulter perspicitur, ob amplissimum, quod viventibus cum aëre intercedit, commercium (422.), plurimas patere vias, quibus admitti queant, solidaque stimulando, torpefaciendo, succorum crasin motumque turbando nocere. At cum propriam singulorum naturam, viresque privas, ac agendi modos eruere aggredimur, effectuumque tantopere discrepantium rationem reddere, aqua non minus haeret, quam in historia veneno-

rum (494.495.), nec, praeter generalia (488. ad 494.), quidquam certi determinare licet.

498. Hujus etiam loci sunt contagiones, quarum virtute velut genitali id genus morbi suam speciem propagant et communicata multimodis labe per homines grassantur. Agunt certe et virulenta potestate (486.496.), et suo quaeque modo sibi proprio, et in alias atque alias corporis partes (494.), *ut adeo, quae extus illata, nisi medicina efficaci succurratur, mortifera sunt, in ventriculum delata innoxie ferantur*, effectusque statos quidem, at longe diversissimos, *pro corporis natura, in quod deveniunt*, producant. Unde constat, uti origine, ita naturis, magnopere inter sese discrepare, et suas singulis inditas esse certas vires, quibus, cum per congruas vias in corpora devenierint actioni faventia, suam quaelibet morbi formam distinctam constanti lege haud aliter procreent, quam blantarum animaliumve femina, aptis concepta locis, in suam singula determinatam speciem evolvuntur. Quo fit, ut diverso cuivis contagio suus respondeat *proprius* et singularis morbus, horumque totidem differentia genera, quot contagio-

giorum, numerentur, nequaquam inter sese confundenda.

499. An igitur omnis contagio animata est, suamque quaelibet habet singularem, unde oritur ac multiplicatur, animalculorum speciem? Quod peculiare nonnullis, *scabiei praeprimis*, est, haud satis tuto per analogiam universo generi tribuitur. An vis phantasiae, an metus, contagiorum mater? Violentos animi motus ad virus generandum, acuendum, conferre posse, indubium est: *valentissima adeo pestis averrunca mens fuit metus et tristitiae expers*: at si vel soli etiam meticulosi tantum inficerentur, ipsis tamen sensibus constat, singularem in veris contagiis materiem intervenire, qua sine reliqua vix quidquam possint. Utrum immutabilis est, rerumque principiis hac dote aequiparanda contagiorum natura? Et, si est, an inde sequitur: eadem oberrare chorda, et qui specificum quaerat antidotum veneno contagioso oppositum, et qui de metallis vilioribus in aurum transmutandis fatagat? Dubia propositio, conclusio falsa BOERHAAVIVM non tangit, etiamsi ab Archiatro Regio pronunciata.

500. *Contagionum aliae, acutae, aut per aerem propagantur, aut contactu immediato intercedente in alios transfluunt, aut etiam cum excipientibus variis, meribus, vestibus, iana, caet. in remotiores terras transmitti patiuntur. Intercedit et aeris atmosphaerici dispositio singularis, ignota quoad naturam suam penitus, quae exsolutioni et propagationi contagionis occasionem praebet. Suat amen cuique contagioni, tam epidemicae et acutae, quam sporadicae et chronicae, atmosphaera esse videtur, quam si studiose vitaveris, ipsum contagium vitabis. Pestilentiae adeo contagium vix magnopere metuendum esse, dummodo infectorum contactus absit, nuperae observationes probarae videntur. Chronicae et sporaticae contagiones omnes vix, nisi contactu immediato, neque in quacunque cutis parte, intercedente, in alios transeunt. Quae enim de horum morborum propagatione per solam atmosphaeram dicta sunt, non satis expedita videntur.*

500. Attendi praecipue meretur, quae contagia pollent, mirabilis illa facultas sanos humores in sui similitudinem convertendi. Hac nititur stupenda eorundem multiplicatio. Nec sese tamen exferit, nisi vi vitae in corpore idoneo excitata; ut omnino dubites, utri potior effectus pars debeatur, Data

Data certe est naturae humanae potestas assimilandi, qua in augendo sustentandoque per alimenta corpore suo utitur. Nec facile tamen dixeris, hanc esse, qua gliscat contagium vitae tam inimicum; nisi corruptionem neges quidquam a coctione differre, et quod natura violenter patitur, perinde habeas, atque illud, quod dedita opera in corporis sui conservationem peragit.

Qui vim generandi contagiis inditam ponunt hypothese utuntur nondum demonstrata (469.).

Nec magis satisfaciunt, qui unica a solidis vivi corporis per virius in singulares insolitosque motus stimulis omnem hanc efficacitatem repetunt; quasi parum constaret, posse etiam effluvia, odores, fermenta, stupendas subito inducere mutationes liquoribus, in quos continentium nulla est vasorum actio. Equis autem credat, priorem clarius intelligi, quam posteriorem agendi modum, inque corpore, cujus et partium et virium tanta est conspiratio, mixtioni nihil, oscillationibus omnia deberi in permuanda humorum crasi?

Fermenta quoque, latiore Chemicorum sensu accepta, quanquam propriam

sibi habent assimilandi virtutem, quae ab actione contagiorum minus abluere videatur; minime tamen hanc rem faciunt; ut quorum idea haud universe quadrat, nec ratio minus, atque stimulorum, inexplicabilis est.

Quare credibile potius, non uno eodemque modo omnia et singula sese multiplicare, et vero forsan propriorem fore, qui diversarum sententiarum nulli seorsim addictus omnes in unum colligat. Nihilominus cum ne sic quidem certa hujus materiae explicatio tradi queat, inutile fuerit, vaga incertaque ratiocinatione multa moliri, quae opinionem modo, nec scientiam, parere valeant.

Errores in motu animali.

501. Motus muscularis, quem homo pro arbitrio exercet, ita cum reliquis corporis vivi motibus cohaeret, ut excessu defectuve paulo majore peccare nequeat, quin ocyus, serius, oeconomia conturbetur. Ex iis igitur, quae alternantes musculorum actiones comitari ac consequi in corpore observantur, mutationibus, sponte innotescunt, quos motio aut quies modum excedens inducit, effectus morbosus.

502. Musculus vi sua sese contrahens brevior fit, crassior, durior, turget, figuram suam situmque ratione partium vicinarum mutat, movet sese et tota sua mole, et quavis fibra sua, movet et partes, ad quas pertinet, quasque contingit, et si quem habet antagonistam, et quae huic contiguae sunt, partes. Cum vero deinde contentionem suam remittit, et ipse in statum pristinum redit, et restituuntur, quaecunque dimota fuerant. Itaque ab initio contractionis ad ἀκμὴν usque, et inde ad plenam usque relaxationem, omnes illae partes in continuo motu sunt eoque multum variante.

503. Nec constat voluntariam musculi contractionem ita a motibus vitalibus pendere, ut, quae accrescit musculo, velocitas de summa illorum decedat. Imo vero novus veluti hic motus illis superadditur. Univerſa ergo motus atque adeo attritus quantitas in corpore tum augetur pro numero ac vi agentium recipere musculorum.

504. Quocirca multiplex sub exercitio musculari infertur vicinis canalibus, oculis, receptaculis, pressio, remissio, distractio, arctatio, quae cum inde in contenta transeunt, his quoque motus

superpondium conciliatur, quo fit, ut stagnantia moveantur, fluentia promoveantur, mutua solidorum fluidorumque inter se actio, et quae hinc consequuntur, intenduntur.

505. Ita quilibet musculus, alterne contrahens sese et remittens, suo systematis vasorum tractui novam applicat vim, quae humores urget pellitque fortius, quo circulationis legibus determinantur. Eorundem motus ergo accelerari debet.

506. Eadem causa sanguis venarum, copia ac impetu majore, protrusus infususque cordi irritamentum fit, quo hujus contractionum numerus ac vis intenditur. Inde consensu expedito et respiratio incitatur, et arteriarum properantur motus per universum corpus.

507. Continuata igitur musculorum actione vires vitales, quibus humores circumducuntur, quaquaversum animantur, novisque (503.505.) jugiter augentur. Crescit adeo circulationis vigor, attritus, calor, quaeque ex his pendent, cum conditiones corporis, tum functiones intenduntur.

508. Magnum praesertim, nec uno nomine, adjumentum nascitur officinis in-

instrumentisque, quibus alimenti coctio defaecatio, distributio, assimilatio perficiuntur; ut adeo nutritionis opus feliciter procedat. Atque haec sunt publica exercitationis modicae emolumenta.

509. Unde constat, quasnam immo-dica noxas inferat oeconomiae humanae. Quippe, quo ipsa excedit gradu, eodem velocitatem circumeuntium humorum auget (409.): quocirca, quae inde oriuntur, mala in genere reduci queunt.

1. Ad caloris nativi augmentum enorme, quo agitati attenuatique succi, dissipata parte subtiliore, spissantur, serum ac fibra sanguinis diathesin inflammatoriam (367.) induunt, sales dein ac olea continuato attritu acuuntur, solvuntur, volatilia, acria, putrida, rancida, foetida, ambusta redduntur (424. n. 7.), hinc circuitui vitali ineptissima.

2. Ad partium continentium laesiones valde periculosas. Etenim rarefacti magnoque impetu propulsi humores sua vasa ultra modum dilatant, irritant, deterunt, rumpunt, destruunt: unde errores loci (397. ad 406.), dolor, inflammatio, febris acuta, suppuratio, gangraena, haemorrhagia, aut vitalibus visceribus san-

sanguine accumulato obrutis suffocatio ac mors subitanea.

3. Ad succorum, qui sub moderata circulatione restagnant, commotionem ut suis excussi sedibus evagentur.

4. Ad multifarias denique secretionum excretionumque turbas, quarum vi omne genus vitiorum qualitatis, quantitatis, motus, loci, in materias, quae secerni et excerni debent, invehitur.

510. Mobilior itaque et volatilior fluidorum, quam solidorum, natura facit, ut exercitio immoderatiore jactura inaequalis inferatur, hinc mole illorum decresciente solida praevaleant, exsucca corpora arescant, rigescant. Aqua et spiritu parte humorum tenuiore, distatis, crassamentum superest (284.) iners, tenax, immeabile per vascula minora: unde horum ac parenchymatis exsiccatio, contractio, concretio, universae adeo compaginis rigiditas major (164. 166.) *Amotu muscolari intensissimo diuque continuato humores attenuantur, solvuntur, et ad putrescendum dispositionem induunt* (288.). Pinque, qua stagnat in suis loculis, commotum, eliquatum, sanguini redditum, attritu et calore ex blando in acre, rancidum, degenerans (375.), per emunctoria

ctoria expellitur: hinc celeris emaciatio (395.). Gelatina nutriens (379.), solidorum fibris undique interfusa, deteritur, exprimitur, acrior per motum facta excernitur, parte tenuiore expressa solidescit: inde defectus nutritionis, augmentum rigiditatis. Bilis quoque nimium commota, adusta, in summam acuitu acrimoniam, qua et primas vias infestat, et suos egressa cancellos in reliquum etiam corpus sua malignitate grassatur.

511. Ex dictis (509. 510.) liquet, solum motus animalis excessum solida fluidaque corporis tam vehementer a statu sane alienare posse, ut vel venenatis etiam viribus (486.) agere videatur: et cum in universum fere semper et cuivis noceat, ac raro profit, nocere tamen maxime, inter sanos, aetati tenerae, sexui sequiori, temperamento bilioso, sicco, calido; tum vero plethoricis, valde obesis; cacochymicis, in haemorrhagias, aut abortus proclivibus, et quibus viscus aliquod totumve corpus contabescit, et qui spiritus laborant difficultate, et calculosis, iisque, quorum circulationi pertinaces obstant canalium obstructions, tumores, humorum congestio-

gestionem, etc. His ubi et infuetudo accedit, aut ingens aëris aestus, aut ex cibi potusque defectu inanitas, aut subitus a statu quietis ad vehementem motum transitus, tanto peiores inferri noxas necessum est.

512. Minoris momenti sunt, quae ipsis musculis nimium exercitatis eveniunt, mala: lassitudo, debilitas, tremor, dolor, spasmus, impotentia ad motum. His tamen quies ferre pro remedio est. Siccitas autem, rigiditas, tendineae naturae multiplicatio, quas labor excedens carnibus musculorum inducit, non aeque facile tolluntur.

513. Haud laetior est illorum sanitas, qui in opposito errore versantur. Nimia quies et potentias motrices, et, quae movendae sunt, partes in torporem conjicit. Vis musculosa desuetudine contractionis, congesto pingui, languore influxus vitalis, minuitur, suffocatur; articuli, rigescentibus per otium ligamentis, axungia coëunte (222.), apertitudinem ad motum amittunt; antagonistae magis renituntur. Ita neglectus animalis motus demum impotentiam parit.

514. Plus tamen damni et humorum circuitus ob hanc causam patitur; ut qui
fo-

folis commissus vitae viribus, extraneis destitutus suppetiis (507.), per vascula minora primum, dein per universum systema languescit: unde humorum stagnatio, accumulatio, inviscatio, caloris nativi imminutio, secretionum ac excretionum impedimenta, et quae ex his oriuntur, mala quamplurima. Ex hoc fonte igitur polychymia (385.), plethora (387.), obesitas (394.), profluunt, quae sarcinis corpus gravant firmarum partium mole ac vi majoribus. Plenitudini cito succedit caco-chymia iners, glutinosa (283.), aquosa (287.), frigida, universum corpus inundans, qua laxum, molle, flexile (160.162.), solidis inducitur, vis vitalis torpet (196.198.), vigor nerveus perit, colluvies serosa, leuco-phlegmatia, hydrops varius, pigritia ad motus, sensuum hebetatio, ἀναισθησία, omnium functionum suffocatio tandem nascitur.

515. Prae ceteris pessime afficiuntur, quae abdomine continentur, organa primae digestionis; maxime si etiam prono corpore sedenti comprimantur, atque alimenti copia et qualitas haud respondeat vitae desidi. Namque respiratione vegeta, motu externo, succussione, non
ad-

adjuta in opere suo tardant, alimentum imperfecte coquunt, lente propellunt, mora longiore corrumpi sinunt, utile haud satis emulgent, nec depurant, faeces accumulunt: unde omne genus vitiorum chyli (323. ad 232.), ructus, flatus, spasmus, anxietas, alvus tarda et tumens, anorexia, universae officinae infirmatio, menstruorum inertia, degeneratio varia, mesenterii vasculorum obstructio, aliaque innumera mala nascuntur. Ingens praeterea succorum multitudo, qua viscera illa perfunduntur, solis eorum viribus, extranea ope destitutis, haud satis promoveri potest: languet ergo circuitus; fit humorum congestio, stagnatio; sanguis tarde redux, rarius pulmonum aere animatus, nec vigore cordis incitatus, in vaporem abit, infarcit venae portarum systema, splenem, hepar, cetera. Nec mirum adeo bilem denique vitiari (372), cacochymiam, scorbutum, cachexiam, icterum, hydropem, malum hypochondriacum, et alios id genus morbos inde produci.

*Damna ex posituris et motibus
singularibus.*

516. QUAM in plerisque rebus suis affectat amatque natura, variatio et mediocritas in partium corporis motione ab positu quoque conducit. Nocet, quidquid hic justo violentius est aut nimis diuturnum sine remissione; nec in aegris tantum evitari debet, sed vel in sanis etiam causa morborum fieri potest.

517. Status, ultra modum protractus, artus inferiores humoribus tarde ad cor redeuntibus gravat: unde infarctus, oedema, varices, ulcera. Lumborum quoque, renum, coxarum, passiones hoc situ contrahuntur: ut et genitalium vitia ex humorum congestione, et herniae inguinales (233.), cruales (234.), in feminis fluxus uterinus, fluor albus, abortus, uteri vaginaeque procidentiae (250. ad 254.): maxime ficubi et nixus subinde accedens pressionem auxerit ac partes gravitate deorsum vergentes etiam protruserit. *Musculis autem infernorum articulorum, dorsi, colli adstrictis et sanguine difficilius versus cor remeante, et inde ad caput escendente, cum homo diu stat immobilis, haud mirum,*
T ma-

magis, quam aliis exercitiis, lassari et vel animo linqui.

518. Sessio quaeta, immodica, ut minus fatiget, nihilo tamen salubrior est, praesertim corpore pronato multumque flexis genibus. Similia hinc male artubus inferioribus, lumbis, renibus; coxis, fiunt (517.): tum et curvitas dorsi, obliquitas spinae, crurum stupor, ischias, claudicatio: ex impedimento denique abdominis viscerum vitia modo (515.) enumerata.

519. Decubitus excedens, systemati uropoeo nocivus, renes comprimit, obstruit, inflammat, secretioni, propulsioni, excretioni lotii obstat: unde mucus, sabulum, calculus, horumque sequelae. Officit et situs horizontalis caput humoribus replendo: unde cephalalgia, ophthalmia, haemorrhagia, sensuum hebetudo, vertigo, sopor, etc.

520. Multos praecipuis ac graves affectus producit subita, violenta musculorum contractio, diu continuata, absque remissione, accedente etiam, quae nixus intendatur, spiritus inhibitione. Etenim vehemens tractio, pressio, distentio, arctatio, propulsio, vim infert partibus, mutuam inter continentia et
con-

contenta rationum omni modo variat, motum ac directionem humorum valdopere mutat; maxime cum, anima etiam compressa, sanguinis per pulmonem trajectus suspenditur. Inde musculorum tendinumque de suis sedibus excussio (243.), armillarum, vinculorum, ipso-
rumque tendinum relaxatio, ruptura, articulorum distorsio, subluxatio, luxatio (226. 227.), ossium fractura (217.) aliaque nexus situsve vitia (224. 229.), herniae (230.), prolapsus (248. et seq.), meatum ac receptaculorum dilatatio, anastomosus, diapedesis, diaeresis (203.), aneurysma, varix; fluidorum aberratio omnifaria (397. ad 405.), haemorrhagia, haemoptoe, mictus cruentus, fugillatio, emphysema, tumores varii, et quae ex his oriuntur, mala innumera.

521. Haec si quis ad varias corporis partes, ut suis singulae musculis mobiles sunt, aut, ob viciniam consensumve qualemcunque, illis agentibus diversimode afficit debent, applicat, is facile intelligit, quot qualesque noxas inferre tussis, cachinnatio, sternutatio, oscitatio, pandiculatio, declamatio, vociferatio, cantus, tubarum inflatus, saltus, lucta, cespitatio, bajulatio, gravium elevatio, aliae-

que id genus motiones, sicubi enormes fuerint, queant.

*Exercitationes Mentis im-
modicae.*

522. ATTENTIOR contemplatio eorum, quae quisque in semet ipso facile experitur, affatim docet, mentis actionibus haud minus, quam corporis exercitiis, vires dissipari, alternamque requiem illis aequae, ac his, interponendam esse, ut sanitas persistet.

523. Mens nimirum corpori suo, dum vita viget, intime implicata est; ut difficulter concipere liceat tam exquisitae purae ejus operationem, quae prorsus nihil corporea mutationis quòquo modo sibi innexum habet. Praeterquam enim, quod multas cogitationes determinati sequantur motus corporis, sensoria quoque cum externa, tum interna, materiem occasionesque cogitandi vix absque aliqua motionis suorum flaminum specie ministrare posse videntur. Oportet itaque, cum mens in sua officina actiuosa est, hujus organa plus minus cieri, tendi, laxari, oscillare, inter sese agi-

agitari, quomodocunque saltem aliter se habere, quam ubi ab opere feriat.

524. Praeterea verosimillimum est, systema nervosum, qua sensui praeest, vi quadam motrice animari, vitali muscularive virtuti (170. 502.) forsan equiparanda, qua agente stamina ejus tendi, rigescere, turgere, concipiendis ad irritamenta oscillationibus aptari queant, vicissimque remitti ac flaccescere, cum otatur. Nec refert, utrum a spiritu, quem vocant, animali, per nervos diffuso, eadem repetas, an quovis alio modo ab ortu putes inditam, mecumve in re obscura opinando nihil augureris. Agnoscendum tamen videtur, aliquod menti in eam concessum esse imperium, quo excitare silentem pro lubitu ossit ad agendum tam in universo corpore, quam in singulari parte: perinde ut muscoli etiam arbitrio parent.

525. Constat autem sentiendi illam vim (524.) cum vi vitali communicare; ut altera alteri pro irritamento esse possit (179.). Quin et mutuum forte inter eandem et muscularem vim commercium viget, quo fit, ut nervorum intervntu jussa mentis ad musculos deferantur: nisi mavelis idem utrobique motus

principium dari, at quod pro differente partium, quas animat, conformatione diversimodo agat. Utraque certe et nervorum et musculorum virtus non in-exhausta est; nec continentem fert laborem; nec fatigari altera sine alterius detrimento potest.

526. Quanquam igitur, quae in sensoriis cientur, agitationes motibus musculorum longe minus manifestae sunt; facit tamen summa medullae nerveae teneritudo, ut haec vel gravius etiam, certe nihilo levius, ab immodica exercitatione affici mutarique debeat, quam musculi ab excessu motus animalis (512.), nec dispares inde contrahere laesiones. Mollissima nimirum stamina quovis demum modo (523.) frequentius, diutius, vehementius commota, inter sese attrita, lassantur, tonum amittunt, tremores irregulares, injussos, concipiunt concitantque praeter ordinem in vicinis, spasmus velut obrigescunt, aut flaccida resolvuntur; vis ipsa nervea (524. 525.) elanguescit, dissipatur. Ex quibus, nisi tempestiva requie levantur, sensuum externorum internorumque hebetudo, impotentia, idearum confusio, somni turbulenti, pervigilium, imaginatio depravata,

vata, delirium, fatuitas. An et, quae musculis assiduo labore evenit (512.), siccitas, rigiditas, in his quoque organis nasci potest, qua senile vitium in facultates mentis ante tempus invehatur?

527. Ingravescunt autem haec mala, novisque augentur, quum sensorii communis agitatio etiam apparatus encephali vasculosum in motus enormes ciet, ac majore sanguinis copia caput opplet. Unde partium distensio, dolor, calor, inflammatio, atque ex his nascentium actionum mentis multiplex perturbatio. Quin et consensio mutua principiorum motus (525.) facit, ut viribus nerveis, (524.) nimium intensis, lassatis, dissipatis, reliquorum systematum vires similia patiantur, hinc corpus absque labore suo fatigetur, omniumque ejus functionum consequatur laesio.

528. Accedunt vitia ex motu animali neglecto (513. ad. 515.), vitaeque sedentaria aut stataria (517. 518.), literarum studiosis familiari, quae uti ex se fat gravia sunt, ita magis etiam properantur ac invalescunt, ubi robur corporis inquieta cogitatione minuitur.

529. Excessus tamen cum varietate studiorum tolerabilior est: at vehemens

cogitationum in eandem rem intentio, non interrupta, rari sunt, quibus non magnopere noceat. Etenim pars illa sensoriis communis, quae sola in actione est, et in quam tota veluti mens omni sua vi incumbit, violentiam patitur haud minorem, quam muscoli singulares fortiter diuque contracti (520. 526.). Itaque aut stamina eius tam pertinaciter ariguntur, ut remitti dein nequeant, aut oscillandi finem non faciunt acrius commota, aut nimium distracta tenorem denique amittunt. Unde omne genus mentis perturbationum, melancholia, *ἐκστασις*, mania, catalepsis, fatuitas, sensuum impotentia, virtutis nerveae resolutio, et similia nascuntur.

530. Neglecta mentis cultura organis quidem sensoriis torporem inducit, vim nerveam hebetat ac exstinguit, facultates animi aut omnes, aut singulas, labefactat, ut vel universae, vel aliquae, inertes otientur. Ceterum tamen, nisi et motus animalis intermissio accesserit, reliquis functionibus haud adeo obest, ut non ignavos videas stipidosque crebrius fere, quam ingeniosos, ad ultimam usque senectutem firma corporis valetudine perfrui.

531. Ex his (508. ad 530.) inter se collatis manifestum est, exercitationes mentis, quam corporis, suo excessu longe magis infirmare sanitatem. Patet etiam, cuinam aetati, sexui, temperamento, acriora studia et lucubrationes minime convenient? Cur profunda meditatio magis fatiget, quam motus muscularis? Quare iis, qui gravi morbo exhausti revalescunt, tam pernicioosa plerumque animi intentio, saluberrima autem corporis moderata exercitatio?

Vix noxia Animi perturbationum.

532. INEST in animo impetus, quo fertur in ea, quae, quod vel bona, vel mala, vel insolita sint, saltem talia videntur, placent, displicent aut percellunt. Is sicubi commotionem in homine excitat majorem, quam quae rectae rationi conveniat, haec animi perturbatio dicitur.

533. Comitatur adeo hanc (532.) et prodit actionum illarum, quae ex mutua animi corporisque conjunctione fluunt, major minorve a justo tenore alienatio. Unde consequitur, ut in eo statu organa quoque, sensibus motibusque

voluntariis dicata, turbis agitentur, viresque, quibus animantur (502. 524.), in vitiosos motus aberrant.

534. Quin docet etiam observatio, cordis arteriarumque motus, calorem, colorem, habitudinem corporis, una tum alterari; universum ideo circulationis ambitum, et, quibus haec nititur, vires vitales (170.), quasque sub se habet, quarumvis partium actiones praeter ordinem affici.

535. Quae quis, prout latissime patent, recte perpendit, ei dubium videbitur, utrum animi ea magis, quam corporis, perturbatio dicenda sit; quando totius oeconomiae humanae functionum nulla est, quae ab hoc impetu immunis perverti nequeat.

536. Quocunque autem modo ista haec (522. ad 535.) in homine fieri concipias; five mente imperante; five caeco instinctu; seu incitante quadam vi, menti indita, a reliquis ejus facultatibus distincta: illud certum, deberi ea quidem mirabili, quod inter bina hominis principia viget, commercio: at hoc ipsum tamen leges limitesque, quibus in statu tranquillo adstringitur, tum adeo excedere, ut, qui eduntur, effectus prorsus info-

insoliti, ejusque viribus longe superiores videantur; saltem, quo minus data occasione nascantur, impediri, aut nati suppressi pro arbitrio vix possint.

537. Nimirum, quae homini data sunt, bina actionum systemata, alterum menti cum corpore commune, alterum si non mere corporeum, certe a conscientia semotum, etsi diversis legibus reguntur, contubernalia tamen in uno corpore sunt, ac mirabili commixtione per singulas partes diffusa, instrumentis inter se contiguis, connexis, aut et communibus gaudent, viribusque animantur aut iisdem, aut inter sese consentientibus (525.). Quocirca, quaecunque in alterutro cientur, insigniores commotiones quo minus in alterum quoque transferantur, fieri haud potest.

538. Quae quidem medice considerata docent, in animi motibus impetuosas dari agitationes, quae in principio cogitante, hujusque adeo officina, primum natae, inde in reliquum corpus protrusae, exque hoc vicissim eo, unde venere, revolutae, celerrimo itu redituque tam vehementer augescunt; ut, quidquid est virium facultatumque in toto homine, conturbare atque hinc univer-

versae oeconomiae humanae fundamenta concutere queant.

539. Quanquam igitur in moderatis, qui ratione diriguntur, sua inest eximia utilitas, haud minus physica, quam moralis; magnopere tamen vitae ac sanitati nocere etiam possunt valde violenti; maxime sicubi et subito erumpunt, aut pertinaci duratione inolescunt, aut intus saevientes nequicquam comprimuntur, aut alii aliis celerrime superveniunt sive affines, sive inter sese oppositi.

540. Inde sensuum, motuum, circulationis, respirationis, secretionis, excretionis, coctionis, nutritionis, generationis, etc. innumera ex hoc fonte vitia profluere quotidianum est, quae alias quidem naturae viribus sponte rursus superantur, nec raro tamen in omne etiam morborum genus, et in subitaneas lentasve mortes abeunt.

541. Uti vero affectionum mentis quaeque pro sua diversitate diversas externis corporis partibus actibusque mutationes inducit, quibus, tanquam propriis characteribus, foris expictae sese dignoscendas produnt; ita suo etiam singulae modo peculiari internas vitae sanitatisque conditiones convellunt, vires cor-

corporis motrices opprimendo, exagitando, perturbando. Atque hinc praecipue multifaria illa nasci videntur motus humorum vitia (406. ad 413.), quae in pathematis, prout aut laeta, aut tristia fuerint, alia atque alia etiam ex pulsu sese manifestant.

542. Principia videlicet atque instrumenta motus consensione accurata sese accommodant propensionibus et aversionibus mentis emotae, hujusque ideo statui diverso respondentes quoque in corpore mutationes excitantur. Inde gaudii comes auctior, exceditior, circulatio, secretio, excretio, sed et insomnia, insania, virium resolutio, quin mors apoplectica, ubi nimium est et improvisum. In amore non absimilia insunt: protractum autem rei amatae desiderium, et aegritudo de perdenda, aut non obtinenda, inquietem, languorem, anorexiam, chlorosin, tabem, nostalgiam, melancholiam, erotomaniam etc. inducit. Ira impetu efferato nervos, musculos, sanguinem, bilem, exagitat: hinc furorem, inflammationes, febres ardentes, viscerum primae digestionis turbas enormes, errores fluidorum omnifarios (397. et seq.), et vel veneniferam

ram quoque vim creat. Odium ac livor perseverans, pervigilio, febre lenta, appetitu prostrato, inedia, pallorem, torporem, maciem, cachexiam infert. Moerore vis nervea languet, tonus partium fatiscit, motus vitales imminuuntur: unde pulsus tardus, contractus, circulatio lenta, inviscatio humorum, sanguinis coagulum, coctionis ac nutritionis defectus, diarrhoeae, obstructiones, scirrhi, melancholia, icterus, hydrops, somni diuturni, lethargus, catalepsiis, etc. Metu vis muscularis infirmatur, tremunt membra, sphincteres resolvuntur; minuto cordis vigore ambitus circulationis contrahitur, repressis intro humoribus pallor fit, siccitas, perspirationis suppressio, attractio major anxietas, viscerum vitalium oppilatio, naturae ad munia sua impotentia. Terror, praeter ceteris perniciosus, systema nerveum violentissime quassando, spasmos, convulsiones, epilepsiam, stuporem, imaginationem depravatam, inducit; contractis subito vasculis minoribus humores versus vasa majore cogit, cor in palpitationem, pulmones in angorem conjicit, pallorem, frigus, congestiones, abortum, parit, evacuationes supprimit, subito necat.

543. Quocirca manifestum est, animi motus violentia, frequentia, duratione enormes, multo, quam corporis, gravius oeconomiam humanam affligere: nocere autem praeprimis, sicubi et immodicas mentis exercitationes comitantur (522.): posse tamen et plurimum prodesse, quum aegris accidunt; hinc medicamenti non minus, quam veneni, vim exferere: difficilium denique esse, quos creant foventve, morbos sanare, nisi animo in tranquillitatem restituto, hosque propterea heteroclitos aut malignos quandoque videri, cum, quae, subest, compressa mentis perturbatio latet, physiognomiam igitur Medico tum maxime conducere, ne frustra laboret.

Excessus somni ac vigiliarum.

544. VIGILANTI quae per functionum exercitationem de corporis cum materia, tum viribus, decedunt, non ita cibi potusque usu reparari queunt, ut non interposita etiam quiete opus sit. Inde naturalis somni necessitas et consentaneus sanitati modus.

545. Tametsi igitur et somni et vigiliarum, in longissimum tempus, sine inter-

terruptione, protractarum exempla prostant; uterque tamen excessus praeter naturam est, nec impune tolerabilis. Non durabilis vita est, quae alterna requie caret; nec nisi umbra vitae perpetuus somnus.

546. Facit nihilominus aetas, sexus, temperamentum, vitae genus, clima, tempestas, consuetudo, etc. multiplicem in his rebus inter homines discrepantiam; ut difficile sit, suam cuique mensuram per certa tempora definire. Oportet ideo, quae de excessuum noxis dicam, non nisi congrua limitatione ad singulos homines applicare.

547. In vigiliis nonnulla semper datur sensuum externorum, internotum, motuumque voluntariorum exercitatio, minor, major; expedita certe virium organorumque, quae his functionibus dicata sunt, ad agendum alacritas adest. Univerſa ergo mentis officina aut agit, aut saltem agere gestit. Contra somni tempore, quies horum omnium, relaxatio instrumentorum, virium torpor.

548. Quum vero post aliquanti temporis vigilias fano hebescant sensus, membra graventur, musculorum vis labascet, ipsa mens langueat, mutuique
cum

cum corpore commercii pertaesa somnum appetat; liquet, istud hominis systema non ita comparatum esse, ut perpetim vigere possit.

549. Vigilanti praeterea, ob continentes emporii animalis agitationes, reliquae etiam corporis partes stimulantur (179.), vires motrices quaecunque excitantur (507. 508. 525. 527. 537.). Unde circuitus sanguinis, attritus, calor, attenuatio humorum, mutatio, secretio, excretio, intenduntur, quae hoc incitamento destituta in dormiente imminuuntur.

550. Intelligitur inde, pervigilio noxas inferri organis sensoriis motoriisque, vires horum exhaustiri, stamina atteri, vibrationes in his cieri inordinatas, amente non regundas: unde series cogitationum male cohaerens, phantasia luxurians, impressio idearum non delenda, delirium, vertigo, cephalaea, agrypnia.

551. Auctiore insuper humorum motu (549.) subtilia dissipari, bilem acui, solida deteri, pingue consumi, adeoque corpus exsiccare, emaciari, bilem atram generari, haemorrhoides febres, delirium melancholicum, inquietudinem

U

per-

perpetuam, somni fugam induci. Haec vero prioribus (550.) juncta quam vehementer universam oeconomiam turbare possint, quisque videt.

552. Et magis quidem isthaec omnia (550. 551.) properantur augenturque, sicubi non interrupta facultatum mentis contentio, studia non variata, aut violentus animi motus, vigiliis accesserint. Laborem corporis nata ex lassitudine somnolentia tempestive satis utplurimum abrumpit.

553. Contraria igitur mala nimium dormientibus accidere debent. Universae functionum animalium officinae torpor, in hujus organis viribusque, quin et in ipsa mente, agendi defuetudo, ineptitudo; hinc omnium sensuum hebetatio, motuum inertia, ἀνασθησία. Ex lentore vero circulationis increcente obesitas, polychymia spissitudo humorum frigida, leucophlegmatia, capitis oppletio, effeminata carnum mollitudo, secretionum ac excretionum suspensio, excrementi accumulatio, defectus coctionis, depurationis, nutritionis, vigoris denique vitalis in universo corpore extinctio ac sopor lethalis.

554. Ex quibus (550. ad 553.) inter se collatis patet, praecipua, quae ex hoc fonte profluunt, mala ad exercitationes corporis animique nimias aut intermissas (501. ad 530.) pertinere, hinc pro varia similibum vel dissimilibum potentiarum compinatione plurimum intendi minuive posse. Tum cui aetati, sexui, temperamento, vitae generi, alteruter excessus magis aut minus noceat? Quodsi vero inter duo tantum extrema eligendi optio daretur, quodnam praeferendum?

Excretio ac Retentio inordinata.

555. Ur suus corpori vigor constet, egestorum non minus, quam ingestorum, certa quaedam ratio et modus esse debet, nec excerni retinenda, nec retineri excernenda. Utrumvis enim acciderit, id nocumento est.

556. Magna tamen pars eorum, quae hoc titulo comprehenduntur, naturam potius morbi aut symptomatis (34. 41. 86.) referunt. Quare hoc loco de illis duntaxat dicemus, quae causarum nomine venire possunt.

557. Salivae, uti secundum naturam jugiter in os confluit, exspuitio sano ho-

mini coctionem alimenti infirmat, exhauriendo una omnes liquores salivae similes, quos natura in primas vias convehit, ut has humectent inque ciborum digestionem adjuvent. Unde sitis, ficitas, chyli spissitudo, difficilior a fece separatio, absorptio minus prompta. Excipit haec defectus nutritionis, emaciation, debilitas. Sanguis autem sua lympham orbatus, concretus, atrabilarius, obstructions, melancholiam, hujusque sequelas parit.

558. Alvi suppressione diuturna ster-
cus accumulatum, exsuccum, durefcit,
aegre dein promovendum: intestinis
hinc distentis, ἐμφραξι imperviis, fibris
eorum infirmatis, vasis compressis, tu-
met venter, molestia nascitur hypochon-
driaca, pertinax alvi constipatio, hae-
morrhoides, capitis gravitas, dolor, ver-
tigo, angina, ophthalmia, vomitus, ileus,
putror fecis, aestus, febris, spasinus, in-
flammati intestinorum, etc. Haec qui-
dem in naturis debilioribus, quae pluri-
mum excrementi generant. Robustis
pauca, quam quotidie ex alimentis pa-
rant, fex etiam per multos dies retenta
non nocet.

559. Qui urgens lotium reprimunt, nisi invitis tandem effluit, vesica his ultra modum turgens hypogastrium acumbos, tumore, dolore, angit; cavitas vesicae immanis fit, fibrarum ejus atonia, sphincteris spasmus invincibilis, ischuria tarde aut nunquam sananda, *ῥῆξις* quandoque (203.4.), aut *κυστοκήλη* (238.), aut ex stagnantis urinae acrimonia inflammatio vesicae et gangraena. Haec mala topica. Accedunt ex impedita simul lotii secretionem feri urinosi in sanguine retentio, putrefactio, lymphae, et, qui ex hac fecernuntur, liquorum corruptio similis (313.): unde anxietas, sitis, nausea, vomitus; saliva, perspirabile, sudor, urinosa; tremor, vertigo, delirium, convulsio, lethargus, mors.

560. Perspiratio ultra, quam par est, aucta vires prostermit, animi deliquium, mortem subitanam (427. 4.) infert. Suppressa eadem siccatur integumenta ac rigefacit, vascula obstruit, humorum molem auget, gravitatem ad stateram et ad sensum, lassitudinem, anxietatem, animi torporem, congestiones in partibus, tumores, dolores, inflammationes creat; nisi nature benignum aliarum excretionum augmentum consequatur.

310 EXCRETIO AC RETENTIO

Accedens autem retenti excrementi acrimonia etiam febres, erysipelas, rheumatismus, arthritidem, inducit.

561. Sudatio nimia exsicca corpus, debilitat, subducta aqua humores cogit (282.), diathesin inflammatorum (397.), atrabilariam (284.365.), sanguini conciliat, cohaerentiam inter lympham et crassamentum infirmat (319.), alia excrementa inspissat, minui, immeabilia reddit, poris nimium patulis periculosam ad frigus sensilitatem parit. Haec quantum noxae inferre queant, ex locis citatis intelligitur. Sudor admissio frigore subito cohibitus similiter, ac suppressa perspiratio (560.), nocet. Sudandi autem consuetudo tempore in naturam conversa, si sponte aut arte abrumpitur, difficilima saepe mala producit.

562. Immoderata feminis profusio non solum utilissimi humoris iactura, sed ipso etiam motu convulsivo, quo emittitur, frequentius repetito, inprimis landit. Etenim summam voluptatem universalis excipit virium resolutio, quae crebro ferri nequit, quin enervet. Colatoria autem corporis quo magis emulgentur, eo plus humorum aliunde ad se tra-

trahunt, succisque sic ad genitalia derivatis reliquae partes depauperantur. Inde ex nimia venere lassitudo, debilitas, immobilitas, incesus delumbis, encephali dolores, calores, convulsiones, sensuum omnium, maxime visus, hebetude, caecitas, fatuitas, circulatio febrilis, exsiccatio, macies, tabes et pulmonica et dorsalis, effeminatio. Augentur haec mala atque insanabilia fiunt ob perpetuum in venerem pruritum, quem mens non minus, quam corpus, tandem contrahit, quoque efficitur, ut et dormientes obscura phantasmata exerceant, et in tentiginem pronae partes quavis occasione impetum concipiant, onerique et stimulo sit quaelibet exigua reparati spermatis copia, levissimo conatu, et vel sine hoc, de relaxatis oculis elapsura. Quocirca licet, quare adolescentiae florem adeo pessumdet iste excessus? Cur senibus tam pernicialis? Discrepant tamen hoc virium genere homines etiam ejusdem aetatis inter sese plurimum; aliis vel modica venere languentibus; aliis immoderatissima vix exhauriendis.

563. Abstinencia nimia rarius quidem obest; obesse tamen visa hominibus na-

tura falacibus, πολυστέρμοις, pollutione debilitante, gonorrhoea, oppletionē, tumore, dolore, inflammatione partium seminiferarum; stagnantis seminis inspissatione, corruptione; satyriasi, spasmis melancholia, mania venerea. Sexui sequiori ex hoc fonte, quandoque languor virium, fluor albus, chlorosis, malum hystericum, furor uterinus. Cohibita autem succi feminalis ad exitum concitati ejaculatio σπερματοκῆλην, κισσοκῆλην, scirrhum, cancerum testium, inducit.

564. Lactis *praeparatio et excretio* nutricis *alimento et viribus* major, subducto corpori nutrimento, *et remanentibus terrestribus, inertibus, acribus*, debilitatem, pallorem, maciem, circuitum vacillantem, febrim hecticam, tabem, fodores profusos, utero gravido abortum creat: frequentiore insuper uberum succtu etiam vis nervea labascit, irritabilitas (190), animi dejectio, deliquium, cordis palpitatione, vertigo, sensuum, maxime visus, teneritudo, hebetudo, spasmi histerici, nascuntur. *Praeclusa ad mammas via a spasmo per terrorem, aut alium animi affectum, perfrigerium, aliasue causas inducto, lymphatica materies, in vasorum sanguiferorum et lymphati-*

phaticorum systemate contenta, lac ulteriori praeparatione largiens, ad uterum, peritonaeum, omniaque inferni maxime abdominis viscera, per graviditatem, puerperium disposita, arcto ex parte cum mammis consensu gaudentia, ruit, stagnatione, febre, caet. acredinem induens variam, ut plurimum putrescentem, irritando, vellicando, grauando has partes laedit, febre inducta abdominalium viscerum corruptionem insignem, inflammationem, gangraenam, producit (331). Parati autem lactis suppressionem mammarum sequitur distensio, tumor, dolor, febris, inflammatio, suppuratio, scirrhus, aut impetu ad partes verso, cum quibus mammae consensum habent maximum, genitales internas et contiguas, partium gravatarum irritatio, inflammatio, febris cum impura colluie conjuncta ab humore per metastasin deposito. Quae puerpearum dicta febris, eadem cum priore, attamen originis aliquo modo diuersae, lacti aberranti ut plurimum debetur, ipso adeo abdominali humore, quem cadauera exhibuerunt, lac alcalescens, stagnatione, calore, putredine corruptum referente: subinde tamen aliis causis, lacte insonte. Qui enim lac semper in causa esse, ob secretionem ejus praepeditam, autumant, falli videntur, quum in quacumque febre intensiori intercepta aliquo modo lactis secretio sit. Insignis sane humorum

in utero et contiguīs partibus graviditatis tempore collectio, ob vasa etiam post puerperium humores copiosus aduehētia, partium atonia a dilatationis, contractionis, vexis, facile efficit, ut humores in his partibus colligantur aquosi, lymphatici, subinde etiam ex oleo animalis omenti, mesenterii, per febrem liquato, humoribus aliis remixto, lacti similes. Impetu autem aliorum verso, dolores rheumatici, humorum in partibus aliis congestiones, hatumque sequelae nascuntur; nisi mature salutaris per transpirationem, sudorem, urinas, alvum, lochia, menstrua, evacuatio supervenerit.

565. Nimiae sanguinis jacturae, per quascunque vias factae, consecutiones sunt inopia liquidi vitalis (393.), virium defectus, circulationis languor, caloris nativi extinctio, pallor, omnium actionum infirmatio, crudi, aquosi pallidi, mucosi, in humoribus accumulatio (283. 287. 354. 360. 363. 366.), solidorum debilitas (157.), cachexia, leucophlegmatia, hydrops. Contra haud minus periculosum est, sanguinis effluvium aut naturale, aut cui natura dudum adfuevit, supprimi. Etenim plerisque sanitatibus ad colligendum aliquod humorum superpondium inest pronitas, qua
cum

cum necessariae, tum tolerabiles, redduntur evacuationes, et, quod per has amissum est, continuo reparatur. Ita vel praeter necessitatem institutae sanguinis detractiones etiam in consuetudinem abeunt, nec intermitteri impune possunt (484.). Plethora inde multiplex (387.ad392.), universalis, particularis; vasorum distensio, circuitus suffocatio; varia naturae ad excernendum molimina, motus irregulares, spasmi, enormis humorum in partes singulares congestio (411.), inflammatio, error fluentium (399.), impactorum (400.), excretorum (401.), effusorum (402.403.), secretorum (405.); praecipue autem mirabiles per insolita loca haemorrhagiae.

De Calculi origine et nocumentis.

566. RETENTORVM classi haud incongrue calculum anumerare licet; tametsi nec male aliorum referri soleat. Habet enim pro basi terram, cujus uti plurimum in fluidis firmisque partibus corporis humani (137.), inque alimentis (148.), quibus vescimur, inest; ita quod superfluum est, lege sanitatis tempestive foras ejici una cum ceteris excrementis debet.

Ter-

Terra igitur retenta, stagnans, si secessione ab aliis principiis facta (320.), suas moleculas adunaverit, in calculum concrefcere potest.

567. Medica quidem hiftoria docet, vix ullam corporis partem dari, quae non aliquando huic concretioni obnoxia fiat; maxime tamen primas, quas vocant, vias, et, quae tum bili, lotio, deftinatae funt, officinas, cum primis viis proxime communicantes. Dixeris ideo, humores, qui crudorum permixtioni prae reliquis patent, praecipue lithiafin contrahere.

568. Terreftrcs ingefforum particulae, acido praeprimis infixio ftipticae, in ventriculo aut inteflinis retentae, folidum aliquod corpusculum ibidem pro bafi naetae, cui adhaerefccere queant, fuccis eo confluentibus glutinatae, volutatione jugi addenfatae, calculum in his partibus formant augentque aegre excutiendum, homini tamen, quam brutis, minus familiarem. Documente funt aegagropilae et lapides Bezoar.

569. Lotium coctum faniffimum, limpidum, etiam per bibulam colatum, in vafe quiefcens, ad contiguam hujus fuperficiem affigit minima granula, quibus

bus dum ex recente lotio, subinde infuso, alia atque alia accedunt, crusta tandem nascitur ex veris calculi elementis composita.

570. Corpus solidum, insolubile, cavo vesicae urinae vivi hominis, aut animalis, detentum, cito obducitur crusta simili, quae indies augefcit; etiamsi vitio careat urina. Crescit eodem modo semel in viis urinae natus calculus, restitansque immeabilis redditur.

571. Inde et quivis fere calculus in centro nucleum monstrat, primae crustae basin, quam orbes alii aliis appositi, externi internis majores, ambiunt, incrementi paulatim facti indices.

572. Analyfi Chemica tamen constat, non meram terram esse, quae sic coit; sed aquae etiam, salis ac phlogisto aliquid, et materiae elasticae plurimum accedere, mixtione simili, qualis in firma corporis compage obtinet (132. 133. 146.). Accuratioꝝ calculi recentis contemplatio quoque detegit, crustas ex micis componi, quae salinum crystallos referunt. Extimae certe superficiei quandoque distinctae ac grandiores id genus massulae insident.

573. Ex quibus (569. ad 573.) colligere est, elementa calculi, ut sales in aqua, vere soluta in lotio sano fluctuare, inde per modum crystallisationis chemicae excuti, mutua attractione in granula majora, et haec porro inter sese, con-
 crescere, obviisque corporibus sese affigere, sic repetito saepius eodem opere crustas calculumque urinae formari, tam intra, quam extra hominem. Illustrat hanc lithogenesin confirmatque generatio tartari ex vino, stalactitae ac tphi ex aquis.

574. Nec contra facit, quod materies, prius aqua soluta, post excussionem aqua insolubilis sit, nec, pro natura salium, sapida. Historia naturalis et Chemia id genus exemplis abundant.

575. Quocirca et ratio reddi potest, cur vita sedendaria, diuturnus in dorsum decubitus, temperamentum frigidius, immanis aqualiculi pinguitudo, varia systematis urinarii vitia, obstructio, inflammatio, ulcus, scirrhus, callus, occurfus corporum heterogeneorum in viis urophoris, adeo faveant calculi generationi? Ponunt haec omnia conditiones, quibus excussio salium quorumvis ex suis muriis promovetur.

576. Nequaquam igitur hic opus est fermentatione, putrefactione, spiritu Gorgoneo, clavulis ferreis, mucro glutinante, aut spiculis alcalinis, volatilibus, quae terram ferruminent. Fingi haec facilius, quam demonstrari, queunt.

577. Agnoscenda tamen insuper est dispositio quaedam singularis, interna, haereditaria, connata, aut post nativitatem acquisita, qua, ceteris paribus, alius prae alio magis in lithiasin propendeat. Solida quidem systematis urinarii sic comparata, ut lotium nimis morentur, aut adhaesionem justo facilius admittant, eo conferre possunt. Maxime vero incusandum videtur illud urinae vitium, quo terreae ejus particulae ultra modum abundant, aut citius, quam par est, etiamnum intra corpus secessionem moliuntur (371.). Inde minguntur arenulae, aut majore numero, citiusque a mictione, excutiuntur; nisi intus adhaerendi opportunitatem nactae in calculum concrecant.

578. Quum igitur observatio doceat, pueros, senes, quiescentes, frigidos, acidis aut acescentibus cibis, vinis austerris utentes, acido laborantes, hypochondriacos, hystericas, arthriticos, prae aliis
fre-

frequentius calculo infestari; credibile est, materiae acido-terrae in urinis exsuperantiam eo disponere. Nec sane refragatur huic sententiae natura lithon-thripticorum; nec, quae de acidis in terram apsorptis Chemia demonstrat.

579. Calculi fellei, etsi diversum paulo ingenium est, origo tamen haud absimilis censetur. Ponit fere certam bilis a naturali sua indole degeneracionem; ut quae sana nequaquam, lotii instar (569.), terram excutiat. Inde differentia multiplex colorum, flavi, viridis, lividi, atri, albi, cineri (372.), et vis ardendi non omnibus eadem, et diversa gravitas. Solvuntur et alii aqua calida pro magna parte, alii non item. Nec satis constat, utrum ab ipsa bile semper atque unice materiem suam habeant; licet in hujus officina inveniantur. Alimento ceterum sicciori ac vitae desidi concretio ista praecipue debetur; quum crassamentum fellis, quod alvo excerni fas est, retinetur.

580. Quae porro in aliis succis partibusque corporis nascuntur, varii generis concrementa lapidea (567.), ex his (568. ad 579.) rite applicatis haud difficulter intelligi et exponi possunt.

581. Quaecunque autem corporis parte haereant, facultas nociva, qua laedunt, mere mechanica est, effectusque producit admodum manifestos. Mole nimirum, pondere, duritie, premunt vicina, gravant, comprimunt, canales obstruunt: unde humorum transitus interceptitur, circulatio, secretio, excretio turbatur, impeditur. Motus, allisio, frictio, atterunt, irritant tenera solida, alliciunt humores, lacerant vasa: sic dolor, calor, inflammatio, suppuratio, gangraena, callus, nascuntur. Continuum verò calculi, dum in corpore manet, incrementum etiam haec mala adauget. Quae quidem si ad singulas partes, harumque functiones, et mutuos consensus applicantur, plurimarum sane magni momenti affectionum originem promunt:

Potentiae morbificae animatae.

582. ANIMALIS vitae plena omnia. Aër, aqua, tellus, communia naturae habitacula, animantibus undique scatent. Stupendus praesertim minutiorum animalculorum numerus est, et vis sese multiplicandi fere tanto major, quanto

minoribus sunt corpusculis. Accedit eorumdem summa voracitas ac mirabilis, cum in pabulo conquiendo, tum in nidulando, sagacitas et industria. Unde fit, ut non in omne modo vegetantium genus grassentur, sed vel majora quoque animalia in escam nidosque convertant, horumque adversus robur sua se parvitate ac numero tueantur.

583. Multifaria igitur occasio est, qua et homini ab istis hostibus inferri injuria possit; nisi forte admissi in tempore suffocentur, rejiciantur. Patet extima superficies, cui se affigant, porisque cutis, aut inflicti vulnuscule, se suave ovula insinuent. Nec desunt meatus externi, quos subeundo in interiora deveniant. Aëris potissimum, cibi, potus, vehiculo in primae digestionis officinam facile invadunt.

584. Practicorum ideo observatis et compertum est, multiplex animantium genus quandoque in homine et extra et intus nidulari, neque ullam corporis partem, externam aut internam, plane ab isto onere immunem esse; ita tamen, ut quarum facilior est a foris aditus, prae ceteris frequentius obsideantur.

585. De illis quidem animalculis, quae extra hominem etiam obvia sunt, sicubi in homine reperiuntur, vix cuiquam dubium est, quin extrinsecus eo devenerint, sive jamjam evoluta. sive in semine suo etiamnum latentia, quod congruas intus condiciones nactum, sui generis animal demum excluserit.

586. An autem lumbricorum intestinalium, teretis, plani, ascaridis, alia quaeri debet origo? Quia proprii velut et domestici sunt animalium, ac praecipue hominum, intestinis, raroque, aut nunquam, alibi inveniuntur. An aequivocam ex putredine nativitatem habent? An spiritus mundi arbitrariae facultati debentur? An potius humano generi inde a primo ortu congeniti per traducem veluti in eodem propagantur? Utrum vero ex semine quidem nascuntur, at non suo, aut ex insectis alienigenis, quae intra corpus humanum recepta, ob pabuli aliarumque conditionum diversitatem, in aliam speciem degenerant? Nimis haec omnia repugnant communibus generationis legibus, quas observatio fidelis in minimis aequae ac maximis animalibus detexit, quam ut admitti queant.

587. Quum itaque suum et genus et speciem tueantur isti vermes; primasque modo vias (583.) obsideant; et pro aetate, sexu, temperie, vitae genere, aëre, cibo, potu, regione, anni tempore, etc. diversis, alios prae aliis magis, minus, aut et nunquam infestent; neque tamen et singulos iidem, sed hos teres, illos ascaris, alios iterum taenia: suadet profecto analogia, eosdem quoque a foris in hominem deferri (583.), et consimilem prioribus (585.) ortum habere, seseque intus more ceterorum animalium multiplicare; nisi validis naturae viribus superentur. Quanquam vero et haec sententia suis vexatur dubiis, quae expediri aegre queant; non sunt tamen ista tanti momenti, ut non sperare liceat, ulteriore scrutinio tandem ad liquidum perductum iri. Quod ipsa natura dictavit, systema non ilico turbandum, si qua forsan parte ob cognitionis humanae angustiam hiat.

587. *Tantum vero lucis doctrinae de vermium generatione adjungere erecentioribus Cl. viri, MÜLLERUS, PALLAS, GÖTZIUS, BLOCHIUS, LESKE, ut quae minus expedita et vix extricanda olim medicis visa erant (586. 587.), nunc solertissima et fidissima observua-*

seruatione extra omne paene dubium posita videantur. Etsi enim vermes sine dubio dantur insectaque alia, quae extrinsecus in corpus perueniunt, acari, laruae insectorum complurium in varias animalium partes depositae, terreni et aquatici vermes varii, qui noxas quidem corpori inducere et vitam aliquatenus in eo agere, attamen multiplicari nequeunt, intestinales tamen vermes omnes et taenias hydatigenas in qualicunque corporis parte sedem habentes, animalibus connatos esse, in animali corpore tantum posse viuere et sobolem sui generis procreare, probant verues ejusdem generis et speciei tantum in animali corpore certi generis et speciei, nec ullo alio loco reperiundi, eorundem non adeo rara in foetu tam nondum edito, quam recenter enixo, praesentia, vermes in quacunque interna corporis parte obuii, pluribus animalium speciebus propria vermium species tantum data, accommodatam illis structuram habens ouulorum copia infinita, caet. Quibus accedit, quod in animali tantum corpore crescant vegeti, quod digestivae vires, durissimis etiam solvendis, digerendis, pares, in eos non valeant, quod non semper morbos inducant, neque ex uno animalis genere in aliud propagari patiantur. Indeque, obscuris licet adhuc primis vermium seminiis existentibus, aliis quippe cum embryone nasci, aliis a matre ad foetum defer-

riputantibus, hoc saltem conficitur, quod verminosum seminium nuspiam, nisi in corpore animalis reperiatur, ibidem tantum euoluatur, nec quod vermis ex alio animalium genere aut specie in aliud transiens ibidem vitam agere aut multiplicari possit. hinc opinionem de vermium seminiis aut vermibus ipsis cum aqua haustis, aut alio modo, cum aere, caet. in corpus illatis ibidemque euolutis, multiplicatis, penitus cadere.

588. Sanitas quidem id contubernium saepe haud aegre fert. Nec raro tamen multimodis inde laeditur; maxime ubi interiora occupantur. Primis hinc viis a mole, numero, conglomeratione vermium, gravitas, infarctus, obstructio, ileus: a motu, reptatu, fuctu, irritamenta nervorum, nausea, vomitus, singultus, anxietas, motus ventriculi et intestinorum inordinati, spasmi, ructus, flatus, borborygmi, dolores ventris varii, tumores, alimenti coctio perturbata, chyli absorptio impedita, alvus irregularis, alias stricta, alias laxa: quandoque et rosio accedens excoriat, inflammat, exul erat, perforat: ex consumptione chyli esuries, bulimus: ovula vermium, recrementa, cadavera, mucum naturalem inviscant, accumulunt, menstrua primae digestionis inspissant, corrumpunt, ac fecem
fece

fece acervando putrorem late diffundunt. Haec quidem topica sunt mala.

598. Facit autem multiplex hujus officinae cum universo corpore consensus, ut et reliquae partes una afficiantur. Et enim subtractio nutrimenti maciem, pallorem, debilitatem, atrophiam creat: chyli nec rite cocti, nec defecati, alienis etiam intermistis corrupti, vitium, in secundas vias delatum, in cacochymiam et cachexiam degenerat. Irritatio denique, per instrumenta motus ac sensus, horumque vires, quaquaversum sese extendens, omne genus affectionum spasmodicarum inferre potest. Hinc circuitus humorum turbatus, cordis palpitatio, pulsus exilis, deficiens, intermittens, animi deliquium, horripilatio, febris, dolores varii, vertigo, caecites, aurium tinnitus, insomnia turbulenta, terrores, deliria, aphonia, paralyxis, catalepsis, apoplexia, tetanus, motus convulsivi praesertim, atque insultus epileptici omni modo mirabiles.

590. Ex his (588. 589.) porro sponte innotescit, quaenam nasci mala possint, quum in aliis corporis vivi partibus, externis vel internis (534.), aliquod animantium genus nidulatur.

*De ceteris, quae forinsecus ad-
mota obsunt.*

591. MULTA insuper casu, vel consilio, corpori externe admoventur, aut in illud incursant, quae, prioribus titulis non comprehensa, praeteriri tamen nequaquam debent: quia in producendis morbis plurimum valent.

592. Vestimenta, quae consuetudo magis, quam natura, homini necessaria fecit, mole, pondere, adstrictione, quas ambiunt, partes premunt, vasa arctant, appulsis humoribus resistunt, contentos repellunt, solidorum fibras inter se compingunt. Quae quidem si moderata fuerint, sanum robur, vigorem circuitus vitalis, mutuam continentium et contentorum actionem, attritum, calorem nativum, augent, (433. 434.), tegumenta, nervos, fibras, musculos, fultura juvant, debilibus hinc saluberrima. Excedens autem pressio, ut vario est gradu, mala plurima ac diversissima inducit. Humoribus inde diathesis inflammatoria (367.), putredo (313.); reclusus per venas, influxus per arterias impeditus; virtutis nerveae interceptio; nutrimenti, hinc nutritionis ac incrementi aequabilis defe-

defectus; materiae solidorum degeneratio; coalitus eorundem multiplex (209. 6.). Haec dum pressioni expositae partes patiuntur, contraria in reliquis eveniunt; humorum affluxus, accumulatio, impetus major, canalium distensio, ἀνατέμνωσις, διαπύδνσις, διάλυσις (203.), omnifariae fluidorum aberrationes (397. et seq.), incrementum nimium (261.), tumores varii, proportionis ac aequilibrii inter partes, vires, actiones, destructio, etc. Inde anxietas, dolor, oedema, inflammatio, gangraena, stupor, paralyxis, apoplexia, haemoptoë, mictus cruentus, abortus, varia conformationis, situs, nexus, vitia, in teneris praesertim ac debilibus corporibus nascuntur.

593. Eadem, atmosphaeram inter et cutim media, hujus calore fota, illius frigus arcent, calorem extremi corporis augent, molliunt partes calefactas, humores eo trahunt, ab aliis partibus abstrahunt. Quo nomine ut saepe multum juvant, ita alias et vehementer nocent (424. 425.). Interest tamen, utrum linea, xylina, coriacea, serica, lanea, plumea, pilosa materies sit, ex qua constant, neque enim in omnibus par caloris tenacitas datur.

594. Combibunt etiam humidum retinentque plus, minus; magis quidem, si de animali parata sunt, quam de vegetabili materie. Ita diversimode in vascula cutanea agunt, suctuque aut repulso excretionem ac absorptionem cutaneam multimodis, nec semper innocue, variant, augent, impediunt. Eo quoque haud parum frequentior aut intermissa vestium mutatio facit.

595. Ex his (592. ad 594.) collatis ad (428. 445.) intelligere est, cur intempestiva hyberni aut aestivi vestitus mutatio, subitave partium tectarum denudatio, aut neglecta tegumenti ad aëris vicissitudines accommodatio, tot et tam gravia saepe mala, insuetis praesertim, inducant? Et quid efficere stragula, culcitrae, fasciae, cingula, ligationes, etc. possint?

596. Epithemata liquida, mollia, solida, quae corporis partibus multoties, non sine fructu, superdantur, quandoque tamen et nocent frigore, calore, pressione, humiditate, siccitate, singulari materiae suae virtute, penetrabilitate, applicandi modo ac tempore, partiumque, quibus imponuntur, diversa constitutione. Balneorum vires agendi pari ratione eruuntur.

597. Pinguia autem vario nomine forinsecus admota, aut illita, obesse insuper possunt emolliendo, transpirationem occlusis poris supprimendo, tum, sicubi acria simul fuerint, irritando, humoresque alliciendo. Unde dolor, febris, inflammatio, erysipelas, pustulae, etc. Nec obstat lentor, quo minus absorpta introeant, stimuloque late diffuso proprias sibi vires per universum corpus, aut in partibus longe diffitis, effectum multum variante exferant, aegrius denovo extergenda.

598. Quaecunque porro impetu acta a foris in corpus incurfant, hujusve motui rudius resistunt, actione mechanica cohaesionem, situm, nexum partium turbando, morbos creare solent, maxime instrumentarios (212.), fracturas (217.), vulnera (218.), luxationes (226.), hernias (230.), prolapsus (248.), vitia numeri (258.), conformationis (259.), magnitudinis (260.), multiplicesque istorum consecutionis. Moles itaque adacti corporis, pondus, figura, celeritas, directio, comparata cum partis affectae cohaesione, fabrica, positione, etc. modum gradumque laesionis determinant.

599. Huc etiam referri possunt injuriae, quas impedimenta in partu, imprudens obstetricatio, nutricis custodisve ruditas ac negligentia, premendo, dra- hendo, distorquendo, quassando, saucian- do, infanti inferunt, eo deteriores, quo tenellum corpusculum minus est resisten- do. Nec foetus etiam uterinus ab id genus violentiis plane immunis est.

600. Neque tamen hinc intellexeris, quae gravidarum phantasiae vulgo tribui solet, multipotentem in corpore foetus mutando efficacitatem: uti nec, quae de incantamentis perhibetur, vim morbi- feram. An igitur utriusque eadem est ratio? An et aequa fides?

601. Ignis quam vi majore, quam quae ferri queat, in partem corporis agit, motu vehementiore, expansione, effu- sione, dissipatione, exsiccatione humo- rum, fibrarum vasculorumque crispatio- ne, ruptura, omnium in escharam infor- men colliquatione, singulos inflamma- tionis gradus ad saevissimum usque spha- celum celerrime producere potest.

602. Subeunt quandoque et res alie- nae, solidae, ad interiora corporis, quae cum nec digeri a natura possint, nec com- mode permeare, aut rursus ejici, ocyus, serius,

ferius, nocivae redduntur. Hujusmodi sunt ossa, lapilli, acus, festucae, clavi, glandes, fragmenta metallica, vitrea, pili, ossae lgrandiores, et similia, quae alias per meatus naturales, foris patentes, alias per vulnera, intro deveniunt.

603. Laedunt haec mole sua, pondere, duritie, figura, motu, obstruendo, gravitando, comprimendo, irritando, atterendo, vulnerando. Quodsi vero ejus naturae sunt, ut, quibus alluuntur, humoribus solvi possint, latius etiam sese diffundere ac vi singulari nocere solent. Nec rarum est terrea, mucosa, amurcosa, coagula, iis adhaerescere, sic varii generis concrementa nasci (568. 570. 571.).

604. Pro partium igitur, quas occupant, diversitate omnifarios effectus producere debent. In adipem per vulnus demersa, per annos saepe innocua, varie mutata sede, aut foras demum protruduntur, aut irritando inflammant, exulcerant, aut improvise haemorrhagias intus, convulsiones, paralytes, subitam mortem inferunt. Laryngi impacta, altiusve in tracheam detrusa, repente suffocant, aut violenta tussi, inflammatio, exulceratione, tabe, paullatim necant. Deglutita, dum in faecibus, oeso-

oesophago, stomacho, pyloro, intestinis, haerent, obstructione, inflammatione, perforatione, ulcere, calculi generatione (568.), diversimode hanc officinam turbant. Utrum et ex primis viis nonnunquam in vesicam urinariam deferuntur, et qua via? Quaecunque alicubi detenta lotio alluuntur, crustas calculosas mora contrahunt (570.). Nec obscurum est, quid mali in nares, oculos, aures, immissa creare debeant.

605. Et haec quidem praecipuae sunt, inter quas corpus humanum versatur, potentiae nocentes. Uti vero multae laedenti facultate inter sese conspirant, multae contra pugnant; ita, quas inducere valent, noxas pro varia similium vel dissimilium concursione intendi aut mitigari ac destrui necessum est.

De Seminiis morborum (75.)

606. SEMINIA morborum non minus, quam potentias nocentes, multifariam inter se discrepare, docet, quae has inter et illa requiritur, mutua affinitas (75. 78.), magnusque numerus morborum, quos vi unita producunt (120. ad 418.). Merentur ideo speciatim hoc loco etiam considerari (79.).

607. Infunt in homine secundum naturam quamplurimae affectiones, ipsis vitae ac sanitatis principiis necessario innexae, quibus fit, ut corpus humanum non quarumvis potentiarum impressioni resistere, eoque nomine etiam naturaliter ad morbos dispositum dici queat. Haec igitur naturalia vocabo morborum seminia.

608. Quorum quidem alia ubique et semper in omni homine obtinent, ideoque universo generi humano communia ac perpetua sunt; alia vero propria, quae in singulis tantum inveniuntur, nec in iisdem omni tempore, aut eodem constanter modo.

*Semina morborum naturalia,
communia.*

609. COMMUNIUM praecipua haec sunt. Firmarum C. H. partium cohaesio nexusque haud insuperabilis; succorum multitudo et crasis facile mutabilis; canalium numerus, mollitudo, subtilitas, implicatio; superficies meatibus undique patens; principium vitae valde sensibile (171.), fugax (187.); functionum omnium ac singularum generale fundamentum

tum in motibus harmonicis positum; mirabilis universae tum compagis, tum oeconomiae, consensus ac conspiratio; mutui denique mentem inter et corpus commercii leges statuae, nec pro lubitu variandae.

610. Naturam hominis ita comparatam qui confert multiplicibus potentiarum, quibus per vitae munia exponitur, viribus (419. ad 605.), is facile videt, non imparem modo esse quibusvis noxis repellendis, sed prouam quoque in nonnullas ruere.

*Semina morborum naturalia,
propria.*

611. LATITUDO sanitatis uti multam admittit differentiam; ita, quod quisque sanus sibi ex naturae instituto primum habet, quo fit, ut magis, quam alii, ad aliquos morbos proclivis sit, horumque idcirco occasionibus minus resistere queat, inter seminia haud inepte referre licebit (75.).

612. Quae vitae humanae periodum variant, aetates hujus loci sunt. Nasitur, crescit, perstat, decrescit, moritur homo ex lege naturae. Cuique horum sta-

statuum sua quidem propria est sanitas: ad partium, facultatum propensionumque cum animi, tum corporis, magna in singulis discrepantia. Ex hac igitur et diatheses profluere debent, quae quamlibet aetatem in alios morbos proclivem reddant.

613. In sexu haud minor dissimilitudo est; sive, quas privas sibi et mas et femina habent, partes spectes, seu reliqui etiam corporis habitudinem, aut universam oeconomiam. Inde uti alia est maris, alia feminae sanitas, ita et cuique sui sunt, in quos per sexum magis inclinat, morbi, masculini, feminini. Posteriorum praecipue tanto major numerus est, quo plura sexui sequiori munia incumbunt; ut merito uterus sexcentarum in muliere aerumnarum auctor dicatur.

614. Temperamentum ponit singularem C.H. sani in solidis succisque suis diathesin ac proportionem, viriumque motricium gradum, unde singularis profuit functionum tenor, qui dum sanitatis modum non excedit, in diversimode semperatis tamen longe diversus est. Multiplex haec discrepantia uti totidem deflectiones ab una sanitate, perfectissi-

Y

ma,

ma, indicat, ita haud pauciores ad statum morbosum appropinquationes. Ex quo consequitur, ut quaeque temperies in illud morbi genus, quod proxime contingit, propendeat, huiusque ideo seminum continere haud immerito dici possit.

615. Eadem ratio est *ἰδιοσυμμερίας* ac privatae partium singularum habitudinis, qua hae a generali corporis sui temperatura abludunt, discrimine ut plurimum vix, nisi per effectus quosdam, observabili, nec et oeconomiam in ceteris admodum turbante. Mirabilis hinc saepe oritur sensibilitas, qua potestates rerum, quas alii facile ferunt, e millibus uni fiunt nocentissimae.

616. Istorum vero seminiorum (611. ad 615.) pars praecipua sedem videtur habere in principio vitali (170.), quod, cum per universum corpus late diffusum sit (175.), amploque polleat consensu (178. 179.), et multum de quaque functione sibi vindicet (180.), si quo gradu, in homine ceterum sano, agilius aut torpidius fuerit, potentias nocentes in morborum generatione plurimum adjuvare posse indubium est (195. 199.). Atqui sanitas multifariam admittit virtutis vitalis

talis tam in corpore toto, quam in singulis partibus discrepantiam (176. 177.).

*Morborum Seminia, quae sunt
praeter naturam.*

617. INGENS praeterea numerus est eorum, quae sive congenita, seu post nativitatem contracta, praeter naturam corpori ita insident, ut, quum ipsa morbosa sint, etiam per potentias nocentes concitata alios insuper excludere morbos queant, merito hinc feminiis anumeranda.

618. Primum quidem huc referantur affectiones occultae, quae, etsi nihil admodum vitiosi in ulla corporis parte aut facultate prodant; neque etiam ad naturalia seminia, communia (609.), aut propria (611. ad 616.), pertineant; nihilominus, data occasione, in manifestos erumpendo morbos, vires suas noxias declarant. Istiusmodi videntur diatheses haereditariae, tum et in utero materno aut ex nutricis lacte prognatae, quae, seminum similes, per annos saepe, absque sensibili labe aut functionum laesione, sobitae latent: at suo demum tempore, faventes natae conditiones, in analogam sibi morborum speciem ef-

florescunt. Morbosae igitur habendae sunt; quum generalibus sanitatis differentiis (611.) non comprehendantur: quanquam cujus generis alienatio a statu naturali singulis subsit, haud satis constat. Morborum, qui per accessiones et intermissiones circuitum faciunt, eadem forte ratio est.

619. Alterum genus est affectionum mediarum, quae reapse quidem praeter naturam sunt, talesque se per sua signa produnt; nec tamen ita graves, ut vulgo pro morbis habeantur (123.); quum functiones haud turbent (38.). Quandoque igitur diu absque noxa feruntur, ac tantisper a pathologis ad morborum causas potius relegantur (58. 123. 124.); dum proprio incremento auctae, aut accessione aliorum vel feminiorum, vel potentiarum, adjunctae, veros demum ac palam agnitos morbos pariant.

620. Morbi itaque simpliciores, supra enumerati (125. et seq.), ad hunc locum pertinent omnes et singuli, quotquot aut propriis viribus, aut complicatione cum aliis, nondum eo magnitudinis creverunt, ut sanitatis munia manifeste perturbent: at qui proclivem modo ad aegrotandum reddunt hominem. Cujus-
mo-

modi sunt solidorum debilitas et rigiditas (157. 164.), irritabilitas et torpor (190. 196.), nonnulli cavorum morbi (202.), ut et instrumentarii (213.); potissimum vero vitia fluidorum, cum absoluta (269. ad 302.), tum relativa (283. ad 412.). Totidem haec seminia sunt, quae ocyus, serius, data occasione, sui generis morbos excludere valent: prout locis citatis est videre. Nec sane plethora et cacochymia hunc fontem penitus exhauriunt.

621. Tertium genus est vitiorum manifestorum, quae uti morbos effectibus palam sese declarant, ita vel sponte, vel aliarum potestatum concursione, in morbos alios, specie diversos, degenerare queunt, nequaquam cum symptomatibus confundendos (97. 105). Eo igitur nomine seminiis omnino annumerari debent, quod proclivitatem ad sui generis affectus ponant; tametsi ipsa nec immerito inter morbos referuntur. Naturae simpliciorum morborum, ante (150. ad 412.) expositae, id per effectus suos abunde ostendunt; quum ex plerisque sibi permissis alii atque alii scaturire soleant. Intelliguntur hinc morborum metaschematismi exitusque in alios morbos.

bos. Nec sane minima haec pars est eorum, quae ad diagnosin ac prognosin in praxi rite instruendam requiruntur.

622. Quocirca patet, feminiorum multa, quae praeter naturam sunt, in hominem invehiri actione potentiarum nocentium, adeoque ut harum effectus, supra (419. ad 605.) ordine iam enumerata esse, eandemque rem, ut diversimode spectatur, potentia nocentis, feminii, aut morbi loco haberi posse.

De differenti causarum morbificarum constitutione.

623. Ita demum perspicere datur, quam multiplici modo verae morborum causae (62.) constituentur. Tametsi enim hoc commune omnibus est, nasci ex potentiis nocentibus et feminiiis inter se concurrentibus (77.); haec ipsa tamen principia multum diversae sunt originis, nec eadem semper ratione alia aliis sese adiungunt.

624. Primum quidem potentiarum nocentium multae sunt tanta vi praeditae, ut non nisi feminio naturali, communi (609.), aut proprio (611.), opus habeant ad causam morbi constituentem,

dam, hinc vel sanissimos ceterum statim in morbum conjiciant. Mechanicae potestates (598.), ignis (601.), venena (586.) et plura alia hujus loci sunt.

625. Quodsi feminia, quae praeter naturam sunt (617.), intus alit homo, res non naturales, etiam innoxiae, cum his in morbi causam concreescere valent; ut adeo tum praecipua morbi pars feminio potius, quam potentiae nocenti, adtribuenda videatur.

626. Quum vero potentiae nocentes etiam feminia morbose creare soleant (622.), quae nata, dein cum illis rursus concurrento, in morbos tandem abeant; manifestum est, easdem solas, continuata diu actione, quidquid ad morbum constituendum requiritur, inducere posse, nullo licet feminali vitio praegresso. Incongruus rerum non naturalium usus vel perfectissimas sanitates ita haud raro pessumdat.

627. Quandoque feminiis morbofis accedere debet naturale feminium, proprium (611.) quo maturescant veluti, atque apta reddantur ad generandum morbum, si potentia nocens supervenerit. Docent feminia haereditaria, quae una cum homine ad certam usque

aetatem adolefcunt, priusquam feſe explicent.

628. Morborum, qui ex aliis morbis, tanquam ex ſeminiis ſuis (621.), naſcuntur, multiplex origo eſt. Etenim alias morbus primarius, ſibi permiſſus, vi ſua in aliud genus ſeſe convertit, ſingulari hominis, partisve, quam occupat, conſtitutione adjutus. Alias naturae hoc opus eſt, cujus dum motus (98. et ſeq.) morbo ſuperveniunt, hunc mutari oportet. Nonnunquam congrua vel incongrua medicatio, rerumve non naturalium caſu aut conſilio accedens poteſtas mutationem inducit. Morbi quoque materies, bene vel male e ſede ſua in alias delata partes, pro harum diverſitate morbum variare poteſt. Quandoque ſymptomata ſunt potentiae nocentes, quae morbum morbo aggravant (97. 105. 109.). Nec raro quod de morbo utcunque ſanato reliquum eſt, ſeu materies fuerit, ſeu vitium ſolidis fluidisve illatum, ſeu virium motricium labes aliqua, ſeminiū ponit, quod neglectum levi occaſione denuo in morbum prorumpat. Conſenſus etiam atque conſpiratio (609.) facit, ut, malo in alias atque alias partes diſfuſo, ex morbis morbi oriantur.

629. Pro multitudine autem feminiorum, quae in homine insunt, crescit et numerus potentiarum nocentium, et morborum possibilium occasiones multiplicantur, augeturque adeo proclivitas ad aegrotandum. Quum igitur a seminis naturalibus, tum communibus (609.), tum propriis (611.), nemo immunis sit; natura illi quidem ad morbos pronissimi prae ceteris esse debent, qui et priorum multa ac gravia habent, et morbosus insuper cujusvis generis (617. ad 621.) laborant. Unde patet, quatenam sit constitutio debilis, quae robusta, qui status valedudinarius, quatenam debilitas partis singularis? Cur debiles, exacto rerum non naturalium regimini addicti, saepe minus aegrotent, diutiusque sani vivant, quam robusti excessibus quotidianis impliciti? Dissolutam juventutem haud raro senectus manet miserabilis; et contra.

630. Liquet porro, quam utilis haec doctrina sit Medico, rationalem artem profitenti, ad ea, quae morbum praesentem faciunt, recte cognoscenda. Qualiscunque ille fuerit, simplex, an compositus; origo certe ac natura ejus vix rite intelligitur, nisi constiterit, ex quibusnam tum potentiis, tum seminis, inter

se conjunctis profluxerit. Et quanquam feminiorem consideratio non in omnibus aequae momentosa videri possit, est tamen in plurimis; eoque magis, quum non diatheses adeo mere passivae, quae potentiarum actionem modo excipiant, huc referantur; sed vel maxime activae, quarum vires, a potentiis nocentibus tantum excitatae, his ipsis saepe longe validiores, totum quandoque morbum, aut potiore certe ejus partem, sibi solis vindicant (51. 99. 102.). Quin minus etiam a Practicis praeteriri debent, ut qui inter morbos singularium hominum versantur.

631. Medicum igitur aegri examen, quo vera causae morbi cognitio nititur (72.), non classes modo singulas rerum non naturalium, vitaeque ante actae rationem, complecti debet; sed et universam hominis constitutionem, quaeque in hac cum communia, tum propria, et quae secundum aut praeter naturam, insunt. Ita nimirum utrumque genus principiorum, quibus morbus efficitur (630.), sese demum manifestat. Quodsi vero alterutrum forte ex se lateat, detegi id tamen quandoque potest alterius noti principii comparatione ad morbum, per
suos

suos effectus cognitum (45.117.), facta Potentia nocens saepe feminium, aut hoc vicissim illam, sic prodit.

632. Atque hac demum methodo etiam felicissime invenitur eorum, quae Practico agenda sunt, ratio modusque, cum in prophylaxi sanorum, tum in aegrotantium curationibus. Intuta sanitas est, cui non cavetur, ne aut succrescant feminia, aut nata sese explicent. Nec morbus plane tollitur, nisi sublata universa complexione conditionum, quibus fovetur: quod cum in morbis multum complicatis, aut inveteratis, rarissime simul obtineri possit, aliarum post alias correctio suscipi debet; ut minutatim deteratur, quae uno impetu ejici nequit, causa mali. Si quae porro morbofa feminia supersunt, quae tollere nefas, sopire tamen et haec averfis nocentibus potentis (59.77.). licet

Vires Naturae medicatrices.

633. IN tanta rerum nocivarum multitudine cum rari sint homines, qui satis circumspēcte vivant, primum est credere, longe frequentiores fore morbos, quam observatio doceat, nec cuiquam
diu-

diu incolumen perstare sanitatem posse. Conferre quidem potest, neque sufficit tamen ad averiendos morbos, requiri feminii ac potentiae nocentis analogae concurfionem, ut nascantur (75. ad 78.): quando concurrendi occasiones adeo multiplices sunt. Oportet itaque alias subesse causas, quas operae pretium est considerare.

634. Quemadmodum natura humana morbos mortemque averfatur et horret (2.); ita fuis quoque viribus instructa est armisque, quibus sese ab illis tueatur, quaeque non minus in corpore, quam in mente, infunt, et quanquam diverfa, in eundem tamen finem omnia conſpirant (18. 51. 99.).

635. Continuis vitae actionibus expofitum corpus, proprio fuarum partium motu attrituque, cito destruitur. At facultate etiam nutriente gaudet, qua materiem extraneam ſibi appropriando jaćturam jugiter reparat, inque perpetuo ſue materiae fluxu ac mutatione idem tamen atque incolume ſefe conſervat. Sic inevitabili morborum mortisque cauſae certiffimum opponitur remedium.

636. Ejusdem quoque ordinis eſt facultas admirabilis, quae ſolidae compa-
gis

gis vulnera, fracturas, ulcera, vexata, mutilationes, artificio inimitabili, consolidat, redintegrat, refarcit. Ea quamvis majori gradu nonnullis animantibus indita sit, quam homini; huic tamen et tam eximia inest, ut merito universae Chirurgiae fundamentum habeatur.

637. Praeterea uti corpus suis viribus alimenta coquit sibi que assimilat; ita non minus facultatem nactum est morbosa, et quae praeter naturam sunt, subigendi atque contemperandi. Hic ille tam salubris *πεπασμός*, quo conditiones noxiae eorum, quae morbum intentant aut faciunt, ita mitescunt, ut vel innocuae fiant, vel ad commodam ejectionem expeditae. Quidquid in crisis salutare est, hac potissimum virtute nititur.

638. Inter praecipuos hujus facultatis (637.) effectus memorari meretur suppuratio, solius naturae opus, arte quavis superius, praestantissimum adversus cruda, acria, obstructa, inflammata, vulvulnerata, ulcerosa, emortua, quae aliter sanari nequeunt, remedium.

639. Emunctoriorum insuper summa hic est utilitas (299.); ut quorum beneficio nocentia, aut nocitura, sive a foris inge-

ingesta fuerint, sive intus nata, mature ejici possint. Nec ordinaria tantum usu veniunt, quando materies morbosa expelli debet; sed inconsuetas etiam vias modosque adhibet natura: uti haemorrhagiae, vomitus, cholera, diarrhoea, sudatio etc. docent.

640. Multifariae autem, quibus corpus vivum pollet, vires motrices, quum rebus nocivis irritatae semet exserunt, praecipuum praestant vitae ac sanitati praesidium. His certe nituntur facultates modo allegatae (635. ad 640.). Inde profluunt motus automatici, irregulares quidem multimodis, at saepe beneficentissimi, certaue determinatione ad salutarem finem tendentes; etiamsi mente nec imperante, nec conscia, et vel invita quoque, fiant, hujusque adeo consilio nequaquam tribui possint (51. 99. ad 105.). His si careret homo, nulla vel sanitati constantia, vel morbo medela foret.

641. Id genus motibus praesertim febris annumeranda est. Licet enim commotio ista, perturbato circulationis systemate, gravibusque symptomatis molesta, haud raro perniciem inferat, hinc merito morbus appelletur; saepe
tamen

tamen et mirifice adeo salutaris est, ut certius aliud potentiusve cum ad sanandos, tum ad praecavendos morbos auxilium natura, vel ars, vix agnoscat. Inde vel intemperantia quoque Medicorum in laudanda febre, qui nonnunquam ejus faciendae magis, quam abigendae, potestatem sibi negatam dolent.

642. Accedit partium facultatemque consensus ac conspiratio (99.), qua mutuam sibi opem ferunt, aliae aliarum vice funguntur, sanaeque pro afflictis in motus medicatos ruunt; ut horum junctis viribus tanto minus resistere imminens praesensve morbus possit.

643. Nec menti humanae sua defunt conamina, quibus periclitantem sanitatem tuetur. Etenim molesta perceptio minantis mali, aut olim tolerati memoria, non modo impellit, eam ad quaerendum praesidium, sive id evitatio causae cognitae dederit, seu usus auxilii experimento, ratione, aut conjectura inventi: sed suos etiam animus, formidine periculi inquietus, concipit impetus, motusque in systemate suarum functionum concitat, qui, licet ex instinctu potius, quam ex consilio, profluere videantur, certissimum tamen tutaminis, aut levamen-

menti, afferendi scopum atque efficacitatem manifeste declarant. Hujusmodi sane sunt musculorum, qui voluntati parent, motus spontanei, cogitationem praevertentes, nec pro arbitrio retundendi: praecipue autem, quae praeter rationem toties sese efferunt, determinata rerum noxiarum fastidia, aut medicatarum appetentiae, quibus obsequendo imminentes morbi saepissime avertuntur, refractarii etiam sanantur.

644. Postremo memorabilis quoque est facultas adsuescendi, qua utrumque hominis principium gaudet. Hac si careret natura humana, paucissimis profecto sanis esse contingeret. Duramur nimirum consuetudine ad innoxie ferendum innumera, quae minus adsuētis ob sunt. Uti vero universim in quarumvis actionum exercitatione multum juvamus consuetudine, ita haec ipsa quoque medicatrices cum mentis, tum corporis, vires (633. ad 644.) quascunque in facilitatem agendi disponit, qua potentiis nocentibus sese oponere, noxas ab his illatas corrigere, partes affectas in integrum restituere promptius, commodius, felicius, queant. Ita vel morbi etiam adsuētudine magis et tolerabiles et tracta-

tractabiles redduntur, ipsaque venena mitescunt. Quocirca patet, cur ex vetustissima observatione, quae a multo tempore in consuetudine sunt, etiamsi deteriora, insuetis minus turbare soleant? Cur consueti morbi mitiores? Cur valetudinarii saepe praeter expectationem longaeui?

645. Haec summa est remediorum naturalium, quae data homine sunt, ut se adversus plurimus morborum causas tueri incolumen queat. Horum virtute efficitur, ut morbo longe frequentior sit sanitas; ut multi perraro morbis affligantur; nonnulli etiam in sanitate nunquam interrupta consenescant; magnus denique aegrotantium numerus sponte, absque Medici ope, convalescat.

646. Merentur autem ideo quoque accuratius perpendi, quando indubium est, artem medendi non prima solum inde cepisse initia; sed et his ipsis naturae viribus ita inniti (18. 19.), ut sine illis exquisitissima ceterum Medicorum omnium industria ne unum quidem servare sanum, aegrumve sanare possit. Iisdem qui prudentissime uti novit, artis fastigium attigit.

647. Atque ista cum perpetuae observationis sint, a nemine quidem in controversiam vocantur. Verum de illo disceptatur acriter, ex quonam hominis principio ea omnia profluant: utrum pars corpori, pars menti, anne huic soli debeantur universa? Utraque sententia suos habet patronos, claros viros, qui magnae contentionis disputationibus inter sese litigando nec vincere tamen, nec vinci, potuerunt. Unde constat, rationes utrinque afferri non improbabiles quidem, at quae nec liquido demonstrant; litemque adeo, quae intra meras opinionationes consistat, haud posse dirimi. Nec ferme spes est unquam prorsus diremtum iri, quando nimis ignorantur vires ac fabricatio corporis, mentis natura et facultates, mutuique, quod inter sese alunt, commercii fundamentum ac leges.

648. Dixeris fane potiora esse illorum argumenta, qui utrique hominis principio suam inesse agendi vim contendunt; si cogites, multos in nobis fieri motus (640.), non inscia solum, sed ei refragante anima, quosque contra vellet anxie, non fieri; alios, quacunque causa suppressos, ejus imperio nequaquam resu-

refuscitari posse, at stimulo corporeo facile: ex superstite autem in partibus de corpore vivo resectis vi vitali (169. 181.) liquere, dari in corpore vires motrices, quae non a mente pendeant: neque porro intelligentem a stulto, aut adultum ab infante, hac re vel minimum differre: quin et in brutis animalibus id genus motuum instinctuumque dari; nec vel vegetantia iis carere: neque tamen eosdem semper adeo rationales esse, ut non et plurimum saepe noceant (104.), denique in illis ipsis etiam moliminibus, quae indubie ad mentem attinent (643.), ciendis hanc non magis sui compotem esse, quam in animi perturbationibus (532. et seq.); appetitusque ejus ac fastidia non modo praeter omnem deliberationem nasci, sed vel invitae quoque abs corpore male affecto veluti obtrudi, pro lege sensibus praescripta, qua ad certas corporis mutationes definitae in anima cogitationes, constanter eadem, exoriuntur.

649. Haec tamen cuncta (648.), multaque alia, quum aliter sentientes non sint convincendo, neque etiam solide ab his refutari queant; superest, ut quisque, quae maxime placeat, sententiam

amplectatur, aut, quod fortasse consul-
tius, uniuersa quaestio in medio relinquantur,
Pathologos saltem aut Practicos non
amplius exercitura, donec a Physiologis
ad liquidum perducta fuerit. Utrum
tanti interest, an Naturae cum HIPPO-
CRATE morborum medicatrices appel-
lentur, an vero cum aliis Anima, aut Ar-
cheus? Quando, qui diuersa de his sen-
tiunt, ad eandem tamen sanitatem ho-
mines perducunt, et vel medendi me-
thodo etiam convenire possunt.

De Symptomatibus Singulatim.

650. SYMPTOMATA quum partem sta-
tus morborum efficiant, cum aegro, tum
Medico, manifestissimam (88.); videri
posset, nullo ad ea cognoscenda opus
esse negotio; ut quae sponte in sensus
incurrant. Neque profecto opus foret,
si sufficeret nosse, quaenam adsint, nec
penitior eorundem requireretur inspectio.

651. Praecipuum nempe fontem con-
tinent, unde, quae ad detegendam mor-
bi naturam, diagnosin, et prognosin, fa-
ciunt, depromuntur (45. III. 117. 118.).
Oportet itaque Medicum, qui iisdem le-
gitime uti velit, singulorum causas, se-
des,

des, variasque ad morbum relationes, ritè intelligere.

652. Adde, quod morbi etiam compositi, cum in symptomatibus suis, quorum diversa concursione constant, spectantur (417), distinctam horumce notitiam exigant, ut vere ac enodate explicari possint.

653. Pathologia igitur rationalis ordinatam primo tradere expositionem debet omnium et singulorum alicujus momenti symptomatum, in qua inveniri, cum opus est, queat, quaenam cujusvis sit natura, quam diversa origo, et quae aut partes, aut vires, in quoque afficiantur. Nec sane prius multiformes eorundem complicationes, etiamsi curatissime digestas, rectè aut proponere, aut cognoscere licet.

654. Ingens autem numerus, ut molestiam creët in ordinando, satis tamen commode, recepta dudum divisione tripartia, ad actiones laesas, vitia excretorum, ac qualitates sensibiles alienatas, refertur (119.). Ulteriorem singularum classium digestionem major minorve simplicitas, mutuusque aliorum cum aliis nexus, haud difficulter determinare possunt.

sunt. Idcirco vitiositates qualitatum sensibilium praemitemus.

Qualitates sensibiles alienatae.

655. QUIDQUID, praeter actiones et excreta, in corpore aegroti, vi morbi a statu naturali mutatum, ope sensuum a Medico percipitur, id ad hunc titulum referri debet. Cujusmodi plurima sunt, quae, etsi quandoque parum aut nihil incommodant, notari tamen atque intelligi debent; ut latentes intus causae morbi, ex quibus profluunt, inde cognoscantur. Praecipua tantum attingemus.

656. Color superficiei corporis, quae visui patet, ex permixtis integumentorum et, qui proxime subsunt, translucentium succorum, aut et solidorum, coloribus constans, uti multa etiam in sanis varietate ludit, ita pluribus causis modisque vitari potest. Interceptus, aut nimius humorum influxus; eorundem fluentium (399.), impactorum (400.), effusorum (402.), secretorum (405.), nutrientium (404.) errores varii; cacochymia multiplex; crasis per *πεπασμὸν* (637.), admixtionem, separationem, coagulum, attenuationem, corruptionem.

ruptionem, mutata; vitium ipsius substantiae integumentorum aut, quae subjacent, partium, maximopere eo faciunt. Inde omne genus morbosae decolorationis in pallidum, rubrum, flavum, virescens, lividum, purpureum, fuscum, nigrum, sive universim, seu in singulari modo parte obtineat, explicari potest.

657. Foetor acidus, putridus, rancidus, fracidus, animam, perspirabile, sudorem, sputum, alia excrementa, humores, partesve, praeter naturam inficiens, quam multiplici materie causaque nascatur, ex supradictis (307. 310. 312. 313. 314. 325. 327. 328. 375.) elucescit.

658. Calor sani corporis nativus, circuitus vitalis comes, excessu supra calorem atmosphaerae mensurandus, sicubi in morbis ad enormem gradum intenditur, ponit impetum humorum vehementem, magnam vasorum resistantiam, sanguinem copiosum, valde densum, diathesin hujus inflammatoriam (355. 367.), aut nimis oleosam (356. 364.), cacoehymiam acrem, putredinem, rancorem, motum vitalem auctum (170.), hinc irritamenta a foris ingesta, applicata, aut intus concitata (171.). Augescit etiam magis, cum calor externus, aut prohi-

bita ventilatio, accesserit. Potest adeo pro conditionum concurrentium numero, intensitate, duratione, sede, magis aut minus excedere, totumque corpus, aut partem modo, occupare. Unde patet non infrequens id symptoma esse, nec paucos morbos comitari. Effectus autem, quos producit, ex (424. 425. 466. 467. 509. 1.) perspiciuntur.

659. Sponte hinc fluunt, quaecunque ad caloris imminuti intellectum pertinent. Nec latent causae atque consecutiones caloris ac frigoris alternantis, aut in diversis corporis partibus eodem tempore inaequalis.

660. Utrum morbosa affectio etiam in homine ignem ciere electricum potest, qui fulgurante ictu sese manifestet, cum corpora aliena contactum minantur? Symptomatis inauditi suspicionem novissimum quidem exemplum movit, nec plura tamen deinceps confirmarunt. An huc referri quoque debent spontanea hominum incendia, et vel ad cinerem usque conflagrationes, quae in historia medica memorantur?

661. Duritia partium morbosa nascitur ex rigiditate (164.); intemperie sicca (386.); contractione (209. 5.); errore nutri-

nutrimenti (404); distensione ab humoribus multis (385. 387. 394.), valde motis (409.), spissis (282. 284. 367.), congestis, impactis (209. 1.), errantibus (400. 402.), concretis; emunctorium obstructione; luxatione (226.), hernia (230.), fractura (217.), tumore vario, etc. His autem contraria mollitudinem inducunt. Renixus justo major aut minor, qui auctam minutamve elasticitatem (160. 165.), ut symptoma, comitatur, inde quoque intelligitur. Nec obscura est ratio humiditatis et siccitatis nimiae, quam morbi aliquando inducunt.

662. Superficies partium laevitate vitiosa peccat, cum in callum durescunt integumenta, aut contentis ultra modum distenduntur, aut, quae plenitudine protuberant, vascula, ob influxus vitalis defectum collapsa, subsidunt. Inaequalitatem contra efficiunt succorum distendentium subductio; vasculorum turgor ab humoribus nimia copia appulsis, aut ob contracta oscula elapi impeditis; erosio ab acri; substantiae degeneratio; eruptiones multifariae, etc.

663. Magnitudo corporis partisve praeter naturam aucta vel imminuta; quanquam supra (260.) inter morbos in-

strumentarios memorari debuit; frequentius tamen symptoma est, quam morbus, locumque ideo inter qualitarum sensibilibum vitia meretur (262. 263).

664. Excessus, omnis generis tumorum (262.), qui aut universam corporis superficiem, aut partem singularem, occupant, comes, ponit vel volumen materiae auctum, vel exsuperantem ejus quantitatem, nititurque contentorum ad continentia ratione ultra modum aucta, atque ex doctrina de morbis solidorum continentium (200. ad 211.) rite applicata maximam partem intelligitur. Adjungit sese fractis (217.), luxatis (226.), herniis (230.), prolapsis (248.), aberrantibus (256.), male conformatis (259.), luxuriantibus in exostosi, condylomate, sarcomate, fungo. Est et consecutio distensionis a rarefactis, ab obstructis (209. 1.), ab humorum abundantia (385. et seq.), a multiplici cacochymia, ab errore fluentium (399.), impactorum (400.), effusorum (402. 403.), nutrimenti (404.), ab affluxu in partem nimio (411.), stagnatione (410.), refluxu impedito, etc.

665. Minuta quantitas a contrariis conditionibus pendet. Succorum inopia (293. 395. 396.), deficiens influxio (411.)

(411.), solidorum collapsus, contractio (209. 4. 5.), erosio, maxime huc faciunt. Unde evacuationes enormes, marasimum, tamen, ἀρεσίαν, totius aut partis, comitatur. Memorabilis praecipue est, quae subito in morbis sese prodit, subsidencia, vel habitus universi, vel partium singularium, quae tumuerant. Spasmus humores intro compellens, νενεαγγύσια, circulatio elanguida aut cessans, vis vitae defetiscens, metastasis, gangraena, tum fere in causa esse solent.

Excretorum vitia.

666. MULTIMODIS quidem vitari excretiones possunt, sive actum excernendi spectes, sive partem, unde excernitur, seu materiem denique, quae foras prodit. Horum tamen quamplurima non adeo propria sunt huic titulo, ut non rectius alio referantur. Haud pauca sane morbi nomen merentur, supra (401). inter errores humorum iam exposita. Plura ad causas morborum pertinent, suo quoque loco (555. et seq.) ante tradita. Alia, etsi symptomatum rationem habent, potiori tamen jure actionibus laesis annumerantur, quia non id, quod excernitur, sed

sed ipsa excretio, peccat. De retentorum vitiis, quae hoc quoque loco ac auctoribus commemorari solent, eadem valent. Quum igitur et quantitas materiae excretæ, deficiens, aut excedens, commodè inter excretionum læsiones tractari possit; supersunt modo, quae in qualitatibus excretorum a statu naturali mutata sese produnt, hic exhibenda. Atqui horum multa variis locis (401. 555. 566. 582. 602.) jam tradita sunt: omnia vero et singula, cum praecipuam habeant in doctrina signorum utilitatem, specialior eorundem expositio, ad Semioticam Pathologicam (16. 11.) potius ableganda, cum maxime nos morari non debet.

Actiones laesae.

667. SYMPTOMATUM, quae in morbis sese manifestant, haud alia majoris momenti sunt, magisque aut aegros aut Medicum, urgent, quam quae functionum exercitationem perturbant. Unde accuratam singula, prout suis ex causis profluunt, expositionem merentur.

668. Difficile tamen est in tanta rerum multitudine, tamque arcto nexu,
ordi-

ordinem invenire, qui justae methodi legibus examussum respondeat. Quae molestia, gravis Physiologis, Pathologis etiam gravior, nec prorsus superanda, dissensionem inter Systematicos haud minus tolerabilem, quam inevitabilem, reddit. Ordinemur itaque a vitiis illarum facultatum, quae per universum corpus diffusae, aut multis partibus communes sunt; ut quae deinde sequentur, singularem actionum laesiones clarius intelligi queant.

Sensationes molestae ex morbo.

669. SENTIRE mentem dicimus, cum ex corporis sui affectione ideas concipit. Id qua ratione fiat, explicare non est Medici (65.). Aptitudo autem ad cientes sensationes, latissime, per corpus diffusa est: uti et permagna datur rerum, quae sentiuntur, varietas. Organa nacti sumus sensoria, singulari quaeque apparatu, suis disposita locis, quorum interventu qualitates sensibiles rerum extranearum nobis, suo quaelibet modo, exhibentur. Inest praeterea in multis partibus sensibilitas quaedam, quae de naturae necessitatibus monet, cumque opus est

est, ad satisfaciendum iisdem compellit. Denique et sensus aliquis universo corpori communis datur, cum prioribus nequaquam confundendus, morborum praecipue comes, quo fit, ut mens doleat, angatur, agitetur, quum injuria partibus quibusvis infertur. Is igitur, etsi peculiare organum nullum habet, praeceteris tamen primo loco considerari meretur, tum ob frequentiam et violentiam symptomatum, quibus obnoxius est, tum quia et reliquis sensationibus sese immiscet.

D o l o r.

670. DOLOR, qui ad Medicum pertinet, est tristis sensatio suo generis, quam ita percipit mens, ut semper ad aliquam sui corporis partem, tamquam quae vim patiatur, referat. Dolet itaque, quia corpori suo male est, hocque restituto praeteriti doloris sine dolore reminiscitur. Immodicum vero, quid in ea sensatione est, facit, ut mens non minus inde, quam corpus, aegre habeat, malletque non tam vehementer affici.

671. Quum igitur dolor ponat sensationem nimis intensam; patet eum
ti

ti mutuo inter mentem et corpus commercio; sedemque habere non magis, quam sentiendi facultatem, limitatam, quae per universum hujus systema, perque omnes et singulas corporis partes sensiles diffusa sit; et, quae ad sentiendum in utroque hominis principio generatim requiruntur, conditiones ad dolendum quoque requiri. Has ideo, quousque a Physiologis legitime exponuntur, tironi notas hoc loco postulare licet (27.).

672. Corporeum vero, quod in quavis sensatione concipi potest, reducitur solummodo ad certas partium sensilium mutationes, cursu non interrupto, per continentes nervos, in commune sensorium ordinate perlatas. Unde consequens est, ut affectio, qua dolemus, sita sit in mutatione partium sensilium nimis violenta, quae cohaesionem, tenorem, vires earundem, in periculum adducat, injuriamve continuis nervorum fibrillis, vel et ipsi, unde hae oriuntur, medullae inferat, aut saltem intentet. Oportet sane mentem contristari, ubi horum aliquid evenit in illo systemate, cujus integritas naturae humanae tam utilis ac necessaria est (532.). Potentiae dolorificae,
con-

consecutiones gradusque varii dolorum, id ipsum quoque confirmant.

573. Quippe dolor nascitur, cum partes sensibiles, vi externa internave, ultra, quam commode ferre queant, distrahuntur, aut percutiendo, contundendo, comprimendo, stringendo, contorquendo, vulnerando (218.), laeduntur, aut denique acri vario stimulantur, roduntur, uruntur. Quocirca innumeris morbis, ut symptoma, et quod prae ceteris potissimum urgeat, supervenit. Morbi cavitatum excedentium (203.), deficientium (209.), fracturae (217.), vulnera (218.), luxationes (226.), herniae (230), procidentiae (248.), tumores (262. 664.), cacochymiae acres (289), plethora (387), errores fluidorum varii (398.), vitii humorum motus (496.), dolorem plerumque comitem habent.

674. Est tamen, ubi sola etiam sensorii communis mutatio, aliunde nata, haud aliter dolere facit, quam si pars aliqua corporis injuriam pateretur, nulla interim potentia dolorifica (673.) extra sensorium ibidem praesente. Cujusmodi fallaciam in alias quoque sensationes cadere posse, insomnia atque deliria manifeste docent.

675. Efficit dolor, si vehemens est, in mente inquietudinem, laborem, ango-rem, pervigilium, impotentiam, delirium, vitae desperationem: in parte affecta vis vitalis irritamentum, vibrationes tremulas, tensiones, spasmos (195.), auctum humorum affluxum, congestionem, transitum impeditum, frigus, calorem, inflammationem, gangraenam, insensibilitatem, torporem (196.), resolutionem. Mutua autem consensione etiam in aliis partibus dolores, spasmi, convulsiones, imbecillitas, paralyxis, circuitus humorum universalis perturbatio, febris, motuum vitalium languor, syncope etc. creantur. Tot malorum auctor simul tamen vitae custos est, qui et de praesente noxa, ejusque consecutionibus, mature monet, et compellit ad medelam quoquo modo quaerendam.

676. Inde magnitudini injuriae, periculive, plerumque respondet doloris gradus, qui tanto fere vehementior est, quanto potentiae dolorificae actio intensior proximam minatur destructionem. Augmentum quoque addit partis affectae fibrarum gracilitas (161. I.), tensio naturalis major, irritabilitas (190.), sensus tener; quibus si jungitur temperies

corporis sicca, animusque impatiens, dolor in immanem excrescit. Summus ideo brevis, nec corpori nec menti diu tolerabilis, cito aut solvit aut solvitur.

677. Praeterea, quoniam sensationi tristi, quae in quibuslibet doloribus inest, sese insuper in singulis fere adjungere solet idea modi, quo vis dolorifica in partem agit, praecipuae sic dolorum differentiae, ac totidem veluti species constituuntur: uti sunt distendens, gravans, stringens, contundens, pulsans, scindens, pungens, terebrans, rodens, mordax, urens, etc. Nimirum ob perceptionum similitudinem comparamus, quas dolentes in corpore patimur, injurias cum laesionibus, quas vires, mechanicae, physicae, chemicae, foris admotae, nobis inferunt. Nec improbable est, similes sensationes similibus cieri fibrarum sensilium mutationibus, atque ideo abdita ex manifestis posse explicari. An vero et recte hinc inferas, cujusvis doloris causam nunquam non potentiae, quae continui solutionem inferre partibus minetur, deberi; aut saltem in solidorum potius violenta affectione, quam in fluidi per nervos impedito motu, ponendam esse?

678. Ἀνάδυνία, igitur, qua aegri, in-
quos vis dolorifica agit, non dolent ta-
men, inter morborum symptomata non
minus, quam dolor, referenda est. Et-
enim aut pars affecta sensu caret, pressis,
stupefactis, destructis nervis ob tumo-
rem, luxationem, fracturam, contusio-
nem, vulnus, iphacelum, etc. aut senso-
rio communi impedito universa vis sen-
tiendi labascit in apoplexia, sopore, epi-
lepsia, convulsione, catalepsi: aut eodem
perturbato mens alienata est in deliriis:
aut denique languente vi vitali, ac vigo-
re circulationis, sensilitas partium col-
lapsarum una torpet in extrema debilita-
te, animi deliquio, syncope. Ex tran-
quilla tamen doloris patientia haud satis
tutum videtur, concludere, partibus irri-
tatis sensum vel negasse naturam, vel
morbum abstulisse.

679. Pruritus, sensatio dolori proxi-
ma, voluptas ex mutato corpore nimis
intensa, hinc doloris initium, ponit irri-
tationem sensu quidem non tristi, sed in-
quietante tamen, molestam, qua fit, ut
partem affectam scalpere, fricare, aut
quovis alio modo agitare, veluti cogamur.
Uti igitur leves motus mechanici,
tractio, reptatio, frictio, vellicatio, par-
tibus,

tibus, quae, quia tangi non confueverunt, delicati sensus sunt titillationem inferunt: ita pleraeque potentiae dolorificae (673.), cum mitius agunt, partemve minus teneram afficiunt, pruritus creant. Acre praesertim multiplex, leni rosione morfuve in cutim agens, saepissime hunc sensum movet. Unde in scabie, impetigine, herpete, erysipelate, variis exanthematibus, pernione, phthei-riasi, aliisque vitiis cutaneis, tum et in variis cacochymiae acris speciebus, frequens haec molestia. Est etiam in hac affectione locus consensui, quo fit, ut irritamenta, quae in alias partes agunt, in aliis pruritus creant. Docent vermes intestinales et vesicae calculus.

680. Quando autem plerisque naturae necessitatibus sua quoque indita est pruritus species, qua nos admoneant invitentque ad motus sibi competentes; patet istam sensationem non solum esse superficiei, sed ad internas etiam partes pertinere, inque his ex morbo incitari vehementius posse, ut tempore graduque incongruis urgeat. Referre igitur huc licebit multifarios illos stimulos, qui ex causa morbosa oriundi, aegrotantes ad tussim, sternutationem, osci-
tatio-

tationem, pandiculationem, excretiones varias alvi, urinae, etc. compellunt.

681. Est et interior quidam pruritus, absque frictione, aut motu animali, intolerabilis, quem in hystericis et hypochondriacis quandoque membra singularia intus concipiunt, nullo licet stimulantis acrimoniae indicio. Irritabilitati (190.) hunc attribuas, qua fibrae partis, in oscillationes immoderatas actae, facultatem sentiendi inquietant. Is aliquamdiu durans sponte tandem, more spasmodum, solvitur; at nonnunquam periodicus statis intervallis denuo accedit.

Anxietas.

682. Uti praesente malo dolemus; ita imminentis, quod averti aut superari nequeat, idea meticulosos sollicitat angitque, eo quidem vehementius, quo malum gravius, minusque aut evitabile, aut eluctabile videtur. Anxietas idcirco tristis quidem pariter, ac dolor, sensatio est, at cum hoc minime confundenda, longe terribilior, ipsa quandoque morte intolerabilior.

683. Quodsi igitur anxia mens redditur ex corpore suo affecto, credibile

omnino est, causam subesse corpoream, quae commune sensorium ita mutet, ut ideae excitentur, quas mens nec absque horrore percipere ac contemplari, nec tamen et a se depellere possit.

684. Perinde autem fuerit, utrum sensorii communis illa (683.) mutatio debeat respondeatque statui corporis revera periculoso, cujus perceptione animus merito angatur; an conditioni minoris momenti, quae panicum modo terrorem incutiat (674.). Anxietatis gradus utrobique idem esse potest; quamvis consecutiones multum diversae sint. Ita mutui inter mentem et corpus commercii leges ferunt. Inde vero notabilis oritur anxietatum differentia.

685. Quum delirantes, idearum confusione, tristitia quaeque et calamitosa sibi fingunt impeditia, mens in extremum saepe angorem conjicitur, corpore licet non, nisi ex turbis sensorii communis, laborante. Hinc et plerumque mala a foris potius, quam ex morbo, sibi imminetia imaginario metu prospiciunt. Haec species in phrenitide et melancholia frequens, dolori imaginario (674.) similis, molestior, quam periculosa (684.).

685. *Duplici autem modo anxietas concipi debet. Altera (682—685.) in metu et angore imminentis mali consistit, dum corpore vel non, vel parum, et cum futuri maioris periculi metu affecto, tristis sensatio ex imminenti malo oritur, quod auerti aut superari nequeat (682.). Haec anxietas proprie est, ex metu, terrore, horrore futurorum eventuum, quos sibi ex suo praesenti statu certos praesagit aegrotans, nata: isque metus justus esse potest, corpore a morbo vehementer affecto (684. 685), aut impressione ex morbo per se leui ad mentem per sensibiles praeter naturam et delicatos nervos cum impetu quodam deducta; injustus vero, si corporis affectioni per se non periculosae mentis talis affectio adjuncta est, ut imaginatio, et cum ea iudicium laedatur aegrique de futuro eventu longe aliter, quam par est, iudicent.*

686. *Altera penitus a sensu corporeo, resultat, non tam in futuri mali metu, quam potius in tali molesta ex praesenti morbo sensatione consistens, quae nata ab omnibus, quae circulum sanguinis generatim, et per spirationis organa intercipiunt, aut quae repletionem quamcunque veram, apparentem, constituunt, aut grauando, irritando, constrictionibus in aliis locis excitatis, aut in ipsis spiraculis, spiritus ducendi difficultatem, pectoris oppressionem, ardorem et inquietudinem, pariunt.*

686. *Verior itaque* (686.) ex corpore nascitur anxietas, sicubi obstaculum quodam conatibus, quibus natura utitur ad expellendum aliquid, quod sibi intus incommodat, magnopere resistit; ut merus sit, ne non sufficiant. Anguntur ideo, quibus, cum materies excernenda praesto et atque urget, excretio tamen alvi, lotii, perspirabilis, sudoris, sputi, sanguinis, etc. impeditur. Inde et molimina ad haemorrhagias, vomitum, partum, evacuationes, criticas, metastases, exanthemata, aut ad calculum, venenum, aliave heterogenea noxiaque eliminanda, nec non flatus conclusos, et subito, ante tempus, suppressas excretiones, vel intro repulsas eruptiones, angor comitatur.

687. Porro frequentissimam anxietatis causam ponunt impedimenta respirationis, quae cum et sanguinis per pulmones trajectui obstant, ancipiti vitam periculo permunt. Multiplex itaque vitium pulmonis varia materiae infarcti, spasmu constricti, tumore, tuberculis, vomica, ulcere obsessi, aut aëre, aqua, sanguine, pure, tumore, aliove thoracis affectu extrinsecus compressi; fistulae item aëriferae fauciumque, qua spiritus mea-

meare debet; tum diaphragmatis ac ceterorum, qui respirationem adjuvant, musculorum; aëris denique frigore, calore, levitate, humiditate, elateris defectu, situ, inquinamento, peccantis multifaria labes (422. ad 445.) huc faciunt.

688. Paris efficaciae sunt, quaecunque cordis actionem, atque adeo circuitum vitalem vehementer turbant; sive vitium subsit cordis, spasmo, inflammatione, erysipellate, ulcere, polypo, aneurysmate, hydrope, tumore quovis, concretionem, affecti, alienave materia obsessi; sive aliunde nata obstacula impediunt, ne cor moderata contractione sanguinem satis libere cavis suis expellere queat. Imminens hinc circulationis suffocatio naturam urget, ut motibus, duplicatis, non sine summa anxietate, contra infurgat.

689. Quocirca et spasmi, repletiones, distensiones, obstructions, compressiones viscerum, quae abdomine continentur; sicubi humorum per vasa motum valde impediendo resistantiam cordi augent; eo quidem certius in angores conjiciunt, quo magis una et diaphragmatis pulmonumque motui obstant, et

proximum cor laceffunt. Huc igitur anxietates hypochondriacæ referuntur.

690. Postremo quoque angimur, cum ob vim vitæ quacunque causa defefcentem (170.), motuum vitalium ac circuitus humorum extinctio intentatur. Docent violentæ nervorum affectiones, cordis debilitas, ingruens animi deliquium, sphacelus vitalia invadens, etc.

691. Ex quibus (685. ad 691.) rite confideratis perfpicitur, plurimis ac valde diverfis morbis iftud fymptoma feſe comes adjungere; et, quamquam haud æque ſemper periculofum eſt, nunquam tamen a prudenti Medico negligendum eſſe. Systemati vitali datus hic monitor magis etiam, quam dolor (675.), attendi meretur; quum ſæpe aut periclitari vitam annunciet, aut hac quoque mortem reddat præſtabiliorem.

Exercitationes ſenſuum læſæ.

692. OFFENSIS ſenſus communis, proximum, eſt, ſubjungere, quæ ad ſenſus ſingulares, quos externos internosque vocant, pertinent, ſymptomata. Verius hæc, quam priora, ad actiones læſas

fas referuntur; quum vitio organorum sensatio non, ut decet, perficiatur. Uti vero officina sensoria pro diversitate qualitatum sensibilem, quas aliis atque aliis partibus excipere debet, multum discrepante apparatu est instructa; ita multiplex hic a statu sano alienatio, nec ubique eadem, accidere potest. De singulis igitur seorsim agendum. Istud tamen omnibus commune est, ut, instar ceterarum actionum, sanitatem suam in mediocritatis quodam ambitu, congruoque tenore, positam habeant; a quo cum ultra citrave deflectunt, in vitio esse recte dicuntur. Laesiones adeo in universum ad defectum, excessum ac depravationem commode reducere libebit.

Tactus Symptomata.

693. TACTVS, in suo genere prae reliquis sensibus latissime diffusus, aut valde imminuitur in stupore, aut plane aboletur, idque vel in parte singulari, vel in multis simul, totove undique corpore. Utrumque vitium causis fere iisdem, at gradu diversis, debetur. Epidermis, tactus organum contegens, callo,

lo, elephantiasi, lepra corticosa, squamea, cornea degeneratione indurata, incrassata, aut in fugillatione, bullis, pustulis, interposito sanguine, sero, pure etc. a subjecta cute distans, in culpa esse potest. Alias cutis varia labe nimiae rigiditatis, laxitatis, collapsus suorum vasculorum, contractionis, infarctus aquosi, mucosi, laborans, aut constrictione, contusione, gelu, igne, gangraena, emortua, organum una adficiendo, sensum obtundit aut delet. Nervi denique in originibus, progressu, aut extremis suis, pressione, vulnere, contusione, rosione, exsiccatione, emolitione, extenuatione, vis vitalis defectu, humoris boni inopia, materiae morbosae depositione, usu narcoticorum, aliisve noxis inhabiles redditi, huc quam maxime faciunt. Quo et referri debet, quae morbos sensorii communis, apoplexiam, lethargum, epilepsiam, catalepsiā, etc. comitatur, insensibilitas universalis. Tum vero et virtutis motricis vitiositas accedit, qua tamen correctā sensus impedimentum quandoque perstat, aut hoc ablato illa superest.

694. Acuitur etiam tactus ultra modum, magno incommodo, quum attrectatio,

ctatio modica in dolorem vertitur, ut eam quoque refugiant partes. Id fit, ubi organum tegmine suo caret, aut hoc nimis tenui vestitur, aut ipsum justo tenerius, mobilius, plusve justo tensum est. Intertrigine, vulnere, ulcere, inflammatione, erysipelate, abscessu, contusione dolore hysterico, podagrico, vario spasmo, affectis hinc accidit. In morbis spasmodicis quandoque universa fere corporis superficies ita tenerescit, ut vel intentatus modo attactus etiam formidinem incutiat.

695. Depravati tactus speciem tum imminutio ejus (693.), tum nimium acumen (694.), in se habet: in utroque enim casu organi minor majorve affectio facillime qualitatum perceptionem confundit. Alia erroris species est, cum sensatio ad perversam partem refertur (674.).

Gustus Symptomata.

696. TACTVI proxime affinis gustus similia patitur ex similibus causis. Id tamen privum linguae, principi hujus sensus instrumento, ceberime in morbis, etiam non suis, sordes, mucum, crustam,

stam, contrahere, obsideri aphtis, etc. Saliva quoque, quae plurimum ad gustatum facit, permultis obnoxia est cum quantitatis, tum qualitatis, vitiis. Adde, quod appetentia, quae saporum gratiam mire augere potest, raro in aegris vigeat, fastidium contra et nausea saepe subnaicitur. Inde frequens origo multiplicis laesionis hujus intelligitur.

697. Prae ceteris notabilis est gustus alienatio, quum aegri conqueruntur de sensu saporis falsi, amari, urinosi, acidi, aetuginosi, idulcis, rancidi, cadaverosi, quo tibi videantur imbuta esse, quaecunque ingerunt. Causa plerumque in saliva haeret vitiosa materie infecta, sive hanc ex lymphâ sanguinis attulerit, sive ori infusa demum contraxerit ex quacunque partium, quas alluit, aut vicinarum, labe. Inde, quae serum maxime affectant, cacochymiae acidae, bilosae, putridae, rancidae, falsae, aliaeve acres; tum sordes, crustae, ulcera, oris, linguae, dentium, gingivarum, palati, narium, faucium, oesophagi, ventriculi, trachaeae, pulmonum, etc. hoc symptoma producunt. Organi quoque gustatus et papillarum varius tensionis aut laxitatis status, vel superstes a priore sapore

pore affectio, quin et sensorii communis perturbatio eo conferre possunt. Liquet adeo, cur alienus sapor saepissime quidem ex morbo, quandoque tamen et bono omine ex perfecta materiae morbosae correctione profluat.

Olfactus Symptomata.

698. OLFACTVS nonnunquam ex causa morbosa nimium acuitur, ut vix odora etiam percipiantur, odorata autem et ad maiorem distantiam, et longe fortius, hinc sternutationem, convulsiones, animi deliquia, aliquando inducant. Membranae narium, ob muci defectum, nuditas, siccitas, nimia tensio, papillarum olfactus excedens mobilitas, delicata aut nervulorum huius sensus proprie, aut universi systematis sensorii, teneritudo, in acutis et chronicis malis id efficere valent. Inde in hysteri-
cis, hypochondriacis, phreniticis, ex mor-
su rabidi canis hydrophobis, maxime oc-
currit.

699. Frèquentior est olfactus obtusio ac abolitio, quae *ἀνοσμία* dicitur. Obstructio membranae narium in gravedine; humiditas nimia in coryza; muci abundantia, crassitudo; heterogenea intro

tro admissa, lapis, gypsum, vermis, etc. tumores quicunque, polypus, scirrhus, cancer, exostosis, vulnus, contusio, ulcera depascentia, caries, callus, alarum nasi concretio; vitia conformationis etc. variis modis istas laesiones inferunt. Quaecunque porro aëris per nares transitum inhibent, impedimenta multifaria: ut et odoratus nervulorum, qua in papillas abeunt, aut altius, compressio, induratio, resolutio, emollitio, destructio: quo referri etiam potest, quae ex perpetuo faniei canerosae halitu contrahitur, sentiendi impotentia. Denique, quae ceteros etiam sensus opprimunt, sensorii communis mala, apoplexia, epilepsia, catalepsis, morbi soporosi, etc. huc faciunt.

700. Depravatio ponit vel alienum eorum, quae odorata sunt, odorem, vel odoris in atmosphaera inodora perceptionem. Nascitur ergo, quum organum olfactus a materiae olente, quae in corpore haeret, ita afficitur, ut odor a foris afflari videatur. Mucus, saliva, pus, ichor, tabum, fordes, corrupta, putrida, rancida, in cavernis narium, ore, dentibus, gingivis, lingua, faucibus, oesophago, trachaea, pulmonibus, stabulantia; aut

aut olidi vapores e ventriculo ascenden-
tes, istam fallaciam inducere valent. Fa-
cit et longior mora inter res valde odo-
ratas impressionem permanentem, quae
tarde demum eliditur. Turbis sensorii
communis hoc vitium quoque nonnun-
quam deberi, analogia docet (974.): tum
vero rarius in solum olfactum cadit.

Auditus Symptomata.

701. LAEDITUR auditus quadrifariam,
augmento puta, abolitione, hebetatio-
ne ac deprauatione. Unde ὀξυνκοία; κώ-
φωσις, surditas; βαρυνκοία, gravis audi-
tus; tinnitus, bombus, echo, fusurrus,
sibilus. Quae symptomata tanto qui-
dem majoris momenti censenda sunt,
quo et sensum disciplinae nobiliorem in-
festant, et causas sedesque magis abstru-
sas habent, et minus ad sanandum fa-
cilia sese praebent.

702. Ὀξυνκοία dicitur auditus summa
sensilitas, quae vel leves quoque sonos
vix ferre queat, quin aegritudo, dolor,
convulsio, delirium, aut deliquium oria-
tur. Debetur nimiae tensione, siccitati,
mobilitati organi acustici, cerebri, ner-
vorum, membranarum. Supervenit

B b ideo

ideo morbis istarum partium acutissimis, inflammatoriis, spasmodicis, dolorosis, otalgiae, phrenitidi, cephalalgiae etc. Comitatur et deliria febris expertia, maniam, melancholiam. Hysteriis ceterum, hypochondriacis, puerperis, ex gravi morbo etiamnum teneris, in pervigilium pronis, summatim, irritabilibus (190.), familiare malum.

703. Causarum, quae auditum obtundunt, longe major et numerus est et diversitas, nec minus multiplex sedes. Plurimae nimirum partes sunt, et plures etiam singularum conditiones, quae cum ad integritatem hujus sensus faciant, vitari nequeunt, quin functio impediatur. Physiologia igitur hic potissimum prae-lucere Pathologiae atque ordinem dicendorum monstrare debet.

704. Organi maximopere compositi, quae huc referri merentur, vitia fere haec sunt. Auriculae defectus; meatus auditorii angustia, ab aliena materie repletio, obturatio, concretio; membrana tympani relaxata, callo rigens, in os durata, fordibus obsessa, luxuriante carne crassescens, rupta, adesa, aut quoquo modo deficiens; auditus ossiculorum luxatio, anchylosis, caries, dissolutio, absentia; cave-

cavea tympani fero, pituita, cruore, pure, ichore repleta, sorde inquinata; vestibuli, cochleae, labyrinthi, infarctus, conformatio perversa; membranarum, quae hic expansae sunt, laxitas, siccitas, induratio, degeneratio, destructio; vasculorum a congestis humoribus tumor, obstructio; musculorum internorum paralysis, spasmus; tubae Eustachianae constrictio, *σενοχωρία*, obstructio, concretio, exesio. Horum singula seorsim, plurave complicata, quum obstant, ne tremores sonori, ut decet, excipiantur, colligantur, reflectantur, transmittantur, imprimantur, vibrationes harmonicas cieant, modis sane gradibusque diversis auditum hebetare aut et omnino abolere possunt.

705. Organo tamen inviolato, apparatus etiam nerveus, huic sensui datus, inde ab organo ad sensorium usque commune, toto itinere, pressus, destructus, marcidus, rigidus, stupidus; aut ipsum cerebrum labe universali, apoplectiaca, epileptica, etc. oppressum, relaxatum, exhaustum, aut quovis modo inhabile redditum, quandoque in culpa est.

706. Liquet autem ex usu partium alia quidem istorum vitiorum (704. 705.)

gravem modo auditum inducere; alia aut hunc, aut surditatem ipsam, ut varia fuerint intensitate, complicatione, duratione; alia ocyus, serius, certo tamen, surditatem. Huic porro, nisi natura vel arte mature tollatur, loquelae ignorantia, aut desuetudine oblivio fere accedere solet.

707. Depravate audiunt, quibus, cum nihil sonat, aures tamen tinnunt, susurrant, strepunt, aut, instar echus, sonos repetunt. Fugax symptoma etiam sanis saepe numero accidit, levibus ex causis oriundum. Perseverans diutius, sive solitarium fuerit, sive morbis aliis adjunctum, majoris momenti, variique omnis est. Nascitur autem, quando tremores, sonoris similes, in meatu auditorio, membrana tympani, hujus cavea, parietibus atque aëre interno, ossiculis, membranis, ceterisque interioris organi partibus, cientur a vasculis distributis, ob plenitudinem, pressionem externam, obstructionem, inflammationem, solito fortius pulsantibus. Unde plethoram, morbos febriles, acutos, inflammatorios, maxime qui caput infestant, catarrhos, evacuationes suppressas, decubitum humorum in has partes vicinasve, eo-

eorundem impetum sursum versum, hinc delirium, sanguinis ex naribus profluvium, parotides, etc. imminetia, saepe comitatur. Musculorum quoque ac fibrarum motricium in his locis spasmi, tremores convulsivi, in hysteriis, hypochondriacis, epilepticis, etc. idem efficiunt. Quocirca aut relaxatio, aut tensio, immodica partium hujus organi, quarum facile agitantur, aut motae diutius, quam par est, contremiscunt, huc quoque confert; nec non tubae Eustachianae varia vitia (704.), quae justum aëris intra caveam tympani moderamen pervertunt. Denique et multiplex affectio partis nerveae, quae ad auditum pertinet, inde ab organo usque ad origines suas; tum et encephali, pressione, irritatione, commotione, aut primario, aut ob mutuum cum aliis partibus consensionem, laesi: ut saepe numero haec etiam causa subsit, quare capitis morbis inflammatoriis, soporosis, catarrhosis, spasmodicis, nec non ventriculi vitiis, etc. istud symptoma sese adjungat.

708. Ceterum vix alia functio datur, cujus vitatae naturam, causas, partesque affectas difficilius sit cognoscere, certasve curationes determinare. Nec mirum:

quando tam parum est, quod de organi abditissimi statu sano, partiumque ejus singularum usu, intelligimus.

Visus Symptomata.

709. INTER sensoria compositissimus oculus etsi quam plurimas patitur vitiositates, symptomata tamen, quae ad functionem ejus attinent, itidem ad quatuor genera, aucti, imminuti, aboliti ac depravati visus referre licet. Nec alio sane nomine hujus sunt loci. Unde hunc quoque ordinem in eorundem expositione sequemur.

710. Visu nimis acuto laborant, quorum tam sensiles oculi sunt, ut lucem re-fugiant, et vel modicam aegre ferant, hinc debiliore quidem videant, fortiore perstricti caligent. Φωτοφοβίαν vocaveris. Nonnulli ἡμεράλωπας appellant, qui facultate videndi noctu, quam interdiu, magis valent. Hos tamen contra alii potius νυκτάλωπας dicendos esse censent.

711. Causae hujus vitii intelliguntur ex iis, quae de simili auditus ceterorumque sensuum laesione supra (694. 698. 702.) tradidimus; modo ad organum visus applicentur. Inde frequens occurrit
in

in similibus (702) oculorum, capitis, nervorum, affectionibus cum acutis, tum chronicis, assiduus praesertim ophthalmiae comes. Desuetudo lucis hanc teneritudinem sanis etiam oculis infert. Maxime tamen huc quoque facit imbecillitas aut impedimentum potentiae, qua pupillam in luce majore constringimus; ut ideo haec perpetuo dilatata sit, *μυδγίασι* laborans, aut saltem ad constrictionem non satis parata. Quum enim pupillae moderamine lucis appulsae quantitati sese accommodet oculus, patentior introitus clarioris lucis intolerantiam creare debet. Unde patet, cur magno virium dispendio accedens nimia sensibilitas istud symptoma tantopere intendat. Quod cataracta minor, ad margines tenuior, in medio spissior, producit, vespertini visus genus imminutam potius, quam intensiorem, ponit aciem, nec adeo hujus est loci.

712. Caecitatis causae cum et numero plurimae sint, et natura ac sede multum diversae, distinctam merentur expositionem. Aliae quidem haerent in partibus, quae ante oculi globum sitae sunt, aliae in hoc ipso, iterumque aliae pone eundem, inde ad encephalon usque.

713. Priores nec facultatem videndi, nec organum, afficiunt, sed conditiones modo, sine quibus exerceri visus nequit. Sunt igitur externa tantum impedimenta, quae oculum lumini inaccessum reddunt, nec adeo, nisi notham pariunt caecitatem. Huc referuntur vitia palpebrarum; tumor ab humorum confluxu, inflammatione, erysipelate, oedemate, emphysemate, grandinibus, tegumentorum exuberantia, carne luxuriante, tumoribus cysticis, etc. diducti-
 oni obstitans; cohaerentia a pituita; gramiis, pure, sanie ulcerosa, porriginosa, venerea, interpositis; concretio congenita, aut ex inflammatione, ambustione, excoriatione, vulnere, ulcere, nata, quod ἀγκυλοβλέφαρον (223.); contractio ab orbicularibus musculis spasmo affectis; πτώσις denique palpebrae superioris ob resolutum aut transverse dissectum ejus levatorem. Caruncula quoque lacrymalis, et, quae juxta hanc est, laxioris adnatae lunula, quum congestis humoribus, inflammatione, abscessu, turgent, aut degenerere augmento suae materiae in panniculum, pterygium, etc. abeunt, ita supra corneam sese quandoque expandunt, ut lumen intercipere poss-

possint. Alias et vicinarum partium tumores, qui oculo superimminent, simile obstaculum creant.

714. Quae caecitatem inferunt, globi oculi vitiositates pro multitudine ac diversitate partium, ex quibus componitur, perquam numerosae sunt. Cornea ex inflammatione, ambustione, pustulis, abscessu, farcosi, cicatrice, humorum coagulo, etc. varii nominis, coloris, crassitie, sedis, extensionis, maculis obscurata, luci impervia: humoris aquei defectus; ejusdem sanguine, pure, fordibus mixti, aut in spissamentum mucosum, membraneumve, cataractas spurias recentiorum, coacti opacitas: pupillae ob varia uveae, congestis humoribus turgidae, luxuriantis, flaccidae, convulsae, prolapsae (255.), vitia, obstipatio, *συνίλησις*, *σύμφοσις*, constrictio: lentis crystallinae aut in corpore suo, aut in velamento, opacatae, arefactae, suppuratae, colliquefactae, suffusio multiplex; ejusdem tumor, una cum obscuratione glauca, vicina pressa sensu motuque privans: humoris vitrei similia vitia, cum praegressa aut pedissequa lentis affectione conjuncta: retina tandem compressa, callosa, infarcta, marcida, resoluta, aut

quavis demum affectione; five propria, five aliarum partium, insensilis. Etenim horum singula seorsim, aut plura inter se complicata, multiplices caecitatis species, cataractas, glaucomata, ἀμαύρωσις, diversis quidem modis atque phaenomenis, producere posse cuique facile liquet, qui Physiologiam hujus sensationis rite intellexerit.

715. Ad tertium genus (712.) pertinent, quaecunque simili ratione, ac mox de retina dictum (714.), afficiunt nervum opticum, huicque impotentiam inferunt: uti et cerebri laesiones multifariae, five universales, apoplecticae, epilepticae, catalepticae, etc. seu magis singulares, quae videndi facultatem praecipue opprimunt, liberum sensorii communis cum externis sensoriis commercium intercipiendo. Inde, organe licet nulla conspicua labe vitiato, caecitas tamen consequitur, quum ex vulnere, fractura, contusione, obstructione, congestione, effusione, corruptione, humorum, tumore vario, abscessu, liquidi vitalis defectu, virium languore, spasmo, compressio, destructio, inundatio, exesio, extenuatio, collapsus, marcor, constrictio, istis partibus accidit. Qui affectus

ctus ἀμαύρωσις audit, cum ex causa stabili oriundus permanet; σκότωμα, scotomia, ubi, postquam aliquamdiu afflixit, cito sponte remittit.

716. Visus hebetudo, ἀμβλυωπία, uti gradu tantum a caecitate distat, inque hanc saepenumero, ocysus, serius, transfit, ita consimilibus causis, sed levioribus, nascitur, variosque et ipsa admittit gradus: prout vel sanis quoque non eadem singulis semperque acies obtingit. Ex supra (712. ad 716.) dictis ergo intelligitur.

717. Depravatio visus dicitur, cum imagines cernuntur rerum, quasi ob oculos versantium, quae tamen nullae sunt, aut aliter, quam revera sunt, aut recte quidem, sed non ad justam distantiam, perversove cum obtutu oculorum. Multiplex itaque vitium, diversissimis e causis oriundum, morborum plurimorum symptomata, vel visionem ipsam ponit alienatam, vel videndi modum.

718. Quodsi causae internae retinam in similes agant tremores, uti lux solet ab externis objectis reflexa, pro statis sensationum legibus, ideas similes nasci oportet, et ad objecta externa, quasi ab
his

his oriantur, referri. Unde prima visus fallacia, imaginatio dicta, quae floccos, scintillas, μαρμαρυγας, imagines varias, vel adductis etiam palpebris profert. Vascula retinae aut huius vicinarum partium, humoribus turgida, ultra modum micantia, quum proximam ejus medullam agitant, plerumque hoc symptoma pariunt; frequens ideo in oculorum contusione, inflammatione; tum et in plethora, et morbis acutis, febrilibus, inflammatoriis, catarrhosis, spasmodicis, qui nimio humorum affluxu caput affectant; saepe imminentis desipientiae aut haemorrhagiae prodromus. Comitatur et ΦωτοΦοβία (710.), sicubi tenerior oculus nimia luce percellitur. Alias et pone oculum in nervo optico, ipsove cerebro, sedem habet ex vitiis supra (707) memoratis nascens.

719. Retinae alia puncta obstructione, ecchymosi, callo, compressione, relaxatione, insensilia; massulae opacae per humorem aqueum, vitreum, lentem, sparsae, cornea maculis obsessa, imaginem objecti punctis, striis, floccis, nubeculis, cancellis nigricantibus interstinguunt, infuscant, iisque oculo immoto aut stabilibus, aut fluctuantibus, pro

pro varia vitii sede. Quae altera est fallaciae species. Bullulae aëriæ, aut guttulae striaeve oleosae, pellucidae, seorsim in humore aqueo fluitantes, refractione radiorum dispari, imaginem alienis notis ductibusque mobilibus, etsi non opacis, variare etiam possunt. Oculi quoque madidi, aut palpebrarum tarfi extumidi, reflexa luce in pupillam admissa, imagini objectorum alienam radiationem affingendo visum itidem confundunt.

720. Alias et colore non suo cernuntur res, quum corneam, humoresve oculi, integra pelluciditate, alienus color inficit. Quandoque et vehemens nervei systematis affectio hoc vitium parit.

721. Vertigo, *δῖνσο*, hujus etiam loci est, qua objecta, etsi stabilia, in gyrum agi, titubare, contremiscere, subverti videntur; ut homo quoque, stare nescius, membris vacillet aut prosternatur. Sicubi et visus una obnubilatur, *σκοτόδινσο*, vertigo caliginosa, audit. Causae sunt quaecunque compressione, succussione, agitatione, infirmatione, fibrillarum cerebri, nervi optici, retinae, motus regulares interturbant; sive pro-

xime

xime in istas partes agant, sive per consensionem. Cuiusmodi habentur innumera: uti capitis, aut oculorum, ictus, contusiones, fracturae, tumores interni, morbi inflammatorii, suppuratorii, erysipelatosi, febriles, spasmodici, catarrhosi, soporosi, dolorosi; plethora; cacochymia multiplex, humorum rarefactio, impetus, congestio ad encephalon; hujus inundatio ab effusis, stagnantibus; retentio excernendorum, metastasis materiae morbosae, variae; evacuationes nimiae; dissipatio virium per inediam, vigilias, curas, studia intensiora, morbos vehementes; ventriculi, intestinorum, vasorum viscerumque hypochondriacorum, uteri, affectiones; irritationes ab aliis partibus sursum propagatae, etc. Unde permultos morbos praecedere, comitari, aut consequi solet. Quum vero et intuitus rerum, quae circumaguntur, aut alias celeriter ante oculos moventur, et capitis corporisve universi in gyrum agitatio, et meticulosus praecipitii prospectus, infuetis vertiginem inferant; credibile est, causas quoque internas haud dispari ratione agere.

722. Quae imagines objectorum multiplicat, dividit, mutilat, aut aliis modis pervertit, alucinatio quamplurimis diversarum oculi partium vitiis, quae situm, motum, figuram, substantiam, depravant, debetur. Mala praesertim spasmodica, paralytica, musculos oculorum, retinam, nervos opticos, cerebrum, afficientia, id genus fallacias perquam mirabiles saepe producunt.

723. Facultas, qua oculum diversis objectorum distantis aptamus, multimodis vitatur, in *μυωπία*, *πρεσβυωπία*, *ὑπερπρεσβυτία*.

724. Myops oculus, ad objecta remotiora inhabilis, etiam nimis propinqua exigit, ut distincte videat. Excessu igitur laborat ejus virtutis, qua lucem admissam refringendo cogimus: ita enim fit, ut e longinquo venientes radii, pene paralleli, intra oculum justo citius in focos coeant, indeque rursus dispersi demum in retinam incidant. Causae sunt major oculi longitudo, cornea convexior, lens magis gibba, a retina remotior, mediorum, per quae radii intus decurrunt, major densitas. Myopia spuria, quam angustior pupilla, minor corneae humorumque pelluciditas, minor
iridis

iridis ac retinae sensibilitas, inducit, ad visum hebetem (716.) potius referatur.

725. Πρεσβυωπία, vitium priori (624.) contrarium, senibus familiare, contrariis etiam conditionibus debetur: quo et lentis defectus referri potest.

726. Ὑπερπρεσβυτία, quae lentem adeo propinquam retinae ponit, ut cujuscunque distantiae objectorum radii post retinam suos projiciant focos, neque hinc vel propiora, vel remotiora, distincte cernantur, sicubi detur, enormis dicatur visus senilis (725.) gradus, imminuti visus (716.) speciebus annumerandus.

727. Mala nervorum spasmodica, paralytica, quandoque et visum ita figunt, ut ne vel minimum quidem aptae distantiae augmentum feratur, quin objectum plane dispereat. Depravationis genus oppido rarum et singulare.

728. Concretio oculi cum vicinis partibus, pressio a tumoribus, situs alienus; musculorum ejus spasmus, paralyxis, distractio, aliave impedimenta, diversimode pervertere motum atque directionem in videndo possunt. Unde ὀβλίσσασθαι, visus lateralis, sublimis, humilis, adspectus trux, torvitas, similiaque mala.

729. Haec inter praecipue memorabilis strabismus, quo affecti oculis distortis ac inaequaliter motis vident. Distorsio varia introrsum, extrorsum, fursum, deorsum, unius vel utriusque oculi, differentias constituit. Multiplex hujus vitii sedes ac causa tribuitur visus potentiae in utroque oculo haud satis aequali, in alterutro multum debiliori, aut et deficienti; musculis spasmō, paralyſi, vulnere, contusione, ulcere, pressione, contractione, adhaesione, laesio, ut aequabiliter ambos dirigere oculos nequeant; adſuetudini oblique aut uno tantum oculo videndi; corneae; male conformatae, parte aliqua opacae; obliquo lentis ſitui; proceſſuum ciliarium inaequali actioni; discordi denique retinarum harmoniae.

Laesiones sensuum internorum.

730. SENSVS externi quidem materiem ſubminiſtrant, in qua ſeſe exerceat virtus ſentiens: at praestantissimum, quod ista functio habet, internis, quos dicunt, ſenſibus debetur. Tametsi vero praecipuam horum partem ipsa ad ſeſe mens vindicare videatur; haud negandum

dum tamen, organa corporis suam quoque symbolam eo conferre, horumque adeo diversitati ex parte tribuendum esse differentem id genus sensuum usum, qui in hominibus etiam sanis animadvertitur. Quo circa et pronum est colligere, non minus hic, quam in sensibus externis, alienationes dari, quae cum ex corporis vitiositate profluant, omnino ad forum medicum sint referendae (36.).

731. Quae cum sic satis certa sint, abditissima tamen est, in qua hae mentis operationes perficiuntur, officina, nec vel probabili conjectura assequi datur organorum, quibus instructa est, numerum, situm, conformationem, vires, agendi modum, singulare cujusque pensum, cetera. Quo fit, ut, in tanta status sani ignorance, de natura ac sede vitiorum, quae hic occurrunt, nihil admodum distincti pronunciare liceat. Tantisper proinde in generali doctrina acquiescendum, donec Physiologia tenebras dispulerit.

Delirium.

732. DELIRARE dicitur, qui, cum vigilat, somnianti tamen similis, ideas, sibi ab

ab internis causis natas, ad res externas refert, percipitque adeo ac existimat praesentia esse, quae absunt: tum qui ideas undecunque ortas praepostere componit, disjungit, iudicium ferens a communi sensu aberrans: et qui praeter rationem, vi morbi, alienos a suis mores induit, motibusque animi abstrahitur insolitis, effrenatoribus.

733. Delirium ergo ponit facultatem iudicandi in vigilante perturbatam vitio organorum. Quamvis enim reliquarum sensationum exercitium pervertatur; nisi tamen erroneum quoque intervenierit iudicium; vix pro delirio id haberi potest.

734. Unde perspicitur multiplex huius symptomatis differentia variusque gradus; prout aut universale est aut particulare, fixum vel vagum, perpetuum aut interruptum, mite vel ferox, incipiens aut consummatum.

735. Difficilimum autem est, ob extremam huius materiae obscuritatem (731.) aut partes affectas assignare, aut diversos laesionum modos, quibus singulae deliriorum species oriuntur. Ex comparatione eorum, quae in sano statu fiunt, istud saltem affirmari posse vide-

tur, puavis demum ratione turbari aequabiles illos, regulares, mentisque moderamini addictos motus organorum sensoriorum, unde ordinatus pendet idearum ortus, consentanea disjunctio, combinatio, successio, atque attenta contemplatio, sine quibus sanum esse judicium nequit.

736. Sive igitur, quas causae internae excitant, ideae tam vividae sint, ut a foris profectae videantur, mentemque occupent abripiantque, nec aliis attendere sinant; sive legitimis ideis sese adjungant aliae incongruentes; seu denique affinium vel intermediarum idearum quaedam suppressae deficient, nec produci queant: quidquid horum contigerit, manifestum est, fieri non posse, ut ne facultas judicandi primum, dein et voluntas, in errorem pertrahatur, ac porro huic etiam convenientes cum animi, tum corporis, motus nascantur, fallacia alia aliam trudente.

737. Ingens potentiarum numerus, quas observatio docuit, turbarum id genus creare, reducitur fere ad ea,

I. Quae tenorem medullae cerebri generisque nervosi infirmando virtutem sentientem labefactant. Cujusmodi sunt
eva-

evacuaciones nimiae, morbi graves, diu tolerati, mala hysterica, hypochondriaca, apoplectica, cataleptica, epileptica, exercitationes mentis immodicae (522.), animi motus violenti, diuturni (532.), pervigilium (550. ad 552.) tum quae colluvie aquosa (287.), mucosa (283.), encephali stamina inundando flaccida, inertia (160. I. 2.) reddunt.

2. Quae humorum circuitu intensiore (409.), sursum directo (411.), sanguinem in vasis encephali accumulans, hinc distensione, pulsatione, attritu, aestu, errore loci, proximam medullam praeter modum exagitant.

3. Quae siccitate, rigiditate, infarctu lento, indurante, fibras sensorias minus mobiles mutabilesque faciunt, status semel concepti nimis tenaces. Quo maxime confert atrabilia humorum crasis, vitio quocunque rerum non naturalium, morbove, inducta (284. 320. 355.).

4. Quae irritando motus irregulares, injustos, effrenatos, in sensorio communi cient, sive proxima in hoc ipsum actione seu ex aliis partibus per consensionem eo propagata. *In primis quae in praecordiis sita, haec irritando, inflammando, afficiunt. Quo maxime facit materies impura*

quaecunque, biliosa praesertim putrida, aut etiam praecordiorum inflammatio. Inde a bile phrenitis, atrocissima deliria alia, a biliosa praecordiorum inflammatione paraphrenitis, caet. Stimulorum vero, qui vim sentientem turbare queunt, par ratio est, atque irritamentorum virtutis vitalis, nec minor fere numerus ac diversitas. Unde ex dictis 171. et seq. intelliguntur.

5. Impedimenta denique multifaria, quae partibus encephali vim inferendo, fitum, nexum, fabricam earundem pervertendo, canales obstruendo, comprimendo, quassando, lacerando, humorum circuitum turbando, consentaneis medullae staminum motibus obstant, conformatio prava ab ortu contracta, commotio, contusio, fractura, vulnus, abscessus, echymosis, hydrocephalus, et similia, quae caput infestant, huc referuntur.

738. Est vero et feminiis hic locus, quae alium prae alio tum ad delirium, tum ad hujus species singulares, procliviores reddunt. Temperamenta certe (614.), melancholicum praesertim aut cholericum, atque irritabilitas (190. 616.), multum valent; tum et gentilitium quid fin-

singulare, quod haereditate propagatur, ex prioribus vix plane explicandum.

739. Phantasiae alienationes, quae iudicio corriguntur, leviores modo desipientiae gradus sunt, similesque causas habent. Refractarium quoque et inflexibile, quod vi morbi aliquando in voluntate nascitur, haud minus, quam indomitae animi commotiones (732.), huc pertinet.

740. Memoria vacilans, confusa, extincta, puerilitas, fatuitas; mentis distractio; ἀναισθησία, sensuum carentia, ἀπάθεια, in qua ob vitium organorum quaecunque animi affectiones delentur; et quae id genus aliae sunt noxae, suo quaevis modo laesam ponunt officinam sensoriam, proprietate tamen laesionis vix determinanda ultra, quam occasiones aegrotandi, morbique praegressi, comites, aut pedissequi, docere possint. Aetas, temperamentum, torpor vis vitalis (196.), vitiositates organicae (737.5.), solidorum laxitas, rigiditas, vasculorum obstructio, collapsus, concretio, humorum spissitudo, inertia aquosa, inopia, abundantia, motus imminutus, mala nervorum paralytica, spasmodica, mor-

bique ex his nati, universales, particulares, praecipue spectari merentur.

Motricis facultatis Symptomata.

741. FUNCTIONVM corporearum nulla est, quae non ad motum referri queat. Unde pro illarum multitudine et diversitate innumerabilis est motuum, qui in sanitate perficiuntur, varietas. Habet idcirco suum quoque animalis machina systema motorium, per omnes partes diffusum, suis instructum fibris, tum in musculos collectis; quae tanquam motus instrumenta, virtute motrice animantur. Ita duplex motuum genus cietur, alterum spontaneorum, alterum eorum, qui voluntate nostra reguntur. Haec vero, etsi diversis legibus adstricta sint, multumque ideo inter sese discrepare videantur, credibile tamen est, idem motus principium agnoscere, nec dissimili quoque apparatu organico absolvi. Iisdem certe vitiis obnoxia sunt. Communi igitur pertractione utriusque symptomata proponemus.

Spasmus.

742. SPASMORVM major etiam est, quam dolorum, in aegris frequentia: nec raro morbum universum, certe praecipuam hujus partem, constituunt, ipsique, ut suis ex causis profluunt, plurimorum vicissim symptomatum causae fiunt. Tametsi itaque eorundem energia ultra, quam par est, a nonnullis forte extenditur; fatendum tamen, vix aliam dari corporis vivi affectionem, cujus aut crebriores incidant occasiones, aut magis universalis sit sedes, aut major ad functiones omni modo turbandas potentia.

743. Spasmus dicitur violenta, invita, inordinata, fibrarum motricium actio. Omnes adeo et singulae systematis motorii, qua late patet (741.), partes ei obnoxiae sunt. Virtus vero motrix, quae in sanitate fibras musculosque animat, eadem et in spasmo actionem edit, in qua illud modo praeter naturam est, quod justo intensior sit, nec congruenter legibus oeconomiae fiat.

744. Quum igitur vis motrix fibrarum a principio vitali (170. 209. 5.) repetenda videatur; manifestum est, in eruendis spasmorum causis ad irritamen-

ta (171.) potissimum attendendum esse, quae sane perquam multiplicia numerantur. Acria mechanica, chemica, noti, ignoti, generis; potentiae dolorificae (673.); immodica tum repletio, tum evacuatio; turbæ systematis circulatorii; affectiones systematis nervei, universalis, particulares; irritamenta varia musculorum, tendinum, membranarum. Multum praecipue hic valet mutua inter vires sentiendi movendique consensio (179. 525. 537.), qua fit, ut immodicae cuiusvis sensationi, dolori (675.), anxietati (682.), quin et animi perturbationibus (532.), frequentissime spasmi superveniant; tanquam si horum ope avertere aut propulsare malum, de quo sensus monet (675. 691.), natura conetur.

745. Uti vero vis vitalis non in omni homine, nec in quavis hominis parte, eodem gradu inest (175. 176.); ita pro hujus differentia major minorve ad spasmos proclivitas nascitur. Quocirca qui vitio irritabilitatis (190.) laborant, potentissimum hujus symptomatis seminum intus alunt (195.).

746. Effectuum, quos spasmi producant, ingens numerus ex dictis (195. 209.)

209.) intelligitur. Nec tamen adeo constanter nocent, ut non et saluberrima inter naturae auxilia ad avertendos sanandosque morbos (297. 640. 641. 744.) merito haberi debeant.

747. Sponte etiam patet multiplices dari spasmodum differentias; prout vel universales sunt, vel particulares, idiopathici aut sympathici, repentini vel lenti, coarctantes aut inflantes, qui flatulenti dicuntur, etc.

748. Qui spasmodum a convulsione distinguunt, illum vocant continuam, hanc alternantem musculorum contractionem, quam tamen alii malunt motum convulsivum appellare. Perinde fuerit, num eodem, an diversis nominibus utare. Uterque certe affectus ad idem genus pertinet, partes easdem occupat, similesque et causas, et differentias, agnoscit; quin et haud raro alius in alium transit. Intelligitur adeo recentiorum distinctio inter morbos tonicos et clonicos.

749. Inquietudo etiam utcumque huc referri potest: quamvis enim haud plane praeter voluntatem ista membrorum agitatio fiat, plerumque tamen nec suspendi pro arbitrio potest, cum ex morbo

bo nascitur. Anxietas, dolor, pruritus, aestus, delirium fere in causa esse solent.

750. Horror, horripilatio, hujusque vehementior gradus, rigor, concussionis spasmodicae naturam clarius prae se ferunt. Accidunt febribus, suppurationi, sphacelo; gravibus nervorum affectionibus; subitis, immodicis evacuationibus; his male suppressis; laboriosis ad expellendum moliminibus, maxime ubi natura crudo, acri, corrupto, heterogeneo, virulento, intus haerente angitur. Quum vero et animo ideis injucundis commoto, et repentino corporis aestuantis refrigerio, nascantur, sensumque frigoris intercutanei ac pallorem externum habeant comitem; credibile est, spasmos subesse cutaneos, qui vasculis constrictis, repulsis intro humoribus, inaequabilem et circuitum et calorem nativum efficiant.

751. Est et, ubi muscoli, recte quidem ad voluntatis nutum in actum concitati, injussa dein agilitate atque impetu non reprimendo motus suos accelerant, mentemque invitam praecurrunt. Vitium, loquelae musculis frequens, nec his solis tamen proprium: vidi enim, qui currere, non gradi, poterat. Habet ista volu-

volubilitas aliquid spasmodici, hujusque adeo loci est. An etiam in spontaneis motibus obtinet? Credas, quum ingesta, celerrimo per intestinorum volumina tractu, ano exturbantur, motum peristalticum ita affligi.

Paralysis.

752. PARALYSIS, Paresis, resolutio, extinctam ponit facultatem motricem, flaccidam adeo fibrarum motricium inertiam, partiumque inde, quas movere debent, immobilitatem. Affectio spasmō (743.) opposita, aequē tamen late patens, singula quaeque motus instrumenta (741.), musculos, fibras, cum sponte, tum ad arbitrium agentes, infestat. Exquisita dicitur, si sensus una cum motu deest; si superest, imperfecta; *ἀτονία*, si fibras viscerum vasorumque enervat.

753. Debetur multiplici vitio 1. Cerebri, cerebelli, medullae oblongatae, spinalis, nervorumque inde porrectorum in truncis, gangliis, ramulis suis, quo fit, ut vis nervea torpeat, deficiat, aut sublato istarum partium cum fibris motricibus commercio intercipiatur: 2. Systematis circulationis, quo influxus humorum

rum vitalium in organa motus imminuitur, sufflaminatur: 3. Villorum denique muscularium labi propriae, distractione, pressione, diuturna quiete, intensiore actione, relaxatione, siccatione, texturae alienatione, inductae, qua ad motum inhabiles redduntur. Horum singula seorsim, aut plura simul, sive ipsam extinguant virtutem motricem (741.), sive conditiones saltem tollant, sine quibus illa in motus consentaneos excitari nequeat; utroque modo paralyfin fieri necesse est.

754. Quocirca haud difficile est istam motus impotentiam ab aliis morbosae immobilitatis speciebus distinguere. Liqueet etiam sedem ejus valde diversam esse, proque hujus diversitate paralyfin dividi in universalem et particularem, idiopathicam et sympathicam. Nec obscura et ratio innumerarum noxarum, quae ex defectu motus in omne genus functionum promanant.

755. Levior paralyfis gradus est debilitas virtutis motricis, qua fit, ut motus musculares non nisi aegre ac languide exerceri queant. Haec etsi ad animales motus potissimum referatur, haud minus tamen vitales quoque et naturales afficit, easdem-

easdemque tum differentias, tum causas, ac paralyfis (753. 754.), agnoscit. Humor inopia, copia nimia, crasis vitata, circulationis torpor, vis nervea oppressa, exhausta, solida effoeta, hic maxime spectanda.

756. Hinc intelligitur, quae toties morbos praenunciat, lassitudo spontanea, huiusque species veteribus memoratae, tensiva, ulcerosa, inflammatoria.

757. Tremor quoque, qui, cum movere artus conamur, accidit, ad imbecillitatem facultatis motricis (755.) pertinet. Palpitatio autem, qua quiescentes etiam partes concutiuntur, vitiis spasmodicis (743.) annumeranda.

Somni affectiones.

758. PERVIGILIVM, ἀγρυπνία, cum morbi symptoma est, non minus aegris, quam ultronea pervigilatio sanis (550. ad 552.) nocet. Nascitur autem, quoties ex turbis interioribus tanta fit emporii animalis agitatio, ut nec relaxari organa sensuum motuumque voluntariorum possint, nec vis nervea feriari, neque adeo mens a mutuo cum corpore commercio sese subtrahere. Dolor proinde
(67c.)

(670.), pruritus (679.), anxietas (682.), delirium (732.), febris, inflammatio, suppuratio, circulatio intensior, raptus humorum versus superiora, aestus ingens, morbique hinc, in quibus istorum aliqua insunt, praecipue sicubi et irritabilitas (190.) accesserit, vigilias inferunt.

759. Immodicae dormitionis in morbis multifariae occurrunt species, duratione, gradu, aliorum symptomatum comitatu, hinc nominibus etiam, inter se discrepantes. Causae generatim reduci queunt 1. ad languentes sentiendi movendique vires: quo faciunt animi corporisve ex quacunque causa defatigatio; evacuatio enormis; solidorum debilitas (157.); torpor (196.); circulationis tarditas (410.); humores prae abundantia aquae (287.), glutinis (283. 373.), crassamenti (284.), pinguedinis (394.) vappidi, effoeti; frigus intensum (427.5.), etc. 2. ad easdem vires oppreffas, hinc agere impeditas, ob plethoram multiplicem (387. ad 392.), obesitatem (394.), nimium sanguinis ad caput impetum (411.), reditum haud satis expeditum, vasorum encephali infarctum, inflammationem, erysipelas, evacuationes suppressas, metastases materiae morbo-

bosae ad superiora. An et hujus loci est, quem spiritus fermentati (467.) inducunt ususque narcoticorum, sopor? 3. ad ea; quae liberum emporii animalis cum organis sensuum motuumque voluntariorum commercium suspendunt: cujusmodi innumera habentur, commotione, compressione, inundatione, destructione encephali nocentia; uti sunt vehemens capitis percussio, cranii depressio, fractura, exostosis, abscessus, tumores varii intus nati, cerebro imminentes, humores effusi, restagnantes, hydrocephalus; quin et, quae vires opprimendo agunt, modo num. 2. memorata.

4. Forſan et mens, mutui pertaeſa influxus, officinae ſuae motus quandoque ſupprimi, et in ſe ipſam veluti contracta, animalibus organis relaxatis, lubens ab opere feriatur. Somnos Endymioneos, diuturni moeroris ut plurimum perdiſſequos, hac fere origine natos dixeris.

760. Prout igitur horum (759.) ſingula ſeorſim, aut plura ſimul, varioque gradu, in homine inſunt; ita vel ſomnolentiam tantum, vel leves gravioreſve ſomnos inferunt; modo actione ſua ſyſtematis animalis limites haud excedant, nec adeo vitam una opprimant.

761. *Κῶμα ἀγρυπνον*, luctans somni ac vigiliarum alternatio, quae nec dormire, nec recte vigilare finit, hinc intelligitur: ponit enim causas somni (759.) urgentes quidem, at pleno effectu agere impeditas ob pervigilii causas (758.) mox succedentes. Nascitur ergo in morbis, ubi dolor, anxietas, delirium, insomnia terrifica, aut quaevis alia sensorii communis agitatio intensior, insuperabili in somnum propensione superveniunt.

762. Nec multum dissimilis est somni et vigiliarum permixtio, cui somnia, pavores in somno, somnambulatio, debentur. Etenim oriuntur haec, cum causae vigiliarum (758.) in dormientibus subnascens somni statum haud plane quidem tollunt, sed plus, minus, tamen interturbant; ut ideo partem aliquam officinae sensuum interiorum inquires habeat, quae et in systema motuum voluntariorum sese nonnunquam effundat. Qui igitur considerat mechanicum illud, quo exoriri ideae, resuscitari, aliaeque aliis fociari, in vigelantibus solent, ei haud difficile est eruere, quam multiplices in aegris enasci queant somniandi occasiones; quando vel sanis etiam adeo frequentes accidunt: quin et perspicere possi-

possibilium somniorum numerum varietatemque et confusionem infinitam; etsi mutationis corporeae, quae illorum cuiusvis respondet, singularem naturam sedemve propriam ne conjectando quidem determinare liceat.

Symptomata motuum vitalium.

763. COMMUNE veluti centrum, in quod vitales motus tendunt conspirantque, humorum circuitus est, princeps oeconomiae animalis functio. Quocirca et, quae motibus illis accidunt, vitia, in systemate circulatorio huiusque primariis instrumentis, suis sese effectibus potissimum manifestant, et proinde ad laesas cordis, arteriarum, pulmonumque actiones referri possunt.

Respirationis Symptomata.

764. MENTIS imperio quidem paret respiratio, ut varia, quae voluntate regantur, obire munia queat: nihilominus tamen et actionibus vitalibus recte annumeratur; quum et spontanea sit, et vitae conservandae absolute necessaria. Plurimarum itaque ejus vitiositatum

praecipuae hoc loco exponi merentur; ut quae frequentes admodum sint, atque ob praestantiam signorum, quae in morbis praebent, intellectu utilissimae.

765. Pro multitudine conditionum, quae ad liberam respirationem requiruntur, noxae, quibus impeditur, perquam numerosae sunt, naturaque ac sede valde differentes: Aëre calore (424. 9.), frigore (427. 5. 8.), humiditate (430. 4. 5.), gravitate (434.), levitate (435. 437.), stagnatione (438. 439.), inquinamentis (440. 442. 496. 497.) peccans; narium, oris, faucium, laryngis; tracheae, bronchiorum, partium, quas aër permeare debet, morbi angustiae (209.) multifarii, obstructio, obstipatio, compressio, spasmus, coalitus; pulmones ipsi inflammatione, erysipelate, pustulis, vomica, ulcere, tuberculis, sanguine congesto, pituita, fero, materie terrea, polyposa, podagrica, rheumatica, atrabilaria, aut quavis alia morbose, in apparatu suo vasculoso, aut parenchymate, obsessi, impervii; aër, sanguis, serum, pus, tumores varii, cavitatem thoracis occupantes, ut pulmo libere explicari nequeat; mala item conformatio thoracis, vertebrarum, costarum, luxatio, fractura, ancylosis; tum
et

et musculorum respirationi inservientium debilitas, paralyxis, spasmus, aut prae dolore, inflammatione, echymomate, emphysemate, vulnere, contusione, impedita actio; musculorum quoque abdominalium vitia similia; obstacula denique ex abdomine nascentia, diaphragmatis motus supprimunt, illudve sursum urgent, ascites, tympanites, ventriculus, intestina, cibo, potu, flatu, scybalis etc. ultra modum distenta, uterus et, quae ad eum pertinent, partes, foetu, aëre, sero, aut quavis materie aliena, turgentes, tumores viscerum inflammatorii, purulenti, scirrhusi, cancrosi, steatomatosi etc. Unde liquet, vix aliud symptoma dari, quod tot et tam diversi generis affectionibus sese socium adjungat.

766. In tanta vero causarum varietate haud mirum est, plures etiam difficilis spiritus species gradusque animadverti: uti sunt *δυσπνοία*, *ἄσθμα*, *ὀρθοπνοία*, respirationis, anhelosa, strepens, stertens, sublimis, strangulatio, etc. Quarum quidem ratio atque origo ex dictis (765.) facile eruitur; maxime si quis perpendat, ex impedita actione, vitae tam necessaria, anxietatem (687.) nasci, quae natu-

ram urgeat, ut quovis virium suarum adiumento utatur, intensisque adeo ac multiplicatis motibus vitae periclitanti succurrat.

767. *Ἀσπνοία*, suffocatio, respiratio vere vel quasi abolita, causis nascitur iisdem (765.), sed vehementia aut duratione majoribus. Inde aut incrementem dyspnoeam serius, ocyus, sequitur; aut subito invadens, nomine catarrhi suffocantis, mortem minatur vel infert. Comitatur alias circuitus vitalis defectiorem, hinc gravioribus animi deliquiis, ut symptoma symptomatis, supervenit: alias primario suis ex causis oritur, tumque, ob interceptum sanguinis per pulmones trajectum, inhibita circulatione, vitam una supprimit. Immania aëris vitia, summa nervorum mala, paralytia, spasmodica, in organis respiratoriis, subita pulmonum oppletio a sanguine, pure, colluvie catarrhosa, eo praeprimis faciunt.

768. Tussis, depravatae respirationis symptoma, est violenta, convulsiva, reciproca, sonora, aëris inspirati per os elisio. Ponit ergo motus convulsivos musculorum, qui expirationem faciunt, simulque glottidem utcunque contrahentem;

ctam; quibus fit, ut aër pulmonicus cum impetu et sono de larynge elidatur, neque plenae inspiratione locus detur. Recte autem motus medicatus (640.) censetur, quo natura, quod systemati pulmonum aëriifero, seu mole, seu acritate, incommodat, vehementi spiritus excussione everrere conatur. Hinc et voluntate cieri potest.

769. Irritamenta adeo tussis sunt, quaecunque pulmōni, bronchiis, asperae arteriae, laryngi, molestiam creant actione quavis mechanica, physica, chemica: aër vitiosus; ingesta calore, frigore, acritudine, asperitate, nocentia; aliena in laryngem recepta (604.); materiae acris in eum aut vicinas fauces destillatio; muci has partes lubricantis abundantia, crassities, corruptio; sanguis, serum, pus, ichor, hic collecta; siccitas, inflammatio, erysipelas, aphthae, exanthemata, exulceratio, tum pleraque vitia organorum spiritalium, supra (765.) enumerata, quae, etsi nihil, quod sciretur ejici possit, habent, sola, quam inferunt, spirandi difficultate naturam ad tussendum sollicitant: quo si obstaculum vincere nequeat, moliatur tamen, saltem trajectum sanguinis expediat. Procliviores autem

D d 4

sunt,

sunt, quibus interior fistulae pulmonalis membrana ob muci defectum, siccitatem, tensionem, aliasve causas, justo sensilior est et irritabilior.

770. Consensione etiam tussis oritur, cum partium aliarum labes aut stimulo, aut translata materie morbosa, systema respirationis afficit. Unde frequens est in variis primarum viarum, ventriculi imprimis, hepatis, splenis, pancreatis, testium, parotidum, dentium, aurium, cerebri, nervorum, cutis, etc. affectibus.

771. Quocirca liquet, quatenus tussis dicatur humida, sicca, convulsiva, idiopathica, sympathica, ferina, catarrhalis, stomachica, etc. Nec latet origo innumerarum noxarum, quas vehementior, aut diutius protracta, inducit: etenim validis crebrisque pulmonum, viscerum abdominalium, ac universi corporis, concussibus, interrupta inspiratione, commoto sanguine, impedito ejusdem per pulmones transitu aequabili, musculis respiratoriis perpetuo irritatis, inordinate agitis, oportet nasci defatigationem, coctionem alimenti vitiatam, vomitum, hernias, abortum, congestionem humorum in capite, vasculorum pulmonalium debilitatem, sanguinis eruptiones, convul-

vulSIONES universales, suffocationem, et quae ex his sequuntur, mala infinita.

772. Sternutatio quoque huc referenda est, haud absimilis convulsivi motus species, qua aërem, magna prius copia inspiratum, unico expirationis fortissimae, sonore, impetu, per narium orisque meatus expellit. Spiritus ita, vehementer illisus membranae has cavitates succingenti, superficiem hujus verrit, absterget, expresso humore irrigat, proluitque, ut, quae molesta sunt, amoveantur, expurgentur. Salutaris igitur conatus irritamentis narium, faucium, oculorum supervenit, multisque adeo istarum partium morbis. Nascitur et, spasmodum more (744.), ex causis magis universalibus, aut quarum a naribus remotior sedes est, praesertim in hominibus irritabilioris naturae (190. 745.). Nec ubique tamen utilis, cum amoliri stimulum nequit, inani concussu fatigans, haud minus, quam tussis (771.), vehementer nocet.

773. Risus quum convulsio sit musculorum respiratoriorum, quae spiritum cohibitum citissimis, minimis, reciprocis concussibus, veluti tremulis, in systemate aëriifero agit, partitaeque adeo

expirazione etiam inspirationem plenam suspendit, inter symptomata aequae, ac inter potentias nocentes (521.), locum meretur. Accidit enim et invita menta, ex stimulis corporeis, qui diaphragma, et cum hoc conspirantes abdominis musculos, ceteraque respirationis organa, et musculos faciei, proxime vel per consensum, commovent. Unde primario quidem diaphragmatis, tum et ventriculi, splenis, uteri, affectiones, et qui sensorium commune turbant, febriles aliosque motus quandoque comitatur, hypochondriacis, hystericis, maniacis, phreniticis etc. familiare malum. Intelligitur hinc affinis risui fletus morbosus, cujus frequens est cum illo commutatio.

774. Suspirium, adjumento musculorum voluntariorum, profundissime ad imum usque pectus pertrahit spiritum, solitoque fortius rursus expellit. Ita magno longoque respirationis tractu natura vitale aëris beneficium adauget, aestui suffocanti refrigerium, circuitui pulmonali incitamentum, spirandi difficultati remedium, anxietati lavamen quaerit. Causae hinc sunt, quaecunque angorem inducunt (682. ad 691.).

775. Oscitatio sat similis est suspirio (774.) inspiratio, vehementior tamen, et intensiore gradu plerumque iterata, nec nisi per patentissimum oris meatum aëre trahens, junctamque ideo habet violentam illorum musculorum contractionem, qui maxillas, rictum oris, labia, diducendo, isthmum faucium glottidemque dilatando, amplissimum simul proximumque externo aëri introitum parare queant. Auxiliare igitur symptoma (98. 101.), solius naturae actio, suspirio etiam beneficentior, uti torpenti-
bus, ceterum sanis, salutari fine accidit, ita aegris quoque, quorum vires ob nervi systematis vitia, aut inertiam circuitus vitalis, elanguescunt; frequens propterea in febrium insultibus, affectionibus, hystericis, hypochondriacis, soporosis, chronicis.

776. Comes huic (775.) saepissime Pandiculatio, quae spiritu diutissime cohibito, nixuque per totum systema musculorum voluntariorum diffuso, artus corporis omnes vehementer distendit, ejusdem generis est, torporis non sequela modo, sed naturale etiam remedium.

Symptomata motus Cordis.

777. PALPITATIO cordis ponit convulsivas ejus contractiones, quae vehementi ad partes vicinas illisu naturalem longe superant. Spasmodicae igitur affectionis naturam habet, et ex (743. et seqq.) intelligitur. In summo autem vis vitalis, quae cordi prae ceteris indita est gradu (175.) occasiones hujus vitii quam plurimae sunt. Magnae nervosi generis turbae in hystericis, hypochondriacis, irritabilibus; turbae item in systemate circulationis; sive primario, seu ex prioribus, aut aliunde natae, ad cor usque deductae; fortiora quaelibet cordis irritamenta, aut et impedimenta, quae legitimae sanguinis admissioni vel expulsi-
 oni magnopere resistunt. Nascitur ideo ex violentis animi pathematibus, subito terrore, venere immodica, nimia corporis mentisque exercitatione, spasmis aliarum partium, doloribus, anxietate, motibus febrilibus, humorum abundantia, inopia, lentore, acritate varia, materiae scorbutica, atrabilaria, arthritica, scabiosa, ulcerosa, cancrosa, virulenta, suppressis quibuscunque excretionibus; tum et a multiplici respirationis difficultate

tate (765.), qua sanguis aegre per pulmones trajicitur; a varia quoque labe viscerum abdominalium, ventriculi praeprimis, crudis, acribus, corruptis, aëre, vermibus, heterogeneis, obstructione, inflammatione, ulcere, compressione, distensione, irritatione, male habentium; denique et ab ipso corde, auriculis, vasis ejus majoribus, pericardio, inflammatione, ulcere, aneurismate, polypo, vermibus, pilis, calculo, hydrope, ecchymosi, excrescentia, texturae degeneratione ossea, cartilaginea, angustatione quavis, praeter naturam affectis. Liquet autem facile, pleraque istorum etiam pluribus modis eo conferre, atque alia aliis frequenter sese adjungere, neque pauca esse, quae, suo quidem jure inter causas hujus symptomatis relata, saepiuscule tamen ejusdem potius sequelae sint, suaque dein accessione in causas veluti post natas mutantur. Denique et scire juvat, malum, per intervalla recurrens, iis potissimum ingravescere, quae impetu majore sanguinem versus cor adigunt.

778. Cordis tremor, sive levior fuerit palpitationis gradus, seu virium imbecillitati debeatur, ex ante dictis (757. 777.)

777.) cognoscitur. Reliquae porro motionum cordis anomaliae quum sese magis in pulsu arteriarum manifestent, aptius ad istum titulum relegantur.

Symptomata Pulsus Arteriarum.

779. PULSUS oritur, sicubi sanguis, vi cordis in arterias actus, harum parietes extrorsum urget, distendit. Ut vero apposite ad sanitatis leges fiat, requiritur cor efficax, legitima sanguinis copia et fluor, arteria contractilis, expansibilis, via circulationis libera. In horum igitur vitiositatibus quaerenda erit ratio alienationum, quae pulsui in aegris accidunt. Hae tamen cum valde multiplices sint, et subtilius etiam, quam utilius, a Veteribus interstrictae, omisissae, quae exigui sunt momenti, aut intellectu faciles, praecipuas modo exponemus.

780. Crebrior pulsus, pro aetate, sexu, temperie, varioque rerum non naturalium usu aestimandus, si in universum obtinet, frequentiores ponit cordis contractionem, hujusque adeo causis debetur. Huc referantur quaecunque cordis irritamenta; sive ejusmodi fuerint, quae venosi sanguinis affluxum
 auge-

augeant; seu quae acritate stimulent; aut quovis modo cordis actione obniantur. Quae quidem omnia tanto valentiora sunt, ubi cor ipsum quoque praeter modum irritabile est. Magna insuper ejusdem cum toto corpore consensus facit, ut turbulentiae etiam aliarum partium, in genere potissimum nervoso, agitationes facile eo deferantur. Hinc pleraque, quibus cor ad palpandum cietur (777.), hic pariter locum habent, innumerosque ideo morbos, maxime tamen omne febrium genus, committitur pulsus frequentia, saepe salutaris, activis certe symptomatibus (101.) annumeranda. An autem et topica datur in singulari systematis arteriosi parte? Dabitur, si vera febris particularis; neque tum a corde incitato tantum repetenda. Rarioris pulsus natura ex his facile perspicitur.

781. Arteria, ictu majore, quam dilatatione, micans, durum pulsare dicitur. Id fit, cum sanguis valida quidem et citatiore cordis contractione impingitur, nec pro ratione tamen expandere canalem potest. Subest itaque aut vitium in tunicis arteriae, ob siccitatem, rigiditatem, spasmus, minus obsequiosis; aut mor-

morbuīs cavitatis ultra modum distētae a sanguine copioso, rarefacto, spisso, vel ob impeditum transfluxum accumulato. Unde liquet, cur pulsus durus adeo frequens in morbis inflammatoriis? Nec later ratio pulsus mollis.

782. Pulsus intermittit vitio multiplice, graviore, leviori, universali, particulari. Etenim cordis contractio, in modum spasmī (748.), diutius continuata; ejusdem torpor (196. 755.), aut contractio inefficax, minore tum vi, tum copia, sanguinem in arterias projiciens; influxus sanguinis venosi in cor parcius, inordinatus vel nullus; arteriosi fluxus inaequalis, impeditior, interruptus; arteriarum varia lābes, receptioni, trajectui sanguinis, motui tunicarum systolico et diastolico, resistens, huc faciunt. His autem producendis innumera apta sunt: cordis partiumque eo pertinentium affectiones topicae, inflammatio, aneurisma, polypus, calculus, vermes, concretio, induratio, hydrops, etc. (777.); arteriarum similia vitia; magna respirationis impedimenta (765.); sanguinis abundantia, inopia, cacochymia viscida, acris varia; primarum viarum turbāe in vomitu, cholera, alvi profluviis, ver-

vermibus, spasmodis, doloribus, etc.; denique et nervosi generis mala in viscera vitalia ac systema circulationis diffusa, virtute vitali aut torpente (196.), aut nimis irritabili (190.).

783. Imminuti et deleti pulsus varii memorantur gradus, pro consecutionum, quas infert, numero ac intensitate diversis. Ἐκλειψις dicitur defectus levior, pallorem inducens, calore tamen, sensu motuque superstiti. Λειποθυμία, cum pallori et motus animalis impotentia accedit. Λειποψυχία prioribus auctis etiam superaddit caloris nativi extinctionem. Συγκοπή, una cum motu sensuque fere abolitis, frigus universale, sudoremque frigidum inducit. Ἀσφυξία denique, deletis omnibus vitae indiciis, accedente etiam ἀπνία (767.), mortis imaginem ita refert, ut merito nonnunquam dubitetur, vitamne an mortem praedicare fas sit. Quum vero universalis, qui comitatur, virium lapsus doceat, vitalem sanguinis circuitum pariter cum pulsu deficere; liquet haec vitia cordis deliquio deberi, iisque adeo causis nasci, quae hoc inducere valeant. Huiusmodi sunt vehementes animi affectus, idea rei horridae, odor infestus, in hy-

stericis, hypochondriacis, gravidis, puerperis, inedia, pervigilio, labore, morbo gravi, exhaustis, irritabilibus: aëris insalubritas varia, miasmata, venena, medicamenta drastica, vermes, alimenta, pravi succi, cacochymia putrida, scorbutica, atrabilaria, etc. materies morbofa partes vitales, nervos, graviter afficiens; inde et faevus dolor, anxietas, aestus ingens, spasmi; tum magna, subita, inannitio, nimia liquidi vitalis a corde et encephalo derivatio, parciore aut interceptus ad has partes affluxus, per eas transfluxus; adeoque encephali, cordis, pulmonum, multifariae affectiones, memoratis (782.) similes. His quippe potentiis aut sanguinis venosi in cordis cava influxus suspenditur, aut ipsa cordis virtus muscularis enervatur. Utraque autem noxa cor quiescere, hinc circulationem deficere, oportet. Nec dispar ratio esse videtur animi defectuum, quos pro arbitrio sibimet consciscere qui possint, memorantur, tametsi, quam voluntatis contentione id assequantur, non liquet.

784. Quodsi arteria singularis pulsare desierit, mali minus periculosi ratio ex (779. 782. 783.) facile invenitur: uti et cete.

ceterarum pulsus alienationum, quae vel in singulis seorsim, vel in plurium consequentium serie, reapse observantur; quales sunt magnus, parvus, validus, debilis, varia ratione inaequalis, undosus, vermicularis, formicans, ferratus, dicrotus, caprizans, vacillans, myurus, intercidens, etc. Generatim quidem notari meretur, vix aliam dari potentiam, quae in perturbando pulsu plus valeat, quam spasmos (742.), magnamque ideo partem id genus vitiositatum ab his repetendam esse. Specialior tamen hujus materiae expositio, cum ad Semioticam pathologicam (16. II.) pertineat, nostri non est instituti.

Symptomata actionum naturalium.

785. SYSTEMA naturale, humani corporis conservationi dicatum, etsi vitali animalique minus nobile habeatur, utilitate tamen et necessitudine haud inferius est, quando vix aut perparum est, quod non durabile est. Multitudine autem ac diversitate cum organorum, tum effectuum, quos edit, etiam fociis suis ferme antecellit. Ingens ergo numerus

laesionum, quae hic fieri possunt, ordinatam exigit pertractationem.

Appetituum naturalium laesiones.

786. Ut nutrimenti materies, cum opus est, a foris intromittatur, suos quoque ista officina nacta est sensus (669.), qui de penuria moneant hominem, compellantque ad victum procurandum. Inde fames et sitis naturalis, haec potum, illa cibum, materiem firmis perinde, atque humoribus, necessariam, desiderans. Utrisque suus est in sanitate modus, sua in aegrotis vitia.

787. Edendi cupiditas, valde diversa in sanis, multifariam quoque per morbos laborat. Augetur enim praeter modum in bulimo, fame canina, lupina: imminuitur, aut plane aboletur in *δυσφορέζια*, *ἀνφορέζια*, *ἀποσπτία*: depravatur in *κίττα*, pica, malacia.

788. Fames aucta vel vacuitati debetur, quae repletionem, vel acriori stimulo, qui mitigationem ab ingesto alimento exspectat. Quamobrem esuries, motu animali, immodica perspiratione, sudore, alvi profluvio, aliis excretionibus, lactatione, morbis, exhaustos, vermibus

bus obnoxios, aut quibus acre acidum, salinum, biliosum, atrabilarium, in ventriculo est, vexat; accedente praesertim animi impotentia, imaginatione mobili, sensibilitate nimia, irritabilitate, in junioribus, feminis, hystericeis, hypochondriacis, epilepticis. Bulimus dicitur, cum esuriem non satiatam animi deliquium sequitur: fames canina, ubi voracius ingesta cito revomuntur: si vero celeriter ano rursus expelluntur, nonnulli lupinam vocant.

789. Appetitus vario gradu proster nitur vitio ventriculi, pituita, saburra, terreis, alienis, corruptis, onerati, inflammati, ulcerosi, scirrhusi, callosi, aphthosi, atonia (752.), motibus inordinatis (743.), vel ob propriam affectionem, vel per consensionem, laborantis; menstruum item primae digestionis, salivae, bilis, defectu, inertia aquosa, mucosa, degeneratione varia: labe quoque corporis nimio plus repleti humoribus bonis, pravis, ob vitam desidem, somnolentam, circuitum languentem, evacuationes suppressas; turbis nervi systematis patheticis, spasmodicis, deliriosis, dolorosis, soporosis, etc. sensum naturalem obtudentibus; natura denique

gravioire malo, acuto, chronico, impedita, oppressa, exhausta, ut curam suscipiendae coctionis abjiciat. Prout igitur innumerorum morborum comes hoc symptoma est; ita liquet alias propter coctionis impedimenta nasci, alias ex eo, quod corpus non indigeat alimento, alias ob suppressam stimuli naturalis perceptionem: quae quidem rite perpensa ostendunt, ab inedia, anorexiae pedissequa, non continuo tot tantasque noxas aegris perinde, ac sanis famelicis (452. 453.), timendas esse.

790. Fastidium cibi, ἀποσιτία, easdem (789.), sed graviores, agnoscit causas. Putror, rancor, ventriculum inquinans; hujus nimia sensilitas, irritabilitas, imbecillitas, dolori, anxietati, spasmo, nauseae, vomitioni, ab ingestis obnoxia; tum et phantasiae errores, hic maxime spectentur. Cibi singularis averfatio, ex morbo nata, plerumque naturae vox (643.) est, cui obtemperandum.

791. Malaciae, quae cum fastidio aliorum ciborum junctam ponit appetentiam vix superabilem ac voracitatem ad certum edulii genus determinatam; et Picae, quae absurda quoque, inusitata, nec esui apta, quin horribilia, concupiscit

piscit ac avide devorat, haud absimile est ingenium. Tametsi enim et vitium imaginationis subesse possit; saepissime tamen, quae appetuntur, pro remedio sunt, quo aut corrigatur, quod intus est noxium, aut turbis ex intemperantia concitatis ejiciatur, aut succi alibilis inopia plus satis onerosae humorum copiae, ne vero alimento magis augeat, occurratur.

792. *Sitis*, quam indicandae potus necessitati praefecit natura, in morbis solito plus urget, quoties aut tractus superior primarum viarum, istius sensationis sedes, aut cum hoc etiam corpus reliquum, humectatione indiget, qua vel deficiens humor suppleatur, vel spissior diluatur, vel acrior temperetur, hinc firmis partibus mollitudo, canalibus meabilitas, transfluxuris libertas restituatur. Inde immodica humorum dissipatio, evacuatio, spissitudo, lymphae extra vias circulationis derivatio, collectio, minimorum vasculorum obstructio, spasmodica constrictio, compressio, acritas muriatica, ammoniacalis, alcalina, spirituosae, aromatica, putrida, biliosa, rancida, adusta, virulenta, in febribus, alvi profluviis, diabete etc. morbis inflam-

matoriis, purulentis, putridis, biliosis, catarrhosis, exanthematicis, spasmodicis, venenatis, hydrope, scorbuto, rhachitide, multisque aliis, sitim creant; quae tamen utrum ad suum modo sensorium, an vero ad universum corpus pertineat, probe distinguendum.

793. Carentia igitur sitis in morbis, natura sua siticulosis, etiam morbosa est, ponitque sitis officinam (792.) tussi, aut ptyalismo, jugiter humectari, aut resolutis nervis sensu privari, aut mentem alienatam esse.

Actiones laesae primarum viarum.

794. MANDUCATIONIS uti plurima sunt cum instrumenta, tum potentiae ac conditiones, sine quibus recte perfici nequit; ita multis diversisque multarum partium vitiis diversimode laeditur. Hujus generis sunt oris, lapiorum, buccarum, linguae, vulnus, inflammatio, ulcus, excoriatio, tumor, ἀγκυλόγλωσσον (223.), mutilatio, etc.; dentium defectus, infirmitas, dolor; mandibularum fractura, luxatio, caries, ἀγκύλωσις; musculorum istas partes moventium spasmus, paraly-sis, dolor, etc.; salivae denique defectus.

795. Deglutionis etiam plures sunt laesiones. Aut enim iteratis crebro nixibus incassum fatigat, aut dolet et laboriosa est, aut potionem duntaxat, non item offas, aut has modo, nec illam, transmittit, caduntve in asperam atteriam deglutienda, aut per os naresve redeunt. Multiformis vitii sedes quaerenda in lingua, palato, tonsillis, uvula, pharynge, larynge, oesophago, ventriculo, maxillis, vertebris, vicinis, musculis harum partium, dolore, vulnere, inflammatione, excoriatione, ulcere, tumore, luxatione, fractura, carie, mala conformatione, spasmo, paralyfi, angustatione varia (209.), siccitate, affectis. Inde enim aut inanem deglutiendi cupiditatem nasci, aut impediri materiae deglutiendae meatum, aut legitimam potentiarum motricium actionem, directionem, deficere necessum est.

796. Singultienti videtur momentanea convulsione concuti stomachus et proximum huic diaphragma, cui juncta simul glottidis constrictio faciat, ut subito inspiratus aër sonum cieat. Singultus igitur, spasmis annumerandus, easdem quoque agnoscit causas (743. et seq.); sed quae oesophagum, ventriculum, aut

diaphragma, propius, seu aliunde per
confensionem, afficiant: uti sunt avida
ingurgitatio ossae sicciore, asperae, hau-
stusve grandioris, acris; immodica ven-
triculi repletio aut irritatio ab acri cibo,
potu, medicamento, veneno; vermibus,
peregrinis, materie corrupta, acida, bi-
liosa, putrida, rancida, contagiosa, ar-
thritica, catarrhosa, ulcerosa, cancro-
sa, sphacelosa, ibidem nata, aut ex aliis par-
tibus eo delata; susceptum ad καρδιά frig-
gus; oesophagi, ventriculi, vulnus in-
flammatiō, erysipelas, exanthemata, ul-
cus, excoriatio, etc.; diaphragmatis in-
flammatiō, vulnus, contusio, intensior
per risum fletumve agitatio; costarum
inferiorum, vertebrarum vicinarum, car-
tilaginis ensiformis, fractura, luxatio,
distorsio; intestinorum quoque, mesen-
terii, hepatis, splenis, pancreatis, uteri,
etc. affectus inflammatorii, dolorosi,
spasmodici; turbae denique vehementes
nervosi generis ob animi pathemata,
evacuationes quascunque nimias, ence-
phali laesiones, motus febriles, molimi-
na critica, etc. Quo circa patet, alias
materiem subesse, quam natura sympto-
mate auxiliari excutere conetur; alias
nocivis motibus salubre nihil intendi.

Quan-

Quando autem juncta cum stomachi, tum septi transversi, convulsio hic datur, an non et levior habetur species, quae ad alterutram modo partem pertineat?

797. Vomitus est eorum, quae cavo ventriculi continentur, aut ex vicinis visceribus illuc congeruntur, violentia et fastidiosa per guttur superius expulsio. Hanc efficiunt motus spasmodici faucium, oesophagi, ventriculi, intestinorum, diaphragmatis, musculorum abdominalium, in molimem laboris angorisque plenum modo mirabili conspirantes. Facit autem eximia ventriculi mobilitas (175.), amplissimusque cum corpore universo consensus, ut irritamenta ad vomitum pene innumera sint, aliaeque domestica huic visceri, alia extranea. Ad priora referri licet, quaecunque mole, pondere, tenacitate, acrimonia, impedito per pylorum trajectu, fibras ventriculi lacerant: tum et, quae irritabilitatem (190.) inducunt, vitia ejusdem topica. Posterioris generis sunt affectiones partium quoquo modo consentientium, tam vicinarum, quam remotiorum, faucium, oesophagi, diaphragmatis, hepatis, vesiculae felleae, splenis, mesenterii, pancreatis, intestinorum, omentum,

ti, peritonaei, renum, ureterum, vesicae urinariae, uteri, encephali, sensorii communis, nervorum. Praecipua vigetur inter causas singultus (796.) modo enumerata sunt, vomitusque itidem datur idiopathicus, sympathicus, cum materie et sine ea. Quum vero intensitatis gradu inter se discrepent vomitiones, credibile quoque est, non omnium, quas supra diximus, partium nixus spasmodicos semper illuc requiri, litemque adeo dissentientium super hac re auctorum componi posse. Nausea, quae fastidiosa est ventriculi commotio, vomitum intentans, iisdem, sed lenioribus causis debetur, uti et materiae ventriculo contentae eructatio.

798. Aër, aut huic similis spiritus elasticus, cavo primarum viarum oberrans, ructibus flatibusque, qui hanc officinam maxime infestant, materiem dat; quae huic aut a foris invehitur, aut intus ex ingestis, indigenisve, effervescentia, fermentatione, putredine, calore, motu inordinato, evolvitur. Haec ubi collapsu, convolutione, compressione, spasmodica praesertim constrictione gulae, stomachi, pylori, intestinorum, coercita aliquamdiu, novis interim copiis forte

te aucta, aut in majus volumen dilatata, parietes claustri sui urgens, ab his vicissim repressa, tandem liberata, impetum concipit, datoque exitu sursum, deorsum, prorumpit, aut loco saltem mota, per tubum alimentarem vagatur, ructus, flatus, crepitus, borborygmi, nascuntur. Augere propulsionem voluntarii diaphragmatis et musculorum abdominalium nixus quoque possunt. Inde uti pro vario impetu muta aut sonora fit explosio; ita, quod prodit, flatulentum pro diversitate materiae, quam una rapit, aut fomitis, unde oritur, siccum, humidum, acidum, putridum, rancidum, biliosum, etc. esse debet. Ingesta igitur cruda, flatulenta, ferventia, acria, titulo cibi, potus, medicamenti, veneni, vitia coctionis, putror in primis visceribus undecunque natus, vermes, motus inordinati, spasmodici, horum viscerum, ex animi pathemate, affectione, cardialgica, iliaca, colica, hysterica, hypochondriaca, epileptica, alvi profluviis, cholera, vomitu, haemorrhagiis, vulneribus, febribus, etc. quin et impedimenta liberi trajectus ex obstructione, obstipatione, compressione, etc. huc faciunt, sive flatuosum elasticum subministrant.

strando, seu prohibendo, ne tranquille
ire, redire, exhalare, absorberive queat.

799. Alvus adstricta, etsi plerumque
robustam notat sanitatem, excessu ta-
men aegris saepissime molesta est, mor-
bosque non minus intendit, quam creat
(558.). Causas habet aut insuperabilem
materie resistantiam, aut impedimenta
trajectus, aut vitium in viribus motri-
cibus. Nascitur ergo a fece sicciore,
compacta, dura, copiosa, picea; muci
lubricantis defectu aut tenacitate, inte-
stinis obstructione, obstipatione, com-
pressione, spasmo, concretione, intus
suspensione (247.), contorsione (256.),
imperviis, in motum retrogradum actis,
nimia dilatatione infirmatis, resolutis,
perforatis, dissectis; bilis absentia, iner-
tia; motus animalis defectu; diaphragma-
tis et musculorum abdominalium actio-
ne languente, aut impedito nixu.

800. Ileus, volvulus, in quo pertina-
citer oclusae alvo violenta accedit vo-
mitio quorumcumque in tubo alimen-
tari contentorum, etiam scybalorum,
clysmatum, suppositoriorum, ano im-
missorum, ex (797. 799.) intelligitur. Po-
nit enim fere obstaculum in canali inte-
stinorum ab inflammatione, abscessu,
scirrho-

scirrho, cancro, calculo, fece dura, ver-
mibus, hernia, contorsione, susceptione,
compressione, concretione, convulsio-
ne, natum, quo transitus devolvendae
materiae intercipitur, simulque super-
venientes motus spasmodicos illarum
partium, quae ad vomitum faciunt, sur-
sum directos. Quin et hi soli, sine ob-
staculo, quandoque causam faciunt.

801. Diarrhoea, ventris profluvium,
est frequens et copiosa materiae liquidae
per alvum excretio. Ingesta, magna suc-
corum, qui secundum naturam in primas
vias assidue feruntur, copia, late patens
ventris cum reliquo corpore commer-
cium, quo fit, ut ex omni parte huc de-
vehi multifarii humores queant, mate-
riem exhibent et abundantem et diver-
sissimam, unde tum stupendae profusio-
nis ratio inveniri, tum praecipuae hujus
symptomatis differentiae constitui pos-
sint. Datae materiae expulsionem facit
motus intestinorum inordinatus et cita-
tior, qui et obstat, ne ora meatuum bi-
bula liquorem, ut decet, absorbeant.
Irritabilitas ideo intestinorum praeprimis
huc confert, et quidquid hanc aut mole
distendente, aut acrimonia laedente, aut
turbis aliunde invectis, laceffere potest:
ex-

excedens cibi potusve copia; flatulenta, acria ingesta, aut intus nata; impetus humorum major in primas vias versus; aliarum excretionum, maxime cutaneae, suppressio; absorptionis impedimenta ob vasa aphthis, pustulis, fordibus, spasmus, oclusa, aut mesenterii obstructiones; bilis acrior, atra bilis, serum hydropticum, materies febrilis, inflammatoria, purulenta, ichorosa, putrida, cancrosa, catarrhalis, contagiosa, scorbutica, arthritica, undecunque huc delata; nervosi generis commotio ab animi pathemate, frigore suscepto, dentitione, puerperio, affectibus hystericeis, dolorosis, convulsivis, etc.

802. Dysenteria, intestinorum difficultas, diarrhoea dicitur vehementi dolore, *tenesmo* ac torminibus molesta. Dejiciuntur liquida, acria, putrida, foetida, sanguis, pus, sanies, bilis, serum, mucus, atra bilis, modo cum stercore liquato, interdum et cum carunculis, membranis, etc. Subest igitur aut prius ex suis causis nata, aut acritudine permeantis materiae post inducta, intestinorum inflammatio, excoriatio, exulceratio. Fontem vero acrium haud minus multiplicem esse, quam valde diversam naturam, ex (801.) facile innotescit. 803.

803. Tenesmus, qui frequens est et implacabilis desidendi cupiditas, nixu majore, quam qui materiae excernendae molli respondeat, a liquidis puris, saniei, bilis, stercoreis etc. exprimens, dysenteriam saepe comitatur. Fit autem, cum ima intestini recti sedes, cui sensum urgentis fecis natura indidit, immodice irritatur. Unde acria quaevis, abstergentia, rodentia, tum quae duritiae suae defricant, aut acumine laedunt, aliena quaeque, ossa, calculi, vermes, undecunque huc devecta, in culpa esse possunt: maxime tamen affectae partis ex inflammatione, excoriatione, erysipelate, ulcere, fistula, vulnere, haemorrhoidibus, nimia sensibilitas, quae si prioribus accedit, tormentum quoque intenditur. Quin et consensione id malum supervenit variis vesicae urinae, urethrae, perinaei, intestinorum, uteri, vaginae, vitii ac nervosi systematis turbis.

804. Lienteria, levitas intestinorum, adest, cum ingesta tam celeriter per primas vias ad anum delata foras ejiciuntur, ut nec coctionem, nec corruptionem, expectent. Causas habet ventriculi et intestinorum inertiam ad conquendum, cum nimia irritabilitate (190.) conjunctam,

ctam, pylori laxitatem, impeditam vasculorum absorbentium actionem (801.). Refectionis autem inopia aegrum aut trahit, aut praecipitat.

805. Fluor coeliacus, chylosus, levior lienteriae (804.) species, succum alimenti utilem, utcumque coctum, una cum fece, ano exturbat. Integris igitur ventriculi viribus, in solis intestinis vitium subest, quo et celerius, quam par est, contenta deorsum propellant, et materiem chylosam sugere nequeant, labe vel ad oscula vasorum absorbentium, vel altius, haerente (801.). *Ex aliorum sententia, eaque credibiliore, coeliacus fluxus cachexiae speciem repraesentat, in qua cum corporis extenuatione humores diversae indolis demittuntur, non chylosi. Ciborum enim fastidium, chylusque tantae et tam copiosae excretioni non sufficiens, illaesa post mortem vasa chylum resorbentia reperia, caet. origines morbi a veteribus stabilitas veriores evincunt. Errorem albus excretorum color induxit, huic tamen morbo non constans, nec a chylo, sed a bilis vitiata actione, ut in ictero, caet. pendens*).*

806.

*) Conf. RVD. AVG. VOGELII *diff. fluxus, caeliaci* genuina notio atque ratio exposita. Götting. 1768.

806. Cholera est tumultuosa primarum viarum agitatio, qua, quidquid continent, sursum deorsumque violenter eicitur. Malum stomachi atque intestinorum commune, ex vomitu ac diarrhoea compositum, similibus etiam motibus spasmodicis (797. 801.) debetur. Hos vero cient innumera: cibi potusque copia, acritate, flatulentia, fermentatione, pinguitudine, corruptione, refrigeratione, gravantes, stimulant; hinc sapurra acida, putrida, rancida, biliosa, verminosa, diaetae erroribus contracta; medicamenta drastica, emetica, purgantia, mercurialia; venena; bilis exundans; atra bilis turgens; materies rheumatica, arthritica, febrilis, scorbutica, sudoris, perspirationis, menstruorum suppressorum, exanthematum repulso- rum, huc conversa; turbae ab aestu subitisve aëris mutationibus, animi motibus, graviditate, dentitione, dolore, malo hysterico, hypochondriaco, concitatae.

807. Cholera, diarrhoea, dysenteria, quas siccas vocant; quia flatulentum potius, quam humidum est, quod excernitur; ex dictis (798.) intelliguntur.

808. Contingit etiam aegris insciis aut invitis stercus elabi: quae alvi incontinentia est, morbisque deliriosis, spasmodicis, paralyticis, aut singularibus sphincteris ani vitiis supervenit.

809. Quando autem vex alvina de urethra, perinaeo, vulva, aut sede quavis alia ventris pelvisve, praeter anum, excernitur, id fit vulnere, ulcere, fistula, vel prava conformatione, quae contentis intestinorum alienam viam pandant.

Vitia Mitionis.

810. LOTII, quod intra vesicam est, excretio supprimitur multiplici vesicae, aut urethrae, affectione, quae aut vim expellentem tollat, aut impedito meatu effluxioni obstet. Hujusmodi sunt innumera: vesicae, colli vesicae, inflammatio; hujus spasmus; fibrarum illius muscularium ad contractionem efficacem impotentia ob immodicam a lotio retento distensionem, *ερεσμοα* (203. I.), herniam (238.), rupturam, vulnus, gangraenam, nervorum ex medullae spinalis laesionibus resolutionem, membranas ulcere pustulis, tuberculis, crusta calculosa, callo, fungo, aliove tumore obfessas;

feffas; meatus urinarii inflammatio, spasmodica constrictio, obstructio a calculo, pituita, grumo, pure, verme, etc. (209.1.), obstipatio a callo, cicatrice, fungo, tuberculo, tumore glandularum mucipararum, carunculae feminalis, varicibus, pustulis, etc. (209.2.), collapsus (ibid. 4.), coalitus (ibid. 6.), distorsio. Saepe tamen origo mali vicinis modo partibus debetur: uti cum rectum intestinum dura fece, flatu, tumore haemorrhoidum, inflammatione, abscessu turget; uterus foetu, sanguine, fero, aëre, distenditur, aut scirrho, cancro, osteogenia, prolapsu, laborat; aut in vulva, perinaeo, prostata, vesiculis feminalibus, musculis vicinis, cole, hujusve praeputio, ejusmodi vitia insunt, quae collum vesicae vel urethram comprimere queant. Atque haec *ισχυρία* est, quam hodie veram vocant.

811. Est et alia, notha dicta, in qua lotium excerni nequit, quia nihil ejus intra vesicam confluit, vitio renum aut ureterum, quod vel secretionem lotii suspendit, vel, ne ad vesicam perveniat, impedit. Igitur sanguis copia, spissitudine glutinosa, phlogistica, atrabilaria, peccans, vasa sua distendens, obstruens,

vicina comprimens, aut vasis elapsus, in thrombum coactus, inflammatio, abscessus, scirrhus, tabes, spasmus ab acri huc delato, aut aliunde per consensum natus, obstructio a mucositate, pure, sabulo, calculo, verme, torpor a contusione, distractione, gangraena, nervorum resolutione, compressio a variis partium adjacentium vitiis, in culpa esse solent; modo labes eadem, aut diversa, in utrumque renem, vel ureterem, una inciderit. Facit autem proximus istarum partium nexus, ac mutua actionum, quas exercent, conspiratio, ut altera alteram facile in mali communionem pertrahat.

812. Cum moleste redditur urina, nec sine magno conatu, aut et cum dolore, haec urinae difficultas, *δυσουρία*, dicitur, quae uti gradus quidam est ad ischuriam (810.), ita ex similibus vitiis, at levioribus, ortum habet. Si dolor abest, causa mali debetur aut spissitudini materiae, quae expellitur, mucosae, purulentae, cruentae; aut undecunque natae meatus angustiae; aut flaccidae rigidaeve virium expellentium inertiae. Sin et una dolet mictio, acre subest lotium, acribusve alienis, vel asperis, mixtum, aut partium
ex

ex mucī defectu, inflammatione, ulcere, nimia sensilitas.

813. *Στραγγελα*, tenesmo (802.) similis, est assidua ad mejendum proritatio et conatus, quo tamen parum modo lotii, et guttatim, plerumque cum ardoris sensu, exprimitur. Causae ex (803. 812.) intelliguntur. Primariae sunt acrimonia urinae multiplex ex cibo, potu, medicamentis, venenis, materie febrili, catarrhosa, arthritica, scorbutica, purulenta, ichorosa, aliave morbosa, in vesicam undecunque deposita; calculus atterens; mucī defectus, aut acritudo; vesicae, urethrae, inflammatio, excoriatio, ulcus, spasmus; consensio denique cum intestino recto, ano, perinaeo, utero, vagina, etc. diversimode affectis.

814. Urinae incontinens dicitur, cui lotium in vesicae cavo non moratur, sed sensim sine sensu et nixu, sponte, jugi stillicidio, de urethra elabitur. Spurcum symptoma ponit facultatem, qua retinetur urina, plane abolitam, atque adeo impotentiam fibrarum, quibus ostium vesicae comprimitur. Hanc inducunt paralyxis, vulnus, contusio, dilatio, ulcus, gangraena, calculus, vis in partu illata.

815. Altera hujus vitii species est, cum sciendi quidem, at invito, lotium expellitur, nec pro necessitate retineri, cum urget, potest. Oritur ex urina copiosiore, valde aquosa, aut praeter modum acri; vesica ob inflammationem, herpetem, ulcus, excoriationem, muci defectum, sensiliore, spasmo contracta, rigente, propter impedimenta externa non dilatabili, aut compressa; ostii vesicae relaxatione (814.); accedente nixa diaphragmatis et musculorum abdominalium in vomitu, tussi, risu, partu, alvi egestionem, tenesmo. Nec obscura ratio, cur sexui sequiori, pueris, senibus, crebrius accidat. Intelligitur etiam involuntarium illud stillicidium, quod a mictione superest, lotiique reliquias tardius excernit, senio familiare, resolutis, aut infirmatis, musculis acceleratoribus deberi.

816. Immodici urinae profluvii, quod *Διαβήτης* vocatur, plures numerantur species, aliae quidem aliis rariores, atque ob id haud aequae certo ab omnibus agnitae. Etenim vel tenuis, aquea, urina supra potionum modum mingitur; vel quod profuse excernitur, crassius est, turbidum, albidum, veluti chylosum;
alias

alias et sapore, odore, colore, melleo: quin perhibent, interdum, more lienteriae (804.), potum, prae siti, avide magnaue copia haustum, celerrimo per corpus, tanquam per siphonem, transitu, crudum, qualis sumptus est, ad vesicam deferri expellique. Inde distinctio in verum et spurium diabetem, inque varios gradus. Origo quoque multum diversa. Aquosa humorum tenuitas (287. 354. 359.); spissitudo inflammatoria, atrabilaria (282. 284. 355. 361. 367.), mixtionem stabilem cum aquosis aegre admittens; crassamenti cum portione aquea justo laxior cohaesio (319.); acrimonia attenuans, dissolvens, colliquefaciens (288. ad 317.), multiplex; aquosa forte bilis inundatio (372.). mixtionisque hinc ac virtutis saponaceae destructio; pinguedinis et gelatina nutritis (376. 379.) in laticem aquosum degeneratio; magna laxitas vasculorum renalium; impetus humorum versus renes vehementior ob abusum diureticorum, veneris, suppressam excretionem cutaneam, habitum corporis externum strictiorem, obstructions aliorum viscerum, aut irritationem quamcunque attrahentem, praecipue huc faciunt. An

etiam humor ex atmosphaera attractus stpendae urinarum copiae materiem quandoque suppeditat?

Vitia Excretionis Cutaneae.

817. SVDORIS magna profusio, quam nec intensior corporis exercitatio, aut animi motus, nec calor externus, aut quae ingesta sunt vel foris admota, creant, causas agnoscit spiraculorum cutis laxitatem, circuitum sanguinis acceleratum, auctum versus superficiem impetum, aquosae materiae in humoribus abundantiam (287. 354. 359.), aut nimis facilem a crassamento secessionem (318. 319.). Unde patet, quibusnam morbis, et quam diverso omine, supervenire soleat.

818. Singularium quoque sudorum, qui de aliqua modo parto corporis prodeunt, tum et calidi, frigidi, tenuis, viscidum, diversimodo colorati, sanguinei, foetidi, etc. ratio ex (817. 657. 658. 659. 401.) aliisque locis haud difficulter eruitur.

Symptomata functionum Sexus.

819. NATURA, quae singulis hominibus suam in conservanda vita et sanitate operam praestat, erga humanum genus quoque benefica, in propagationem speciei haud minore cura incumbit. Inde condita sexus diversitas, partiumque, quae ad hunc pertinent, ac functionum, quibus suo quaelibet modo ad procudendam prolem concurrunt. Videri quidem possit, facultatem istam a ceteris ita sejunctam esse, ut vix in morbis considerari mereatur, quando nec vigor ejus in omnem aetatem cadit, nec languor adeo constanter reliquam oeconomiam turbat. At dantur tamen in hoc etiam systemate vitia, quae aut in semet ipsis, ob actionis, quam laedunt, dignitatem, momentosa censentur, aut quia aliorum morborum consecutiones sunt, noxasve aliis quoque functionibus inferunt, nequaquam praetermitti debent.

Sexus Virilis Actiones Laesae.

820. CUM vir ad arrigendum languidus aut impotens est, id fit vel facultatis, qua nervus intenditur, torpore, vel
femi

feminis, quod pro stimulo est, inopia. vappidave inertia. Utrumque vitium aut proprium modo est genitalibus, aut his aliunde per consensionem infertur, plurimisque et diversissimis nascitur causis, quae facile ex (196. 198. 752. ad 755.) eruuntur, additis praesertim, quae huc etiam facere queunt, tum instrumentariis, tum humorum, affectionibus ante expositis. Quum vero et imaginatio, et animi perturbationes, tantum hic valeant, nec quivis virium gradus ad hanc actionem sufficiat (819.); mirum non est, id symptoma permultis sese morbis adungere.

821. Incidit et coles in oppositum violentae tentiginis affectum, qui ubi citra veneris appetentiam est, priapismus dicitur; satyriasis, si cum inexplibili salacitate: huic voluptas, illi dolor comes. Spasmi (743. 747.) annumerandum vitium, ut hi, aut idiopathicum est, aut sympathicum, causisque similibus (744.) nascitur. Praecipue sunt liquoris seminalis abundantia, acritudo, virulentia; genitalium inflammatio, exulceratio, irritatio a vicinis partibus, maxime vesica urinaria, ac intestino recto, inflammatis, distentis, rosis, calculo, attritis, acri trans-

transeunte stimulis; dolor podagrae, lumbaginis; morbi convulsivi; deliria lasciva.

822. Impotentia ad semen ejaculandum debetur aut hujus defectui, aut impedimento meatuum, aut virtutis motricis impeccitati. Fit igitur multiplici vitio organico testium, epididymidum, vasorum spermaticorum, deferentium, vesicularum seminalium, prostatae, urethrae, penis, scroti, inguinum: hisve integris, nervus languidior (820.), aut paralyxis musculorum acceleratorum, cremasterum, sphincteris ani, ceterorumque, qui huc forte faciunt, in culpa esse potest. An et abundantia feminis lautiore vitae genere inducta nonnunquam incusanda? Videtur.

823. Incontinentia feminis laborant, quibus ad primam surgentis membri rigiditatem, aut per nocturnas ex imaginibus pollutiones, ejicitur, aut citra voluptatem effluit continuo stillicidio, miti, acri, virulento, in gonorrhoeis. Semen copiosum, turgescens, tenuius, acre; genitalium major irritabilitas, nimiaque ductuum laxitas, immoderatae veneris, praecipue juvenilis, inprimisque masturbationis, consecutiones (562.); abstinentia

nentia nimia (563.); abusus aphrodisiacorum, diureticorum; virus venereum, id mali inducere solent.

Sexus Foeminei Symptomata.

824. MENSTRVA sanguinis per uterum evacuatio uti sexui sequiori, certa aetate, secundum naturam accidit, ita cum non satis mature provenit, aut citra graviditatem vel lactationem, ante tempus, suppressitur, id praeter naturam est, ac multimodis saepe nocet (565.). Consequitur autem sanguinis ex praegressis evacuationibus, inedia, morbis gravioribus, inopiam, crassitudinem, inertiam aquosam, impuritatem scorbuticam, cachecticam, quin et plethoram; solidae compagis debilitatem aut rigiditatem nimiam; circuitum languidiorem, intensiorem, aut aliorum male directum; vasorum viscerumque abdominalium ex cacochylia, cacochymia, infarctum; vasorum uterinorum torporem, obstructionem, rigiditatem, coalitum, constrictionem a spasmis, frigore suscepto, adstringentium abusu, compressionem ab externis, internis; impedimenta denique effluxionis multifaria ab ore uteri, vaginae

nae meatu introituve, constrictis, obstipatis, compressis, coalitis, imperforatis. Imminutio aut tardatio mensium haud ab similes causas agnoscit.

825. Immoderata contra profusio, suis quoque noxis haud raro in junioribus, vetulis, nuptis, innuptis, infesta, variis debetur cum sanguinis, tum canalium uterinorum, vitiis: uti sunt sanguinis abundantia, orgasmus, tenuitas, acritudo, motus incitator, ad genitalia maxime directus, reditus per venas ob spasmos, obstructions, constrictiones, impeditior, vasorum debilitas, irritatio, erosio; ruptio ex fotu suppedaneorum, veneris abusu, crebra praegnatione, abortu, partu laborioso, contusione, ulcere, heterogeneis utero contentis, stimulis externis, etc. nata. Inde et quae haemorrhagiam uterinam pariunt, intelligere licet.

826. Quae suppressa menstrua quandoque consequi, horumque vicaria esse solet, errans sanguinis per aliena loca evacuatio (401.) ex perversa motus humorum directione ac incongrua resistantiarum ratione nascitur, collatisque adeo (203. 2. 411. 824.) facile explicatur.

827. Mensium decoloratio, leucorrhoea, fluor albus, gonorrhoea in foeminis, vel cacochymiam consequuntur universalem, vel affectiones topicas genitalium, feri in his colluviem, contextum flaccidum, vasa debilia, inertia, mensium vitia, acre catarrhosum, scorbuticum, purulentum, saniosum, virulentum, aliunde advectum, aut hic natum, veneris abusum, salacitatem cohibitam, irritamenta quaevis interna, externa, quae affluxum ad has partes intendunt, aut et impedimenta, quae refluxui obstant.

828. Sterilitatem morbosam haec inferre apta: pudendorum, vulvae, vaginae, uteri, morbi angustiae et vitia organica, ob quae vir admitti nequit: uteri, tubarum, ovarii, ovulorum, compressio, obstructio, concretio, hydrops, ulcus, scirrhus, marcor, exsiccatio, induratio, relaxatio, inviscatio, conformatio perversa, defectus, et similia, quibus fit, ut semen masculinum rite recipi, subire, retineri, quo decet, permeare, suamque vim exserere, aut foemina, quod suum est, conferre haud possit: inde et menstruorum vitiositates fluoresque incruenti (824. ad 827.), venus immode-

moderate, intemperies frigidior, torpor (196.), irritabilitas enormis (190.), caco-chymia aquosa, glutinosa, acida (283. 287. 307.), cachexia, obesitas (394.), humorum inopia (393.), firmior corporis constitutio in viraginibus, et multa alia huc faciunt.

829. Praegnans occasione multifaria abortum patitur; uti quamplurima sunt, sine quibus foetus ad maturitatem usque utero geri nequit. Horum inter praecipua merito habetur legitimum foetus cum materno utero per placentam commercium; ut quo sublato natura plerumque, ocyus, serius, sarcinam ad frugem haud perventuram elidit. Quaecunque igitur sive matris, sive foetus, vitia placentam ante tempus ab utero separant, inter causas abortionis numerare licet. In matre quidem eo confert plethora; impetuosior humorum ad uterum affluentia; congestio immodica, aut et deficiens commeatus, nutrimentique ob inediam, evacuationes, motumve alio directum, detractio; caco-chymia; turbae ingentes nervosi generis ex animi pathematis, leipothymia, spasmis, febribus, morbis gravioribus; vehemens corporis concussio, maxime ad uterum determi-

G g

nata,

nata, in saltatione, cursu, exercitatione, vectione, lapsu, tussi, vomitu, risu, ster-
nutatione, singultu, vociferatione, coitu
immoderato, petulantiore, etc.; nixus
violenti in elevatione ponderis, exten-
sione artuum, excretionem alvi, urinae,
tenesmo; uteri compressio a constricto
ventre, vicinisve partibus male affectis,
contusio, vulnus, inflammatio, erysi-
pelas, convulsio, laxitas, angustia rigida,
humiditas mucosa, contenta heteroge-
nea, morbi alii. Foetus in culpa esse
potest, cum justo grandior fuerit, aut
numerosior, hydrope tumens, motu vio-
lento molestus, male situs, morbo in-
quietus aut languens, mortuus, ejusve
placenta marcore, obstructione, degene-
ratione in hydatides etc. affecta. Debi-
libus vero, irritabilibus, partum diffi-
cilem, saepius praesertim abortum passis,
malum familiare. Partus praecocis, quo
foetus quidem vitalis, sed ante consue-
tum tempus, excluditur, causae hinc in-
telliguntur.

830. Praegnatio ultra naturae mo-
dum protracta, si reapse obtinet, graci-
lem, impecillum, extenuatum foetum,
uterumve torpidiorem, videtur ponere:
perpetua autem visa foetu a morte are-
facto,

facto, indurato, crusta, gypsea obducto.

831. Quae partum laboriosum, δυσκολον, inferunt, vitia innumera aut ad parturientem pertinent, aut ad foetum hujusve secundinas. Priorum praecipua sunt, cum praegnans justo junior, annosior, primipara, delicatior, debilior, animo fracta, impatiens, irritabilitate aut torpore laborans, obesior, plethorica, humoribus exhausta, vitio organico, aut quovis alio morbo, affecta, conamina ad partum nulla, spuria, languidiora, nimis violenta experitur: uteri dein affectiones variae ex debilitate, contractione spasmodica, compressione a vicinis partibus illata, ruptione, situ obliquo, hysterocoele (238.), orificio angustiore, indurato, calloso, contracto, distorto, tumore occluso, compresso, nimis sensili: vaginae quoque angustia, obturatio, concretio, excoariatio, siccitas et similia, quae viam transitus impediunt: pelvis denique arctior, male conformata. Foetus in causa est, si habitior fuerit, ventricosus, capite enormi, humerosus, deformis, languens, motuus, situ perverso, extrauterinus. Alias placenta incongruae uteri sedi adhaerens, aut foe-

tum praevertens, praematura aquae puerperii ex ruptis secundis effusio, umbilicus propendens, aut foetum implicans, etc. obstaculo esse possunt. Nec infrequens est, cujusvis generis plura concurrere, tantoque magis difficultatem pariendo ex eo augeri.

832. Lochia puerperae immoderata, decoloria, parcius fluentia, aut plane suppressa, quas causas habeant, ex illis, quae de catameniis vitiatis diximus (824. ad 827.), innotescit.

833. Cum lac deficit, aut mammae suctionem non admittunt, foemina ad lactandum impotens redditur. Humoris sani inopia ex inedia, vitiata concoctione, evacuatione quavis immodica, vires à morbo graviore, acuto, chronico, exhaustae, uterus gravidus succum alibilem ad se trahens, mammarum inflammatio, obstructio, scirrhus, cancer, exulceratio, macor, rigiditas, defectus, aut materiae subtractione aut vitio organorum, lactis secretioni officiunt. Suctioni autem obstant ductuum galactophororum a lacte in grumos spissato obstructio, coalitus, papillae deficientes, nimis subsiduae, aut ob fissuras, vulnera, rhagades inflammationem, ulcuscula, justo teneriores; quin et universi corporis major sensibilitas.

De ordinandis morborum differentiis.

834. ATQVE haec haëtenus de singulis symptomatibus. Quae si quis recte animo comprehensa, pro multifaria concursione ac successione, quam alia atque alia inter sese admittunt, et pro partium, in quas incidere queunt, diversitate, diligenter perpenderit, ei quam plurimae occurrere debent formae, differentes, plus minus compositae, quae totidem distinctos morbos exprimunt.

835. Habet nimirum sua morbus quilibet symptomata, sibi propria, necessaria (87. 112.), semper eadem, quae et praesentem declarant, et cum ex natura ejus profluant, inque diversis ideo diversa sint, ab omni alio distinguunt. Neque profecto existimandum est, illud, quo homines ab hominibus in statu sano discrepant, morborum naturas pervertere, aut turbas, quae in morbosis affectionibus se produnt, mutuam causarum effectuumque relationem posse abolere.

836. Tametsi igitur natura morbi forte lateat, aut variantes inter Medicorum opiniones ambigua sit (416.); ex syndrome tamen symptomatum, quibus stipatur, haud minus certo eundem internoscere, suumque ad titulum referre licet:

nec enim post cognitās demum naturas denominati plerique morbi sunt, sed post imposita nomina quaesitae, naturae.

837. Atqui symptomata partem morboſi ſtatus evidentiffimam efficiunt (88.). Prae ceteris ergo rebus, quae ad morbum pertinent, aptiſſima merito conſentur, ex quibus characteres *pathologici* ſtabiles, iidemque manifeſti, differentium quorumvis morborum conſtitui queant (417.): dummodo diligenti obſervatione, acriſſime iudicio, quae neceſſaria ſunt, ſive temporaria (112. ad 117.), exquisitè colligantur, ab adventitiis, non neceſſariis (114.) accurate ſegregentur, et quo ſeſe offerunt, modo, concurſu, ordine, ſede conſiderate digerantur.

838. Quum vero et diverſa morborum genera (837.) haud ita prorsus inter ſe diſcrepent, ut non et mutua detur aliorum cum aliis affinitas; licebit ideo ex illis etiam, quae multis generibus communia ſunt, pari ratione (837.), per characteres rite limitatos, ſumma condere genera, ſeu claſſes numero pauciores, ad quas, utiliſſimo compendio, affinia quaeque genera referantur.

839. Quin et ulteriori in ſpecies diſtributioni hic locus erit; ſicubi, quod in quovis genere (837.) diverſum eſſe ſolet,

ratio-

ratione partium, in quas incidere potest, aut potentiarum evidentium, unde nascitur, (*quae distributio priori (837.) subjuncta, ad curationem plurimum confert*) vel et symptomatum accessoriorum, aliarumve conditionum, seorsim spectetur.

840. Ex quibus (834. ad 839.) apparet non esse, cur desperent Medici, fore aliquando, ut ingens morborum humanorum numerus, exemplo ab Historiae Naturalis scriptoribus petito, in ordinem systematicum redigatur, qui ab omni hypothesis sectarumque commentis liber sola nixus fideli observatione, classes, genera, species exhibeat, suis singula caracteribus, ceteris, manifestis, plenis, intermixta. Specimina jam nunc a Recentioribus edita potius in spem erigunt, tentaminibus multiplicatis haud defuturos successus, remque tanti momenti, ac Bonis ideo omnibus exoptatissimam, sic tandem feliciter perfectum, iri ut non in nominibus duntaxat morborum invenientis *et in speciebus multiplicandis* sese utilem praestet, sed praecipue facilem ad eruen- das curationes viam expediat.

Differentiae morborum accidentales.

841. NUNC tandem de morborum differentiis, quas vocant accidentales (121.

418.), dicendi tempus locusque est. Possint hae quidem parum fortassis momentosae videri, ut quae ad naturas morborum non pertineant: at eximiae tamen in praxi utilitatis esse, ipsa earum pertractatio docebit. Nec certe in systemate condendo (840.) praeteriri quoque debent. Praecipuas igitur in capita quaedam distributas exponemus, missis, quae subtilitate magis, quam usu, sese commendant.

Differentiae Morborum ab Origine.

842. Pro diversitate originis morbi dividuntur in haereditarios, congenitos et acquisitos vel adventitios.

843. Haereditarius dicitur, qui a parentibus simili morbo, hujusve seminio, affectis, geniturae vitio in sobolem propagatur, gentilitia labe per plurimas quandoque generationes ad feros usque nepotes transeunte, Paternus ille aut maternus est, multiplex, alias mox a nativitate manifestus, alias postea, serius, ocys, statò saepe vitae tempore, prorumpens. In tanta autem modi, quo gignimur, ignorance, vix satis tutum fuerit; de ratione huius traducis aliquid asseveranter statuere, nedum communem perpetuamque ejus sedem aut in firmis partibus tantum, aut in humoribus, aut in

in viribus motricibus, ponere; quando vel similitudo innocens, quam liberi cum parentibus habent, incomprehensibilis est.

844. Quum foetui morbus in utero adhaescitur, qui nec manifestus, nec in feminio latens, parentum alterutri, ante conceptionem, inhaeserat, neque adeo ab haereditate (843.) repeti queat, is congenitus vocatur. Ejus hinc differentia ab haereditario liquet. Praeter cetera, naevi materni potissimum, vitiositates organicae, monstra huc referuntur, quorum origo phantasiae matris (600.), injuriis foetui intra uterum illatis (599.) genitalis denique materiae labi primodiali (380) tribuitur.

845. Adventitiis morbis qui homini nato ex quibusvis potentiis accidunt, annumerandi, quos infans ex nutrice, cujus ubera fugit, contrahit, haereditariis con-natisque (843. 844.) simile quid habent, altiusque radicati monstrant, ista affectionum genera etiam per humorum vitia communicari posse (843.).

846. Memorabilis praecipue est distinctio inter morbos primarios, *πρωτοπαθήσεων*, et secundarios, *δευτεροπαθήσεων*, quae obtinet, cum morbus, ex sua causa natus, aut perdurans, aut desinens, alius generis morbum ex se producit. Se-

cundarius tamen cum symptomate non confundendus (97. 105. 109.); licet ceterum parem habet rationem, nec minus multiplices saepe, quam symptomata symptomatis (95. 96.), successiones. Inde ejusdem morbi, prout vel primario nascitur, vel ex diversis aliis, variae exsurgunt species, quas inter sese distinguere cum in praxi, tum in historia morborum condenda (839.) apprime necessarium est. Huc etiam pertinent, quae de morbo a causa externa, vel interna, producto (58.) perhibere Practici solent, et quae de seminis praeter naturam supra (617. ad 622.) proposuimus.

847. Pandemii porro dicuntur, qui ex communi causa oriundi per populum aliquem grassantur. Sunt autem vel endemii, singulari regioni addicti, vernaculi, plus minus perpetui; vel epidemii, *ἐπιχώραιοι*, qui, cum ex communi quidem, at inconsueta, causa profluant, non nisi ad tempus sese exserunt, *vel stationarii*. Constat igitur, istis generibus subesse vitia usu sunt, aëris potissimum, aquarum, victus, etc. manifesta, occulta, familiaria, insolita, inquilina, exotica; novos sic morbos inauditosque nonnunquam sese efferre, cognitorum alias mutari in-

geni-

genium moresque, nec tamen adeo indiscriminatim iis affici quoscunque, ut non quandoque in certae conditionis homines duntaxat saeviant. His oppositi morbi dispersi, quos sporadicos vocant, non ex communi quadam causa, sed ex uniuscujusque hominis proprio vitio et errore nati, diversorum generum sunt.

848. Quae diversis anni temporibus accidunt, aëris, cibi, potus, vitae generis, mutationes totidem quoque potentiae sunt, aliis aliisque morbis excludendis aptae. Horum inde divisio invernales aestivos, autumnales, hyemales; qui tamen et ipsi multum variant, ut suo quaevis tempori vicissitudo congrua aut incongrua fuerit. Epidemiorum (847.) praecipue notabilis est differentia, quae binis debetur anni periodis solstitialibus; cum hae inde a meta quaeque sua, hiberna aut aestiva, aliquousque provectae nocivas vires exserunt, sibi que proprias creant morborum populariter grassantium constitutiones, longe diversas saepe, quin et inter se pugnantes, suo singulas aequinoctio maxime vigentes. Unde in vernaes modo et autumnales recte distinguuntur.

849. Nec contemnenda est, quae a temperamentorum diversitate petitur, morborum differentia. Conducit certe pluri-

plurimum ad regundas singularium hominum sanitates. Et quanquam de sede ac ratione temperierum magna est inter auctores dissensio, non diffitentur tamen eas dari, et seminiorem vim habere (614. 615.), propriaque idcirco esse affectionum genera, in quae quis ob istam corporis sui conditionem magis propendeat (78.).

850. Huc quoque referuntur variorum vitae generum morbi, illi maxime, quos artificum vocant. Momentosa, nec pro dignitate adhuc evoluta, classis originem debet partim materiae, quam quis quotidie tractat, qua inquinatur, quave infectum aëra spirat, aut sibi perpetuo circumfusum habet; partim posituris, motibus, contentionibus, quibus in opere suo utitur. Hi fontes sunt, unde, quae ad hoc thema pertinent, depromere licet. Videantur (440. 441. 442. 486. 501. ad 531.).

851. Aetatum morbi audiunt, qui ex eo, quod cuique aetati proprium est, quoque alia ab alia differt, oriuntur. Hos igitur declarat series mutationum in partibus firmis, humoribus, viribusque motoricibus, quas duratio hominis inde ab ortu ad obitum usque ex naturae instituto subit (612.).

852. Ante nativitatem quidem morbi obtinent seminis ac foetus uterini, qui, hae-

haereditariis (843.) aut congenitis (844.), annumerandi, inde quoque intelliguntur.

853. Recens natus quum maximas subito mutationes a partu subeat, corpore prius perpetuo calore humido foto, molliſſimo, valde irritabili, organis atmosphaerae, respirationi, circuitui mutato, egestioni, nondum adſuetis, ſyſtemate pulmonali, primis viis, mucos, meconio, obſceſſis, ventre minus a foris ſulto, umbilico reſecto, multifariis patet affectionibus, a quibus paulo provectior deinceps fere immunis eſt.

854. Infantiae, ob corporis laxitatem ac teneritudinem (853.), ſceleti praeprimis et articulorum infirmitatem, primae digeſtionis instrumenta debiliora, voracitatem, uſitatum alimenti genus vitam otioſam, humorum abundantiam, dentitionem, ſui morbi naſcuntur. Inde et, qui pueritiam ad pubertatem uſque infeſtant, intelligere licet: debentur enim ex vario victu natis cruditatibus, caco-chyliae, vermibus, cacechymiae, ſuppreſſis excretionibus, calculo, ſenſilitati magnae, circuitui incitato, incremento ac evolutioni partium.

855. Iuvenes ex ſanguinis copia impetuque maiore, ac aucta quidem, nec ſatis tamen roborata corporis compage, quin

quin et ex maturescence genitalium organorum vigore, aegrotant.

856. Aetati constanti vis vitae valita solidorum robur, sanguis densus, polychymia, obesitas, morbos pariunt.

857. In corpore senili solida siccescunt, tubuli concallent, nervi marcent, vis vitae ac movendi sentiendique facultas elanguescit, circulatio torpet, calor natus defervet, excretiones tardescunt, humores mucosa, salina, terrea fece impuri, subtilioris materiae defectu vappidi, vitiantur. Ex his plurimorum malorum, quae senectutem comitantur, origo facile perspicitur.

858. Ceterum nec inutile est notasse, morbos, qui ex congestione humorum nascuntur, maximeque naturae molimina, quibus, quod superfluum noxiumve in humoribus succrevit, foras expellit, aut ex systemate circulationis ejectum in parte quadam singulari deponit, pro aetatum diversitate in diversas corporis regiones cum plurimum incidere; ut videas in junioribus partes superiores fere impeti in adultis, quae in thorace et proxime sub hoc sitae sunt, in senescentibus ima ventris viscera ac artus. Neque tamen adeo vel constans, vel benefica semper haec lex est, ut prudenti animae consilio po-

potius, quam conditionibus mere corporeis attribuenda videatur.

859. Cum sexus etiam ad feminia (613.) pertineat, pro hujus differentia morbi dividuntur in masculinos et feminos, hique porro in morbos virginum, gravidarum, parturientium, puerperarum, lactantium ac vetularum, pro varietate conditionum, quibus natura sexum sequiorem subjecit. Lucem his affundunt, quae supra (820. ad 833.) habentur.

860. Denique et huc referre licet morbos congruos et incongruos; legitimos et spurios; tum qui materiales dicuntur, aut sine materie.

Differentiae Morborum a Sede.

861. NATURA idem morbus, prout diversas partes obsidet, symptomatibus, duratione, eventu, discrepare potest; hinc et diagnosi, prognosi, methodo medendi. Quare Medici interest sedes morborum curatae distinguere; nec sua caret utilitate, quae ab hac conditione petitur, differentia.

862. Hujus classis sunt morbi externi, interni; fixi, qui in una sede morantur; vagi, qui ex parte in partem migrant; retrogradi, qui, cum aliquamdiu partes extremas obsederunt, his derelictis, introrsum recurrunt.

863. Prae ceteris tamen idiopathici et sympathici notandi veniunt. Prioris generis sunt, quorum causa in eadem parte residet, in qua symptomata sese manifestant. Posterioris, quum diversa est: causae ac symptomatum sedes, nec propria sed aliena labe, per consensionem, pars aut functio laborat. Sympathicae igitur affectiones, more symptomatum (86.), haud ultra vitium, unde pendent, perdurant, eoque differunt a morbis secundariis (846.), quorum naturam demum consequuntur, cum sympathia in idiopathyam transit.

864. Consensus iste quidem inter oeconomiae humanae systemata, functiones, partesque omnes universalis est; at propiorem tamen magisque peculiarem aliorum cum aliis insuper dari certa observationum fide constat; etsi rationem ejus legesque haud satis liquido perspiciamus. Credibile, non una modo, sed pluribus niti conditionibus, harumque principem in genere nervoso sitam esse; deinde in systemate circulationis; porro in continuitate membranarum; tum in vasorum communitate; forte et in fabricae aut humorum, quos partes secernunt, accipiuntve, similitudine. Quin et huc facere

cere potest vicinia partium, et collocatio declivior, aut ex diametro opposita, actionumve aliqua cognatio. Prout igitur plura aut pauciora horum una concurrunt, ita varii sympathiae gradus nasci videntur. Nec praetereunda vis vitalis (170.), quae cum et latissime per universum corpus diffusa sit, nec aequaliter tamen aut in singulis partibus, aut in quibusvis hominibus, vigeat (175. 176.), et amplissimo simul polleat consensu (178. 179.), quamplurimum sane hic valere debet. Elucescit inde, cur tam multifaria privatarum id genus consensionum differentia inter homines occurrat, alique prae aliis magis, neque omnes eodem modo, sympathice afficiantur.

865. Qui universum corpus obsident morbi, universales dicuntur; qui singularem modo partem, particulares. Illorum tamen duplex genus distingui potest; proprium nempe, cujus causa aut materies quoquoersus diffusa est; improprium vero, quod sede quidem privata continetur, at turbis suis totam oeconomiam infestat. Quod igitur in hoc genere universale dicitur, alias ad affectus sympathicos (863.), alias ad morbos secundarios (846.) referri debet. Est etiam,

ubi morbus universalis in particularem, aut hic in illum, omine vario, transit.

Differentiae Morborum a Cursu.

866. MORBUS quilibet, sua ex causa natus, determinatas quoque ab hac acquirit vires, quibus et agat, et in agendo perseverans cursum suum conficiat. Hunc igitur, pro differente morborum natura, et ipsum differre necesse est, nec duratione, celeritate, tenore, eundem singulis contingere. Ex quo differentiae perquam notabiles habentur.

867. Qui celeriter decurrunt, brevisque adeo durationis sunt, breves dicuntur, si mites una fuerint; sint vehementes et periculosi, acuti. Hi porro pro celeritatis gradu distinguuntur in acutissimos, qui ultra quatrimum non excurrunt; peracutos, qui septem diebus terminantur; acutos, qui tertia hebdomade? subacutos denique, aut acutos deciduos, qui ad XL. etiam dies sese extendunt. Forte his addere quoque licet acutos recidivos, qui sexagesimo demum die, aut et ferius, plane desinunt. Qui ultra hunc terminum protrahuntur, etiamsi ex acutis forte nati, longi vel chronici

nici audiunt. Et multa quidem sunt, quibus velocitas ista, discriminis plena, acutorum debetur: natura mali, sedes affecta, functionis laesae dignitas, sympathia, corporis intemperies, etc. maxime tamen turbae febriles in circuitu humorum. Unde, quos febris continua comitatur, morbi prae ceteris proprie huc referuntur.

868. Rursus morborum alii tenore jugi a prima invasione ad finem usque decurrunt, continuique ideo audiunt: aliorum mitior natura diviso impetu, per repetitos quidem infestat insultus, at mediis cessationibus interruptos; ut morbus ac sanitas veluti alternent. Hi intermittentes. Hos inter et illos ambigunt continui remittentes dicti, vel exacerbantes, qui continue quidem, sed per intervalla remissius, afficiunt.

869. Utriusque autem generis recursuum intervalla, multiplici varietate, alia aliis breviora aut longiora sunt. Ex quo novae iterum differentiae. Circuitus quoque ut regulares sunt, in tempora aequalia, vel inter sese analogia, partiti, aut irregulares, ordine incerto, morbi dicuntur periodici regulares, aut anomali; typici, aut erratici, vagi.

870. Inter periodicos (869.) febres quidem variaeque generis nervosi affectiones prae ceteris eminent. Quum igitur natura periodorum (70.) causam fere ponat non simplicem, sed ex pluribus conditionibus compositam (69.), quarum aliae perseverent, aliae temporariae adesse aut abesse possint; credibile omnino videtur, diathesin hic dari permanentem, quae feminii loco (75.) haberi queat, huiusque sedem esse in systemate nerveo; certe sensilitatis aut mobilitatis nimiae speciem argui posse, quae tamen sola aut nihil, aut mitius, agat; dari hinc etiam potentias nocentes (76.), quae illam quovis demum modo excitent; nec vero perpetue sint, sed paroxysmo ipso mitigentur, tollantur, postliminio reversurae. Nihilominus difficile fuerit, cum naturam feminii, ut in diversis id genus morbis variat, determinare, tum potentias nocivas omnes singulasque, et qua quaeque ratione oriantur ac concurrant, exponere. Quin et dubitare licet, an non feminium semet ipsum propria vi aliquando excitare possit, absque novae potentiae accessione, saltem absque manifestae; uaxime si quadam occasione semel motum conceperit, qui deinceps tantum modo

do

do iterandus fit? Complicatio autem plurium diversi generis periodorum, unusque generis in aliud transmutatio, quae toties observatur, istam materiem vel magis quoque involvit. Nec hypothesium, quae excogitatae sunt, ulla, adhuc satisfacit.

Differentiae Morborum a Gradu.

871. PLANTARVM animaliumque vitae aequiparanda morborum duratio suas, ut illa, aetates habet differentes, quos gradus vocare liceat. Etenim adoritur, crescit, perstat, decrescit, tandemque definit morbus; nec aequabili semper tenore, sed variato virium gradu per ista tempora procedit. Inde stadii morbofi divisio in principium, augmentum, statum, declinationem ac finem, quae quidem (non) adeo morbum a morbo, sed partes ejusdem morbi inter sese distinguunt.

872. Principium, pro morbi diversitate, brevius aut longius, neque hinc ad punctum temporis, quo quis aegrotare coepit, modo restringendum, inde a prima invasione usque ad notabile symptomatum incrementum aestimatur. Augmentum fit, cum morbus, numero ac

magnitudine symptomatum incremente, aggravat ac multiplicat. Status, ἀκμή, tempus morbi vehementissimum est, quo summam virium consecutus nec crescit porro, neque tamen et minuitur. In declinatione, detritis morbi viribus, impetu defervescente, symptomata, mitescunt, finisque instat.

873. Plerisque omnibus quidem morbis haec tempora (872.) competunt, modo cujusvis naturae consentanea, maxime tamen illis, qui solutione salutari defunguntur. Tum vel symmetria quaedam inter diversos gradus saepe animadvertitur praedictioni certae aptissima. Contra fatalis morborum exitus, crises, metastases, mutatio in aliud genus, complicatio variorum, recta aut perversa curatio, ordinem istum non raro abrumpunt, alienant, obscurant. Acuti ac breves (867.) prae chronicis, febriles prae ceteris, sua tempora manifestius distinguunt. Periodici (869.) autem et duo genera habent; universalialia, quae ad morbi curriculum pertinent; particularia, quae ad singulos paroxysmos.

Differentiae Morborum ab Indole.

874. MORBI indoles potissimum ex satellitio symptomatum, quibus stipatur, sese prodit. Inde magnus dicitur, qui multis magnisque symptomatibus oeconomiam turbat, sive una subsit periculum, sive absit: parvus contra ac levis, qui parum molestiae infert.

875. Benignus, etsi forsan magnus (874.), apta tamen medicatione tractabilis, nec funestis, nec insolitis symptomatibus terret.

876. Quae de morbis praedicatur malignitas; quanquam haud raro ignorantiae asylum, erroribusque Medentium operculum praestat; cum tamen reapse detur, omnino considerari debet. Proprio ea sensu morbum notat, qui insidiosè mitis, sub phaenomenis non ominosis, aggressus, ex improvise gravissimis symptomatibus naturae vires opprimit. Alias et talem, qui praeter morem suum inusitata symptomata turbasque vehementiores, quam quae naturae ejus convenire videantur, excitat. Denique et refractarii, qui expertorum quoque remediorum vires eludunt, ac cura-

tione vel magis exacerbantur, huc referri solent.

877. Cadit autem ista feritas (876.) in morbos quidem acutos potissimum; sed tamen ad chronicos quoque pertinet, ortumque debet potentiis virulentis (486.), miasmatis (469.), contagiis (498.), noxis epidemicis (847.), vitio humorum multiplici, irritabilitati (190.), torpori (196), plurium morborum confluxioni, pravo aegrorum regimini, aut perversae curationi. Unde liquet malignos quidem recte dividi in virulentos, pestilentes et contagiosos; sed divisione non completa: neque enim potentiae nocentes modo spectandae, sed semina quoque et accessoria.

878. Quum morbus, phaenomenis sibi consuetis stipatus, modo naturae suae conveniente, sua tempora (871.) percurrit, is regularis, exquisitus, dicitur: anomalus contra, qui symptomatibus insolitis, typoque ac decursu alienis, sese effert. Anomalia autem refractarium quid fere fovet, causasque cognoscit cum malignitate communes (876.), nec hujus ipsa plerumque expers est. Morborum, qui genuini, aut corrupti audiunt, eadem est ratio.

879. Hujus etiam loci censetur, quam recentiores haud temere superaddiderunt, morborum divisio in passivos et activos. Hi sunt, quorum partem, nec raro praecipuam, symptomata activa (101.) constituunt. In illis naturae isti motus absunt, vitali quippe principio languente, aut per potentias nocentes oppresso. Conf. (98. ad 105. 630. 633. ad 649.).

Differentiae Morborum ab Eventu.

880. INTEREST Medici praescire, an morbus sanari possit, nec ne; an in totum, an ex parte modo; an vi naturae, an artis auxiliis? Inde generalis morborum divisio in sanabiles et insanabiles, variosque utriusque classis gradus. Sunt, qui naturae et artis potestatem superant, absolute insanabiles; sunt, qui artis tantum, non naturae, aut hujus, non illius, sunt, qui sanationem quidem admittunt, nec tamen integram, sed parte quadam reliqua, aliove morbo substituto. Quandoquidem autem naturae virium modus in diversis hominibus variat, nec ad ultimos artis fines adhuc perventum est; liquet, multum hic ambiguitatis superesse, neque omnes et singulos morbos, qui ad

unamquamque classem pertineant, exquirite posse enumerari.

881. Qui morbus, postquam in speciem sanatus aliquamdiu emanfit, denuo adoritur, recidivus vocatur, cum periodico (869.) nequaquam confundendus. Ponit tamen et imperfectam sanationem, partemque adeo causae suae residuam (69.70.) qua quovis demum modo aucta vel resuscitata revertatur (870.). Inde materies morbi haud prorsus devicta vel expulsa, debilitas, irritabilitas, torpor, a priore morbo relicta, una cum evitacione potentiarum nocentium neglecta, recidivas parere solent.

882. Morbi salutare a ceteris benefica indole distinguuntur. Tametsi enim molestias inferunt, tantum tamen abest, ut vitae ac sanitati noceant, ut etiam profint, liberentque a gravioribus malis, corpusque sanius dimittant, quam aggressi sunt. Huc referenda melior pars morborum activorum (879.), in quibus natura medicatrices suas vires (633. et seq.) pro oeconomiae suae salute explicat intenditque. His quippe motus excitantur. inordinati quidem, ast illuc directi, ut, quae in corpore insunt quoquo modo noxia, corrigantur, assimilentur, expellan-

lantur, aut saltem a partibus nobilioribus avertantur. Major autem hujus classis morborum frequentia ut saluti generis humani magnopere prospicit, ita Medentibus haud parum commodi praestat.

883. His (882.) oppositi sunt detrimetosi, qui, vario nocumenti gradu vitae in fensi, alias cito vel tarde, certo tamen, absque ulla sanationis spe, perimunt, absolute lethales dicti; alias natura quidem sua lethales, at vero prompta rectaque curatione superabiles sunt; ancipites alii, non sine periculo, modo in sanitatem, modo in mortem, terminantur; aliorum accidentaria est lethalitas ad conditiones externas internasve singularium hominum magis adstricta; sunt denique, qui etsi vitam non adimunt, pedissequas tamen noxas post se trahunt sanitati inimicas, saepe immedicabiles. Liquet autem hujus distinctionis magnam esse cum in praedictionibus, tum in medicina forensi, utilitatem.

884. Generatim igitur morbi quidem, ratione eventus, quadrifariam modo inter sese differunt: sanescunt enim, aut occidunt; transeunt in alios morbos, aut immutati perdurant et ad mortem usque aliunde conscitam inhaerent. Verum tamen,

men, quod animadversione dignissimum, uniuscujusque horum exituum ratio modusque multiplex est.

885. Perseverantium sedes ac naturalis est, ut, quae ad vitam faciunt, functiones haud perturbent. Sunt autem vel infannabiles (880.), vel quos sanare nefas, quia salutare (882.). longave consuetudine familiares sunt, aut curatione irritati etiam exacerbantur.

886. Morborum, in alios morbos transeuntium, ingens et numerus et diversitas est. Duplex autem hic obtinet genus, alterum accessionis, alterum successionis, prout vel permanet prior morbus, vel desinit, quum alius nascitur. Utriusque species differentes ex (621. 628. 846. 863. 864.) intelligi queunt. Quin et liquet, in his non minus, quam in primariis morbis, differentes exitus (884.) locum habere.

887. Qui naturae viribus, artisve auxilio, fanescunt, morbi, vel correcto, quod subest, vitio, assimilata materie, motu in ordinem redacto, restituto circuitu, functionibus redintegratis, placide solvuntur; vel salutari nocentis materiae excretionem desinunt; vel mutata specie in
alium

aliū abeunt morbum (886.), mitiorem, qui suo dein modo ad sanitatem tendit.

888. Nec minus diversa sunt mortis genera, quam morbi lethales inferunt. Senectus, morbus naturalis, solidorum siccitate, rigiditate, feculenta humorum inertia, vi vitae fatifcente, mortem naturalem necessario inducit. Veri morbi alias tetra humorum corruptione, viscerum nobilium labe, prostrato nervorum vigore, respiratione impedita, oppressis exhaustisque viribus, circuitu sufflaminato, cito tardeve interimunt; alias immoderata atque incongrua evacuatione, atque adeo fluidi vitalis inopia, aut et prolapsu in morbum deterriorem (883.), vitam possumdant.

889. Prae ceteris autem sedulo animadverti merentur repentini ac perturbationis pleni morborum acutorum (867.) eventus, quae κρίσις, judicationes, a veteribus appellantur; quum salutem mortemve aegrotantis decernant, excretionem quadam, aut translatione materiae nocentis, post praegressas turbas, sese subito manifestante, quam insignis morbi in melius aut deterius mutatio proxime consequitur. Inde crises excretoriae, κατ' ἐκκρίσιν, translatoriae, κατὰ μεταστάσιν,

bonae, malae, perfectae, imperfectae, simplices, compositae, repetitae, perturbatio critica, materies critica, etc. praedicantur. Dierum quoque, in quos haec magis vel minus, diversoque successu, incidunt varia potestas distinguitur: unde alii critici primarii, alii indices, alii subincentes, alii vacui, dicuntur.

890. Quae (889.) si quis cogitet propria modo esse morbis activis (879.); ei apparere debet; aliquam hic dari similitudinem mutui inter naturam et materiem morbosam conflictus (51.99.), crisiue decerni, utra pugnantium pars victura aut succubitura sit. Si vero et addas, non nisi febribus, morbisve, quos febris comitatur (867.), haec evenire; credas profecto, intestinam tunc subesse humorum, aut in toto corpore, aut in singulari parte, commotionem, motu vitali ac calore auctis excitatam, quae conturbata ad tempus mixtione, vel in salutarem despumationem, vel in corruptionem perniciosam exeat.

891. Quocunque tamen modo ista fieri opineris; de re ipsa per fidelissimas cum veterum, tum recentiorum, observationes tam certo constat, ut nullus videatur dubitationi locus relinqui: quamquam

quam negari nequit, rariora hodie inter nos crīsum exempla proſtare: quod quidem caelo frigidiori ac intemperantiae in victu, non ſolum, ſed vel magis etiam anticipanti turbantive medendi rationi et nimis a plerisque Medicorum neglecto obſervantiae ſtudio tribuendum.

892. Utrum vero et diebus criticis (889.) tuta fides? An naturae judiciis debentur? An potius ſuperſtitionis Pythagoricae commentis? Iudex non eſto, niſi qui viderit, ſeriem criticorum dierum, a veteribus traditam, haud uſquequaque hebdomadi congruere; didicerit porro ex periodis (867. ad 870.) temporibusque (871. ad 873.) morborum, perperam hos pro convuſis inconditisque naturae male ſe tuentis et de ſtatu ſuo deſectae effectis haberi; ex phaenomenis autem vulnorum inflammationum, ſuppurationum, exanthematum, collatis ad ea, quae fermentatio, putrefactio, fructuum maturatio, incubatus, incrementa animalium, catameniorum periodi etc. exhibent, ſuccorum permutationes et commotiones ſuis ubique definiri gradibus ac ſtadiis; agnoverit denique, regulas generales exceptionibus non tolli, nec adeo ordinarias

rias naturae in sanis aegrisve leges fortuita quavis aberratione infirmari!

893. Dum igitur lis sub iudice est, jubet profecto rei dignitas veros quoscunque artis magistros, junctis viribus, eo conniti, ut, semotis tantisper rationum argutiis, exquisitarum observationum exemplorumque pondere solide tandem dirimatur. Fallor, ni sua constiterit HIPPOCRATI auctoritas, GALENO fides, NATURAE virtus et ordo.

F I N I S.



